



FRATRES MEI, TENEAMVS

AMPLECTAMVR MARIAE VESTIGIA

EAM, NEC DIMITTAMVS, DONEC BENE-



STIMVLI CALESTES

Auctore

R. P. Christoph. Wratislaw e Soc. Jesu.

A. 1655.

F.


H.

Facit.

DIXERIT NOBIS S. Bern. Apo. 12.

Cong. Evemet Canal, Mont. Arg. Ex legato. Rev. filius Adm. R. Dom. Joannes  
Christoph. Bodrecha S. J. V. D. Cano. (recolt) 1678





F. VII. 2.



# STIMVLI COELESTES

AD AMANDAM ET COLENDAM Cœli  
TERRÆQUE REGINAM  
MARIAM.

Confecti è Sanctorum Patrum Senten-  
tiji. Historijs, atque Elogijs, quæ per  
singula Sabbata, Lauretanis in Lita-  
niji eidem piè occinit

CHRISTIANVS ORBIS.

*Auctore*


R. P. CHRISTOPHORO WRATISLAW  
è SOC: IESV.

*Cum Privilegio Eminentiss. Principis Card. ab Harrach.*

PRAGÆ  
Typis Academicis.  
M DC. LV.



APPROBATIO  
R. P. PROVINCIA-  
LIS SOC: JESU.



Hunc Librum, cui titulus. STIMULI Cœlestes, ad amandam & colendam Cœli Terræque Reginam MARIAM, à R. P. Christophoro Wratisslaw Societatis nostræ Sacerdote conscriptum, atque à deputatis ad id Censoribus lectum & approbatum, Ego Andreas Schambogen Societatis JESU per Bohemiam Præpositus Provincialis, concessâ mihi potestate ab Admodum R. P. N. Goswino Nickel Societatis nostræ Præposito Generali, Typis mandari permitto. Pragæ. 9. Martij. Anno à Christo nato. M. DC. LV.

L.S.

Andreas Schambogen.




CONFIRMATIO  
REVERENDISSIMI  
DN. OFFICIALIS.

**L**IBER iste à suo Authore Adm: R.  
Patre Christophoro Wratislaw Soc:  
JESV Præsbytero intitulatus: Sti-  
muli Cœlestes ad amandam & colen-  
dam Cœli Terræque Reginam MA-  
RIAM, postquam ab Adm: Rev: Patre Andrea  
Schambogen ejusdem Societatis JESV per Boemiam  
Præposito Provinciali, prævijs censuris & exami-  
ne, in lucem prodire permissis, nil obstat, quominus  
quantocyùs ad Majorem Dei Opt: Max. Deiparæ  
MARIAE. Cœlitumq; honorem & gloriam Typis  
evulgari possit. Praga. 15. Martij. Anno  
1655.

Joannes Franciscus Rasche  
ab Aschenfeldt &c. Officialis.



# PROTESTATIO AUCTORIS.



Mice Lector. Sanctissimis  
Legibus ut paream, sanctè  
profiteor. Omnia quæ hoc  
Libro continentur, me intelligere jux-  
ta mentem VRBANI VIII. Summi Pon-  
tificis, expressam in Decretis datis. An-  
no 1625. 13. Martij. Anno 1631. 5. Junij.  
Anno 1634. 5. Julij. Tu interim Libro  
quem offero, continuo utere; habet il-  
le selectiores Sanctorum PP: sententias:  
habet historias, atq; revelationes, non-  
nisi ex probis Auctoribus decerptas: ha-  
bet deniq; ea, quæ Mariam spirant. Ma-  
riam loquuntur. Ipsam portum nostrū  
non dubitavit appellare S. Ephræm Sy-  
rus. Serm. in Laud. Tu ita ad hunc por-  
tum naviga, ut pervenias.



*ILLVSTRISSIMIS*

**COMITIBUS,**

**Dño. D. GEORGIO COMITI**

**Wratislaw de Mitrowicz. Domino in**

**Protivvin, Milenovvitz, Scotcitz, Glogoczin, &c.**

**Sacræ Cæsareæ Regiæq; Majestatis Consiliario, &**

**ad Supremum Iudicium Regni Bohemiæ Assessori.**

**Dño D.F. ADAMO WILHELMO**

**COMITI Wratislaw de Mitrowicz.**

**Sancti Ioannis Hierosol. Ord. Equiti. Commenda-**

**tario in Grebnig. Tinecz. Goldberg. Lamberg. &c.**

**Dño. D. WENCESLAO COMI-**

**TI Wratislaw de Mitrowicz. Dño in**

**Zalffy. Superiore Bukovvsko. Dirna. Ginetz. Me-**

**zny, &c. Sacræ Cæsareæ Majest. Consiliario. Actuali**

**Camerario. Ad Iudicia Aulæ & Camerae Assessori in Re-**

**gno Boëmiæ.**

**Dño. D. F. FRANCISCO COMI-**

**TI Wratislaw de Mitrowicz. Sancti**

**Ioannis Hierosol. Ord. Equiti. Commendatario**

**Meidelbergæ. Brunæ. Reichenbachij. &c.**

**D. D. FRATRIBVS.**



## S A L V T E M.



**N**ON diu mihi deliberandum.  
 erat Fratres Illustrissimi, quibus cœlestes  
 hos STIMVLOS offerrem. Vos omnium pri-  
 mi in animum incurristis. Vos tenuistis. Vos cœpi-  
 stis. Et quidni? si enim Andreas Apostolus, ut loquitur Divus Joannes.  
 Cap. 1. Invenit hic primum fratrem suum Simonem, & dicit ei, inve-  
 nimus Messiam, quod est interpretatum Christus, & adduxit eum ad  
 Jesum: cur & mihi non liceat, meliori tamen forte, non unum sed  
 quatuor adducere Fratres ad Mariam, hoc est, in obsequijs ejus glorio-  
 se currentes, amplius incitare, promovere, imò in Sponsam offerre il-  
 lam, quæ teste S. Bern. super Salve Reg: rapit corda hominum. Offe-  
 ro igitur Fratres Illustrissimi, offero HEROINAM vestro Sanguine di-  
 gnissimam: nam Hesychius Orat. 2. de Virgine, vocat Mariam, præcla-  
 rum naturæ nostræ ornamentum. De eâ S. Bernardin. Senenes. Serm.  
 de Assump. ait. Ipsa fuit honor humanæ conditionis. Offero HE-  
 ROINAM à virtutibus & gratijs celeberrimam. Famosa est Maria pro-  
 pter virtutes & exempla sua tam laudabilia. Famosissima propter gra-  
 tias & privilegia sua tam mirabilia, inquit Bonavent. C. 8. Specul. Of-  
 fero HEROINAM à divitijs & opibus instructissimam, siquidem S. Ber-  
 nard. Serm. 3. de Annuntiat: occultum thesaurum fuisse in Civitate  
 Nazareth immaculatam Mariam, affirmat, confirmatque. Magnus in-  
 quit. latet in hac parvâ Civitate thesaurus, latet inquam, sed homines  
 latet, non DEVM. Annon thesaurus Dei Maria? Offero HEROINAM  
 amabilissimam, in cujus elogium Hugo Serm. 46. Quæcumq; in Scri-  
 pturis, quæcumq; in Creaturis sunt amabilia, quæcumque suavia, quæ-  
 cumque dulcia, quæcumque pulchra, quæcumque redolentia, quæ-  
 cumque jucunda, quæcumque pretiosa, quæcumque sunt laudabilia,  
 Thomæ Cardinalis, & Episcop. Sabin. in Psal. B. Virgo fuit quasi Sphæra &  
 circulus Solis justitiæ & ideo fuit lux lucidissima & continua. Method.  
 in Hypapant. vocat B. V. fidelium facem. Bernardus super Salve: ra-  
 dium Deitatis appellat. Offero HEROINAM quatuor supra quadragin-  
 ta titulis velut pretiosis gemmis exornatam, stylo ex condito curren-  
 te, (quia



te, ( quia ut cum S. Hieronymo ad S. Damasum Papam scribente dicam. Mihi sufficit sic loqui ut intelligar ) sed non absque selectis Sanctorum Patrum sententijs. Pulchre S. Bernardinus Senens. tom. 3. serm. 1. de Nomine Virginis. Sicut DEVM ipsum inquit, non uno tantum nomine nominamus, sed multis, ut sic ejus incomprehensibilitatem enunciemus, sic & gloriosam Virginem multis nominibus designamus, ut sic ad sublimitatem ejus cognoscendam aliquantulum pertingamus. Ita ille. Hoc imitari conor in presenti, Comites Illustrissimi, ut quam in Sponsam offero, clarius agnoscatis, moxque in verba. Sap. 8: prorumpentes, dicatis simul, & singuli. Hanc amavi, & exquisivi eam mihi Sponsam sumere, & amator factus sum formæ illius. Offero HEROINAM, unde merito imposterum gloriari possitis. Venerabilis Philippus Abbas bonæ spei, D. Bernardo coætaneus in 3. Cap. Cantic. Quis Virgini laudes non deferat, quis non ejus dignam faciat mentionem, quæ coronavit non auro, non lapide, sed carne propriâ Salvatorem; quæ Regi contulit, unde velit, & valeat gloriari. Offero HEROINAM vestri commodi studiosissimam. S. Bernardin. Senens. serm. de Assump. Efficacia Virginalis patrocinijs insinuatur in elevatione nubis, de qua Num. 10. scriptum est. Elevata est nubes de tabernaculo fœderis. Aliquando præcedebat, aliquando sequebatur, aliquando superferebatur: ut mysticè patrocinia multiplicia B. Virginis erga populum electorum, & omniû Christianorum indicentur. Offero HEROINAM pacis domesticæ amantissimam, quam alloquens Ioannes Geometra in Græc. Hym. Salve ait, jus dirimens lites. Hæc pertinet illud Bernardi quod affert Bonav. c. 15. Specul. Tu mater Regis, tu mater exulis, tu mater DEI, & hominis cum sis mater, discordiam inter filios nequis sustinere. Offero HEROINAM erga subditos pientissimam. Bonav. c. 5. Spec. ait. Abyssus est Maria in bonitate & misericordia profundissima; unde profundissimam misericordiam Filij sui pro nobis interpellat, & quasi abyssus abyssum invocat. Offero HEROINAM à rei familiaris notitiâ commendatissimam, quam cum veteri Ruth. confert S. Bonav. c. 4. Spec. Ruth inquit, interpretatur videns, aut festinans, & signat B. Virginem, quæ verè videns in contemplatione, & verè festinans fuit in actione. Offero denique HEROINAM Deo ipsi acceptissimam, qui licet non sit acceptor personarum, tamen propter ipsam quæ eum glo-



rificavit, quodammodo accipit personas eorum, quorum causas Maria gerit, & apud DEVM commendat. Leo Imperat. hom. de Assump. Reveretur DEVS sanctissimam Arcam, benignumque se exhibet ijs, qui benignitate suâ sunt indigni, poenâque solvit, & iustitiæ lancem declinat, alioque vertit propter tuam dignitatem, quasi personarum acceptator factus, extensionem manuum tuarum reveritus, quæ tamquam vehiculum DEVM gestaverunt. O SPONSAM illustrissimam! O HEROINAM excellentissimam! de quâ merito dicere posset DEVS. quod Dux ille Sabaudus, qui ut refert Biverus in Privil. B. V. differ. 3 n. 31. Cum matrimonio esset iunctus cum Infantâ Catharinâ, tanti fecit Serenissimam, ut cum subditis, ac famulis beneficium aliquod conferret, omnibus & singulis diceret. Infanta facit vobis hanc gratiam. Sed placet audire quid de Cœlesti Infantâ Mariâ dicere audeat S. Bernard. Senens. in serm. fortè de Assump. Si mihi daretur, an vellem dona ab ipso fonte sic immediatè haurire, ut non per preces & manus Mariæ ad me descenderent, sed soli DEO debitor fierem, vel potius vellem ea dona per hunc cœlestem aquæductum recipere, & Virgini debere id quod gratia DEI essem, ego fateor genibus flexis instantissime à DEO peterem, ut per hoc cœleste collum Divinæ influentiæ ad me descenderent, ut per eam possim ascendere ad DEVM, per quam DEVS descendit ad me. Quis hinc non colligat Fratres Illustrissimi, quo in pretio, quo in honore sit habenda quam offero Sponsa; quibus obsequijs & basiis non colenda; si enim ortâ quæstione inter filios Tarquinij Romani Regis, quis illorum esset à Patre Regnum consecuturus, hæcque super re consultatum Delphicum Oraculum, respondit, ut inter alios refert Valer. Maxim. lib. 7. c. 3. Imperium summum Romæ habebit, qui vestrum primus ô juvenes, osculum Matris (terram intelligebat) tulerit; proh quale Imperium non referet ille, qui vel iconi Marianæ sacrum fixerit osculum! Quicumque, inquit S. Greg. Papa in epist. ad Germanum Episc. Constantinop: omnium Dominæ, castæque DEI Matris imaginem venerantur, his sine dubio magna retribuit, quandoquidè imaginis veneratio in prototypum redit. Verum quid præstantius Regulâ illâ Richardi à S. Laurentio Lib. de Laudib. Virg. Nota inquit, quod quidam habent Christum & Mariam in corde per dilectionem, alij in lingua per laudem, alij in codice per scripturam, alij in manu per operationem, sine quâ tria prædi-



prædicta non sufficiunt, quia probatio dilectionis exhibitio est operis. At ne procul abivisse videar, dicam breviter quod sentio. Hæc habui Comites Illustrissimi, quæ pro meo, fraternoque in vos affectu offerrem. Stimulos offero, sed Stimulos Marianos. Stimulos fateor, sed non pungentes nisi ad vitam æternam. Eos quidni placituros sperem, quia fraternâ manu elaborati, quia in Fratrum commoda; imò jam unumquemque vestrum audio mihi dicentem illud, quod S. Basilii Magnus Diodoro de quodam Libro ad se misso dixit. Eo sum moperè delectatus sum, non solum propter illius brevitatem, sed & propterea quod refertus sententiis, & præterea dictionis inaffectata & incomposita simplicitas, decora mihi videbatur, & conveniens perfectioni Christiani hominis, cujus est, non ad ostentationem magis scribere, quàm ad publicam utilitatem. Accipite igitur Fratres Illustrissimi quod in vestram utilitatem concinnavi. Accipite, & quo affectu Mariam Matrem Agonizantium, me Auctore olim recusam, postmodum errore alieno, quasi meam, denuò in lucem editam, excepistis, simili hoc Opus meum excipite. Loquitur illud Mariam, quam vos adeò amatis. Testes sunt Provinciæ perplures, in quibus Alba Mariana, vestrum conservant nomina. Loquitur illud Sabbathum, quod vos abstinentijs, jejnijs, eleemosinis, aliisque pijs operibus colitis. Loquitur illud illustria elogia, quæ in Litanijs Lauretanis, SYMMÆ REGINÆ toties decantat Christianus Orbis. Loquitur denique illud, vobisque prædicit fælicem mortem, simulque æternam vitam, si post IESUM, principe loco, ametis, colatisque MARIAM, cujus hæc sunt ad vos verba. Proverbiorum cap 8. Beatus qui vigilat ad fores meas quotidie, & observat ad postes ostij mei. Qui me invenerit, inveniet vitam, & hauriet salutem à Domino. Vos ad fores Mariæ, die noctuve vigilate, imò fores Mariæ, ipsamque Domum ei aliquando erigite, ut cum defeceritis in morte, illa vos recipiat in Tabernacula sua. Hoc opto. Hoc voveo. Valet & vivite fælices, charique semper MARIÆ. Pragæ. 2. Februarij. Anno Domini 1655.

ILLVstrissimarum DD. VV.

*Servus & Frater in Christo addictissimus.*

CHRISTOPHORVS WRATISLAW

Societ. I E S V.



MEMENTO VT DIEM SABBATHI SANCTIFICES.

MEMENTO VT DIEM SABBATHI SANCTIFICES.




S. MARIA,

MEMENTO VT DIEM SABBATHI SANCTIFICES.

*Per illud triste Sabbathum stetit in fide, propterea  
aptissimè sancta Ecclesia in laudem & gloriam eiusdem  
Virginis, diem Sabbathi per totius anni circulum cele-  
brare consuevit. Ita S. Bern. Cap. 2. de Passione Do-  
mini, loquens de Maria, & Sabbatho sancto.*

CAPVT





# CAPVT PRIMVM. SANCTA MARIA.

*Idcirco hujus nominis MARIA, media longa est, ut in ejus nominatione diutius immoremur.*

*Richardus à S. Laurentio. Lib. 12. de Laudibus*

*U I R G I N I S.*

## STIMVLVS PRIMVS.



**C**onfidera. I. Quid augustius? quid pretiosius? quid dulcius sacratissimo & amabilissimo nomine Mariae? nomen hoc inquit Petrus Chrysologus Archiepiscopus Ravennat. sermone 142. prophetiae germanum est, hoc renascentibus salutare, hoc uirginitatis insigne, hoc pudicitiae decus, hoc indicium castitatis, hoc Dei Sacrificium, hoc hospitalitatis virtus, hoc Collegium Sanctiratis. ita  
B ille.

pterea  
usdem  
a cele-  
ne Do-

APVT



2  
ille. Cujus si antiquitatem spectes, jam in veteri testamento ut notat Canisius Lib. 1. de B. V. Cap. 1. Sorori Moysis, & quidem primum inditum fuit. Si excellentiam ab ipsamet augustissima Triade impositum testatur Idiota. dum lib. contemplationum de Virgine Maria Cap. 5. eam alloquens ait. Dedit tibi tota sancta Trinitas nomen, quod post nomen benedicti Filij tui est super omne nomen, ut in nomine tuo omne genu flectatur Cœlestium, Terrestrium, & infernorum, & omnis lingua confiteatur hujus sanctissimi nominis gratiam, gloriam & virtutem. Hæc ipse. Divinissimum hoc nomen ab Angelo parentibus publicatum, cum illis Virginis conceptionem prænuntiaret, affirmat S. Antoninus 4. parte, tit. 15. Cap. 14. & Sanctus Hieronymus, sive alius Auctor libri de Ortu, seu Nativitate Mariæ, qui in tomo 9. operum Hieronymi habetur, asserit, Angelum Sancto Ioachimo apparuisse, eique inter alia dixisse: Anna, inquit, uxor tua pariet tibi Filiam, & vocabis nomen ejus Mariam. Merito sanè, sicut enim nomen Isaac divinitus prædictum est Abraham, Genes. 17. nomen verò Ioannis Baptistæ ipsi Zachariæ, Lucæ. 1. ita hoc ipsum non est denegatum Deiparæ, ut observat Suarez 3.



3

rez. 3. part. tom. 2. disp. 7. Sect. 1. nam ut sapien-  
ter S. Ambrosius lib. 2. in Lucam. Habent inquit  
hoc merita Sanctorum, ut à Deo nomen accipiant.  
O nomen, post nomen Iesu augustissimum! Spe-  
ciale, ait Ambrosius lib. de institutione Virginis,  
Cap. 5. Maria Domini hoc nomen invenit, quod  
significat DEVS ex genere meo. O nomen post no-  
men Iesu amabilissimum! Tu nec nominari, in-  
quit ad eam Bernardus, potes, quin accendas. O  
nomen post nomen Iesu dignissimum! Si nomen,  
inquit Canisius lib. 1. de B. V. cap. 1. ulli contigit  
mortalium, quod scribi, legi, decantari pingi, scul-  
piq; mereatur, id Mariæ nomen videri potest, di-  
gnum sanè quod in omnium oculos, aures & men-  
tes incurrat, magnaque cum reverentia & privatim  
& publicè nominetur. O Christiane! O Sodalis  
Mariane! si sapis, illud sæpius in die pronuntia, nam  
Sixtus V. Summus Pontifex in Bulla quæ incipit:  
Reddituri: de Commisso. data 11. Iulij, A<sup>o</sup> 1587.  
quæ est 10. inter Bullas hujus Pontificis, apud Ema-  
nuelem Rodericum, 25. dies indulgentiarum im-  
pertitur ijs, qui dulcissimum nomen Mariæ (eas-  
dem concessit nomini Iesu) ore reverenter nomi-  
naverint. Quod si in lingua Eustachij, Cistercien-  
sis

B 2



4  
cienſis Ordinis Religioſi, à morte ejus, aureis litteris  
nomen Mariæ inſcriptum, repertum fuit, qui dum  
viveret creberrimè illud proferebat, ut etiam in tua  
aliquando reperiatur, Euftachium imitare, ſi imi-  
tari renuiſ Radegundem, Clotarii Regis Conju-  
gem, quæ in proprio corpore nomen Mariæ ſibi  
ferro candente inuſſit. Euftachium imitare, ſi imi-  
tari renuiſ Franciſcum Binans è Familia Minimo-  
rum, qui ſcalpello illud ipſum nomen in ſua carne  
ſuper Cor ſibi inſculpiſſit. Euftachium imitare, ſi  
imitari renuiſ Alexandrum Alenſem, Doctorem ce-  
leberrimum, qui rogatus à quodam per nomen  
Sanctiſſimæ Virginis, Divi Franciſci Familiæ ſeſe  
addiceret, addixit. Euftachium denique imitare,  
ſi imitari renuiſ S. Eberhardum Illuſtriſſimum Co-  
mitem, qui quicquid Mariæ nomine prudenter ro-  
gabatur, dabat. Quare mortuum vidit nonnemo  
in ſinu Mariæ in cœlo foveri, velut infantem, & ne-  
ſtare cœlico à Divina Matre propinato inebriari.  
Bau. Sanct.

## STIMVLVS SECVNDVS.

CONſidera. 2. Auguſtiſſimi huius nominis  
Mariæ celebrè illam etymologiam, ex qua Do-  
mina



5

mina palàm dignoscitur, nam hocce nomen Maria,  
valet idem quod Domina, ut docet S. Bona. in  
Spec. Cap. 3. S. Antoninus 4. parte tit. 15. Cap. 14.  
& Arnoldus Carnotensis tract. de laud. Virg. Ma-  
ria inquit, linguâ Syriacâ Domina dicitur. Pulchrè  
autem Damascenus lib. 4. de Fide, Cap. 15. ait,  
itaque gratia (nam hoc sonat Annæ vocabulum)  
Dominam parit, id enim Mariæ nomine significa-  
tur: nam revera Domina facta est omnium Crea-  
turarum, cum Conditoris omnium effecta est Ma-  
ter. Sic ille. Pulchrè item Chrysologus serm. 142.  
Ante causam, inquit, dignitas Virginis annunciat  
ex nomine: nam MARIA hebræo sermone, latinè  
Domina nuncupatur, vocat ergo Angelus Domi-  
nam, ut Dominatoris genitricem, trepidatio dese-  
rat servitutis, quam nasci & vocari Dominam, ipsa  
sui germinis fecit, & impetravit auctoritas. Hæc  
ipse. Quare meritò Rabbi Haccados, magnæ apud  
Iudæos opinionis, ad petitiones Antonini Consu-  
lis, Matrem Messia Dominam absolutè fore tra-  
didit. & Nazianzenus in Tragæd. de Christo patien-  
te illam vocat Reginam. Dominam. Ephræm. orat.  
de B. V. Dominam. Principem, atq; Reginam præ-  
stantissimam. Eam Basilius, & Chrysostomus cre-



brò in suis Liturgiis appellant Dominam nostram. Deniq; tota Ecclesia consalutat, SALVE REGINA. Huc facit doctrina Suarij tom. 2. in 3. part. disp. 21. Sect. 4. qui asserit, Mariam habere in corpore singularem aliquem & admirabilem splendorem, vel aliquid aliud quod sit veluti insigne regiae dignitatis, & divinae maternitatis, ac principatus & domini in omnes Beatos. O fælicitatem Mariæ! o infælicitatem eorum, qui hanc non agnoscunt, Reginam ac Dominam cunctis sublimiorem, ut eam vocat Ephræm. Millia & millia serviunt ei, & tu quid? Ad hanc uiuorum ac mortuorum Dominam accurrūt cadavera ipsa; & tu quid? audi ex Ant. Bonf. & obstupesce. S. Ladislaus Belæ primi Regis Vngarorum filius, vitâ functus, atq; currui impositus, absq; jumentorum hominumq; ope, in Templum quod ab eo huic Dominæ structum fuit, non tam vehi quàm currere visus est. Obstupuit quidem ad miraculum Orbis, sed frustra, famulorum quippè est currere ad Dominam. Tu qui mortuos imitari nequis, vivos saltem imitare. En Marinus, Frater Eminentissimi Patris, Petri Damiani, ad templum veniens, & ante Divæ Virginis Aram constitutus, se ei non illâ modo servitute, quâ vulgò so-



7  
gò solent, sed planè mancipii jure obstringit, &  
quia mancipia sæpè in vincula compinguntur, ipse  
sibi cingulum quo adstrictus fuerat, in collum ini-  
icit, flagello cædit, tum impositâ Altari pecuniolâ  
aliquâ, tributî instar, quod ipse quotannis deinceps  
tantæ Dominæ fideliter persolvebat, suâ lætus ser-  
vitude domum abiit. O spectaculum cœlo jucun-  
dissimum! & quidni lætentur Cœlites, si quando  
numerus augetur famulorum communi omnium  
Reginæ Mariæ?

### STIMVLVS TERTIVS.

**C**onsidera 3. Alteram amabilissimî hujusno-  
minis etymologiam. Maria, inquit Beda lib. 1.  
in Lucam Cap. 3. hebraicè Stella maris vocatur.  
Maria, inquit S. Hieronymus in Psal. 18. interpre-  
tatur Stella Maris. S. Bernardus hom. 2. super  
missus est, ait, Loquamur pauca, & super hoc no-  
mine, Maria, quod interpretatum, maris stella di-  
citur. Angelicus Thomas opusc. 8. dicitur Maria  
stella Maris, sicut navigantes ad portum dirigun-  
tur per stellam maris, ita Christiani diriguntur ad  
gloriam per Mariam. Sic ille. Concludat Ildefon-  
sus



sus, qui serm. 1. de Assumpt. hæc habet: ipsa, in-  
 quit, stella maris, quam hodiè cœlum suis recipit  
 sedibus, appellatur, quia secundum uerbum he-  
 braicum, Maria, ita interpretatur. Hinc agite di-  
 lectissimi, ut Lucifer ille qui nescit occasum, oria-  
 tur in cordibus vestris, dum in hoc sæculo estis, nam  
 mare prorsus sæculum est, Stella autem Beata Vir-  
 go Maria, de qua ortus est ille, per quem illumina-  
 tur omnis mundus. Hinc securius accedite ad lau-  
 dem Virginis, & illuminamini, quoniam ipsa est,  
 per quam vera lux in mare hujus sæculi refulsit.  
 Hæc ipse. At quid tu ô anima mea? Quid tu ô So-  
 dalis Mariane, qui inter cymerias tenebras conti-  
 nuò ambulas? Ah si loqui non uales, saltem oculos  
 attolle ad hanc Maris Stellam Mariam, ipsa enim  
 quasi sidus eximium inter fluctus sæculi labentis,  
 gratia privilegij specialis refulsit, ut Bedæ verbis  
 utamur, hom. in Fest. Annunc. Aspice hanc mun-  
 di stellam Mariam, nam ipsa est Stella, imò Stella  
 stellarum, cujus ductu & interventu ad Patriam  
 transfretamus, si Gisilbertum audiamus; in densis-  
 simis tenebris jaces? en stella illuminans Maria:  
 cui Franciscus Mayro in sermone de creatione ani-  
 mæ Virginis, ait convenire illud Psal. 75. illumi-  
 nans



9  
nans tu mirabiliter à montibus æternis. Et quidni  
illuminet Maria, quam Ephræm sermone de laudi-  
bus Virginis stellam fulgidissimā nominat? quidni  
illuminet Maria, de qua Hesychius Orat. 2. Alius  
inquit. cognominat eam Matrem lucis? Quidni il-  
luminet Maria ad quam Chrysippus in Oratione.  
Aue fons lucis omnem hominem illuminans. Aue  
solis ortus, qui nullum ferre potest occasum? Quid-  
ni illuminet Maria, ad quam Epiphanius, serm. de  
laudibus Vir. Aue, inquit, gratiā plena, multis vir-  
tutibus exornata, Virgo in lampade gestans lucem  
inextinguibilem sole splendidiorē? Quidni de-  
niq; illuminet Maria, ad cuius pedes prostrata Ec-  
clesia clamat.

Aue maris stella  
Dei Mater alma, & iterum  
Solue vincla reis  
Profer lumen cæcis.

O quisquis ab hac stella illuminari cupis, ne  
avertas oculos ab hujus syderis fulgore, monet Ber-  
nardus hom. 2. super missus est. O quisquis frigo-  
re vix non confectus calefieri desideras, accurre ad  
hanc stellam, ipsa enim est, teste eodem Bernardo  
ibidem: nobilis illa stella ex Iacob orta, calefaciens

C

magis



magis mentes quàm corpora. Etsi S. Nicolao Tolentino morienti adfuit Maria, stella verò Cœlo delapsa super mortui tumulum stetit, tu moriens ut stellam hanc præsentem habeas, Sol esto ardens amore Mariæ, Solem enim occidentem sequitur stella.

### STIMVLVS QVARTVS.

**C**onsidera. 4. Mariæ nomen amplius dicere, nam idem est quod myrrha maris: idem est quod mare amarum; & quidem primam significationem innuit Epiph. dum serm. de laud. Virg. ait. Rursum nomen illud Maria interpretatur Myrrha maris. Myrrha arbuscula est in Arabia nascens, quinque cubitorum altitudinis, non absque spina, caudice duro, intortoque, cujus cortice inciso lachryma defluit. Perpende an non arbuscula Maria? cujus fructus Iesus. Perpende an non lachrymas fundat? siquidem Albertus Magnus ad auditum nomen Mariæ lachrymis difflebat. Perpende iterum, quam odorifera sit illa, nam teste Surio tom. 2. April. 7. B. Hermannus frequenter ad nomen Mariæ humi se prosternebat, sicque prostratus

tus



tus diutius jacebat, causam rogatus, respondit. Quoties ad nomen Sacrae Virginis humi me abjicio, odor omnium florum & aromatum tanta suauitatis copia, è terra influit in nares meas, ut semper illic hæ-  
rere vellem, si liceret. Perpende denique, si myrrha corpora à lue & mortalitate præseruat, an non efficacius id operetur nomen Mariæ? Certè Henricus Suso ut refertur in Pentaphyllo Mariano Conc. 3. de Annunc. dæmonem sibi insidiantem paratâ jam & ad necem intorqueri captâ sagittâ, solo Mariæ nomine inuocato fugavit. Vndè meritò Idiota in lib. Contempl. de Virgine Maria, cap. 5. eam alloquens ait. Non est in ullo alio nomine post nomen Filii tui tam potens adiutorium, nec est ullum aliud nomen datum sub Cælo hominibus post dulce nomen Iesu ex quo tanta salus hominibus refundatur, quia super omnia Sanctorum nomina reficit lassos, sanat languidos, illuminat cæcos, penetrat duros, ungit agonistas, & jugum diaboli extrudit. Sic ille: & paulò inferius. Tanta est virtus tui sacratissimi nominis ó super benedicta Virgo Maria, quod mirabiliter emollit, & penetrat duritiem cordis humani. S. Bonau. in psalterio. Ab inuocatione nominis tui trepidat Spiritus malignus, pax multa diligenti-



gentibus nomen tuum. Et S. Germanus Orat. in Zonam Deiparæ. Tu, inquit, nequissimi hostis contra seruos tuos inuasiones, solâ tui nominis invocatione sanctissimâ repellens, tutos atq; incolumes seruas. Cui consonat illud quod B. V. Sanctæ Brigittæ reuelarat lib: 1. Reuel. Cap. 9. Nomen meum est Maria. Angeli boni audito hoc nomine statim appropinquant magis iustis, quibus dati sunt ad custodiam; omnes etiam dæmones verentur hoc nomen Maria, statim relinquunt animam de unguibus quibus tenebant eam. O myrrhæ efficaciam! ô virtutem Mariani nominis! proh quam præseruat à lue, animarumque mortalitate! Heus Anima mea, quid ergò agis? ecur plena amaritudine non accurris ad hanc mysticam myrrhâ, non nisi mel & nectar stillantem? ad quam accurrens quædam mulier apud Cæsarium l. 7. c. 50. Coloniae facta fuit, se nomen Domine nostræ dicere non posse, sine quadam mira dulcedine, quin & ipsa salua videbatur ei sub oratione in mel conuerti. Ecur occultiori morbo tentata, non uteris salutiferâ hâc myrrhâ, instar illius Indæ Virginis, de qua Epistolæ Indicæ. An. 1582. quæ de pudicitia grauer tentata, cum inlamarisset Iesus Maria, nefarius ama-



tor ad terram afflictus est cœlesti fulmine. Proh pudor ! Ethnica illa fœmina apud Iapones , quæ quotidie centies & quadrigies millies Amidæ Idoli nomen pronuntiabat , ad fidem tandem conversa , pari numero Sacratissimum nomen Mariæ efferebat , & tu Sodalis Mariane nunquam ? Proh scelus ! apud Hungaros tanta erat nominis hujus Religio , ut si illud pronunciaretur , flexis genibus , ac demissis in terram capitibus se inclinabant , quemadmodum legitur in vita Sancti Gerardi Episcopi. & tu ne quidem caput detegis ? Erubescere & audi. Rachel puella quinquennis circiter , adhuc Iudæa , tamen Mariæ nomen magna cum lætitia audire gestiebat , & ut à Christianis sæpius in hoc nomine eleemosinas peti audiret , jejunabat , quodue in corporis defraudatione lucrabatur , pro Mariæ nomine expendebat , pauperibus enim id dabat in nomine Mariæ petentibus. Thom. Cantipr. l. 2. c. 29. Sed age , & aliam Mariani nominis significationem perpende. Hoc diuinissimum nomen , teste S. Hieronymo in Matthæo , sonat amarum mare. Epiphanius de orat. de laudibus Virginis , vocat Mariam mare spirituale , habens gemmam cœlestem Christum : & Carthusianus Lib. 3.



de laud. Virg. art. 30. Maria inquit interpretatur mare; rationem si inquiras cur sic vocetur, idem Carthus: ibi respondet. Quia sicut nullus valet guttas maris dinumerare, sic misericordiam, gratiæ excellentiam, gloriamque Mariæ nullus valet exprimere. S. Bonau. verò in spec. B. V. c. 3. ait, Maria dicitur mare propter affluentiam & copiam gratiarum. Hinc Albertus Magnus, super missus est, dicit. Congregationem aquarum vocavit Deus maria, locus autem omnium gratiarum vocatur Maria. Altera ratio cur mare amarum dicatur, colligi potest ex verbis ejusdem Bonau. Deipara, inquit, mare est amarum diabolum submergendo, quemadmodum mare rubrum amarum fuit Ægyptijs in ipso submersis. O quam amara & timenda est Maria dæmonibus, unde Bernardus. Non sic timent hostes visibiles quasi Castrorum multitudinem copiosam sicut aëreæ potestates Mariæ vocabulum, fluunt & pereunt sicut cera à facie ignis, ubicunq; inueniunt hujus nominis recordationem, deuotam inuocationem, sollicitam imitationem. Sic Bonau. Pulchrè B. Albertus Magnus in C. 1. Lucæ. Si illecebræ, inquit, carnis te trahunt, & superantes jam ad illicitas delectationes te propellunt, baptizare in amari-



amaritudine maris, & nomina Mariam. Tertia ratio cur amarum mare dicatur Maria, esse fortè potest, quia in passione Filij tantâ amaritudine repleta fuit, ut audeat dicere S. Antoninus 4. part. tit. 15. cap. 24: dolorem ejus in passione Filij, improporcionabiliter majorem fuisse, quàm cujusq; Martyris in sua passione: sed de hoc fusè infrà, cap. 41. Titulo Regina Martyrum. Quarta ratio afferri posset, quia tu ipse hoc dulcissimum mare amarum reddis, culpis atq; imperfectionibus tuis, quibus etiam opera illa quæ aliàs bona videntur, scatent, similis sanè juveni illi, cui in vasta solitudine erranti & famelico, apparuit Maria, obsonium sedandæ fami opportunum offerens, sed lance tam sordidâ, putidâue, ut nauseabundus ipse, licet esuriret, tamen vel unum bolum ex ea sumere renueret. Appositè tunc Maria: & talia sunt quæ tu mihi, quotidie offers fercula, rosarium, officium, aliaq; pietatis exercitia quæ singulis diebus exsolvis, bona sunt quidem & sapida, sed ex tam immunda scelerataq; conscientia ea mihi præbes, ut primo aspectu nauseam & horrorem pariant. En maris hujus amaritudinem, quod ut tibi dulcescat, ore, cordeq; puro venerare Mariam. Ut dæmonibus magis magisque  
ama-



amarefcatur, ſæpius in die Mariam ingemina, nam Religioſiſſimus Franciſcus Yepes, de quo Cyprianus Carmelita, in ſuo Theſauro Carmel. cap. 15. ad finem: inter tria quæ dæmones torquere, & quæ maximè exoſa habere diuinitùs intellexit, unum fuit. Proferre ſuauiſſimum nomen Mariæ. O milles beatum, cui hoc auguſtiſſimum nomen ſemper in ore, ſemper in corde! O milles felicem, qui hoc diuiniſſimum nomen aliorum etiam auribus, cordibusque inferuerit, juxta illud Idiotaë lib. contemp. de Virg. Maria Cap. 5. ſic Deiparam alloquentis. Fama tui ſacraſiſſimi nominis, clariſſima virgo Maria prius clauſa fuit, quamdiu in mundo morata fuit, ſed poſt Aſſumptionem tuam in Cœlum divulgata fuit per omnia mundi climata: nam in prædicatione Apoſtolorum in omnem terram exiuit ſonus tui ſanctiſſimi nominis. Hæc ipſe. Concludat S. Bonau. in ſpec. B. V. C. 3. O celeberrimi nominis Maria, quomodo poſſet nomen tuum non eſſe celebre, quæ etiam deuotè nominari non poteſ fine nominantis utilitate.

MEMEN-



# MEMENTO UT DIEM SAB- BATI SANCTIFICES.

Discite Mortales Sabbata colere vel à ne-  
fario milite,

Discite Christiani, Mariano nomini par-  
cere, vel à lasciui homine.

**M**iles impurus, quam adamarât  
Virginem, violare renuit ob reuerentiam Dei-  
paræ, tum quia Sabbatum erat, tum quia Virgo no-  
mine Mariæ insignita. O militem gloriosissimum!  
ô victorem celeberrimum! dignum profectò, quem  
ab impurâ vitâ ad viam Coeli reductum, lauro co-  
ronet Maria. Vincen. Belluac. Spec. l. 7. c. 102.

103.

## C A P U T SECUNDVM. SANCTA DEI GENITRIX.

*Hoc solum de Sancta Virgine prædicari, quod  
Mater Dei est, excedit omnem altitudinem, quæ  
post Deum dici, vel cogitari potest.*

S. Anselmus lib. de excell. Virg. Cap. 2.

D

STIMV-



## STIMVLVS PRIMVS.

**C**onsidera. I. Supremam illam dignitatem, ad quam eveſta fuit Maria, quando Mater DEI facta. Magnū eſt Angelo, inquit Bernardus, ſerm. de Aquæ ductu, ut miniſter ſit Domini, ſed Maria ſublimius quiddam meruit, ut ſit Mater. S. Bernardinus tom. 3. Conc. 61. art. 2. C. 4. ait. Mater Domini noſtri IESV glorioſa Maria, tantò melior eſt Angelis effecta, quantò præ omnibus creaturis hæreditavit, ut obtineret digniſſimæ Matris nomen. Albertus Magnus apud S. Antoninum 4. parte, tit. 15. Cap. 20. hæc aſſerit. Non poſteſt, inquit, intelligi major gratia participari creaturæ, quàm eſſe Matrem Dei. Cui ſuffragatur S. Bonau. dum in Spec. B. V. Cap. 8. dicit. Ipla eſt quâ majorem Deus facere non poſſet, majorem mundum facere poſſet Deus, majus Cœlum facere poſſet Deus, majorem Matrem quam Matrem Dei, non poſſet facere Deus: ita Bonav. Idem Bonaventura in 1. Sentent. diſt. 44. in expoſ. text. in fine. Virginem, inquit, quo ad conceptionem prolis, & quia fuit Mater Dei, quo nihil nobilius cogitari poſteſt,



test, sic tantam habuisse bonitatis dignitatem, quod nulla mulier amplius capere potuit. Sed audi Angelicum Thomam, qui 1. part. quæst. 25. art. 6. agens, an Deus possit meliora facere ea quæ fecit, in solutione ad 4. docet. B. Virginem ex hoc quod est mater Dei, habere quandam dignitatem infinitam, ex bono infinito, quod est Deus, & ex hac parte, non posse aliquid fieri melius eâ, sicut non potest aliquid melius esse Deo. Hæc D. Thomas. Audi S. Bernardinum Senensem, tom. 1. Conc. 61. art. 1. Cap. 12. Quod Deus, inquit, generet Deum, nulla requirebatur in Deo dispositio, cum ei ex natura conveniret, ut per viam naturæ intellectus produceret Verbum per omnia sibi æquale: sed quod foemina conciperet, & pareret Deum, est, & fuit miraculum, oportuit enim, ut sic dicam, foeminam elevari ad quandam æqualitatem divinam, per quandam quasi infinitatem perfectionum, & gratiarum. Hæc S. Bernardinus. O mortales quid agitis? cur ad invicem non exclamatis, cum Petro Damiano, serm. de Nativit. B. Virg. Quid grandius, inquit ille, Virgine Maria, quæ magnitudinem summæ Divinitatis intra sui ventris conclusit arcanum. Attende Seraphim, & in illius superio-



ris naturæ supervola dignitatem, & videbis quicquid majus est, minus Virgine, solumq; opificem opus illud supergredi. O Christiani! cur non accurritis ad honorandam hanc Dei Genitricem, de qua S. Bonav. in 1. Sent. dist. 4. inquit. Tanta est matris Dei dignitas, ut omnes Creaturæ, quantumcunque ascenderent in gradibus nobilitatis, si essent præsentés, omnes deberent reverentiam Matri Dei: ita ille. Et quidni? nam S. Petrus Damianus Serm. 2. de Nativ. cum præmisisset Deum non uno modo Creaturis inesse, hæc addit. Quarto modo inest uni Creaturæ, videlicet Mariæ Matri, identitate, quia idem est cum illa; hîc taceat & contremiscat omnis Creatura, & vix audeat aspicere tantæ dignitatis immensitatem, habitat Deus in Virgine, cum qua naturæ habet identitatem: ita Damianus. Agite ergo ô Creaturæ universæ, agite quot quot in hac lachrymarum valle degitis, & sanguineis lachrymis deflete, vestram in colenda huc usq; Dei genitrice, desidiâ; agite, & exemplo Nizetæ in sua confessione, cum à Sarracenismo ad fidem Catholicam bonus transfuga se recepisset, sic cum ipso, singuli pronunciate. Sanctam Virginem, Dei propriè verèq; Matrem esse credo, & confiteor, eandemq; ut revera



vera Dei Matrem adoro & veneror. Agite, & Cœ-  
lites æmulamini, nam ex Revel. B. Gertrudi factis  
habemus, lib. 4. insin. Cap. 12. Sanctos in Cœlo  
gratias Domino retulisse, pro omnibus beneficijs  
B. Matri unquam ad universitatis salutem impen-  
sis. Agite deniq; & ipsi Dei Genitrici obtempera-  
te, ex cujus persona in quodam responsorio Festi  
Visitationis, Ecclesia ait. Congratulamini inquit  
mihi, quia cum essem parvula, placui Altissimo,  
& de meis visceribus genui Deum & hominem.

## STIMVLVS SECVNDVS.

**C**onsidera 2. Hanc summam dignitatem  
non absque merito & cooperatione obtigisse  
Mariæ, nam Patres sæpè & apertè testantur, eam  
non sine suo merito Dei Matrem effectam. Audi  
Chrysostomum ser. in Domini Hypapante. Beata  
Mater ultra omnem humanæ naturæ modum, mo-  
destiam ac temperantiam excoluit, & ob id univer-  
sorum Dominum in utero gestare promeruit. Audi  
Hieronymum in ep. ad Eustoch. de custodia Vir-  
ginit. Tantæ puritatis Maria extitit, ut mereretur  
effici Mater Filij Dei. Audi Augustinum. Conci-



pere & parere meruit eum, quem constat nullum habuisse peccatum. Audi Eusebium Emisenum. Hæc sola Mater Domini fieri meruit. Audi denique Honorium serm: de Festo Nativitatis Mariæ. Hæc prima inter mulieres vovit DEO virginitatem, & ideò sola inter mulieres meruit Virgo summæ prolis facunditatem. Et quidni hanc dignitatem mereretur Maria? quæ teste D. Thoma in 3. part. quæst. 2. art. 11. ex gratia sibi data illum puritatis & sanctitatis meruit gradum, ut Mater DEI esse congruè posset. Et quidni hanc dignitatem mereretur illa, quæ ut annotavit Chlichtovæus. lib. 2. de veneratione Sanctorum. Cap. 13. digna fuit atq; idonea, ex Dei munere primùm, & deindè suâ ipsius apta dispositione, per bonorum operum studium, ferre castis suis visceribus Dei filium. Ah Anima mea, quo non pertingeres tu quoque si modò velles! Hinc est quod magnus Ignatius solitus fuerit dicere, neminem esse qui satis intelligat, quanta per illum perficeret Deus, si is non obstaret. Et S. Xaverius ait. Circumspiciendum quam multa per nos Deus vitio nostro efficere desinit. Quod si Ignatio & Xaverio non credis, crede Genitrici Dei, quæ ut refert S. Bonau. in Cap. 3. medit.



medit. vitæ Christi, cuidam personæ sibi devotæ dixit. Filia dico tibi quod nullam gratiam, donum, vel virtutem habui à Deo sine magno labore, continuâ oratione, ardenti desiderio, profundâ devotione, multis lachrymis & multa afflictione, dicendo, cogitando, semper placita sibi, sicut sciebam, & poteram, exceptâ sanctificationis gratiâ, quâ sanctificata fui in utero Matris. Et addidit; pro firmo scias, quod nulla gratia descendit in animam, nisi per orationem & corporis afflictionem.

### STIMVLVS TERTIVS.

**C**onsidera. 3. Quæ præcesserint hanc summam dignitatem in Maria. Anno ab Orbe condito circiter quater millesimo, adest teste D. Luca Cap. 1. Legatus Angelus Gabriel. Ad MARIAM, inquit Gregorius Magnus homil. 34. in Evangelia, non quilibet Angelus, sed Gabriel Archangelus mittitur, ad hoc quippè ministerium summum Angelum venire dignum fuerat, qui summum omnium nunciabat. Adest teste D. Luca Cap. 1. in Civitate Galileæ cui Nomen Nazareth, legatus Angelus Gabriel, de quo & Sanctissima Virgine, Bartholomæus



mæus Apostolus apud Abdiam lib. 3. Historiæ Apostolicæ. Huic subitò in suo cubiculo clausæ splendens sicut Sol Gabriel apparuit. Sed audi loquentem. Ave gratia plena, Dominus tecum, benedicta tu in mulieribus. O novum & inauditum, exclamat Petrus Dam. Ser. 3. de Nativit. B. V. Angelicæ Salutationis obsequium! Non simplex fateor. inquit Sophronius Serm. de Annunc. vel consueta fuit ista salutatio, sed omni admiratione digna. O Sodalis Mariane tu qui in terris Mariam videre nequis, saltem

*Virginis intactæ dum præteris ante figuram  
Prætereundo cave, ne fileatur Ave.*

Disce ab Angelo salutare Mariam. Disce sapius in die offerre ei precatiunculam illam, cui initium dedit Gabriel, quod etiam nunc accidentale gaudium Gabrieli affert in Coelis, nam Lib. 4. Revel. S. Gertrudis Cap. 12. sic leges. Sanctus quoq; Gabriel, toties novo splendore divini luminis visus est irradiari, quoties recitabatur Annunciatio facta per ipsum: ita ibi. Disce suadente Bonaventurâ personare Angelicum Ave. Personemus, inquit ille in Spec. B. V. Cap. 2: illud Ave, quo initiata est nostra



nostra redemptio: & infra. Omnes dicamus ei Ave, omnes oremus, ut propter suum dulcissimum Ave, nos oret liberari ab omni Væ. Disce deniq; habere continuò in ore salutationem Angelicam, nam eam devotè recitantibus. Urbanus IV. Summus Pontifex, 30. dierum indulgentiam concessit: & Papa Ioannes XXII: ei qui serò flectendo ad pulsum campanæ ter eam percurrerit, 20. dies indulgentiarum impertijt. Paulus autem V: mille dierum Indulg. elargitus est, tunc Virginem sic vesperi salutantibus; & hanc tu salutare omittes? huic tu genuflectere ad salutationis Angelicæ pulsum negliges? proh cave ne audias, quod Religiosus ille de quo Pelbar: qui in somnis vidit campanile templi tribus vicibus ita inclinari, ut illius fastigium penè terram tangeret, audivitque vocem increpantis; piger homuncio, ecce insensibiles creaturæ coram B. V. se inflectunt, & tu ratione præditus id ipsum negligis præstare?

### STIMVLVS QVARTVS.

**C**onsidera. 4. Quando Maria ad tam sublimem dignitatem evecta fuerit; nimirum mox  
 E atque



atque hæc verba finivit. ECCE ANCILLA DOMINI fiat mihi secundum verbum tuum. O verba potentissima! ô assensum efficacissimum! Augustinum audi Serm. 2. de Annunc. qui ait. Ecce inquit, ancilla Domini, fiat mihi secundum verbum tuum, nec mora, vertitur nuncius & virginalem thalamum ingreditur Christus, efficitur subito prægnans Dei Genitrix, concepit mox divinitatem Verbi. Audi Basilium Seleuciæ Episcopum. Orat. de Annunc. Ecce Ancilla Domini, fiat mihi secundum verbum tuum: nec mora, divinæ conceptionis miraculum in utero Virginis confectum fuit. Audi Anastasium Papam ad Vrsinum in fragmento, quod habetur. 2. tomo Conciliorum ante Concilium Arvernense. Dignatus est post consensionem Sanctæ Virginis, cum dixit ad Angelum. Ecce ancilla Domini fiat mihi secundum verbum tuum, ineffabiliter sibi ex ipsa ædificare templum, & statim sibi univit, quod non coæternum de sua substantia è Cœlo detulit corpus, sed ex massa nostræ substantiæ, hoc est ex Virgine, hoc accipiens, & sibi uniens, non Deus verbum in carnem versus est, neque ut phantasma apparens, sed inconvertibiliter, & incommutabiliter suam conservavit essentiam, & primitias



mitias nostræ naturæ sibi univit. O unionem stupendam! ô mysterium à sæculis absconditum! ô incarnationem sanè admirabilem! cujus ne quidem possibilitatem ut docent Theologi ad 3. part. S. Thomæ, potuisset unquam naturaliter agnoscere si-  
ve homo, si-ve Angelus, qui defacto existunt. Tu ergò Christiane, qui jam fidei lumine instructus, hoc altissimum mysterium agnoscis, simul etiam illud gratus recole ac venerare. Certè dum Romæ in cubiculo Cardinalis Savonensis de incarnatione differeret B. Iacobus Picenus Minorita, imago Dei-  
paræ caput inclinavit, ut leges apud Antonium Balinghem in Calendario B. V. & fortè Vlyss. l. 6. p. 3. Histor. Minorum, quasi quæ ille dixisset, approbaret. Vis & tu dicta tua approbari à Maria? loquere quàm potes altissimè de tam sublimi mysterio, at-  
que maternitate Virginis. Vis per gratiam fieri Dei filius adoptivus, quemadmodum illa per gratiam facta est Mater ejusdem? exemplo Mariæ, Ecce ancilla Domini &c. esto & tu servus Domini; imò ad hujus servitutem, Genitricis exemplo, alios etiam pertrahere studeto. Audi de Realino. Cùm adhuc in sæculo degeret, à Deipara monitus, supremi omnium Regis obsequijs se dicaret, quod quidem ille,



non sat intelligens (ô hominum cœcitatem!) se  
destinari ad Philippi secundi Hispaniarum Regis  
famulatum autumabat, quare ad eundem epistolâ  
datâ, suisque obsequiis delatis, candidè aperuit, se  
id facere monitu Deiparæ. Placuit Catholico Regi  
animi candor, eumque servitijs suis destinavit, atq;  
ita publicis Iudicijs in Alexandrina Vrbe, cum au-  
thoritate præfectus est, postmodum à Regni Nea-  
politani Prorege Generalis suorum statuum Audi-  
tor creatus; at aliquot annis in his officijs trans-  
actis, à B. V. ei apparente, denuò monitus est, Socie-  
tatem Iesu ingrederetur. O monitricem pruden-  
tissimam! ô consilium salutiferum! Loquere & mi-  
hi Domina, quia audit servus tuus. Loquere omni-  
bus quæ ad salutem sunt magna Dei Parens Maria.  
Sed vos mortales, hodie si vocem ejus audieritis, no-  
lite obdurare corda vestra, Psal. 94.

## MEMENTO UT DIEM SAB- BATI SANCTIFICES.

**Q**uidni Angeli, hominesq; sacra-  
tiores cultus deferât DEI GENITRICI? defert  
S. Ildephonsus Toletanus Archiepiscopus, siqui-  
dem



dem novem lectiones quolibet Sabbato dicendas in officio, ad Deiparæ honorem confecit: deferunt Angeli, nam illos idem Ildephonfus, Sabbato quodam audivit in Ecclesia dulcissimis canticis laudantes MARIAM.

O Sodales Mariani, & vos soli tacebitis?

# CAPUT TERTIVM. SANCTA VIRGO VIR- GINVM.

*Virgo ipsa est, & Virginum amans, pura est,  
& purorum amans.*

S. Damascen. Orat. 2. de dorm.

## STIMVLVS PRIMVS.



**C**onsidera. I. An non Virgo Virgo Virginum Maria, quam Ildephonfus Serm. 1. de Assump. vocat fastigium omnium Virginum. Serm. 3.

E 3

exem-



exemplar perfectæ Virginitatis. Serm. 4. Caput Vir-  
ginum. Quam Ambr. lib. 2. de Virginibus, appellat  
imaginem virginitatis. Florem virginalem, Bonav.  
in Litanis B. V. Virginitatis thesaurū, Damasc. Or. 1.  
de Nativ. Sigillum Virginitatis, Alanus in cant. 1. In-  
comparabilem universis quæ sub Coelo sunt Virgi-  
nibus, Sophronius serm. de Assumpt. Quare meritò  
ab Ecclesia publicatur Virgo Virginū: quæ gemina-  
tio quidni denotet excellentiam Mariæ supra reli-  
quas Virgines? siquidem Basilius hom. de huma-  
na Christi generatione, Nulla, inquit, puritate par  
Mariæ virginitas inter homines ad effectum Sancti  
Spiritus excipiendum est reperta, quo in eam super-  
veniente vera Dei Genitrix est effecta. Pulchrè E-  
piphanius hæ. 78. Quis unquam inquit, aut quo  
sæculo ausus est proferre nomen Sanctæ Mariæ, &  
interrogatus non statim intulit Virginis vocem? &  
Abrahamo impositum est epithetum, Amicus Dei,  
& non dissolvetur. Iacob verò, ut Israël vocetur, &  
non alterabitur, & Sanctæ Mariæ vox Virgo, & non  
mutabitur. Hæc ex Epiphanio. Maçte animis igitur  
Virginis clientes, adeste ocyùs linguis, calamis-  
que, & audacter virginitatem Virginis summa, pu-  
blicate ubique, laudate, defendite, æmulatores San-  
ctif-



ctissimi illius Toletani Præfulis Ildephonſi, de quo Mariana. Lib. 6. de rebus Hisp. Cap. 10. qui propter virginitatem Mariæ defensam, à S. Leocadia Virgine, è sepulchro prodeunte (hæc ante 300. & eò amplius annos, ante hoc factum ex humanis exceſſerat) palàm laudatus fuit. Audite & obſtupescite. Orante ante tumulum Leocadiæ, Ildephonſo, præſentibus Rege, Clero, populoque, accidit ut è sepulchri lapide quo tegebatur, & quem vix. 30. fortissimi homines loco movere potuiſſent, ſpontè ſublato tumulo egreſſa Leocadia Virgo pulcherriſſima, manum Ildephonſi tangeret, eiſque diceret. Per te vivit Domina mea. O laudes! ô encomia! digna encomiaſte Mariano: cui ne ingrata videretur, cùm Sanctus hic, librum de virginitate Mariæ ad finem uſque perduxiſſet, apparuit ei Cœlitum Regina, cui ille omni quo poterat ſtudio ſemper devotiſſimè ſamulabatur, ipſumque librum virgineis manibus geſtans, nec non agens gratias pro tali ſervitio, quod ſibi gratiſſimum eſſe aſſerebat. Tritthemius, Libr: de Scriptoribus Eccleſiaſt. Proh quod ſaxeum pectus tanta humanitas non emolliſſet! ecquis non optaret ipſos digitos ſibi in calamos verti, quibus elogia Virginis conſcriberentur!

STIMV.



## STIMVLVS SECVNDVS.

**C**ONsidera. 2. Quid ex B. Alberto Magno, (quo Beati titulo eum decoravit Vrbanus VIII.) denotet geminatio hæc, Virgo Virginum: an non Mariam reliquarum Virginum esse Matrem? ita equidem, id enim ipse docet, qui C. 32. super missus, ait. B. Virgo est Mater omnium in Virginitate, quæ Virginitatis munus Deo obtulit, per quod omnes Virgines per imitationem Virginitatis genuit. Hieronymus lib. 1. contra Iovinian. Hæc virgo perpetua multarum est Mater Virginum. Damascen. Orat. 1. de Nat. Virginem alloquens. Tu, inquit, Virginitatis feracissima planta, per te enim Virginitatis pulchritudo latissimè sese diffudit. Ita profectò, nam Ambros. lib. de instit. Virg. Cap. 6. sic ait. Mariæ exemplo cæteræ ad integritatis studium provocantur. Et Epiphanius hæresi 78. affirmat, suo tempore Virgines in honorem & imitationem Dei paræ virginitatem servare solitas; adeò quippè verum est illud Ambrosij lib. 2. de Virg: exemplis potius homines moveri quàm præceptis. Ast prohi dolor! tu nec præceptis, nec exemplis moveberis? Mariam quam Matrem Virginitatis appellat Anselm.



selm. de excel. Virg. C. ult: tu degener filius, non  
 imitaberis Mariam? quam Magistram Virginitatis  
 vocat Ambros. de instit. Virg. Cap. 6: tu negligens  
 discipulus non frequentabis Mariam? quam Vir-  
 ginum signiferam proclamat Bonav. in Litanis;  
 tu timidus homuncio non sequeris? Egregia Maria.  
 inquit Ambros. libro de institutione Virginum:  
 Cap. 6: quæ signum sacræ virginitatis extulit, & in-  
 temeratæ Virginitatis pium Christo levavit vexil-  
 lum. O miles Christiane! ad hoc vexillum ocyus  
 accurre, milita strenuè sub hac vexiliifera, sic Ma-  
 riam nominat Bernardus serm. 4. in Salve: & quid-  
 ni opima spolia referas? quidni stipendia amplissi-  
 ma? quemadmodum S. Ildephonsus è Divi Bene-  
 dicti Familia Episcopus Toletanus, de quo Surius  
 in ejus vita; cui comparens Maria, vestemque affe-  
 rens miri candoris, ac miræ subtilitatis, in qua Chri-  
 sti & Mariæ, toto anno recurrentia Festa celebraret,  
 suis ipsa manibus vestem illam collo ejus inseruit,  
 & dixit. Accipe de manu mea munusculum, quod  
 tibi de thesauro Filij mei attuli, cultæ in tuo corpo-  
 re virginitatis, cum mentis puritate, fideique ardo-  
 re conjunctæ, nostræque virginitatis defensæ præ-  
 mium. O præmium omnium Gymnasiorum præ-



mia excedens! O stipendium quod sub virgineis vexillis promerentur Virgines!

### STIMVLVS TERTIVS.

**C**ONsidera. 3. Efficaciam Mariani patrociniæ erga Virgines: & quidni Virgo Virginum opituletur Virginibus? hinc S. Chrysostomus serm. de B. V. Quicumque ait, estis Virgines, ad Matrem Domini confugite, illa enim pulcherrimam, & incorruptibilem possessionem patrocinio suo vobis conservabit. Hinc doctissimus Salazar tomo in Proverbia Salamonis Cap. 8. vers. 36. sic loquitur. Existimo nullum prorsus castum & temperantem esse posse, nisi Mariæ patrocinio utatur, atque eam cultu & obsequio sibi devinciat. Vnde Bonav: cum meminisset illius sententiæ apud Ecclesiastem. Cognovi quod nemo possit esse continens, nisi Deus det, sic ad Virginem invertit. Cognovi quod nemo possit esse pudicus, nisi dante Deo, & Maria interveniente. Hæc ibi. Idem: vers. 12. n. 43. explorata, inquit, res est, animos turpium cogitationum inquieto motu perturbatos, solâ Mariæ recordatione sedari, inque pias & utiles meditationes traduci.

Quare



Quare jure merito Sancta Romana Ecclesia orat  
Virginem.

**Virgo singularis  
Inter omnes mitis  
Nos culpis solutos  
Mites fac & castos.**

O quot succurrit illa ! Nonne Reginaldo ? cui  
teste S. Antonino 3. parte Hist. tit. 23. Cap. 4. §. 4.  
apparuit, carnemque ejus ab ardore concupiscen-  
tiæ ita temperavit, ut ne parvus quidem libidinis  
motus in eo pullularit. Nonne Ignatio Loyolæ ? cui  
adhuc sæculari, unâ cum puero IESV conspicuam se  
præbuit, turpium atque obscenarum rerum imagi-  
nes ex ejus animo deterfit, ita ut ex ea hora, ut refert  
Ribaden. in vita L. 1. C. 2. castitatem purissimè  
servarit. Nonne Iacobo de Ledesma ? qui fuit è  
primis Societatis IESV Patribus, & Theologus in-  
signis, cui ut notat Sachinus part. 2. Hist. Societ.  
Lib. 1. n. 65. sub initium vocationis, de perpetuan-  
da castitate formidanti, Brixia comparuit, atque  
donum castitatis per omnem vitam promisit. Di-  
sce hinc Christiane, in carnis tentationibus ad Vir-  
ginem recurrere. Disce contra libidinis æstus, Ma-



riæ implorare auxilium. Disce à devotissimo Patre Bernardino Realino, qui olim rogatus, remedium aliquod adversus fæda phantasmata, & nocturna in somno carnis tentamenta præscriberet, tale cuidam præscripsit; ut ter crucem super cor efformaret, & hæc verba proferret. Per Sanctam Virginitatem tuam purissima Virgo emunda carnem meam: in nomine Patris, & Filij; & Spiritus Sancti. Amen. Quid plura? fecit ille, & ex ijs fastidijs liber evasit. Tu inspice, & fac secundum exemplar.

### STIMVLVS QVARTVS.

**C**onsidera. 4. Magis in particulari quædam admiranda, quæ de hujus Virginis castimonia prodidêre nonnulli. Annon admirandum illud, cujus meminit Angelicus Doctor S. Thom. in 3. dist. 3. q. 1. art. 2. quæstiuncula. 1. ad 4: pulchritudinem Virginis intuentes, ad castitatem excitasse? Annon stupendum illud, quod Alensis 3. part. quæst. 9. membro. 2. art. 5. docet. Beatissimam Virginem, motum concupiscentiæ in alijs suo aspectu extinxisse? An non prodigiosum illud quod asserit Galatinus, nimirum oculos B. Virginis nîl illiciti



citi unquam aspexisse, atq; inter cæteras perfectio-  
 nes eo spiritu prophetiæ donatam fuisse, ut si fortè  
 aliquid illicitum vel auditura vel visura esset, illicò  
 ejus aures & oculi clauderentur, ita ut nonnisi divi-  
 næ voluntati deservire viderentur; quod dictum  
 Galatini probabile vocat Canisius Lib. 1. de B. V.  
 C. 13. An non planè inauditum retroactis sæculis?  
 Maria inter omnes mortales veteris & novi testa-  
 menti prima fuit, quæ virginitatem Deo per votum  
 consecravit, quod in instanti suæ Conceptionis, ut  
 innuit Suarez: tom. 2. in 3. part. disp. 4. Sect. 7: emi-  
 sit. Verùm hæc admiranda at non imitanda dices.  
 Audi ergo imitanda. Adest è Cælo Nuntius Ga-  
 briel, & Mariam in cubiculo clausam reperit. Su-  
 scipiendum non est. ait Bernardus Homil. 3. super  
 missus est: quod apertum invenerit Angelus ostio-  
 lum Virginis. Audi imitanda. Non enim in plateis  
 erat, inquit Eusebius Emisenus in explicatione Ev-  
 angelii de Annunciatione, non in publico moraba-  
 tur, intus erat: in penetralibus sola sedebat. Audi  
 imitanda. Cui in proposito erat. loquitur Bernar-  
 dus loco supra cit. de B. V. hominum fugere fre-  
 quentias, vitare colloquia. Audi imitanda: Virgo  
 erat: teste Ambrosio. Lib. de Virg. non solum cor-  
 pore,



pore, sed etiam mente. Audi imitanda: ipsa Virgo purissima. S. Brigittam. L. 2. Rev. Cap. 23. docuit, inter res detestandas etiam hoc esse, si quis concupiscat videre pulchras facies. Audi imitanda: eadem castissima Virgo, Alphonso Rodriquez dixit. Quando is per viam non attollas magis oculos, quam sit necesse ad videndum ubi pedem figas. l. i. c. 18. vite. Proh Deum immortalē! quid non diceret illa tibi, & isti, jam oculis, jam pedibus, jam manu, jam affectibus, huc & illuc, per obscena quæq; vaganti. Cave ne erranti contingat illud, de quo Cæsarius lib. 7. mirac. Cap. 34. Sanctimonialis quædam Virgo, dum ab improbo quodam ad flagitium persuasa, Cœnobio exire decrevisset, in omnibus Cœnobij januis, Christi è cruce pendentis imaginem, quâ egredi prohibebatur conspexit, insuper ab imagine B. V. ad quam jam de peccato dolens accedebat, alapam accepit, cum his verbis. Quo vis ire fatua?

## MEMENTO UT DIEM SAB- BATI SANCTIFICES.

**O** Spectaculum! Ildephonfus To-  
letanus Archiepiscop. SABBATO quodam Ec-  
cle-



clesiam ingressus, conspicit Mariam in Cathedra  
Episcopali residentem: à qua, absolutis matutinis,  
Casulam ad celebrandum coelitùs allatam accepit.  
Et quidni à Virgine Virginum honoretur ille qui  
prius, perpetuam Deip. virginitatem, libro à se edi-  
to honorârat?

## CAPUT QUARTVM. MATER CHRISTI.

*Si Petrus ob id Beatus appellatus, Regnique Cœ-  
lorum claves sortitus est, quod Christum Dei Filium  
palàm confessus est, quomodo ea super omnes Beata prædicanda  
non est, qua illum parere promeruit, quem ille  
confessus fuerat?*

Basilii Seleuciæ Episcopus Orat. de Annunc.

### STIMVLVS PRIMVS.



**C**onfidera. I. Annon Maria Chri-  
stifera? Magnus ille Ignatius. inquit  
Bernardus Ser. 7. in Psal. 90. Mariam  
in pluribus quas ad eam scripsit epi-  
stolis,



stolis, Christiferam consalutat. Annon castellum Iesu? sic eam vocat Bernardus serm. 2. de Assump. Annon unitarum inter se naturarum officina? sic eam compellat Proclus Episcopus Ciricenus. Annon regium vehiculum quo vectum Verbum cum carne advenit? sic eam nominat Georg. Nicomed. Orat. de Præsent. Virg. Annon Dei templum in quo pro salute hominum Deus homo immolatur? sic eam appellat Ildephonsus in sermonibus de Assump. serm. 1. Annon Thalamus in quo Verbum humanam carnem sibi desponsavit? Id de ea asserit citatus Proclus Episcopus Ciricenus. Perpende quàm citò Divina humanaque natura in visceribus purissimæ Virginis simul unita, ubi enim aliorum puerorum corpora 40. dierum spatio à conceptione formantur, Christi Domini corpus, momento temporis efformatum, omnibusque membris perfectissimè absolutum fuit, ita ut hæc tria eodem momento extiterint, corpus, anima, & utriusque cum Verbo Divino, in una eademque hypostasi unio. Huc facit vitis illa, de qua P: Matthæus warsaviensis in suo libro, cui titulus. Vox Salamonis. p. 2. C. 2. Cùm enim B. Bonfilius Ordinis Servorum Auctor, verno tempore, vitem in hortulo plantasset,



set, ea ipso Annunciationis die palmites undique  
 emisit, floruit, ac uvas protulit. Sed audi Fulgen-  
 tium. Lib. de Fide ad Petrum. Cap. 18. Firmissime  
 tene, & nullatenus dubites, non carnem Christi sine  
 Divinitate conceptam in utero Virginis priusquam  
 susciperetur à Verbo, sed ipsum Deum Verbum suæ  
 carnis acceptione conceptum, ipsamque carnem  
 Verbi incarnatione conceptam. Audi eundem. Lib.  
 de Incarn. Cap. 3. ad finem. Non est igitur aliquod  
 intervallum temporis æstimandum, inter conceptæ  
 carnis initium, & concipiendæ maiestatis adven-  
 tum. Audi Gregorium Magnum. Lib. 9. Epistola-  
 rum. C. 61: ad Quirinum Episcopum. Non prius  
 in utero Virginis caro concepta est, & postmodum  
 Divinitas venit in carnē, sed mox ut Verbum venit  
 in utero, mox Verbum servata propria virtute natu-  
 ræ factum est caro, & perfectus homo. Audi Syno-  
 dum quintam Constantinop. apud Niceph. Lib. 17.  
 hist. C. 28. Si quis dicit, aut sentit, prius formatū esse  
 corpus Domini nostri Iesu Christi in utero Virginis  
 sanctæ, & deinceps unitū esse ei Deum Verbum, at-  
 que animam, ut quæ prius extiterit, anathema sit.  
 Audi denique Basilium Magnum. Homil. de hu-  
 mana Christi generatione. Hinc deprehendi licet,  
 G quod



quod non secundum communem modum carnis constitutio Domino fuit, conceptum namque illico perfectum fuit, non per intervalla paulatim formatum, ut planè verba declarant, non enim dicit, quod in ea conceptum est, sed quod in ea natum est. Disce hinc miserrime homo, exemplo tui Christi ad Mariam accurrere, sed perfectus, sed corde integro, nec cum alia mortali creatura diviso. Disce item, quod monet Guerricus Abbas Serm: 3. de Annunc. In hoc tibi sit exemplo Iesus conceptus, & gestatus in utero, qui & si gravidavit, non tamen gravavit uterum Mariæ, sic te non sentiat gravem uterus Ecclesiæ: ita ille. Ego verò, inquit Salazar. Proverb. C. 8. n. 394. sic te non sentiat gravem uterus ejusdem Mariæ, qui te tanquam membrum Iesu etiam gestare dicitur. Quod si scire desideres cur Christus non gravavit Mariam, audi Augustinum Serm. 11. de Nat. Plena sunt viscera, & nullum novit Virginis conscientia, cum esset gravida salubri levitate plaudebat, lumen enim quod intra se habebat, pondus habere non poterat. Quæ verba usurpavit etiam Fulg. Serm. de laudibus Virg. Tu ne gravis sis Mariæ, præ virtutum fulgore, lumen quoque esto, ut in te verificetur illud Christi Matth. 5. Vos estis lux mundi. STI-



## STIMVLVS SECVNDVS.

**C**ONsidera. 2. Similitudinem quæ inter Mariam Matrem, & Christum filium intercedebat. S. Cyrillus affirmat, Matri suæ Christum specie externâ, & internis propensionibus fuisse simillimum. Canisius. Lib. 3. Cap. 13. refert, si singularem sexus tantum proprietatem excipiamus, utrinque membra & facies sibi pulchrè mutuo respondisse. P. Casp. Tausch, notat in Matre dolor. Lib. 1. Cap. 2. §. 1. Mariæ & Christi complexionem, quam ait in sanguineam ex multorum opinione declinasse, fuisse simillimam, temperamentum primarum qualitatum, in quo præcipuè sympathiæ fundamentum ponunt Philosophi, fuisse simillimum, lineamenta corporis simillima, speciem & habitudinem simillimam, ut vix ovum ovo similis esse posset, adeoque & inclinationes, propensionesque naturales fuisse easdem ac simillimas, quas filij à matribus potissimum haurire solent, ut enim loquuntur Iurisconsulti, filij ut plurimum matrizant. Quod si tanta similitudo filij ad matrem, hanc tibi ob oculos pone, si Filium agnoscere cupis, juxta illud apud Bonavent. in speculo. Cap. 14. Pulcher



utiq; fructus Christus est, qui speciosus forma præ filijs hominum est, si autem plenius cognoscere volumus fructus hujus pulchritudinem, recurramus ad ipsam arborem pulcherrimã, requiramus ipsam pulcherrimam ejus matrem. Hæc ibi. Porro si eam requiras apud citatum Bonav : ille in Litanij, Mariam vocat foeminarum pulcherrimam. Si apud S. Brigittam, illa in Serm. Angel. Cap. 13. ait. Quemadmodum Deus & Angeli de Virginis animæ venustate gratulabuntur in Cœlis, ita etiam gratissima ejus corporis pulchritudo omnibus eam cernere cupientibus utilis fuit, & consolatoria in terris. Si apud Dionysium Carthus. ille lib. 1. de laudibus Virg. art. 36. existimat, matris hujus vultum splendore quodam fuisse illustratum. Virgo, inquit, quò abundantioribus divinorum charismatum infusionibus fuit præventa, eò hæc ipsa exuberantia magis, in ejus refulsit vultu, ac visu, & quò quotidie in omni gratia ac virtute, & in omni luce contemplationis theoricæ, & mysticæ Theologiæ splendore, in puritate interna, & sanctitate Angelica excellentius profecit, eò interior illa, ac divina sinceritas luminosa, evidentius in ejus facie apparebat, atque ut quidam etiam magni Doctores dicunt, visibi-



sibiliter radiabat. Si S. Antoninum audis: ille, 4.  
 part. tit. 15. Cap. 11. sic loquitur. Beata Virgo ex  
 Alberti sententia, in colore cutis fuit alba & rubra  
 mixtim, in capillis autem & oculis nigra & tempe-  
 rata. Quod si magis placet Epiphanius apud Nice-  
 phorum. Lib. 2. Hist. Cap. 23: intueri qualiter ip-  
 se hanc Augustam Matrem depinxerit. Erat statura  
 mediocri (quamvis sint qui eam aliquantulum me-  
 diocrem longitudinem excessisse dicant) colore  
 fuit triticum referente, capillo flavo, oculis acribus,  
 subflavas & tanquam oleæ colore pupillas in eis ha-  
 bens: supercilia ei erant inflexa, & decenter nigra:  
 nasus longior, labia florida, & verborum suavita-  
 te plena: facies aliquantò longior, manus simul &  
 digiti longiores. Vide ô Sodalis Mariane, quàm  
 pulcher Christus, quia pulchra Mater Maria. Vide  
 quam benè hic filius matrizenet, ut meritò dicere pos-  
 sit illud Ioan. 14: duabus litterulis duntaxat immu-  
 tatis. Qui videt me, videt & Matrem meam. O  
 scelus! Virgo teste Salazar, Cap. 8. Proverb. n. 12:  
 plures Dei proprietates, & conditiones ipsius Dei  
 beneficio obtinuit, per quas simillima foret illi: &  
 tu quid? ô nefas! tu dæmoni similior quàm Mariæ,  
 ne dicam Deo. Cave ne si matrizenare renueris, oran-



ti tibi; monstra te esse Matrem; respondeat illa, & quidem indignabunda: monstra te esse Filium.

### STIMVLVS TERTIVS.

**C**ONsidera. 3. Amorem illum quo MARIA Christum, CHRISTVS Mariam prosequabatur, juxta illud Cant. 2. Dilectus meus mihi & ego illi. Gratosè S. Anselmus utriusque amorem expressit: lib. de excell. Virg. Cap. 4: dum sic loquitur. Amorem quem pater & mater singuli debent filio suo, debet hæc felicissima matrum sola Filio suo: amorē etiam quem debet filius simul suo patri & matri, ille Filius verè Virginis suę debet soli Matri, nam sicut alij filii nascuntur ex Patre & Matre, ita Filius ejus natus est ex ea sola Matre; excedit itaque omnes amores parentum in filios, aut filiorum in parentes amor istius Matris in filium suum, & istius filij in matrem suam: ita Anselm. Sanctus verò Bernardinus Senensis. Tom. 3. Serm. 1. de glor. nom. Mariæ. art. 1. Cap. 2. agens de amore naturali Virginis ad Christum, sic ait. Similitudo & propinquitas est causa naturalis amoris, unde Ecclesiast. 13. scriptum est: omne animal diligit sibi simile, & sic



& sic omnis homo proximum sibi similem: profecto inter filium & quamcunque aliam matrem, tanta propinquitas & similitudo non fuit, quia Christus totus fuit de sola substantia matris, igitur inter nullos tanta dilectio. Hæc ille. Pulchrè S. Bernardus serm. 29. in Cant. Sagitta electa est amor Christi, quæ Mariæ animam pertransiuit, ut nullam in pectore virginali particulam amore vacuam relinqueret, sed toto corde, totâ animâ, totâ virtute, diligeret. Pulchrè Sophron. serm. de Assump. Quam totam incanduerat Divinus amor, ita ut in ea nihil esset mundanus quod violaret affectus, sed ardor continuus, & ebrietas perfusi amoris ejus, qui illius erat & Dominus & Filius. Pulchrè idem Sophronius ait. Fortassis præ nimio amore in loco quo sepultus dicitur (de Christo loquitur) habitasse eam credimus, quatenus pijs pasceretur internus amor obtutibus, non quòd jam viventem quæreretur cum mortuis, sed ut suis consolaretur aspectibus, & quem genuerat, mentis complectebatur amplexibus; amor Christi desiderium pariebat, desiderium verò gliscens quasi novis reparabatur ardoribus. Sed age Anima Christiana, & pensiculatius inquire tanti amoris causas. An quia Christus unicus erat Filius?



Filius? docet enim Plutarchus: lib. de Amicitia. Naturam ejus cui unicum filium dedit, amorem colligere, cui verò plures filios contulit, amorem dividere. An quia ut docet S. Bernardinus tom. 2. Conc. 51. art. 3. Cap. 3. Christus plus pro redimenda Virgine venit, quàm pro omni alia creatura? An quia in Christo dotes singulares? S. Bernardinus tom. 3. serm. 2. de glorioso nomine Mariæ, art. 1. Cap. 3. In Christo inquit, fuerunt omnes conditiones, propter quas mater amat filium, & habuit eas in summo, erat quippe Dominus IESVS CHRISTVS præ cæteris omnibus potentior, sapientior, generosior, formosior, atque melior. An denique quia à Filio amata? Quid mirum ait S. Bernardus. Si Maria præ omnibus diligit, quæ est præ omnibus dilecta. Disce igitur Anima mea amare, si amari satagis. Disce amorem à Maria, quæ nullo dolore correpta, nullo tentata morbo, sed vi amoris erga Christum, ex hac vita migravit, ut gravissimi Patres asserunt. O te felicem! si amore Christi & Mariæ saucia, corpus ipsum destituas, ut ad Christi & Mariæ suavissimos amplexus & basia evoles. Quidni tibi quoque accidat quod Sanctæ Lydvinae, cujus animam è corpore egressam, in suos amplexus

rece-



recepit Christus, & Matri exosculandam dedit, nec osculum denegavit ipsa. O osculum! Surius.

## STIMVLVS QVARTVS.

**C**onsidera. 4. Inter tot ac tanta emolumenta, quæ ex hac maternitate percipiunt mortales. An non maximum, Christum habere fratrem? Hinc Bernardus serm. de Aquæ ductu, loquens de Christo ait. Frater tuus est, & caro tua, hunc tibi fratrem Maria dedit. Hinc Anselm. lib. de excell. Virg. C. 9. de eodem Christo loquens. Quod inquit. tantum fratrem sortiti sumus, utique B. Mariæ ascribere debemus, cujus integerrima & benedicta fecunditate in tantam dignitatem surreximus, quod ejus fecunda virginitas Deum de sua substantia genuit. Hinc idem Anselm. C. 12. Mariam alloquens. Per hoc. inquit. Deus noster, per te factus est frater noster, ut quemadmodum ipse dignatus est consors fieri nostræ humanitatis, ut nos mereamur consortes fieri suæ Divinitatis. Sed audi S. Bonaven. in Spec. B. V. Cap. 8. Maria, inquit, non solum est Mater Christi singularis, sed etiam Mater omnium fidelium universalis, undè benè Ambro-

H

sius



sius ait. Si Christus est credentium frater, cur non  
 ipsa quæ genuit Christum credentium sit mater?  
 Eja charissimi omnes nunc gaudeamus, nunc om-  
 nes gaudendo dicamus. Benedictus frater, per quē  
 Maria est nostra Mater. Et benedicta Mater, per  
 quam Christus est noster Frater. Hinc benè Ansel-  
 mus ait. Domina mater, per quam talem fratrem  
 habemus, quid gratiarum, quid laudis tibi retri-  
 buemus. Haftenus Bonaven. Seraphicum Franci-  
 scum indicibili amore affectum fuisse erga Mariam,  
 hoc etiam, inter alia, nomine, eo quod Dominum  
 Majestatis fratrem nobis effecerit, refert Bonav. in  
 vita ejusdem S. Franc. Cap. 9. Tu autem hoc ti-  
 tulo quôque eam non amabis? Origenes tom. 1.  
 in Ioannem in ipsa præfatione asserit, Mariæ filium  
 esse Christum, & præterea omnem eum, qui est  
 perfectè Christianus, qui enim hujusmodi est, non  
 amplius vivit ipse, sed in ipso vivit Christus, & ideo  
 de eo dici potest Mariæ: Ecce filius tuus Christus.  
 Hæc ex Origene. Oliceret idem de te dicere! &  
 ut liceat, sapius ora dicendo cum Idiota. lib. Con-  
 templ. de Virg. Mar. Cap. 5. O misericordissima  
 Virgo Maria, ego sceleratissimus peccator talis sum,  
 & talem me feci, quod nomen meum præ confu-  
 sione



sione non ausim nominare, quia nomen Christiani habebam, sed nunc peccatoris. Idcirco adjuuare me digneris pijsima Virgo Maria, ut Christianus re & nomine euadam, & sic perseverando, gratiam, te, & tuum filium laudandi obtineam in vitam æternam. Haftenus Idiota. Sed eleganter Damasce-nus. Orat. 1. de Nativ. Latentur inquit. Coeli, & exultet terra, commoveatur mundi mare, in ipso enim concha gignitur, quæ coelitus ex Divinitatis fulgetra in utero concipiet, & Christum ingentis pretij unionem pariet. Hæc ille. Hunc unionem ô Christiane cordi tuo affige, ut sicut in Ignatij Martyris corde, ita & in tuo, cernatur IESVS, sed non absq; Maria, quam pretiosiore margaritis, vocat pri-mus Venetorum Patriarcha S. Laurentius Iustinia-nus. de Cast. Connub. Verbi & animæ. Cap. 9. O Vniones! IESVS ET MARIA!

## MEMENTO UT DIEM SAB- BATI SANCTIFICES.

**A**nnon dignum animadversione, Christum miracula crebrò operatum fuisse Sabbato? Testatur Mattheus 12: in homine ma-



num aridam habente, & Luc. 13. & 14. in muliere inclinata, & hydropico. Ioan. 5. in languido. 38. annorum. Ioan. 9. in cœconato. An quia Sabbatum Sanctissimæ Matris cultui dicandum erat?

O Christiani! Christum nedum æmulamini? agite per Deum immortalem, & quàm maxima potestis miracula, hoc est, illustriora virtutum opera, Sabbato aggredimini, novi Thaumaturgi.

## CAPUT QVINTVM. MATER DIVINÆ GRATIÆ.

*Excepto Christo, tanta gratia Virgini à Domino data est, quanta uni Creatura pure dari possibile esset.*

*S. Bernardinus: tom. 1. Conc. 61. art. 2. Cap. 10.*

### STIMVLVS PRIMVS.

**C**onsidera. I. Meritò Mariam dici Matrem Divinæ gratiæ, quia æternam illam, ac substantialem gratiam quæ Deus ipse est, suis visceribus excepit, & in omnium salutem, Anno ab Orbe

con-



condito circiter quater millesimo in Bethlehem felicissimè enixa est. Pulchrè S. Ambros. in Cap. 1. Lucæ. Benè plena gratiâ dicitur, quæ sola gratiam, quam nulla alia meruerat, consecuta est, ut gratiæ repleatur Authore. Pulchrè Petrus Dam. Serm. 3. de Nativ. B. V. O nouum & inauditum Angelicæ salutationis obsequium! plenam appellat gratiâ, quia ipse in eam descendebat, per quem omni mundo collata est gratia. Pulchrè Hieronymus Serm: de Assumpt. B. V. In Mariam totius gratiæ plenitudo quæ in Christo est, venit; qui si per plenitudinem, Christum ipsum intelligit, quidni plenissima gratiâ illa, quæ eum continuit, qui omnem in se continet gratiam? O fœmina plena & superplena gratiæ, de cuius plenitudinis exundantia respersa reviviscit omnis creatura, ait S. Bonav. in Spec. B. V. C. 7. Eja Anima mea, ad hanc plenitudinis exundantiam accurre, prope ad eandem gratiam, quam Maria in utero concepit, & tibi sub speciebus cibi proponit, Maria enim, ut loquitur S. Ambros. in Psal. 21. Cibus dulciorem melle defluxit, quem qui edere neglexerit, vitam in semetipso habere non poterit. Proh quàm placent Marianæ Reliquiæ! Capilli qui Romæ asservantur. Peplum seu



velum Treveris. Lac Parisijs. Annulus Perusij. Subucula Aquisgrani: ut taceam alias, de quibus Petrus Spinellus in suo de Sanctissima Deipara, opere. Cap. 29. n. 52. & seqq. & non placebunt reliquiae quas Maria in cibo Eucharistico nobis reliquit? Quid si in eo reperiatur, ut asserunt nonnulli, aliquem sanguinem qui idem omninò & sub eadem prorsus forma in Mariæ venis continebatur? Quid si in eo invenias particulam aliquam ipsissimæ carnis Mariæ, quæ in prima formatione corporis Christi ab eo suscepta fuit, & prius animæ Beatissimæ Matris informabatur? Franciscus Suarez tom. 2. in 3. part. disp. 2. S. 2. asserit. Substantiam carnis à Christo ex Maria assumptam, nunquam fuisse omninò dimissam, nec actione continuâ caloris naturalis resolutam, sed eandem omninò fuisse conservatam Verbo Dei unitam, quod ex temperatissimo cibo quo Christus utebatur, & ex speciali providentia ac voluntate Christi factum fuisse existimat. Placet Augustinus in Psal. 98. qui loquens de Filio Virginis, ait. De carne Mariæ carnem accepit, & ipsam carnem Mariæ nobis manducandam ad salutem dedit. O reliquias Marianas! S. Bernardinus eandem carnem quæ fuit Virginis Matris, asserit factam esse car-



carnem filij Dei. O reliquias Marianas! Augustinus lib. de Assumpt. Cap. 5. Caro IESV, caro est Mariæ, caro enim Christi quamvis gloriâ resurrectionis fuerit magnificata, & potenter super omnes Cœlos ascensione glorificata, eadem tamen carnis mansit & manet natura, quæ suscepta est de Maria. O utinam cor meum, his è reliquiis fieret reliquiarium! leges apud Io. Eusebium Nierembergium, qui Cap. 23. refert, quendam purpuratorum Patrum, natione Hispanum, sub ultimum morbum, vitæque extrema eò deductum fuisse, ut ad sumendum Sacrum viaticum os aperire nullo modo posset, verum è cœlis adest Maria, virgineaque sua manu, clientis labia disjungit, osque aperit, atque eo modo, Christi corpore pastus est fortunatus hic Cardinalis, non tam à purpura celebris, quàm à pretiosis Christi ac Mariæ reliquijs.

## STIMVLVS SECVNDVS.

**C**onsidera 2. An non Mater divinæ gratiæ Maria, cujus viscera adeò plena fuêre gratiâ, ut nec præcipuus Seraphinorum, nec cœlitum aliorum primus, cum tanta gratia viam, vitamq; suam consumâ-



sumârit, quanta illa eam cepit. Annon Mater divina gratiæ Maria, quæ (cum meriti radix gratia sit & charitas) plus merebatur quando Christum pannis involveret, quàm Laurentius cum pro Christo candentem craticulam toleraret. Annon Mater divina gratiæ, quæ adeò resplenduit à donis supernaturalibus & amplissimis meritis, ut meritò cum August. de bono conjugali C. 21. dicere possis. Quæ sint, inquit, Mariæ merita, quis ignorat? Lege Suarium tomo 2. in 3. part. disp. 18. & invenies, quàm admiranda de Virginis meritis asserat ille. Annon admirandum dum ait Sect. 2. Certum esse B. Virginem toto tempore vitæ suæ continuè meruisse dum vigilaret? Annon admirandum dum ibidem insinuat, verisimile esse, etiam inter dormiendum, illam meruisse? quæ merita somni & vigiliæ quomodo intelligat, vide ibi. Annon admirandum, in ipso Conceptionis instanti, quo hæc Sanctissima Virgo concepta fuit, gratiam talem accepisse, quæ major fuit maximâ, quam ullus hominum vel Angelorum unquam acceperit, ut docet idem Suarez & alij; & quod obstupescas, semel acceptam gratiam continuato incremento absque ulla interruptione altero tanto adauxit. Lege apud  
Cor-



Cornel. à Lapidè in C. 1. Lucæ, & reperies, quod primo instanti suæ Conceptionis, amans laudansq; intensissimè Deum, superârit amorem & consequenter meritum supremi Angeli. Secundo operationis & amoris sui instanti, ex gratiæ augmento, quod primo instanti merita erat, & re ipsa acceperat, gradus amoris & consequenter meriti duplicârit. Tercio instanti, eosdem duplicando, meritum cum gratia quadruplicârit. Quarto instanti pari quapruplicationis duplicatione, & progressu idem octuplicârit, & ita consequenter per singula amoris & operationis instantia, gratiam acceptam continuè duplicârit, usque ad annum ætatis 72. quo sanctissime è vivis excessit. Sed audi iterum Suarez Sect. 4. Dico probabiliter credi potest, B. Virginem consequutam esse plures gradus gratiæ & caritatis, quam sint in omnibus sanctis hominibus & Angelis etiam collectivè sumptis, itaque si mente concipiamus ex multitudine gratiarum Sanctorum omnium unam intensissimam gratiam consurgere, non adæquaret intensiorem gratiæ Virginis. Hæc ipse. O Matrem verè divinæ gratiæ! proh quantam illa sibi peperit! quantam ex prodiga, si ita loqui fas est, manūque liberalissima Dei accepit! Ineffabilis est, inquit An-



sel: de excell: Virg. C. 3. & stupenda omni sæculo,  
 huius mulieris gratia & exaltatio: & C. 8. ait. Quid  
 amplius dicere possum Domina? immensitatem  
 quippe gratiæ & gloriæ, & felicitatis tuæ conside-  
 rare incipienti, & sensus deficit, & lingua fatiscit. O  
 Anima mea quid tu ad hæc? forte cum Damasce-  
 no Orat. 2. de Assumptione. Mariam vocabis gra-  
 tiæ abyssum? forte cum Epiphanio Orat. de laudi-  
 bus Virginis, ejus gratiam vocabis immensam?  
 fortè cum Bonav. in Spec. B. V. Cap. 5. dices. Im-  
 mensa certè fuit gratia, qua ipsa fuit plena: fortè  
 cum Ildephonso serm. 6. de Assumpt. Cæteris ele-  
 ctis ex parte gratia datur, huic verò Virgini tota se  
 infudit plenitudo gratiæ: fortè cum S. Bernardino  
 tom. 2. serm. 51. art. 3. Cap. 1. senties, qui asserit  
 B. Virginem quando consensit in Conceptionem  
 Filij Dei, tunc plus meruisse quàm omnes Creatu-  
 ras, tam Angelos quàm homines in cunctis actibus  
 suis: fortè huc asseres revelationem illam de eo-  
 dem consensu ex historia Virorum illustrium tertij  
 Ordinis Sancti Francisci, ubi proditur cuidam fuisse  
 revelatum, Beatam Matrem, eo temporis articu-  
 lo Numini obediendo, Angeloque credendo, ha-  
 buisse plus meriti, quàm Angelos omnes Deo obse-  
 quen-



quentes, quàm Martyres omnes in suis certaminibus, quàm in tam multiplici maceratione corporum, virgineàque servatâ integritate Confessores omnes ac Virgines. Fortè eùm S. Antonino, 4. part. tit. 15. C. 2. §. 15. inquires. B. Virginem omnes gratias generales & speciales omnium creaturarum habuisse in summo. Secundò: habuisse eam illas gratias à quibus omnis creatura vacua fuit. Tertiò: suam gratiam tantam fuisse, quod pura creatura majoris gratiæ capax non fuerit. Denique fortè cum Suarez pronunciabis, B. Virginem circa finem vitæ, unico actu amoris Dei per unum momentum plus meruisse, quàm omnes Sancti & Beati homines, & Angeli, qui sunt, erunt, fuerunt, omnibus simul sumptis meritorijs actibus, eò quod actus ille fuerit intensione & perfectione major, quàm omnes simul sumpti omnium Sanctorum simul sumptorum. Ah si sapias, Virginis gratiam prædica ubique, & ad ubique prædicandam, alios etiam hortare, ut tibi aliquando accidat quod Martino Gutterio è Soc: Iesu, Viro Sanctissimo, cui spectabilis facta Maria, gratias egit, propter operam sui causâ egregiè collocatam, hortatu enim illius Franc: Suarez, primus inter Recentiores (nam in-



ter antiquiores illam docuit tom. 1. Ser. 61, art. 3. Cap. 3. S. Bernardinus) de cumulatâ supra omnes simul Cœlites Deiparæ gloriâ sententiam sparsit in vulgus. O præconem Marianum!

### STIMVLVS TERTIVS.

**C**onsidera. 3. Quam benè etiam gratiæ illius, quâ coram Deo iusti fimus, mater appellari possit Maria, si quidem plures Cœlo olim non asserendi, ex quo in lucem prodiit ipsa, ejus advocacy affertur & salvantur. Quis scit. ait Petrus Damianus ad illam, quoties refrigeras iram Iudicis, cum iustitiæ virtus à præsentia Deitatis egreditur; in manibus tuis sunt thesauri miserationum Domini. Carthusianus Lib. 2. de Laud. Virginis art. 23. eam vocat, singulare perditorum refugium, miserorum spem, advocatam omnium iniquorum ad ipsam confugientium, & per ipsius preces & merita apud Christum Mundi compellat Salvatricem. Cyrillus homil. 6. in Nestor. ipsam alloquens. Per te inquit, omnis creatura idolorum errore detenta, conversa est ad agnitionem veritatis, & fideles homines ad sanctum Baptisma pervenerunt, te adju-  
trice,



trice, gentes veniunt ad poenitentiam. P. Sebastia-  
 nus Barradas dicere solebat, se, & ceteros peccato-  
 res (in quorum numerum, licet Sanctissimus esset,  
 se referebat) intuitu Sanctissimæ Matris à Deo to-  
 lerari. P. Salazar in Cap. 8. Proverb. vers. 12. n.  
 43. ait. Sanctas illas & congruas cogitationes, qui-  
 bus ad piè sanctèque vivendum ex Dei gratia per-  
 movemur, ipsa (loquitur de B. Virgine) modera-  
 tur atque suis precibus nobis impetrat. Sed ipsam  
 Matrem divinæ gratiæ audi, quæ ut refert Blosius  
 in monili S. Brigittæ viduæ, hæc de se narravit.  
 Quantumcunque (inquit ad eam Maria) homo  
 peccet, si toto corde cum vera emendatione & cha-  
 ritate ad me confugerit, statim parata sum recipere  
 venientem, nec attendo quantum quis peccarit, sed  
 quali intentione ac voluntate ad me redit, nam pec-  
 catoris, quantumlibet sit vilis ac sordidus, non de-  
 dignor ejus plagas tangere, ungere, & sanare. O ver-  
 ba plena amore! plena melle! plena humanitate!  
 si pertimescis. inquit Hugo de S. Victore in senten-  
 tijs, supplicaturus ad Deum accedere, respice ad  
 Mariam, non illic invenis quod timeas, genus tuum  
 vides. Angelicus autem Doctor Thomas. Opuscul.  
 8. agens de plenitudine gratiæ Virginis, cùm eam



probasset plenam esse, primò in anima; secundò quoad redundantiam animæ ad corpus, de qua incarnatus est filius Dei; tertio, inquit, plena fuit gratia non solum in se, sed etiam quantum ad refusionem in omnes homines: magnum enim est in quolibet Sancto, quando habet tantum de gratia quod sufficit ad salutem multorum, sed quando haberet tantum quod sufficeret ad salutem omnium hominum de mundo, tunc esset maximum, & hoc est in CHRISTO & BEATA VIRGINE, nam in omni periculo potes obtinere salutem ab ipsa Virgine gloriosa. Cant. 4. mille clypei (id est remedia contra pericula) pendent ex ea: item in omni opere virtutis potes eam habere in adiutorium, & ideò dicit ipsa Eccles. 24. in me spes vitæ & virtutis. hæc S. Thomas. Heus ergò ó peccator, huc accurre, hinc vota fige, hinc preces funde, & dum veniam speras, dum gratiam Dei præstolaris, crede Concil. Basiliensi. sess. 43. inter omnes, inquit, qui cœlestem Regem pro nobis interpellant, præcipuè ad gloriosissimam illam, & omni laude dignissimam Dei Genitricem Mariam est recurrendum, quæ quantò altior existit, tantò humilior ad nos respicit, omnes ad se trahere cupiens pro quibus in utero gestavit Salvatorem.



## STIMVLVS QVARTVS.

**C**onsidera. 4. Generatim inter gratias diuinas numerari, gratiam justificantem, & alia beneficia ac favores qui coelitus nobis conceduntur, quæ omnia simul & velut collectivè si recogites, proh quot gratiarum Mater est Maria! ut meritò dicere possis, aut cum S. Anselm. Tibi solùm loquor Domina, beneficiis tuis plenum esse mundum. Aut cum Germano, Serm. de Zona Domini, sic Virginem alloquente. Non est ulla satietas tuæ defensionis. non est numerus tuorum beneficiorum. Aut cum Bernardo Serm. 98. de Maria pronunciante. Omnibus misericordiæ sinum aperuit, ut de plenitudine ejus accipiant universi. Aut cum Bonav. in Spec. C. 8. asserente, Mariam per beneficia innumerabilia, ostendere hominibus misericordiam. Imò audacter dicas, beneficiorum ad quæ ipsi non attendimus, vel etiam ignoramus, myriades nobis obtinere Mariam. Dicas, multa cætero qui nequaquam concedenda, quia Mariæ interpositu, atque auctoritate petimus, liberalissimè libentissimèque illi elargiri Deum. Dicas quod  
benè



benè dixit antè. Ioan. Euseb. Nierembergius. lib.  
 de affectu ergà B. Virginem. Cap. 2. nimirum,  
 quod si aliquid à Filio Virginis petamus, aut ab aliis  
 cœli civibus, etsi de Deiparâ ne cogitantes quidem,  
 nedum illi preces votâque nostra commendantes:  
 Deus nullatenus indulgeat nisi à Virgine exoratus.  
 Dicas denique Deum decrevisse nihil facere, nul-  
 lam gratiam conferre nisi per B. Virginem. Pulchrè  
 S. Bernardinus Senensis tom. 1. Serm. 61. in fer. 4.  
 post Resur. art. 1. Cap. 8. Non timeo dicere, quod  
 in omnium gratiarum effluxus, quandam jurisdi-  
 ctionem habuerit hæc Virgo. Pulchrè Bern. Serm.  
 3. in Vig. Nat. Domini. Quia indignus eras cui do-  
 naretur, datum est Mariæ, ut per illam acciperes  
 quicquid haberes. Pulchrè ad B. Virginem Ger-  
 manus Serm. de Zona. Nemo est cui donum con-  
 cedatur, nisi per te. Sed age, & nonnulla beneficia  
 obiter inspicere, quæ ab hac divinæ gratiæ Matre, re-  
 tulêre mortales. An non ingens illud, quod ad So-  
 cietatem Iesu, B. Stanislaum Kostkam, P. Bernar-  
 dinum Realinum, Alphonsum Rodriquez, Ioan-  
 nem Nunium, Virum Sanctissimum, qui deinde  
 Patriarcha præfuit Æthiopiæ, P. Thomam Sanchez  
 P. Iacobum Ledesmam, aliosque plurimos, aperte  
 vocâ-



vocârit Maria? qua de re vide Ioan. Bourghesium  
 Libello. Societas Iesu Mariæ sacra: & annuas literas  
 passim. An non stupendum quod Sancto Fulberto  
 Episcopo Carnotensi sibi addictissimo, in cuius lau-  
 dem ille librum conscripsit & Basilicam extruxit,  
 ægrotanti, invocata adfuerit, & Virginea quæ olim  
 puer Iesus suxerat ubera, eidem sugenda in os dede-  
 rit? Baron. Anno 1028. Annon celebre illud, quod  
 Anno 1619. Ioanni Suicardo, Moguntino Archi-  
 antistiti, Electorique, ita præsens dixerit Maria.  
 Constanter age Suicarde, noli timere, elige Ferdi-  
 nandum. O Ferdinandum II. vel hoc titulo, æter-  
 nâ memoriâ dignum, quia in Cæsarem, Mariæ cal-  
 culo electus! In Mar. Agoniz. praxi XI. Tu ubiq;  
 & in omnibus, ut Mariæ calculos promerearis, eam  
 præ reliquis Cœlitibus colas unicè; si enim ipsos  
 adhæc, aut illa beneficia obtinenda habemus Pa-  
 tronos, ut pro dentibus. S. Apolloniam: pro ocu-  
 lis. S. Luciam: pro gutture S. Blasium &c. si illos  
 huic & isti Vrbi Patronos præfigimus. S. Ianua-  
 rium Neapolitanæ. S. Luciam Syracusanæ. Cata-  
 nensi S. Agatham Nolanæ Sanctos Felicem & Pau-  
 linum. &c. Si Artium, Facultatumque amatores,  
 suos agnoscunt Patronos, ut S. Thomam Theolo-  
 gi.



gi, S. Ivnem Advocati, Sartores S. Homobonum Cremonensem. Sutores SS. Crispinum & Crispinianum Romanos, &c. quidni omnia beneficia, ab una recipias Maria, de qua Arnoldus Carnotensis. Maria creaturis constat omnibus, quidquid enim Creator singulis distributor justus contulit, Matri adornandæ congescit. De qua Tho. de Villan. Archiepiscopus Valent. in serm. 1. de Assump: ita scribit. Nihil unquam alicui Sanctorum speciali privilegio concessum est, quod non à principio vitæ cumulatius præfulgeat in Maria. De qua Idiota in Contempl. Virg. C. 2. Cæteri Sancti jure quodam patrociniij, pro sibi specialiter commissis, plus possunt prodesse in Curia Altissimi, quàm pro alienis, Beatissima verò Virgo Maria, sicut est omnium Regina, sic omnium Patrona & Advocata, & cura est illi de omnibus. Sic ille.

## MEMENTO UT DIEM SABBATI SANCTIFICES.

**Q**uod vel à rustico discendum, nam teste Thoma Cantipratano Lib: 2. Cap. 50. is cum messoriae artis esset, Sabbato quodam socios

piè



piè adhortari ausus, ut labore sub occidentem jam Sabbati diem tantisper intermisso, ad sacram Ædem sese ad preces conferrent. O Ecclesiastem Sabbatinum! qui cum oleum & operam sese perdere adverteret: O Metamorphosim! ipse falcem in Marianam coronam commutat, templum adit, confessione noxas expiat, posterâque die sacro epulo sese reficit, sub lunæ diem ad falcem redit, risu à socijs excipitur, at in primo falcis hemicyclo seu tractu, sub demessa messe magnum auri pondus reperit, cum hac felici epigraphe. Hanc auri massam illi à DEO, Deique Matre mitti, in signum quòd sacri Sabbati Diem honorârit, in Cœlo autem æternam illi coronam paratam. En quæ gratiæ à Matre divinæ gratiæ profluunt!

## C A P U T S E X T U M. MATER PURISSIMA.

*Propone tibi B. Mariam, quæ tantæ extitit puritatis, ut Mater Domini esse mereretur. Hieronymus*

*Epist. 22. ad Eustachium, de custodia Virginitatis.*



## STIMVLVS PRIMVS.



**C**ONSIDERA. I. Stupendam  
 Mariæ puritatem ex Patrum testimo-  
 nio. Sanctus Anselmus asserit illam  
 puritate vincere Angelos ipsos: imò  
 de Concept. Virginis Cap. 18. ait puritatem Virgi-  
 nis esse talem, quâ major sub Deo nequit intelligi;  
 S. Thomas in 1. sent. dist. 44. q. unica, art. 3. ad 3.  
 potest inquit, aliquid creatum inveniri, quo nihil  
 purius esse potest in rebus creatis, si nulla contagio-  
 ne peccati inquinatum sit, & talis fuit puritas B.  
 Virginis. Albertus Magnus apud S. Antonium 4.  
 part: tit: 15. Cap. 20. §. 7. vult ibi esse maiorem  
 puritatem spiritualement, ubi est major gratiæ parti-  
 cipatio: sed in Virgine Beata (inquit S. Antoninus  
 ex Alberto) respectu purarum creaturarum fuit  
 gratia in summo, ergò & appropinquatio ad Deum  
 in summo, ac proinde puritas in summo supra An-  
 gelos etiam dum esset in via: hæc S. Antoninus.  
 Et quidni purissima illa, quam Laurentius Iustinia-  
 nus Serm. de Annunciatione, vocat ab omni labe  
 peccati extraneam? Origenes hom: 1. ex varijs  
 Matrem



Matrem immaculatam. Matrem incorruptam.  
 Matrem intactam. Quam Sophron. Epist. Syn.  
 in. 6. Syn. Act. 11. dicit ab omni contagine corporis  
 animæ & mentis fuisse liberatam. De quâ Petrus  
 Dam. Serm. 3. de Nativitate Virginis ait. Quid  
 rogo vitij in ejus mente vel corpore vindicare sibi  
 potuit locum, quæ totius Divinitatis meruit esse sa-  
 crarium. De qua Cyprianus Cap. de Nativitate  
 Christi sic loquitur. Non sustinebat justitia, ut il-  
 lud vas electionis cõmunibus lassaretur injurijs,  
 quoniam plurimum à cæteris differens, natura cõ-  
 municabat, non culpa. Ad quam Rupertus lib. 3.  
 in Cantica. Nunquam adventus spiritualis accipi-  
 tris tibi esse improvisus, aut te consequi, imò necti-  
 bi appropinquare potuit. Denique ipsimet impij  
 Mahometani in suo Alcorano, quem Evangelij lo-  
 co habent, Maria, inquiunt, filia Ioachim, nihil  
 malitiæ aut pravitatis, cùm viveret, unquam ope-  
 rata est, sed in bonitate perseveravit. Iudæi verò ut  
 refert Galatinus lib. 7. de Arcanis, Cap. 2. 4. & 11.  
 veteresque Rabbini, omnes certissimè sentiebant,  
 etiam ante Christi Domini adventum, ejus Ma-  
 trem ab omni labe peccati immunem fore. Eja So-  
 dalis Mariane! latere de tantâ, tamque sublimi Vir-  
 ginis



ginis puritate. Dic ei cum Fulberto Carnotens: qui ut Canis. notat lib. 1. Cap. 7. sic eam salutat. Ave Maria electa, quæ immaculata semper extitisti ab exordio tuæ creationis, quia paritura eras Creatorem totius Sanctitatis. Dic ei cum Iacobo 1. Archiepiscopo Ierosolimitano in Liturgia. Dignum est, ut te verè beatam dicamus Deiparam semper beatam, & omnibus modis irreprehensam. Voca eam cum Damasc. Orat. 2. de Assumpt: immaculatam, quæ cum terrenis affectibus nihil habet commune. Voca eam cum eodem lib. 3. de fide C. 2. semper sanctam. Voca eam cum Hesychio Con- cione 2. de B. Virgine. Tomo 7. Biblio. Sanct. Præclarum nostræ naturæ ornamentum, gloriam luti nostri, quæ Evam pudore, Adamum comminatione liberavit, audaciam dæmonis contrivit, quam concupiscentiæ fumus non attingit, neque vermis voluptatis læsit. Denique ut & tu de hac puritate Virginea non nihil participes, age quod ipsa Virgo egit. Virgo. inquit. S. Thomas opuscul. 8. Angelos quantum ad puritatem excessit, non solum erat pura in se, sed etiam procuravit puritatem alijs.

STIMV.



## STIMVLVS SECVNDVS.

**C**onsidera. 2. Cur ut loquitur mellifluus Bernardus Epistolâ 174: decuit Reginam Virginum singularis privilegio sanctitatis absque omni peccato ducere vitam. Angelicus Thomas tom. 12. part. 3. q. 27. art. 4. affert quatuor rationes, quibus hanc purissimam Matrem, ab omni etiam levi actionis peccato defendat. Prima sic se habet. Non fuisset idonea Mater Dei si peccasset aliquando, quia honor parentum redundat in prolem, secundum illud Proverb. 17. Gloria filiorum Patres eorum, undè & per oppositum, ignominia Matris ad Filium redundasset. Hæc ille. Adstipulari videtur Ecclesiasticus, qui utramque partem complexus est. C. 3. Gloria hominis ex honore patris sui, & dedecus filij Pater sine honore. Altera ratio Angelici Doctoris est huiusmodi. Tum etiam quia singularem affinitatem habuit ad Christum, qui ab ea carnem accepit, dicitur autem. 2. ad Corinthios 6. C. Quæ conventio Christi ad Belial? Sic ipse. Tertiam rationem his verbis expressit. Tum etiam quia singulari modo Dei Filius, qui est Dei sapientia, in ipsa habitavit, non solum in anima, sed etiam in ute-



in utero, dicitur autem Sapien. 1: in malevolam animam non introibit sapientia, nec habitabit in corpore subdito peccatis. Hæc ibi. Quarta ratio Sancti Doctoris est hæc. Et ideo simpliciter fatendum est, quod B. Virgo nullum actuale peccatum commisit, ut sic in ea impleatur quod dicitur Cantic. 4. Tota pulchra es amica mea, & macula non est in te. ita S. Doctor. O pulchritudinem omni humanâ pulchritudine pulchriorem! Sed heu quàm pauci eam ambiunt! nitet auro, argentoque corpus, & non rarò peccatis anima squallet! eheu mortales! quid prodest ornatus carnis, si defuerit puritas mentis? Pura (inquit Anselmus C. 9. de excell. Virginis. loquens de B. V.) sanctitas, & sanctissima puritas, pijsimi pectoris ejus, omnem omnis creaturæ puritatem, siue sanctitatem transcendens, incomparabili sublimitate, hoc promeruit, ut reparatrix perditæ Orbis dignissimè fieret, Hæc Anselmus. Audi Christiane, si magnas apud Deum promereri velis gratias, puritatem Marianam sectare, fuge peccata, ora cum P. Carolo Spinula, qui teste P. Thaul. Mat. Doloros L. 3. pr. 17. n. 5. sic solebat orare. Domine per Cor beatissimæ Virginis, da mihi gratiam, ut nunquam te peccato aliquo offendam.



dam. Denique ut absque omni peccato vitam agere possis, ad cœlestia auxilia serio te disponas, nam hæc purissima Mater, de se ab omni peccato præservatâ, dixit olim S. Brigittæ, l. 3. Revel. Cap 8. Tam affluenter me totam replevit Spiritus Sanctus, quod nihil in me vacuum reliquit ad peccati alicujus introitum, & ideo ego illa sum quæ nunquam peccatum commisi: ego quippe in charitate Dei tam ardens eram, quod mihi nihil placuit, nisi perfectio voluntatis, fervebat enim in corde meo ignis Divinæ charitatis.

### STIMVLVS TERTIVS.

**C**onsidera. 3. Ea quæ Anselmus de excell. Virginis. C. 3. adnotat. Nulli dubium, castissimum corpus, & sanctissimam animam, fuisse ab omni macula peccati protectam, utpotè Aulam, quam suus & omnium Creator Deus, corporaliter inhabitaturus, & ex qua hominem in suæ personæ unitate ineffabili fuerat operatione suscepturus. Idem Anselm. subinde attexit. Et quid mirum? nam inter homines usus obtinuit, cum præpotens aliquis, & persona dives, aliquo vadit hospitaturus,

L

ut



ut clientes percurrant, & locum muniant, ornent, & custodiant, quo venienti Domino suo aptus ad inhabitandum, & congruus fiat. Quod si talis apparatus fit pro terreni hominis adventu, & momentaneæ potestatis, qualis apparatus omnis boni putamus fiebat pro adventu cœlestis Regis, & æterni, in corde sacratissimæ Virginis, quæ illum non solum erat in semet transitive hospitatura, sed etiam ex substantia sua factum hominem paritura. Disce hinc Anima Christiana, vel tunc maximè puritati studere, quando omnium Creatorem in Eucharistico ferculo, intra te es susceptura. Quod si nonnullis maculis te respersam videris, ablue illas sacræ exhomologesi, memor Sodalis illius, de quo. Annua Soc. A°. 1588. in Collegio Monac: qui cum cogitata, dicta, actaq; sua recognosceret, & purissimā hanc Matrem obsecraret, omnia errata fas esset sibi confiteri, ne uno quidem prætermisso; ecce de sublimi, ante faciem orantis, pagella decedit, candore eximio, quæ minutis quidem litterulis, elaboratis tamen, quoddam illius peccatum exprimebat, hoc addito; si illud aperiret, pièque Rosarium in honorem Deiparæ recitaret, secum benè actum iri. Age Sodalis Mariane, utrumque prius fideliter exequere,

quer  
ah q  
illic  
bus  
Libr  
com  
man  
tus c  
nato  
tiam  
nem  
sibi  
rissi

C  
Sol  
lis v  
rifi  
C.  
pur  
set



quere, tum ad Sacram Synaxim purissimus accede :  
 ah quidni favores cœlestes, quidni gratias Marianas  
 illic experiaris ! similes fortè, quas exhiberi qui-  
 busdam vidit Gloriosa S. Gertrudis ; refert enim  
 Libro 4. Insin. Divin. C. 49. dum moniales ad  
 communionem accederent, se conspexisse Beatissi-  
 mam Virginem, cujuslibet accedentis dextrum la-  
 tus cingentem, pallio suo floribus orationum ador-  
 nato contegentem, dicentemque Christo, in gra-  
 tiam mei hanc respice dulcissime Fili : ad petiti-  
 onem verò Mariæ, Christum mirè in animabus ijs  
 sibi complacuisse. Vive & tu sub tutela Matris pu-  
 rissimæ, ut sibi in te complaceat Iesus.

### STIMVLVS QVARTVS.

**C**onsidera 4. Cur hæc purissima Mater,  
 quæ nitidior erat nive, candidior ebore, quæ  
 Solem & astra puritate vincebat, quæ nullis macu-  
 lis virginale corpus infuscârat unquam, tamen pu-  
 rificari voluerit. Perpende Legem illam Levit.  
 C. 12. ubi mulier ordinario modo pariens, Legi  
 purificationis subjicitur; à qua quidni exempta fuisset  
 Divina hæc puerpera, utpotè facta gravida non-



nisi purissimo afflatu, five obumbratione Spiritus Sancti: utpote enixa infantem Deum, absque immunditia: utpote Virgo manens & simul Mater talis Filij, qui miraculosa virginalis corporis penetratione, clauso Matris utero natus est in mundum. Disce hinc Anima Christiana, disce exemplo Mariæ, ultrò admittere ea, ad quæ teneris, cum illa legalem purificationem admiserit, ad quam non tenebatur. Quod si adeò caligant oculi, ut amplius nævos tuos, & impuritates videre non possis, accurre ad Matrem purissimam, de qua Richardus à S. Laurentio. Libro 7. de Laud. Virg. ait. Maria Lux, quia rimas, & angustissima foramina sua illustratione manifestat existentibus in domo, id est, etiam minima peccata suæ gratiæ infusione facit perceptibilia his qui convertuntur ad cor. Audiendus hic Absalan Abbas, cujus hæc sunt verba. Serm. 28. qui est de Nat: B: Virg. In ipsis tenebris tuis, eo quo potes respectu B. MARIAM intueri: in lectulo tuo illam cogita, & tene in memoriâ cordis tui, quoniam & res in quam directè radius solis non dirigitur, ex repercussione luminis quandoque irradiatur, & infirma conscientia, quæ radio aspirantis gratiæ non tangitur, per vitam iustorum, & exemplo bono



bonorum operum quandoque mutatur in melius. Audiendus hîc etiam Auctor Margaritæ. quæst. ultimâ morali, qui hæc habet. Respicientes Christi, & Virginis divinum vultum, non posito actuali obice, statim movebantur ad detestationem peccatorum, emendationem vitæ, & maximam devotionem, ex quodam cœlesti fulgore, ex eorum vultibus radiante. Porro si adhuc in terris degens Maria, & visa solummodò ad poenitentiam, vitæque puritatem spectatores vocabat, quemadmodum & Filius ejus Christus, quid faciet jam in Cœlis existens, si vel piè invocetur, & colatur? quemadmodum fecit Tyro ille, de quo Pater Nicolaus Lancicius. Tom. 2. Opusculo 15. capite 17. sic narrat. Noster Franciscus Godojus, cum Patre Ignatio Asebedio affectus martyrio, cum novitius esset, & in culina versaretur, ita sartagine, tripodes, ollasque ferreas tergebat, ac defricabat, ut mundissimas & splendentes relinqueret: cuidam dicenti, cur tantum laborem in rebus illis, ita extergendis poneret, quæ mox essent iterû inficiendæ? respondit, se quotidie vesperi offerre Sacratissimæ Virgini, omnia opera quæ illo die fecisset, pudere autem se rem aliquam illi offerre malè tersam, & non satis mundam, ideoq; opus non rectè peractum.



# MEMENTO UT DIEM SAB. BATI SANCTIFICES.

**D**efine mirari. S. Ludovicum Fran-  
corum Regem, Sabbati diebus, pedes egenorum lavantem, exsiccantem, exosculantem. Define mirari. S. Radegundem Clotarij Regis conjugem, Sabbati die, leprosum, suis manibus abluentem: Sanctius, utiliusque balneum, in quo sordes animæ tuæ expurges, ostendit Arsenius, magni Cæsaris, magnus Aulicus, qui Sabbati diem, imperturbatæ cuidam quieti dabat, ut in hebdomadam eodie omnem inquireret. Quidni purissimus postmodum exiret ex tam delicatis, spiritualibusq; Thermis!

## CAPUT SEPTIMUM. MATER CASTISSIMA.

*Sit vobis tanquam in imagine descripta vita Beata Maria, de qua velut in speculo, resulget species castitatis. S. Ambros. lib. 2. de Virginitate.*

STI-



## STIMVLVS PRIMVS.

**C**onsidera. I. Quid admirabilius Matris huius castitate? Mater est, & tamen castissima simul Virgo, à sæculo enim, ut D. Bernardus asserit, non est auditum, ut aliqua simul Mater esset & Virgo. Serm. 10. super Missa est. Majus est: inquit Theophylactus. Christum à Virgine nasci, quàm à mortuis resurgere: & Ambrosi: de instit. Virginis. C. 5. ait. Minus erat hominem resurrexisse, quàm Virginem parturire, etenim Eliæ precibus, Elisei orationibus, mortui resurrexerant, nunquam autem ante, nunquam postea Virgo generavit; ita Ambrosi. Ex quo Maria Virgo: inquit Bonav: in spec. Cap. 4. de Spiritu Sancto divina est prole fœcundata, nequaquam Virginitas ejus, tali ex prole est vitiata. Anima Christiana: hæc dum miraris, humili fide crede, nam ait Ambrosi: Epist. 81. ad Papam Siricium. Non excedit fidem quod homo exivit de Virgine, quando petra fontem profluum scaturivit, ferrum super aquas natavit, homo super aquas pedibus ambulavit: ergo si hominem unda portavit, non potuit hominem Virgo generare: ita ille. Pulchrè S. Cyrill: Catech: 12. Virginem



nem Dei virtute posse concipere & parere, his rationibus ostendit Gentilibus. Qui, inquit, dicitis projectos lapides in homines mutari, quomodo Virgine parere posse negatis? Qui ex Iovis cerebro natam filiam fabulamini, quomodo ex utero virginali nasci aliquem impossibile dicitis esse? qui de femore vestri Iovis prognatum falsò esse dicitis Bacchum cur nostram veritatem rejicitis? Ambros: l. 5. Hexam. C. 10: argumentum ex vulturibus, quos absq; masculorū semine generare testatur, ad Deiparae virginitatem Ethnicis suadendum, sic ducit per admirationem. Impossibile ne, ait; putatur in Dei Matre, quod in vulturibus possibile non negatur? Avis sine masculo parit, & nullus refellit, & quia desponsata Viro Maria peperit, pudoris ejus faciunt questionem. Huc, huc Mariæ amatores, properate, adeste, & castimoniam hujus Matris Virginis illibatam ubique prædicate. Dicite pleno ore, quod Chrysologus Sermone 142. In tuo, inquit, conceptu, in tuo partu, crevit pudor, & aucta est castitas, integritas roborata est, & solidata Virginitas. Dicite quod dixit Chrysostomus Sermone de B. Virg: Cum enim, ait B. Maria supra omnem humanam naturam castitatem servaret, propterea Christum

Domi-



Dominum concepit. Quod si aliquis adhuc vobis obstrepat: non cum Ignatio Loyola plus æquo tunc ferventiore, qui Maurum Virginitati Mariæ obtreçantem, statuerat confodere, armis confodite, sed calamo, sed verbo. O calamum crystallo dignum qui Mariam dilucidat! O linguam cœlo dignam, quæ Mariam loquitur! juxta illud Eccles. 24. Qui elucidant me, vitam æternam habebunt.

## STIMVLVS SECVNDVS.

**C**onsidera. 2. Pensiculatiùs aliquantulum, & magis in particulari, Virgineam illam castimoniam, qua Mater hæc castissima, & quidem primò, ante partum unigeniti sui filij refullit, ut meritò audiat Virgo ante partum, juxta illud Lucæ 1. Missus est Angelus Gabriel ad Virginem &c: juxta illud Ecclesiæ in symbolo fidei. Incarnatus est de Spiritu Sancto ex Maria Virgine: juxta illud Augustini Serm. 11. de tempore. Diligamus præ omnibus castitatem, quia ut placere hanc sibi Christus ostenderet, pudicitiam uteri Virginalis elegit. Quare non absque fundamento. Franc. Suarez: tom. 2, in 3. part. quæst: 28: art. 1. asserit, simpliciter con-

M

fiten-



fitendum est, Matrem Christi Virginem concepisse, contrarium enim pertinet ad hæresim Hebionitarum, & Cerinthi, qui Christum purum hominem arbitrabantur, & de utroque sexu eum natum putaverunt: ita ipse. Et disp. 5. Sect. 1. addit. Suppono. B. Mariam usque ad Conceptionem Filij Virginem permansisse, quod est de fide certum: ita ibi. Quid igitur perverse Hæretice castissimam hanc Matrem calumniaris? cur notam ei virginitati inurere attentas, quam illa etiam voto firmavit? nam S. Ioseph ante dispensationem, uti ipsa castissima Mater revelavit S. Brigittæ. lib. 7. revel. cap. 25; intellexit in Spiritu Sancto, B. Virginem vovisse virginitatem, immaculatamque esse cogitatione, verbo, & opere. Verùm Iosephi mentione factâ, hunc ipsum, ejusque cum Maria conjugium, tibi sufficienter adstipulari asseres? at frustra, verissimum enim matrimonium fuit, ratum quidem, sed non consummatum; lege Sanctos Patres, & manus dabis. Etsi enim ut docet Suarez quæst. 29. disp. 7. Sect. 1. tom. 2. in 3. part: verum ac proprium matrimonium ratum cum Ioseph contraxerit, tamen penitus illibatum virginitatis florem, divinæ apiculæ Christo conservavit. Crede quod docet Fides, nem-



nempè inter Mariam & Ioseph, nullatenus inter-  
 cessisse matrimonium consumatum. Crede Hiero-  
 nymo lib. adversus Helvidium. Tu dicis Mariam  
 Virginem non permansisse, ego mihi plus vendico,  
 etiam ipsum Ioseph Virginem fuisse per Mariam,  
 ut ex virginali conjugio, Virgo filius nasceretur.  
 Crede Petro Damiano Epist. 11. ad Nicolaum Pon-  
 tificem C. 4. Numquid ignoras Dei Filium adeò  
 carnis elegisse munditiam, ut ne quidem de pudici-  
 tia conjugali, sed de clausula potius incarnatus sit  
 virginali? & ne hoc sufficere videatur, ut tantum-  
 modò Virgo sit Mater, Ecclesiæ fides est, ut fuerit  
 Virgo & is, qui simulatus est pater. Crede deniq;  
 Augustino. Desponsata est Viro iusto, non violen-  
 ter ablaturus, sed potius contra violentos custoditu-  
 ro, quod illa jam voverat. At inquires: si voto vir-  
 ginitatis obstricta, ergo peccati rea, in matrimo-  
 nium consentiens. Minimè profectò, quia votum  
 non absolutum, sed conditionatum (nisi Deus ali-  
 ter sibi placere revelaverit) fuisse, docent nonnulli,  
 quod etiamsi absolutum dares, non ideò votum in-  
 fregisset, eo quod haberet revelationem, sibi que  
 constaret, neutiquàm matrimonium consumandum.  
 Vide ergo hæretice, quàm pura, quàm casta, & Virgo



ante partum Maria. Sed tu Catholice, tu Sacerdos, ut hinc emolumentum aliquod capias, sæpius relege quod supra citatus Petrus Damian. ep. 11. ad Nicolaum Pontificem C. 4. subjungit. Si igitur Redemptor noster, tanto perè dilexit floridi pudoris integritatem, ut non modò de Virgineo utero nasceretur, sed etiam à nutritio Virgine tractaretur, & hoc cum adhuc parvulus vagiret in cunis, à quibus nunc obsecro, tractari vult corpus suum, cum jam immensus regnet in Cœlis?

### STIMVLVS TERTIVS.

**C**onsidera 3. Gravissima Patrum testimonia, quibus hæc castissima Mater astringitur Virgo, etiam in partu. Annon gravissimum illud S. Bernardi. hom. 2. super Missus est dicentis. Et quidem Deum hujus modi decebat nativitas, qua non nisi de Virgine nasceretur, talis congruebat, & Virgini partus, ut non pareret nisi Deum. Annon illustre illud S. Ignatij. epist. ad Heronem. Adæ corpus ex 4. elementis confectum est, Evæ corpus ex ipsius Adæ latere, & insolens, admirandusque partus ille Domini ex sola Virgine. Annon præclarum illud



illud Leonis Papæ. Serm. 1. de Nativ. Meritò vir-  
 gineæ integritati nihil corruptionis intulit partus  
 salutis, quia custodia fuit pudoris editio veritatis.  
 Annon ponderosum illud Procli Ciriceni. Homil.  
 de CHRISTI Nativit: in Conc. Ephes. Tom. 6.  
 Cap. 7. qui sic argumentatur. Si ea quæ genuit Vir-  
 go non permansit, neq; is qui natus est, aliud quam  
 purus homo extitit. An non clarissimum illud Au-  
 gustini. Serm. de Natali Domini. Paries Filium,  
 & virginitatis non patieris detrimentum. Sileat er-  
 go & obmutescat impius Iovinianus, inquiens, vir-  
 ginitatem in partu amisisse Mariam. Credat Isai.  
 Prophetæ testanti. C. 7. Ecce Virgo concipiet & pa-  
 riet. Credat Romanæ Ecclesiæ dicenti. Conceptus  
 est de Spiritu Sancto, natus ex Maria Virgine. Cre-  
 dat vel elingui illi paginæ, de qua Roderic<sup>o</sup> Sanctius.  
 in historia Hispanica. part. 2. Cap. 40: qui refert:  
 à Iudæo librum vetustissimum dum vineam fode-  
 ret inventum, in quo triplici lingua scriptum erat.  
 Filius Dei nascetur ex Virgine Maria, & pro salute  
 hominum patietur. Credat denique vel cadaveri  
 illi, aut mutæ statuæ, habetur enim in historijs à  
 Paulo Diacono Sigiberto & alijs conscriptis, ut no-  
 tat Angelicus Doctor. 2. 2. q. 2. art. 7. ad 3. Constan-



mini tempore, & Helenæ, ut ait S. Thom. seu potius Irenes, repertum fuisse sepulchrum, in quo jacebat homo, auream laminam habens in pectore, cum hac inscriptione. Christus nascetur ex Virgine, & ego credo in eum, ó Sol sub Irene & Constantini temporibus, iterum me videbis. Cave quisquis Sodalis Mariani titulo gloriaris, ne castitate deperditâ, ipso quoque titulo spolieris. juxta illud

*Si re priveris, nec nomen habere mereris.*

Quis enim nomen Mariani mereatur, qui nomen casti non habuerit? Hinc Evangelista Lucas Cap. 7. loquens de Magdalena, quæ adhuc peccatis sordida, ad convivium perrexerat, vocat eam mulierem & non Mariam. Ecce, inquit: mulier quæ erat in Civitate peccatrix. Mariam vocare noluit, ne tam sanctum nomen vocabulo peccatricis quodammodò pollueret. At Cap. 8: non amplius mulieris, sed Mariæ nomine compellat, utpotè non jam peccatricem, sed puram. Quare pulchrè Richardus Lib. 1. de Laud. Virg. Capite 2. Nomini Mariæ Sanctitas inseparabiliter est adjuncta, quod cum agit Beatus Lucas Capite 7. de pœnitentia Magdalenæ, propter hujus nominis reverentiam, non ausus



sus fuit Mariam, sed mulierem nominare, sed paulò post, scilicet Cap. 8. cum dicit eam justificatam à Domino, de suis facultatibus illi ministrare, vocat Mariam. Hucusque Richardus.

### STIMVLVS QVARTVS.

**C**onsidera. 4. Quàm conveniens fuerit, pro complemento virginalis castimonix, eam Maria conservaret, non tantum ante, & in partu, sed etiam post, & semper. Quapropter detestandam hæresim, nimirum, hanc castissimam matrem, post partum Christi, alios filios ex Ioseph concepisse (cujus authorem fuisse Elvidium, indicat August: hæres: 84: & Ildephons. Lib. de virginitate Mariæ. Cap. 2.) quis æquo animo ferat? incontinentis enim & ingrati animi signum fuisset, divinitus conservatam virginitatem prodere, & thalamum Conceptionis Christi polluere, ut loquitur Siricus Papa. Age Sodalis Mariane, & quo nisu potes, hunc errorem è mente aliorum evelle, tecumque & cum errantibus sic discurre. Maria post partum casta, quia in Concilijs sæpè castissima hæc Mater vocatur, semper Virgo immaculata, ut in 5. Synod. Can. 6.

Et 6.



Et 6. Syn. Act. 11. dicitur. Mariæ virginitas ante partum, in partu, & post partum intemerabilis. Maria post partum casta, quia locum illum Ezech. 44. Porta hæc clausa erit, & non aperietur, & Vir non transibit per eam, quoniam Dominus Deus Israel ingressus est per eam: exponens Augustinus, in ser. 14. de Natali Domini, qui est. 18. de Tepo: non longè à principio. Tom. 10. dicit. Quid est porta in Domo Domini clausa, nisi quod Maria temper erit intacta: & quid est, homo non transibit per eam, nisi quod Ioseph non cognoscet eam, & quid est, Dominus solus intrat, & egreditur per eam, nisi quod Spiritus Sanctus imprægnavit eam, & Angelorum Dominus nascetur per eam: & quid est, clausa erit in æternum, nisi quod Maria Virgo est ante partum, & Virgo in partu, & Virgo post partum. Maria post partum casta, quia doctiss. Suarez. tom. 2. in 3. part. disp. 5. Sect. 3. ait. Dicendum. B. Virginem perpetuam virginitatem coluisse, neque Virum unquam cognovisse, est de fide. Maria post partum casta, quia prodigio sanè stupendo veritas hæc stabilitur. An non stupendum? Theologo cuidam de Virginitate Mariæ dubitanti, cum obviuſſet S. Ægidius Franciscanus, terrâ baculo percus-



percuſſâ, ait. Frater Prædicator. SS. Deipara Virgo  
 eſt ante partum. O rem miram ! eo vix dicto pul-  
 cherrimum illic exoritur Liliū. Iterum humo  
 percuſſâ. Frater Prædicator. inquit. S. Maria Virgo  
 eſt in partu. O rem æquè miram ! rursus pulcher-  
 rimum enaſcitur Liliū. Tertiò denique percuſ-  
 ſâ terrâ, dicit, Frater Concionator. S. Maria Virgo  
 eſt poſt partum. Et ecce liliū tertium comparet.  
 O homo ! Lilia ratione carentia perpetuam virgini-  
 tatem Mariæ teſtantur, & tu non teſtaberis ? ah Li-  
 lium tu quoque eſſes ! Liliū, quod caſtiſſimæ  
 Matri offerri poſſet ! nam ſuaviſſimâ morte defun-  
 ctis duobus ex Ordine Servitarum, ſive Servorum  
 Mariæ, in ipſo mortis momento, vidit B. Philippus  
 ejusdem Ordinis, duo candidiſſima lilia jam jam à  
 radice reciſa, Beatiffimæ Virgini offerri. O liliū  
 eſſes ! liliū, quod intaminatam Mariæ caſtimo-  
 niam teſtaretur, non tam verbis quam factis, & imi-  
 tatione ! Sophronius enim ſerm: de Aſſumpt: af-  
 ferit. Chriſtum idcirco matrem Virginem elegiſſe  
 ut ipſa omnibus eſſet exemplum caſtitaſis. Et Hail-  
 grinus ait. Beata fuit, non ſibi tantum ſed & nobis,  
 non ſibi tantum caſta, vel pulchra, ſed nobis quoq;  
 caſtitaſis monitoria, ideò comparatur monilibus,  
 N quæ



quæ dicuntur monilia, quasi castitatem monentia, nam ad continentię munditiā, ipsa per exemplum nos commonet, & invitat. Conclude cum S. Bernardo, qui in serm. super Salve Reg. ait. Agnoscit Virgo, & diligit diligentes se, & propè est in veritate invocantibus se, præsertim his quos videt conformes sibi factos in castitate, & humilitate.

## MEMENTO UT DIEM SAB- BATI SANCTIFICES.

**O** amatricem castissimæ Matris, vel impuram illam mulierem, de qua Augustinus Mannus. in Histor. rerum memorabilium in Eccles. gest: C. 80. Hæc publico luxui patebat liberalis lupa: huic tota hebdomada, Veneris dies erat; attamen id honori & amoris Beatissimæ Virginis dedit, ut Sabbato se, aliosve foedare constantissimè nolleret. Hanc tu Sabbathis imitare. Hanc tu reliquis diebus detestare.



CAPVT



# CAPUT OCTAVVM.

## MATER INVIOATA.

*Verè Virgo hortus deliciarum, in quo consita sunt  
universa florum genera, & odoramenta virtutum,  
sicque conclusus ut nesciat violari. Sophron: de Assum:*

### STIMVLVS PRIMVS.



**C**onsidera. I. Quando unquam hic deliciarum hortus, ut Mariam vocat Sophronius, peccato aliquo graviori violatus? Quando unquam in hunc amcenissimum paradisum fera aliqua irrepsit? Ad hunc inquit Damascenus Orat. 2. de Assump: paradisum, serpens aditum non habuit; loquitur autem de Maria. Paradisum esse Mariam dubitas? Audi Proclum Episcopum Constantinopolitanum de Deipara. Hæc ait. Spiritualis est secundi Adam Paradisus. Audi Ephræm. Oratione de Deipara ad eandem. Ave. inquit. paradise deliciarum. Audi Andreæ Cretensem.



Oratione de Annunci ubi Deiparam dicit esse intellectualem vividi salutis nostræ ligni paradisum. Audi S. Iacobum in sua Liturgia Virginem sic alloquentem. Tibi quæ es templum sanctificatum, paradisus spiritualis &c. universa Creatura gratulatur. Quod si hortum, si paradisum esse Mariam agnoscis, perpende quàm inviolatus, & intactus semper manserit, ut meritò illa publicetur Mater inviolata: & primò quidem à culpa mortali. Audi loquentem Idiotam. Libro Contemplationum. de B. V. Cap. 2. Tota pulchra es Virgo gloriosissima, & macula peccati mortalis non est in te. Audi S. Brigittam Viduam. Lib. 3. Revel: ubi testatur Mariam nunquam mortaliter peccasse. Audi Richar. de S. Victor: qui apud Suarium tom. 2. in 3. part. disp. 4. Sect. 4. ait. Omnes Virgines esse species Christi, Beatam autem Virginem esse specialem ejus speciem, quæ speciem suam nunquam per aliquod peccatum mortale maculavit. Idem testatur Angelicus Aquinas. dum 3. p. q. 27. art. 4. asserit. B. Virginem nullum peccatum mortale admisisse. Huc quoque spectat quod ex Alberto Magno. affert S. Antoninus. 4. part. tit. 15. C. 44. §. 9. ubi sic. Incessabilitatem. inquit, habuit Beata Maria super Seraphim;



Seraphim; quod sic probat Albertus. Magis incessabile est quod non cessat, nec potest modo cessare, nec unquam potuit cessare, quam quod non cessat, nec potest cessare, sed tamen potuit aliquando cessare. Sed charitas Seraphim, etsi non potest modo, potuit tamen aliquando cessare, scilicet in prima eorum conditione, quod patet per exemplum Luciferi, qui secundum B. Gregorium, supremus fuit de ordine Seraphim, qui à charitate sibi collata cecidit de Cælo. Sed Charitas B. Mariæ nunquam potuit cessare, quod ostenditur per hoc, quia charitas non potest cessare nisi per mortale peccatum, sed nunquam potuit peccare mortaliter, quia in utero sanctificata, antequam posset peccare per ipsam sanctificationem, ita fuit confirmata in gratia & charitate, quod postea peccare non potuit etiam venialiter, unde nec amittere charitatem, quod tamen potuerunt Seraphim agere, & defacto aliqui amiserunt, scilicet Lucifer cum suis. Hucusque S. Antoninus ex Alberto Magno. Verum ne plura absque necessitate in hanc rem testimonia congeras, potius cum Anastasio Synaita. Anagogicarum questionum. Lib. 6. dicas. Quis mihi dic quæso, aut ex hominibus, aut ex dæmonibus audebit dicere, quod



ea, quæ est ejusdem simul cum Deo essentia, quod ad carnem attinet, non sit ad imaginem & similitudinem ejus qui ex ipsa natus? quomodo est enim Mater ejusmodi Filij, non ferens in se illæsam fœtus sui imaginem? Potius cum Augustino. Lib. de natura & gratia. Cap. 36. concludas. De Sancta. inquit. Virgine Maria, nullam prorsus, cum de peccatis agitur, habere volo quæstionem, indè enim scimus quod ei plus gratiæ collatum fuerit ad vincendum omni ex parte peccatum, quòd concipere ac parere meruit eum, quem constat nullum habuisse peccatum: ita August. O Mariam verè Matrem inviolatam! ô felicem ejus animam, quia nunquam lethiferâ labe commaculata! Ah posses tu moriens dicere, quod olim dixit hæc Mater inviolata ad S. Brigittam L. 3. Revel. Cap. 8. Ego illa sum, quæ nunquam commisi peccatum mortale. Quod si dicere non licebit amplius, saltem à novis perpetrandis abstine, ne aliàs tibi contingat, quod Sodali illi, de quo Casp. Lechner. in Sodal. Parth. Lib. 3. Cap. 9. Infœlix hic, dum Urbem cum socijs obambulat, & grave scelus animo versat, Vir grandævus, vultu gravi & subirato adoritur, & percusso fortiter pectore; Tune inquit. qui B. Virginis sodalitio no-

men



men dederis, hæc mente concipere, hæc animo audeas tractare facinora? Ad quæ cum subito linquente animo corruisset juvenis, accurrunt comites, & nullo percussore conspecto territi, ad Sacerdotem perducunt. O felix culpa quæ talem meruit habere monitorem! Time hunc monitorem, imò si pecces, ne deteriolem experiare.

## STIMVLVS SECVNDVS.

**C**onsidera. 2. Quando unquam hic deliciarum hortus vel levi peccato violatus? quando unquã in hanc pretiosam vineam, in qua primùm conspectus fuit dulcissimus ille botrus Iesus, vulpecula aliqua vel minima ingressa, quæ demoliretur illam? Benè ergò Ecclesia, Mariam vocat Matrem inviolatam. Benè S. Brigitta Vidua. Lib. 3. Revel: asserit, illam nunquam venialiter peccasse. Benè innuit Concil. Tridentinum. Sess. 6. Can. 23. Ecclesiam tenere Beatam Virginem ex speciali Dei privilegio, omnia peccata venialia vitasse. Benè denique notat Suarez tom. 2. in 3. part. disp. 4. Sect. 4. de fide esse, illam nunquam peccasse venialiter; quod definitum esse fertur sub Urbano, II. in Concilio



cilio Claremontano, ut refert Vega Lib. 14. in Trid. Cap. 18. Sed audi Richard. de S. Victor: loco cit. apud Suarium, ubi inquit, omnes Virgines esse species Christi, Beatam autem Virginem esse specialem ejus speciem, quæ speciem suam nunquam per aliquod peccatum veniale maculavit. Audi Idiotam in Contempl. Virg. Cap. 2. Tota pulchra es Virgo gloriosissima, & peccati venialis macula non est in te. Audi Angelicum Thomam. 3. part. qu. 27. art. 4. ubi docet, Beatam Virginem nullum commisisse veniale, et si illud commisisset, non futuram fuisse dignè idoneam Matrem Christi. O excellentissimum Virginis privilegium! o gratiam singularissimam Mariæ! Nonne singularis? siquidem adeò fuit confirmata in gratia statim in sua Conceptione, ut ne venialiter quidè unquam peccaret. Nonne singularis? siquidem nullus Sanctorum adultorum, præter Christum & Mariam, vixit absque veniali culpa; quod enim aliqui pauci id asserant de S. Ioanne Baptista, & de S. Iosepho, & sanctificatis in utero, communiter tamen à Theologis rejicitur. Vnde huc quadrare videtur illud Angelici Doctoris 3. part. q. 27. art. 6. ad 1. B. Virgini præstitum est, ut de cætero non peccaret, nec mor-



mortaliter nec venialiter, alijs autem sanctificatis creditur præstitum esse, ut de cætero mortaliter non peccarent, divina eos gratia protegente. Ah Anima mea quid agis? ubi applausus? ubi aggratulationes? Augustinus Lib. de Spirit. & Lit. Cap. 2. dicit. Si quis de aliquo Sancto affirmet, nunquam peccasse, non proprijs viribus, sed gratia & dono Dei, non multum esse cum illo contendendum, sed potius si id sufficienter ostendat, illi esse gratulandum. Gratulare igitur quo affectu potes Matri inviolatæ, de singulari hoc privilegio. Extolle illud supra omnium hominum puritatem. Confirma illud, testimonio ipsiusmet Virginis, quæ S. Brigittæ L. 3. Revel. Cap. 8. dixit. Ego illa sum quæ nunquam commisi peccatum veniale, vel mortale.

### STIMVLVS TERTIVS.

**C**onsidera. 3. Quam parum officiant, imò nihil, huic Matri inviolatæ, nonnulla Scripturæ loca. Violatam fortè dixeris spiritu ambitionis, aut inanis gloriæ, quando Ioannis 2. miraculum à Filio postulavit, inquires. Vinum non habent. O te mortalium stupidissimum! Audi Bonav. in Spec.

O

B. Vir-



B. Virginis. Cap. 5. Balsamum Spiritus Sancti in Maria, nec melle carnalitatis, & mundanæ consolationis, nec oleo vanæ laudis fuit vitiatum. Quod si reprehensam putes à Filio. Audi Iusti. Martyr: Quæst. 136. ad Gent. Non verbo Matrem objurgavit, qui facto honoravit. At inquires, violatam quis non dicet, arrogantia Spiritu, quando Matth. 12. Marc. 3. Luc. 8. Filium publicè prædicantem interpellavit, propter quod ab ipso acerbè excepta. Quæ est Mater mea? O te ignarum omnium! discere vel à foemina, Sancta Mechtilde nimirum, quæ de B. Virgine in 1. Lib. suarum Revel. sic ait. Ita modestè de se sentiebat, ut cùm tot gratias haberet, nulli creaturæ se prætulit, nec anteposuit. Verba autem illa Christi, quid necesse est dicere, reprehensionis fuisse, quæ erant solùm instructionis, ut circumstantibus indicaret, propter carnaliter junctos, nequaquam opus Dei esse intermittendum, ut adnotarunt Augustinus, & Bernardus. Quod si ulterius contendas, eam in Filij passione perturbatam, leges modestiæ violasse, audi Advocatos Mariæ. Ambros. de instit. Virg. Cap. 7. Stabat ante Crucem Mater, & fugientibus Viris, stabat intrepida. Simonem Metaphra. Orat. de Vita & dormi.

Deip.



Deip. Dicunt. inquit: hi qui de his rebus tractarunt, eam ab initio usque ad finem se fortiter & constanter gessisse, honestè quidem & non indecorè utentem motu animi, factis tamen se ostendentem Matrem, sed omninò Matrem illius, qui amico mortuo & ostendit amorem, & motum animi certis finibus continuit: ita Metaphr. Breviter Bernard. de Lamentatione B. Virginis. Non desperabat, sed piè & justè dolebat. O Mariam verè Matrem ubique inviolatam! O Mariam ubique honorandam! Claudat. inquit. Ambrosius Epist. 5. ædit. Rom: sua ora perfidia, obmutescat, ne matrem Domini aliquo audeat temerare convicio. Sed age Anima mea, & quam inviolata fuerit Maria vel hinc etiam collige: in eâ ut docent Theologi, nunquam fuit actus fomitis in actu secundo, cum dicat aliquid indecens & inordinatum rationem præveniens. In ea fomes etiam in actu primo extinctus fuit, ut docet Suarez. tom. 2. in 3. p. disp. 4. Sect. 5. & alij; & ne putes, primò post conceptum Verbum, ut putavit S. Thomas: ideò liberè dicas, à sua immaculata Conceptione: si enim Deus fomitem in Virgine voluit impedire in actu secundo, cur dic amabo, reliquisset in actu primo, qui aliquid



imperfectum sonat, & de se nisi impediatur, ad malum inclinatur? Lætare hinc Sodalis Mariane, qui amore tantæ Matris æstuas. Dic cum Angelo, in sermone quem suo ore dictavit S. Brigittæ, Cap. 14. Quis. inquit. mirari debet, quod Deus hanc Virginem super omnes maximè dilexerit, cum ipsa sola excepta, neminem à Viro & muliere generari prænovit, cujus animus (alias VOLUNTAS) ad mortale, seu veniale peccatum interdum non fieret inclinabilis. Dic cum Davide Ps. 45. Venite & videte opera Domini quæ posuit prodigia super terram, auferens bella usque ad finem terræ. Terra ista de qua bella omnia finetenus auferuntur, est Maria, juxta illud Prophetæ. Veritas de terra orta est. Unde gratiosè Richardus Victorinus Lib. 2. de Emanuele. C. 31. In cæteris. inquit. Sanctis mirificum habetur, quod à vitijs non possint expugnari, in Virgine mirificum videtur, quod à vitijs non potest ipsa, vel in modico impugnari. Hic subsiste Viator. Subsiste & paulisper recogita, quam cautè tamen, & circumspectè ambulârit in terris Maria, & tu fragilis, nullisque fermè gratijs divinis præventus, media pericula audax & incautus intrabis? Audi quid dicat Rogerius Ordinis Minorum.

Quam-



Quamdiu homo facit. inquiebat ille. quod in se est, peccati occasiones fugiens, Deus quoq; eum à malis præservat, at si peccati periculo se exponat, iustum esset, ut Deus eum propriis viribus relinquat. Appositè Mater inviolata Maria, suasit olim, ut leges apud Bonifac. L. 4. C. 9. Hist. Virg. Virgini illi sanctimoniali, cui nomen Ioanna; hæc de cælo cadentem epistolam conspexit, cuius erat inscriptio. Maria Mater Dei Filiæ Ioannæ salutem: in ea verò Epistolâ inter alia hæc erant. Filia mihi admodum chara, Viros fuge, & omnium consuetudinem vitæ, qui tibi ad virtutem, & veram animi libertatem capessendam minus prodesse videbuntur. Quid tu ad hæc Sodalit Mariæ? audi, tibi que hoc Lemma assume. Malo mori quàm fœdari. Tu sis homo ille, de quo B. Catharina Genuensis affirmabat, ut refert Lancicius tom. 2. Opusc. 16. de fuga pecc. venialis Cap. 2. Quod si homo gloriam Mariæ Virginis, & voluntate, & re ipsa, & dispositione divina possideret, sicut ipsamet Domina nostra possidet, deinde audiret, oportet te cum ista gloria, scintillam imperfectionis ab omnipotentis Dei voluntate discrepantis in te cernere, certa sum (modò dulcem hanc veritatem perspiceret) responsurum.



Nolo illam gloriam hac conditione, quin potius relega me in infernum. Hæc ibi.

## STIMVLVS QVARTVS.

**C**onsidera 4. Horrendas illas anxietates & timores, quos experiuntur in morte ij qui à puritate Mariæ degeneres, vitijs habenas laxârint. Si enim illa pura est & purorum amans, ut docet Damascenus Orat. 2. de dorm. ergo à contrario impurorum ac peccatorum erit tunc inimica. Si illa teste Damasc. lutum omne fugit, ac cænosas affectiones averſatur, ergo & peccatores luto deformiores fugiet tunc illa. Si illa, ut ait Damasc: quolibet vitio offenditur ac discriuiatur, ergo & tunc offensam sese ostendet peccatori. Si simile appetit sibi simile, juxta tritum illud axioma, ergo tunc execrabitur illa peccatorem sibi adeò in puritate dissimilem. Heu miser peccator sic deprehensus quo fugiet? quem adiutorem quæret? fortè Cœlites? fortè Christum ipsum? Sed audiat quid doctissimus Salazar in Proverb: Cap. 3. in vers. 18. doceat. Nihil boni Sanctorum preces nobis obtinere possunt, nisi Mariæ etiam impetratio accedat; & in eodem ver-



su 18. n. 191: ait. Gregorium Venetum ( fuit hic  
 Minorita , Vir pietatis doctrinaeque non vulgaris )  
 deducere ex quadam similitudine Lunæ, de qua nos  
 infra: nihil boni etiam à Christo in nos defluere (ad  
 minimum de bonis Spiritualibus loquuntur) quod  
 Virgine intercedente non capiamus. O angustias !  
 ô terrores ! ô damnationem imminentem ! At in-  
 quies, ad homines, ad piorum suffragia , ac preces  
 recurram. Ast quid si silentium eis imponat Ma-  
 ria ? quid si dicat, quod cuidam Viro illustri (qui ne  
 Anatolius Vir impius morte sed potius exilio mul-  
 ctaretur agebat) dixit ipsa. Quousque defendis cau-  
 sam Anatolij, qui tum me, tum Filium meum, tan-  
 tis onerat contumelijs ? Sed dices iterum, ipsam  
 Mariam supplex adibo , & votis onerabo. Verum  
 quid si indignus veniâ , nec non serio proposito de-  
 stitutus, & hîc repulsam patiare, instar præfati Ana-  
 tolij de quo Euagrius Libr. 5. histor. Cap. 17. &  
 18. qui cum velut sceleris reus, jussu Imperatoris  
 Tiberij, Constantinopolim abducendus esset, ad  
 imaginem Deiparæ fune in carcere sublime appen-  
 sam accurrens, manibus à tergo complicatis, se ei  
 supplicare, precesque adhibere ostendit, illa autem  
 eum velut sacrilegum detestata, & ut Deo invisum  
 coar-



coarguens, penitus ab se avertit. O spectaculum horribile! ô motivum efficax ad puriorem vitam ducendam! qui hæc legis, si sapias, Mariæ fortissimè adhære, ejusque puritatem sectare, ne aliàs moriens sentias quod olim sensit infelix ille Iulianus Apostata. Sensit hic, teste S. Basilio, S. Mercurij Martyris hastam, sed impactam ejus lateri jussu Mariæ.

## MEMENTO UT DIEM SAB- BATI SANCTIFICES.

**P**roh quam violatam vidimus aliquando animam Augustini! sed io triumphè! damna reparata, culpæ deterfæ, sterilitati successit fecunditas, postquam sacratione lymphâ immaduit Augustinus, nam Sabbato sacro baptismatis fonte à Divo Ambrosio ablutus legitur. Audi præana. Te Deum laudamus. &c. Adde tu. Te Mariam inviolatam confitemur. Adde verbis opera Sabbato maximè: ut enim acriorem stimulum ad Sabbatinum Mariæ cultum, haberent Sodales Maria-ni, ijs pro Sabbatis singulis, indulg. plen. concessas esse asserit Compend. ind. Sodalit.



# CAPUT NONVM. MATER INTEMERATA.

*O Sanctissima, quæ principatus & potestates se-  
felliſti, immaculata conſervata in Dei Sponſam.*

*Damaſcenus Orat. 1. de Nativit. B. V.*

## STIMVLVS PRIMVS.



**C**onsidera. I. Quibus laudibus, atque encomijs digna sit illa, quam mundus proclamat Matrem Intemeratam, & ab omni culpa originis immunem. Tota pulchra es, inquit Idiota Lib. Contempl. Cap. 2. Virgo gloriosissima, non in parte, sed in toto, & macula peccati, sive mortalis, sive venialis, sive originalis, non est in te, nec unquam fuit. Idem Cap. 6. hæc habet. Invenisti Virgo Maria gratiam cœlestem, quia fuerunt in te ab originis labe præservatio, Angelica Salutatio, Spiritus Sancti superventio, & Filii Dei conce-

P

ptio.



ptio. Non ineleganter. S. Ildephonsus antiquissimus Auctor, in Lib. de perpetua Virginitate, & parturitione B. Virginis, sic ait. Constat eam ab omni peccato originali immunem fuisse, per quam, non solum maledictio Evæ soluta est, verum etiam benedictio omnibus condonata. Brevissimè autem Laurentius Iustinianus, in Libro de Perfectionis gradibus. Cap. 1: hæc profert. Ab hoc quippè originali delicto nullus excipitur, præter illam, quæ genuit mundi Salvatorem. Abulensis super Prologum D. Hieronymi. Cap. 6: ita scribit. B. Virginem sine originali macula conceptam esse, nullo modo nego, sed toto animo confiteor. O prærogativam uni soli Virgini concessam! O Matrem verè intemeratam! quia absque originali labe concepta. Quam veritatem adeò defendit communis pietas ac devotio, ut pro ea tuenda stent, velut in acie, summi & imi. Docti & indocti. Provinciæ & Regna. Audi Apostolos. S. Andreas morti proximus, de immaculata Virginis Conceptione sic loquitur. Sicut primus Adam fuit formatus ex terra, antequàm esset maledicta, ita secundus formatus est ex terra virgineâ nunquam maledicta. S. Iacobus Major hæc habet. Mariam non tetigit primum peccatum.

Hæc



Apud Salazar. Lib. de Concep. Cap. 42. in 1. sæculo: cui si non credas, nec apud ipsum Tesiphonti, Iacobi hujus Discipulo, asserenti, B. Mariæ à peccato originali immunitatem, ab Apostolis ipsis definitam fuisse, crede Apostolorum Successoribus, Summis Pontificibus. Nonne fortissimè pro eadem veritate stant illi ipsi? Nonne Adrianus. IV. ad Petrum Pontiniacum, Librum scripsit de immaculata Virginis Conceptione? Nonne Innocentius VII. Ioannem Montesonum, qui in Concione docuerat, Virginem in peccato fuisse conceptam, ad palinodiam canendam coegit? Nonne Sixtus IV. in Extrav. plurimas indulgentias impertitur, hanc Festivitatem modo à se præscripto piè colentibus? Nonne Iulius II. Religionem Sanctimonialium immaculatæ Conceptionis, quæ sub Sixto IV. inceperat, benignè confirmavit, eique Regulam præscripsit? in cuius Cap. 2. hæc professionis norma assignatur. Ego N. ob amorem Domini nostri, & Immaculatæ Conceptionis, ejusdem Genitricis, voveo &c. Nonne idem Iulius. II. multas Indulgentias impertijt Castellanis, qui in pectore ferrent imagines immaculatæ Conceptionis? Nonne Adrianus. VI. fundatam Toleti in honorem immacu-



lata Conceptionis Confraternitatem approbavit? Nonne Leo. X. in Conceptionis honorem multa Templata extruxit? Indulgentias multas contulit, festum ejusdem celebrantibus, & imagines deferentibus? Nonne denique (ne prolixior Pontificum catalogus texatur) Pius. V. confirmatis Sixti. IV. Legibus, Festum Conceptionis toto Orbe celebrari jussit? Quod si hæreticorum more, osor Pontificum, Cæsares potius intueri affectas, qui immaculatae Conceptionis propugnatores extitissent. Intuere obsecro, sapientissimum Orientis Imperatorem Leonem, qui Anno. 891. Librum, & Orationes pro Virginis immaculatae Conceptione conscripsit. Intuere Augustissimum Romanorum Imperatorem Ferdinandum. II. qui ab Urbano VIII. obtinuit, ut per omnia sua Regna & Provincias, festus etiam in foro, immaculatae Conceptionis dies ageretur. Intuere non degenerem Filium Ferdinandum. III: qui omnes Scientiarum Professores, atque ad gradum dignitatis promovendos, voto immaculatae Virginis defendendae obligari fecit. At quia solis Imperatoribus nequaquam contentus, etiam Reges aliquos inspicere desideras. Inspice Ioannem. I. Navarrae Regem, qui edicto cavuit in  
Comi-



Comitij Cathalauniæ, ne quis concionando, aut disputando, immaculatæ Conceptioni contraireret. Anno 1451. Inspice Catholicum Hispaniarum Regem, Philippum. III: qui à Paulo. V. Pontifice Maximo. Bullam impetravit, ne quis in publicis actibus docere posset sententiam, quæ immaculatæ Conceptioni adversatur. Inspice eundem, imò loquentem audi. Si necessarium omninò putarem, (inquit ipse apud Salazar, in Præfatione de Concept.) me Romæ adesse, & ad pedes Sanctissimi Patris nostri provolvi, ut pro Virginis originali iustitia extremam sententiam ferre, & causam istam per Sancti Spiritus assistentiam definire, ac terminare vellet, quamprimum fieri posset, alijs quibuscumque rebus posthabitis, & omnibus superatis difficultatibus, Romam contenderem, & Sanctissimo Patri me sisterem. Inspice denique hunc ipsum Philippum. III. & IV. Hispaniarum Reges, qui Legationes celeberrimas ad Sedem Apostolicam, pro immaculata Conceptione ablegavêre. Pineda in monit. ad Lect. Verùm quia

*Regis ad exemplum totus componitur Orbis.*

Madriti, Sodalitati Immaculatæ Conceptionis à Philippo. III. institutæ, Principes domestici om-



nes, omnes Hispaniæ Magnates, ViceReges, Duces, Marchiones, Comites, alijque è Nobilitate, sua nomina dedêre. Civitas Hispalensis, verba hæc: BEATA VIRGO MARIA SINE PECCATO CONCEPTA; meris gemmis & adamantibus in tapete descripsit, pretio, ut relatum fuerat. 80. millium ducatorum. Academia. Parisiensis. Valentina. & alia, ita stant pro immaculata Virginis Conceptione, ut nullus ad Doctoratum Theologiæ admittatur, nisi prius sub juramento promittat, nunquam se oppugnaturū illibatam Matris intemeratæ Conceptionem, absq; labe originali, ut adnotavit Mendoza. Denique quàm gloriosè pro immaculata Virginis Conceptione desudârit amplissimus ille Sacrosancti Concilij Tridentini Senatus, audi P. Nicolaum Lancicium. tomo 2. suorum Opusculorum. Opusculo XI. Cap. 13. hæc dicentem. Legi & descripsi. Año 1599: ex Actis Originalibus Concil. Tridentini (quæ asservabantur in Castro. S. Angeli Romano, & cum licentia expressa Clementis. VIII. fuerunt P. Petro de Aruñal. Professore Theologiæ, in Coll. Romano, & mihi ejus Socio ad aliquot horas exhibita, à Cardinali Cæsio.) ex aliquot decadibus Episcoporum, deputatorum ad tractandum



dum de hoc puncto Conceptionis B. Virginis Mariæ, omnes asseruisse, illam esse conceptam sine peccato originali, solos quinque contrarium dixisse. Postea in alia Sessione fuisse conclusum, ut tandem determinaretur à Concilio Tridentino, illam esse conceptam sine peccato originali, sed ob instantissimas preces aliquot Episcoporum & Theologorum S. Dominici, qui illi Concilio aderant, rogantium, ne hac vice propter notam quæ inureretur Ordini S. Dominici, hoc Decreto illud ederent, sed supersederent, & ad aliud tempus illud rejicerent. Concilium supersedit, Decretum illud non divulgavit, hanc solam ob causam. Ita habetur in illis Actis Concilij. Hæc ad verbum citatus Lancicius. O Amatores Mariæ! huc huc accurrite, huc properate, & hanc opinionem vos pro virili defendite, hanc sententiam vos toto corde diligite, hanc doctrinam vos semper tenete. Agite, & sæpius perpendite, (absque ulla tamen contrariæ sententiæ censura) illud, quod D. Anselmus in quadam sua epistola, cujus meminit Suarez. tom. 2. in 3. part. disp. 2. Sect. 5. ad Episcopos Angliæ scripta, fertur proposuisse, nimirum. Non esse verum amatorem Virginis, qui hoc Festum non celebrat: & illud Lutheri,



ri, quod ille nequiter usurpare ausus est. Nullum  
Festum odit Anima mea magis quàm Festum Cor-  
poris Christi, & Conceptionis B. Virginis.

## STIMVLVS SECVNDVS.

**C**onsidera. 2. Quàm multi ab ipsis adversa-  
riorum castris, ad signa Matris intemeratæ de-  
sciverint, & pro immaculata Conceptione non mi-  
nùs fortiter, quàm gloriosè decertârint. Intuere  
gloriosissimum Ducem & Patriarcham Domini-  
cum, quàm generosè gladium vibret ille, dum in  
tractatu quodam contra Albigeneses de Sanctissimo  
Sacramento, hanc Virginis puritatem asserit. In-  
tuere dignum tanto Patre Filium Thomam Aquina-  
tem, quàm audacter hostibus insultet, dum in  
expositione Angelicæ salutationis, his verbis de Ma-  
ria loquitur. Ipsa purissima fuit quantum ad om-  
nem culpam, quia nec originale, nec mortale, nec  
veniale peccatum incurrit. Et iterum in 1. Sent.  
dist. 20. art. 3. loquens de puritate, affirmat, B. Vir-  
ginē à peccato originali, & actuali fuisse immunem.  
Audi divinum illum Thomæ Magistrum Albertum  
Magnum, quid de Matre intemerata loquatur, cui  
coro-



coronam 12. stellarum texens, concedit eam solam  
 exemptam ab illa Regula Pauli ad Rom. 3. Omnes  
 in Adam peccaverunt. Audi quid sacer ille Eccle-  
 siastes, ex eadem D. Dominici Familia, Taulerus,  
 in quadam Concione Purificationis dicat. Hinc il-  
 li accessit decor, quod culpæ originalis perpetuò ex-  
 pers fuit, à qua præservârat illam Filius ejus, ita ut  
 ne momento quidem temporis, vel iræ filia, vel vas  
 immundum, vel diabolico (sicut nos alij omnes)  
 subjecta dominio fuerit. Quod si Purpuræ magis  
 placent. Audi eum, qui primus è D. Dominici Re-  
 ligione, Cardinalitiâ Dignitate, ab Innocentio. IV.  
 Anno. 1244. ornatus fuerat, nimirum Hugonem  
 Cardinalem, doctrinâ & sanctitate conspicuum.  
 Hic in Concione quadam, postea Parisijs impressâ.  
 Anno. 1506. ait. Vnam ex stellis Coronæ Virginis,  
 esse ejusdem generationem, & conceptionem, &  
 hanc quidem esse coelestem, à maledictione Evæ  
 immunem. Si ergo coelestem vocat Virginis gene-  
 rationem, quomodo in peccato geniali conceptam  
 censuisset? Sed audi alterum è Purpuratorum nu-  
 mero Patrem, Cajetanum, qui licet in contrariam  
 opinionem magis inclinet, tamen in 3. part. Tho.  
 q. 27. art. 2. Mariam secundum naturam in pecca-

Q

ti ma-



ti maculam incurfuram fuisse dicit, nisi munus prae-  
 venientis gratiae illam in ipso instanti infusionis ani-  
 mae impedivisset. Verum quia plures D. Dominici  
 Religiosos, qui immaculatam Virginis Conceptionem  
 admittant, citatos legeres apud Ioannem Pine-  
 dam è Soc. Iesu, in Oratione panegyrica de hoc ip-  
 so argumento, lege unicum ex eodem sacro Ordine,  
 P. F. Matthiam Aquarium, in almo studio Neapolitano  
 celebrem Doctorem. Opinio, inquit in Cap. 3. sent. d. 3.  
 quae tenet Beatissimam Dei Genitricem Virginem  
 Mariam ab omni originalis peccati contagio, fuisse  
 penitus praeservatam, est magis pia, devotioni populi  
 accommodata, & conformis rationi naturali, quia  
 Deus est agens perfectum: & morali, quia Deus  
 magis inclinatur ad amandum quam odiendum:  
 & politicæ, quia Deus est legislator, & sic respectu  
 suae Matris potuit dispensare in lege: & Theologicæ,  
 quia Deus instituit Circumcisionem, & tamen suspendit  
 eam in deserto: & quia producit effectum sibi  
 gratum, puritas autem suae Matris est sibi gratissima.  
 Ergo praeservavit eam ab omni macula. Haecenus ille.  
 Age Anima mea. Age continuis apud Cœlites precibus,  
 in plurium auribus perstrepat verba illa, quae Angelicus juvenis



venis è Societate Iesu Berchmans , moriturus dixerat , uni ex eadem Societate Sacerdoti. Reverentia semper tueatur immaculatam Conceptionem Virginis usque ad mortem. Age, & apud immaculatæ Matris immaculatum Filium effice, verba illa, omnium omnino, Religiosorum maximè corda penetrant, ita ut nullus sit, qui Angelicum illum juvenem Berchmannum non imitetur; inventa enim est ejus sanguine subscripta schedula, in qua jure jurando confirmat, se semper defensurum immaculatam CONCEPTIONEM.

### STIMVLVS TERTIVS.

**C**onsidera 3. Quàm stupenda prodigia hanc immaculatam Conceptionem circumdant undequaque ! sive enim in Cœlum oculos tollas, sive in terram deprimas, sive ignem, sive aquam, aut aërem intuearis, ubiq; admiranda sese ingerunt, ubiq; spectacula. Spectatorem si agas, vel Auditorem, en ipso initio suavissima auditur melodia : hoc est

### Pium Osanna.

**M**atri intemeratæ, absque originalis peccati la-  
Q<sub>2</sub>
be



be conceptæ, ab Hispalensibus puerulis, divinitus inspiratis prœptum, & Latine utcunque redditum ex Hispanicis Rhythmis excusis.

Veridici infantes,

Qui morantur Hispali,

Alphabetum lallantes,

Vt tinnitum crotali:

Negant originale

Tetigisse Virginem,

Peccatum, quod tam malè

Defædavit hominem. &c. &c.

*Cætera prosequitur Pined: in Libello de Concept:*

*Immacul. B. Virg.*

Quod si Prologum audire placet. Audi Matrem intemeratam, quæ ad Brigittam. Lib. 6. C. 49. hæc loquitur. Veritas est quòd ego concepta fui sine peccato originali. Eadem immaculata Mater, teste Canisio. Lib. 1. de Deipara C. 7. hæc ait. Scito quod Conceptio mea, non omnibus nota fuit, quia voluit Deus, quod sicut ante Legem scriptam præcessit Lex naturalis, & electio voluntaria boni & mali, & postea veniret Lex scripta, quæ cohiberet omnes inordinatos motus, sic placuit Deo, quòd Amici sui piè dubitarent de Conceptione mea, & quili-



quilibet ostenderet zelum suum, donec veritas claresceret, in tempore præordinato. Ipsissima Maria, teste Alphonso Rodriquez, ei patefecit, Societatem Iesu ad hoc inter alia potissimum à Deo per Ignatium excitatam, ut illius immaculatam Conceptionem, per Orbem cōmendaret. O prologum excellentissimū! ó prologum eloquentissimū Mariā! Sed SCENAS ipsas intueri, quæ omnes aut Festum Conceptionis, aut immaculatā Virginis Conceptionem tibi repræsentant. PRIMA SCENA, Cœlum tibi exhibet, sed simul Festum Conceptionis; ait enim S. Vincentius. Serm. 2. de Nativ. Virg: loquens de Conceptione. Non credatis quia fuerit sicut in nobis, qui in peccatis concipimur, sed statim atque anima fuit creata, fuit sanctificata, & statim Angeli in Cœlo fecerunt Festum Conceptionis. SCENA SEDVNDATA, voracissimum elementum, ignem nimirum producit, at suæ naturæ oblitum; nam ab impijs hæreticis ter in ignem injectus fuerat Liber ille de Sanctissimo Sacramento, quem S. Dominicus Patriarcha, contra Albigenes scripserat, ubi asseruerat conceptam absq; peccato B. Virginem; & tamen integer exiliit, ut observat Loco Cit. Pineda. SCENA TERTIA, aëris meminit, sed



immaculatæ Conceptionis laudes ubique personantis, tot videlicet, quot aut pro immacul. Concept. disputassent in Scholis, aut dixissent in templis, aut quoquo modo palâm perorassent; inter quos Iacobum Laynez in Concil. Trident: Summi Pontifi. Theologum adducit, licet quartanâ laborantem, tamen. 3. continenter horis pro immaculata Conceptione perorantem, & quo magis dicendo progrediretur, eò magis vires corporis sibi accrescere sentientem, seque se ipso valentior fieri.

SCENA QVARTA, inimica illa ad se invicem elementa, aquam & ignem mirabiliter unit. Refert Ioan. Eusebius Nierembergus in Lib. 1. de miraculosis naturis in Europa. Cap. 68. Quo die Cursor Regius, Pauli. V. Summi Pontificis diploma (eo sententiam asserentem quod B. V. fuerit concepta in peccato originali, deinceps in publicum ef ferri vetuit, sive in scholis sive in templis, concionibus, lectionibus, conclusionibus, alijsque quibuscunque publicis actibus.) Madritum detulit, ubi descendisset ex equo, lampas nocturnis tantum horis coram imagine purissimæ Virginis accendi solita, mediâ plateâ, clarâ die, eo ipso cum Cursor appelleret momento, cunctis obstupescantibus spontè arde-



ardere cepit, consumptoque exiguo, quod à præterita nocte supererat oleo, perduravit flamma, ipsa quæ supposita erat aquâ ignis fomentum suppeditante. *SCENA QUINTA*, Terram ostendit cum rosa pulcherrima, quam ipsa in testimonium immaculatæ Conceptionis protulisse videtur; nam Nicolaus Pratenfis, Vir religiosissimus, & Deiparæ studiosissimus, dum effecisset, ut octava hujus Festi Conceptionis, in suo Ordine Cœlestinorum institueretur, præ lætitia hortum ingressus, rosam omnium quas ibi viderat pulcherrimam, coram B. Virginis imagine venerabundus reposuit, illis verbis: Mater si tibi gratum fuit, quod noster Ordo de Octava tuæ immaculatæ Conceptionis me agente constituit, rosa hæc rubicunda, quam tibi offero, vertente anno, recurrente hoc ipso die, viriditatem suam, pulchritudinemq; conservet. Dictum factum, rosam enim in anniversario die integram, pulchramq; conspexere multi, ut testatur Antonius Solarius Carpinas. Lib. de vener. & invoc. Sanctorum. Verum quam prologum agentem spectasti Mariam, eandem epilogum & quasi grates referentem intuere. Alphonfus Rodriquez è Soc: Iesu: 40. annis quotidie immacul. Conceptionis B. V. Officio.



ciolum recitabat, quod gratum esse B. V: ab ipsa Virgine in Refectorio sibi apparente intellexit. O Spectacula coelitibus jucundissima! ô Comoediam Matri intemeratae acceptissimam! Age Christiane, & in periculis maximè ad immaculatam Virginis Conceptionem recurre, nam in mari cuidam Britanno Abbati apparuit S. Nicolaus, periculum evasurum promisit, si ille promitteret anniversariam deinceps immaculae B. V. memoriam agere, & alijs agendam prædicare, promisit & evasit, ut refert Petrus de Natalibus in Catalogo Sanctorum. Lib. 1. Cap. 42. Age Sodalis Mariane, & licet ad fundum peccatorum demersus, spera tamen vitam spiritualem per immaculatam Conceptionem Virginis, Canonicum enim submersum, solitum sibi suas horas decantare, ad vitam revocavit illa, post alia dicens. Precor te, inquit, ut Festum Conceptionis meae devotè celebres annuatim. 6. idus Decembris, & ubique celebrandum prædices: (Claudius Rota Ordin. Præd:) & te ad spiritualem non revocabit? Age denique quisquis ad coeli gaudia aspiras, age quod agendum suadet Maria, quæ tempore Caroli Regis Francorum, apparens Clerico cuidam, Regis Vngariae Germano, (rem narrat citatus Claudius



dius Rota. Cap. 185.) sic post alia ipsum affata est. Si Conceptionis meæ Festum annuatim. 6. idus Decemb: solemniter celebraveris, & celebrandum prædicaveris, mecum in Regno Filij mei laureatus eris.

### STIMVLVS QVARTVS.

**C**onsidera 4. Rationes nonnullas quibus immaculatam Virginis Conceptionem tueri possis. Prima sit: quia Apostoli illam docuerunt. Secunda: quia Summorum Pontificum autoritas approbat eam, tum festo publico, tum Officio, Missâ, atque indulgentijs. Tertia: quia tot Sanctorum Patrum gravissima suppetunt testimonia. Huc facit regula illa. S. Augustini. Lib. 5. cont. Iulian. C. 9. Eum qui nunquam actualiter peccavit, neq; originale contraxisse: subsume. Atqui Maria nunquam peccavit actualiter. Ergo &c. Huc facit etiam Concil. Trident. Sess. 5: ubi in calce Decreti subijcitur. Declarat tamen hæc ipsa Sancta Synodus, non esse suæ intentionis, comprehendere in hoc Decreto, ubi de peccato originali agitur, Beatam & immaculatam Virginem Mariam. Quarta: tot Viri doctissimi, piam hanc sententiam scriptis con-

R

signa-



signarunt, ut illorum censum facere sit perquam difficile: ex sola Societate Iesu. Salazar. Cap. 42. in sæculo 16: numerat nonaginta. Quæ Societas, adhuc in suis primis incunabulis, cum Romæ primas Theses Theologicas vivente adhuc Ignatio exposuisset, in ijs princeps Quæstio, immaculatam Conceptionem asseribat. Quinta: Antiquissima hujus Festi celebritas, nam in Ecclesia Græca, ante 1000. annos celebrari cæpit, ut refert Galatinus. Lib. 7. Cap. 4. In Ecclesia autem Latina introduci cæpit ante 500. fortè annos, ut ex epistola Bernardi constat. Sexta. Prodigia & miracula, atque revelationes in hujus veritatis confirmationem effecta; quam veritatem tu confirma primò. Quia nullum gratiæ beneficium alicui puræ Creaturæ concessum est, quod Matri huic intemeratæ negatum fuisset. Atqui hoc beneficium gratiæ, nimirum creari in gratia, concessum fuit primis nostris parentibus. Ergo & illi. CONFIRMA secundò. Præservata fuit à peccato actuali ex speciali Dei gratia, ergo multò magis ab originali, quod ut advertit Suarez tom. 2. in 3. part. disp. 3. sect. 5. major est macula, quam aliquod veniale. Notat Cordubensis. Lib. 1. q. Theol. q. 48. Virginem potius eligere debuisse cære



rere originali peccato, quàm esse Matrem Dei, quia  
 si præcisè hæc considerentur, magis detestanda cul-  
 pa quàm carentia cujuscunque boni. CONFIRMA  
 tertio. Quia piè credendum est, Filij Dei adversus  
 amantissimam Parentem, effusissimam charitatem,  
 voluisse præ cæteris hoc modo honorare illam, jux-  
 ta illud Assueri Regis ad Hester. 15. Non pro te  
 sed pro omnibus hæc lex est constituta: aut juxta il-  
 lud Vlpiani. Princeps legibus solutus est; Augusta  
 autem licet legibus soluta non est, Principes tamen  
 eadem illi privilegia tribuunt, quæ ipsi habent, L.  
 princeps. §. de legibus. Disce ex huc usque dictis  
 Anima Christiana, credere immaculatam Virginis  
 Conceptionem. Disce pro tam intemerata Matre  
 ubique zelare, exemplo Ioannis Berchmans, qui vo-  
 verat, si quos aliquando libros editurus esset, pri-  
 mum ingenij sui partum fore de immaculata Ma-  
 riæ Virginis conceptione. Sequere præeuntem eun-  
 dem Angelicum Iuvenem, qui in hæc verba coram  
 augustissima Eucharistia Matri Virgini sese obligat.  
 Ego Ioannes Berchmannus indignissimus Societa-  
 tis Iesu Filius, Tibi, Filioque tuo, quem hic præsen-  
 tem in Eucharistia veneror, polliceor, me perpe-  
 tuum fore assertorem, vindicemque immaculatæ



Conceptionis tuæ. O formulam dignam quam spectante totâ Curiâ cœlesti excipiat illa, de qua sola inter omnes mortales prædicari potest.

Concepta est sine peccato originali.

**MEMENTO UT DIEM SABBATI SANCTIFICES.**

**A**nnon albo signanda lapillo Sabbati dies? eo quippe die conceptam, suspicantur nonnulli, Matrem intemeratam, omnisque genialis labis expertem Mariam. Venite igitur omnes, & monente Ecclesia, cum iucunditate Conceptionem B. Mariæ celebremus, ut ipsa pro nobis intercedat ad Dominum Iesum Christum. Afferit S. August. Ep. 113. apud veteres Christianos, alicubi, singulis Sabbatis, in usu fuisse Communionem. Et nos vel Sabbatis in Matris intemeratæ honorem, ejusque immaculatam Conceptionem, idipsum agere detrectabimus?

CAPVT



C A P U T  
DECIMUM.  
MATER AMABILIS.

*O Domina quæ rapis corda hominum dulcore,  
nonne cor meum Domina rapuisti? ubi quæso posui-  
sti illud, ut ipsum valeam invenire? ô raptrix cordium,  
quando mihi restitues Cor meum?*  
S. Bernard: super. Salve Regina.

S T I M V L V S P R I M V S.



**C**onsidera. I. Quàm amabilis,  
quàm pulchræ dilectionis sit Maria,  
siquidem adeò illam dilexit ipsemet  
Deus, ut dicat Ansel. Lib. de excell.  
Virg. Cap. 4. Ostendit amorem erga  
Matrem, quo nullum putemus esse majorem: idem  
infra. Quid ergo. inquit. hic dicemus? estne puta-  
tis ulla mens hominis, quæ modum hujus dilectio-  
nis, quam Deus ad hanc Virginem habuit, queat  
penetrare? idem iterum infra. Potestne quæso ul-  
lus



lus hominum, aut Angelorum, istius amoris im-  
 mensitatem penetrare? unde meritò Aug. prout  
 refert Bonav. in Speculo Mariæ C. 6: ad hanc Ma-  
 trem amabilem sic loquitur. Te ipse Rex Regum,  
 ut Matrem veram, & decoram sponsam præ omni-  
 bus diligens, amoris amplexu sibi associat. Suarez  
 etiam tom. 2. in 3. part. disp. 18. Sect. 4: asserit, il-  
 lam plus diligi à Deo, quam reliquos Sanctos om-  
 nes. O immensitatem Divini amoris erga Virgi-  
 nem! quam immensitatem, teste S. Ansel: nullus  
 hominum vel Angelorum penetrare potest. O  
 amorem non speculativum duntaxat, sed practicum  
 simul! Practicum, quando Maria in Dei Matrem  
 electa. Practicum, quando tot gratijs exornata.  
 Practicum, quando teste Bernardino. Sermone. 15.  
 de Festivitatibus Virginis. C. 3. Christus potius ve-  
 nit pro sola Virgine redimenda, quàm pro cæteris  
 hominibus omnibus. Practicum, quando supra  
 omnes Cœlites exaltata. Practicum, quando Re-  
 gum, Cæsarumque, imò omnium cultui & amori  
 exposita. O homo lætare, de tam sublimi Dei in  
 Mariam amore, & sequere Carolum, Sanctæ Bri-  
 gittæ filium dicentem. In tantum ego gaudeo  
 quod DEVS Virginem MARIAM MATREM  
 suam



suam habet super omnia charissimam, quod nulla  
 Creatura, vel corporalis delectatio est in mundo,  
 quam ego in permutationem illius gaudij recipe-  
 rem, imò illud gaudium omnibus terrenis delecta-  
 tionibus præferrem. O homo! tu non amabis hanc  
 Matrem amabilem, quæ sola magis amatur à Deo,  
 quàm omnes homines & Angeli simul sumpti? O  
 homo! tu amore speculativo contentus, practicum  
 spernes, ad quem suo exemplo te invitat Deus, in-  
 vitant Cœlites? S. Stephanus Rex Vngariæ, Matrem  
 amabilissimam Mariam, suorum bonorum hære-  
 dem ex asse constituit, & ut plus restaret, parcius vi-  
 vebat, teste Baronio ad annum. 1043. O amorem  
 practicum! Pientissimus ille ex sacro purpurato-  
 rum Patrum Collegio, Bellarminus, medium Cor  
 Christo, alterum dimidium legavit Mariæ. O ite-  
 rum amorem practicum! Sophronius inter opera  
 Hieronymi. Serm. de Assumpt. suadet. Amate  
 Mariam quam colitis, colite quam amatis, quia  
 tunc verè colitis & amatis si imitari velitis. O con-  
 silium amorosa praxi plenissimum! Disce ô Chri-  
 stiane practicè amare Mariam. Disce diligere eam,  
 quam P. Didacus Martinez cupiebat solus tantum  
 amare, laudare, venerari, quantum Sancti simul  
 uni-



universi; idemq; optabat membratim & frustatim concidi in honorem Mariæ. Disce ab Alphonso Rodriquez, qui quadam die, in has voces ausus est prorumpere. O Domina. ego te impensius longè quàm me ipsum amo; te amplius diligo Mater mea, quàm tu me diligas. Verùm amabilissima Mater, nequaquam se superari passa est, nam cum se illi visendam præbuisset, non ita est. ait. ut sentis mi Alphonse, sed ego te impensius amo, quàm tu me diligas. O certamen amoris, in quo vinci & vincere sit æquè optabile & gloriosum! Disce denique, & memoriter edisce eruditas illas lectiones Ioannis Berchmans, quas tibi & mihi, & omnibus sic dictat. Nunquam. inquit. quiescam, donec obtinuerò amorem tenerum erga dulcissimam meam Matrem Mariam. & iterum; rogatus si mille corda haberet, nonne Mariam mille cordibus amaret: respondit, mille cordibus amarem: & iterum, si amavero. inquit. Mariam, securus sum salutis, impetrabo quicquid libuerit à Domino, adeoque omnipotens ero. Tandem. quam. inquit. conatus sum amare in vita, & ipsa amabit me in morte, & alter alterum amabimus in æternum. O lectiones omnibus Theologicis eminentiores! ô amores reciprocos! juxta illud Cant. 2. Dilectus meus mihi, & ego illi.



## STIMVLVS SECVNDVS.

**C**onsidera. 2. Quàm amabilis Maria ob ingentem decorem, atque stupendam suam pulchritudinem, quâ unicâ adeò rapiuntur mortalium corda & oculi. O Domina. ait Anselmus, pulchra es ad intuendum, amabilis ad contemplandum. Nazianzenus in Tragœdia. Christus patiens: vocat eam inter pulcherrimas primam. S. Ioan. Damascenus. Orat. 1: de Assumpt: appellat eam: ornamentum generis humani, & universæ creaturæ decus. De ea quidam apud Euseb. Nieremb. lib. de affectu erga B. Virginem, à Martino Sibenio in latinum verso. Cap. 17. in margine. ait. Si omnes arenæ maris, omnia terræ gramina, omnes atomi solares, omnes stellæ cœli mutarentur in totidem soles, hi simul tamen iuncti, non æquarent claritatem Mariæ. Verùm ne multum disputes, de qua pulchritudine hæc dicta, lege Albertum cognomento Magnum, qui naturalem Virginis pulchritudinem tantam fuisse autumat, quanta nunquam Reginæ Esther, Iudit, Racheli, & Rebeccæ pulcherrimis Matronis est tributa. Vt enim Christus speciosus fuit forma præ filiis hominum. Psal. 44: ita amabilis

S

lis



lis hæc Mater mulieres omnes forma superavit. O pulchritudinem! ô venustatem! cedant ergo venustissimæ huic Virgini, illustres illæ & adeo à pulchritudine laudatæ Heroine. Genes. 12. Sara pulchra nimis. Gen. 24. Rebecca decora nimis. Gen. 29. Rachel venusto aspectu nimis. Regina Esther, de qua. C. 2. legitur: erat formosa valde, & incredibili pulchritudine omniū oculis gratiosa & amabilis videbatur. Cedant deniq; Nymphæ illæ formosissimæ, de quib' apud Iob. C. 42. scribitur. Non sunt inventæ mulieres speciosæ sicut filia Iob in universa terra. Sed audi ipsum Albertum Magnū, qui de corporali Virginis pulchritudine loquens ait. Quemadmodum inquit, Corpus Christi est perfectissimum atque pulcherrimum in natura quod fieri potuit, secundum statum viæ, sic corpus Virginis fuit pulcherrimum secundum statum viæ quod natura per se operans facere potest: ita ille in Lib. de B. V. apud Dionys. Carthus. Lib: 1. de Laud. Virg: art. 34. Pergit ibidem Albertus. Ideo dicimus. inquit. quod sicut Christus fuit speciosus forma præ filiis hominum, sic Virgo pulcherrima fuit inter filias hominum, & quod ipsa habuit summum & perfectissimum in pulchritudine, quod potuit esse in mortali



corpore foemineo secundum statum viæ, operante natura. ita ille. Audi Raimundum Lullum Eremitam in Lib. de Laud: B. V. Ca. 15. sic ait. In ipsa B. Virgine est pulchritudo corporalis in tanta magnitudine quæ respondet pulchritudini filij sui, quæ est pulchritudo major omni pulchritudine creata. Audi denique illud, quod Sermone. 86: his simplicissimis aliàs verbis narrat Meffret. Quidam Eremita. ait ipse. faciem Virginis cùm adhuc viveret, desiderans videre, audivit vocem Domini dicentem, ibis in Hierusalem, & ibi faciem Matris meæ videbis, ut diu desiderasti. Surgens ille, multo tempore laboravit, tandem illuc pervenit, & hospitium Virginis sollicitè quærens, ad montem Sion sub quo habitabat, ductus, venit ad mansionem ejus, quam clausam reperiens pulsavit: & ecce juvenis devotus, ostium aperiens, & advenam cernens, sui adventûs causam inquit, ille autem ei intimavit, quæ fuerant à Deo sibi promissa: cui juvenis, (fuit ipsemet Ioannes qui hoc scribit.) faciem. inquit. ejus videbis, si tibi ostendere voluerit, expectabis ad nonam, & regredientem ab oratione si ei placuerit eam videbis. Iuxta tempus nonæ cùm regrederetur Virgo, ait Ioannes, Domina filius tuus



direxit ad te quendam senem, repromittens ei quod  
 debeat faciem tuam videre; at illa subsistens, di-  
 missio pallio quod super caput gerebat, conversa ad  
 senem ait. Vide nunc faciem famulæ Dei, quam  
 cum intuitus fuisset, præ nimia claritate stare non  
 potuit, sed cadens in terram, dixit. Eja Mater mise-  
 ricordia, si nunc facies tua adeo est gratiosa, qualis  
 erit in patria. Hæc ipse. O prodigiosam Matris ve-  
 re amabilis pulchritudinem! o venustatem omni  
 humanæ venustati anteponendam! hinc cuidam  
 Vngariæ Regis Fratri nuptias cogitanti, & in officio  
 Mariano decantanti verba illa, pulchra es & decora  
 lia Hierusalem; apparens Maria dixit; si ego sum  
 pulchra & decora, quid est quod dimittis me, &  
 Sponsam aliam quæris? numquid ego non sum pul-  
 chrior illa? ubi vidisti tam pulchram? si Sponsam  
 cui adhærere vis, amore mei dimiseris, me Spon-  
 sam in cœlesti Regno habebis. Heus Sodalis Maria-  
 ne! sequere monitum cœlestis hujus Sponsæ; dic  
 illud Sap. 8. Hanc amavi, & exquisivi eam mihi  
 Sponsam sumere, & amator factus sum formæ il-  
 lius. Contemplare die noctique decoram hanc fa-  
 ciem; certè Beato Amedeo ab Archangelo Gabri-  
 ele revelatum legitur, Mariam in Cœlis, non ad la-  
 tus



tus dumtaxat Filij esse, sed illi ex adverso oppositam, quò vultum ipsius perpetuò inspiciat, & si quando Christus, ejusque sanctissima Mater, loco se moveant, id semper ita facere, ne caput alter ab altero avertant, verum ut indefinenter invicem se respiciant, ac contemplantur. O aspectus amorfos! sed licitos, sed sanctos.

### STIMVLVS TERTIVS.

**C**onsidera. 3. Quidni Mater Amabilis vocetur à nobis Maria, quæ omnium nostrum, filiali affectu sese colentium, verè est amabilissima Mater; & quidem ita suorum amans, ut nulla sit tam vehemens filiorum amatrix parens, quæ ad amorem Mariæ pertingat, quo illa despectissimum quemlibet hominem amplectitur: hinc meritò B. Stanislaus KOSTKA illam in communi sermone appellabat Matrem suam; & cum ab Emmanuele Sa, celebri Theologo Soc. Iesu, interrogatus fuisset, an diligeret B. Virginem, humili gestu, simul & ore blandissimo respondit, quid Pater mi quæris? Mater mea est. Sophronius inter opera Hieronymi. Serm. de Assump. Matrem gentium eam vocat.



Omnium parentem, Ephrem Serm. de laud. S. Bo-  
 naventura Cap. 8. Matrem omnium fidelium uni-  
 versalem; quod gratiosè confirmant verba amabi-  
 lis hujus Matris, quæ ipsa olim S. Brigittæ vigilianti  
 in oratione dixit Lib. 4. Revel. Cap. 138. Ego sum  
 Mater Dei. Ego sum Mater omnium qui sunt in  
 superiori gaudio, sum etiam Mater omnium qui  
 sunt in purgatorio. Ego sum Mater totius justitiæ  
 quæ est in mundo, & sicut materna manus semper  
 parata est ad opponendum se periculis in cordis Fi-  
 lij sui defensionem, si aliquis niteretur in sui læsio-  
 nem, ita ego sum parata jugiter justos qui sunt in  
 mundo defendere, & de omni spirituali periculo li-  
 berare. Ego etiam quasi sum Mater omnium pec-  
 catorum se volentium emendare. O verba amoris  
 plena! ô Mariam amabilissimam Matrem! sed au-  
 di illam iterum apud S. Gertrudem. Li. 4. Insinua-  
 tionum. Div. C. 4. Cùm B. Gertrudis in Missa de  
 Christo audiret cani illud: Primogenitus Virginis  
 Matris, cogitabat dici congruentius, Unigenitus  
 Virginis Matris, quia nullum alium genuit, & ecce  
 adfuit ei Maria blanda serenitate respondens. Ne-  
 quaquam unigenitus, sed congruentissimè primo-  
 genitus dulcissimus meus IESVS, quem primum  
 procrea-



procreavi, & post ipsum, imò per ipsum, omnes ipsi in Fratres, mihi in Filios maternæ charitatis visceribus adoptando generavi. O Filios felicissimos! ò Matrem amabilissimam!

*Incipe parve puer risu cognoscere Matrem.*

Incipe ab hac Matre nutriri, nam S. Bonav. in Ser: super illa verba. Astitit Regina. Sic ait. Maria quidem in Iesu parvulo, parvulos alios alere, & nutrire didicit. Incipe ruere in amplexus, & suavissima basia, forte tibi quoque continget quod B. Abundo Monacho (ex Chronic. M. 5.) qui adeò fuit familiaris Mariæ, ut manum ejus osculari mereretur, à qua etiam oris osculum accepit. Incipe denique in ea erumpere vota, in quæ P. Didacus Martinus Soc. Iesu, qui adeò sibi hanc Matrem conciliavit, ut in præcipuis ejusdem Festivitatibus à terra attolleretur, ad audiendum quomodo illas Angeli peragerent & celebrarent, à quibus edoctus in id genus vota erumpebat. Vtinam ego unus vitas possideam hominum omnium, ut easdem obsequio Dei Matris impendam. Vtinam habeam voluntates, affectusque omnes Sanctorum & Sanctarum omnium qui in Cœlis sunt, amemque Sanctissimam Virginem perfectissimo eorundem, ardentissimo & infatigabili amore!

STI-



## STIMVLVS QVARTVS.

**C**onsidera. 4. Annon amabilis Maria ob ingentia in nos beneficia, quæ tanta esse deprehenduntur, ut sint Patres qui non dubitent asserere, universum mundum, nisi per ipsam stetisset, pridem perituum fuisse, ejus unius meritis patrocinioque adhuc consistentem. Quare merito pronunciat Anselmus: beneficijs ejus plenum esse mundum. D. Bonav. in Spec. Cap. 3. ait. Omnia flumina intrant in mare, dum omnia charismata intrant in Mariam. Flumen enim gratiæ Angelorum intrat in Mariam, flumen gratiæ Patriarcharum & Prophetarum intrat in Mariam, flumen gratiæ Apostolorum intrat in Mariam, flumen gratiæ Martyrum, Confessorum & Virginum, & Doctorum intrat in Mariam, omnia flumina intrant in Mariam. Sed quid mirum, si omnis gratia in Mariam confluit, per quam tanta graria ad omnes defluit. Salazar Cap. 8. in Proverb: in versu 18. ait. Propterea Deus ex omnibus omnium bonorum & gratiarum generibus, Mariæ impertivit, quia scilicet Maria ex omnibus hisce bonorum & gratiarum generibus, plurima bona, & gratias, alijs impetratione sua



ne sua erogatura esset; ne si quam gratiarum non haberet, illam alijs impendere non posse quisquam putaret. Sed audi iterum eundem Salazar, qui c. 8. in proverb. exponens versum: Mecum sunt divitiæ & gloria, opes superbæ & justitia: inquit. Accipe quæ novus, sed locuples Auctor, de hac Virginis, (intelligit B. V.) in temporalibus bonis erogandis aut expendendis potestate, contemplatus est. Solent quidem Viri generosi, & uxorum amantes, eisdem plurimum fidentes, pecuniæ claves, & tutelam illis committere, & quidquid domesticarum expensarum est, illis tradere, ipsi verò aliquibus gravioribus muneribus vacant. Ergo ad eundem modum, Deus Optimus Maximus, Sponsæ suæ sanctissimæ Mariæ, tantundem tribuit ac fudit, ut ipsi temporalium bonorum tutelam & claves dederit, adeò ut quidquid horum bonorum in hac magna mundi domo expenditur, id per Mariæ manus recensitum transeat, & illius arbitrio distribuatur, ita ut jure dicere possit: mecum sunt divitiæ & gloria, opes superbæ & justitia, id est in mea potestate. Hæc ibi. O potestatem Mariæ! ô divitias! ô beneficia! Tu vel unicum recale, sed illustre, sed ingens illud, quod defuncto jam Everardo Mercuriano, Soc: Ie-



lu Generali, accidisse commemorat Ioannes Bour-  
 ghesius, in Libello cui Titulus Societas Iesu Mariæ  
 sacra, qui sic loquitur. P. Claudium Matthæum,  
 Provinciæ Franciæ Provincialem, magnâ sanctitate  
 virum, ferunt ea quæ præcedit electionem oratio-  
 nis hora, intentius precantem, hoc cœlitus immis-  
 sum habuisse visum, quo Sanctissima Virgo Dei  
 Mater una cum S. Bernardo, Abbate Clarevallensi  
 ad P. Claudium Aquavivam de cœlo delaberetur,  
 tum veluti medium ab ijs assumptum; ad cœlestem  
 Christi Domini Salvatoris Thronum fuisse dedu-  
 ctum, illique cum prece & gratia oblatum, com-  
 mendatione dignum, qui suæ Societatis clavum te-  
 neret, summamque ejus loco ac nomine gereret  
 præfecturam; quibus benignissimo vultu Salvator  
 annuerit, Patrique Aquavivæ suam sit elargitus be-  
 nedictionem. Coluit certè B. Virginem & S. Ber-  
 nardum præcipuo cultu. Id temporis Parisijs Pater  
 Thomas Albiger, natione Scotus è populari suo P.  
 Iacobo Tyrio. S. Theologiæ tum professore quæsi-  
 vit, num nosset inter Patres, qui in Vrbe Generali in-  
 tererant Conventui quendam nomine Claudium;  
 respondit P. Tyrius, se nosse, sed quorsum id quæ-  
 reret? ille candidè quid sibi elapsa proximè nocte

eve-



evenisset aperuit; surrexeram de nocte, Deum oraturus pro felici Patris nostri Generalis electione, tum mihi apparere dignata est clementissima Mater, & Spiritu me in Patrum Conclave deduxit, ac cæteros inter, juniorem quendam Patrem, Claudium nomine manu prehensum produxit in medium, tum Patribus aggregatis indicare videbatur, hunc vobis eligit in Præpositum Generalem, cui promptissimis animis Patres omnes annuerunt. O rem miram! ô beneficentiam Mariæ! cura illi est de omnibus, ut ait Idiota de contempl. Virg. Per Mariam inquit. Bernardus. Sermone. in Salve, speramus nos posse consequi quidquid totius bonitatis Auctor dignatus fuerit gratiæ nobis impertiri. Qui autem, ait Anselmus de excell. Virg. Cap. 4: in dilectionis erga Mariam suavitatem transit, non diffidendum quin in retributionis ejus participium transiturus sit. Age igitur Anima Christiana, age, & vel spe præmij ama hanc amabilem Matrem. Ad tumbam S. Brynolphi, cujus memoria redit. 6. Februarij: precantem D. Brigittam, suavissimi odores afflarunt, miranti supervenit cum Brynolpho Filioque maximo magna Mater, & hic (simul digito, oculisque Brynolphum loquebatur) hic est



dixit, qui me dum vixit, vitâ chariorem habuit. O  
 elogium invidendum ! ô charitatem æmulandam !  
 quis nos separabit à charitate Mariæ ? Nitebantur  
 quidem olim aliqui, à sodalitiis Matris hujus ama-  
 bilis, retrahere Sodalium unum, sed cum nil profi-  
 cerent, ei tandem denuntiarent, nisi ab ea Sodalitate  
 se abduceret, non ei opẽ laturos, siquid ipsi ab adver-  
 sa fortuna mali obtingeret, at respondit ille : tanto  
 ergo impensiori studio partes Marianas mihi se-  
 quendas video, ut si vos me deseratis, à Patrona  
 mea, quæ neminem deserit, præsidium paratum  
 habeam. Gas. Lechner in Sodal. Parth. Lib. 2.  
 Cap. 5. N. 7.

## MEMENTO UT DIEM SAB- BATI SANCTIFICES.

**U**Bi amor regnat, ibi exulet necesse  
 est Majestas. Cerne id in Sebastiano Lusitanix Re-  
 ge, hic Mariæ impensè addictus, cujus imaginem  
 semper pectori applicitam gestabat, singulis Sabba-  
 ti diebus in ejus honorem duobus Missæ Sacrificijs  
 piè intererat, eorumque alteri ipse ministrabat,  
 uti Antonius Vasconcellus. Ann. 1578. refert.  
 Proh



Proh pudor! Angelicum hoc Officium subterfu-  
gient impoſterum ſervi, quod ambiunt Reges?

# CAPUT VNDECIMVM. MATER ADMIRABILIS.

*Omnia in Virgine ſunt admirabilia, & naturæ  
vires excedentia, in qua Deus ſuam exer-  
cuit potentiam.*

Germanus Patriarcha Conſtantiſopolitanus.  
Orat. de Zona Virg.



**C**onſidera. I. B. Virginem Ma-  
trem eſſe admirabilem, colligi velex  
iſſis Patrum, Virorumque doctiſſi-  
morum elogijs ac laudibus quas ei  
deferunt; nam à S. Epiphanio voca-  
tur, miraculum ſtupendum in Cœlis & in terra:  
à S. Ephrem, miraculum præſtantiſſimum univerſi  
Orbis terrarum; à S. Bernardo, negotium ſæculo-  
rum: à S. Ioanne Damasceno, miraculorum offici-  
na: à S. Chryſoſtomo, magnum ſemper miraculum:



à S. Ignatio Martyre, coeleste prodigium : à S. Bernardino Senense, miraculum miraculorum : ab Andrea Cretensi, divinæ incomprehensibilitatis summa : ab Hesychio Episcopo Hierosolymitano. hom. 2. de S. Maria, universum Trinitatis complementum; vix non à Dionysio Areopagita, Dea fuit vocata & pro tali habita. Hic enim ut refert Carthusianus in 1. Sent. dist. 16. q. 2: dum in terram sanctam venisset, & Ioannem Apostolum accessisset, rogassetque se ad præsentiam S. Virginis introducere dignaretur: quo facto, in tanto splendore, sublimitate, ac gloria, ostensa fuit Dionysio Maria, ut ipse præ stupore in terram ruens defecerit, & ad se reversus dixerit: nisi ex ratione, fideque cognoscerem invisibilem Deum, non aliam putarem Deitatem, quàm Virginem hanc sublimem. Verùm quid juvat hæc audire, nisi ad hæc elogia Patrum, & tu tua addas. Beatus Stanislaus Kostka cum alijs pium certamen iniit, quis magnifica magis, quis magis tenera Virgini laudandæ epitheta, & titulos reperiret: at fortè occines, & objicies illud, quod cecinit olim celebris ille Doctor Petrus Comestor.

*Si fieri posset, quod arena, pulvis, & unda,  
Vidarum gutta, rosa, gemma, lilia, flamma,*

*Aether,*



*Aether, Cœlicola, nix, grando, sexus uterque,  
 Ventorum penna, volucrum & pecudum genus omne,  
 Silvarum rami, frondes, avium quoque penna,  
 Gramina, ros, stella, pisces, angues, & arista.  
 Et lapides, montes, convalles, terra, dracones,  
 Lingua cuncta forent, minimè depromere possent  
 Quæ sis, vel quanta, ô Virgo Regina Maria.*

*ita ipse.*

Ah timide & pusillanimis homuncio, frigida nimium isthæc excusatio, unico etiam epitheto honoratur illa, unico etiam titulo oblectatur; scire cupis quo maxime? audi. Ipsamet olim indicavit P. Iacobo Rem è Soc: Iesu, inter encomia quibus in Litanijis Lauretanis ab Ecclesia afficitur, nullum allubere sibi præ isto, MATER ADMIRABILIS, nam dum ex canerentur, ille cupidus intelligere, quod ei magis placeret; ad illud. MATER ADMIRABILIS: repentè Deipara ipsi apparuit, sat significans, hoc sibi præ reliquis arridere; tum ille ex angulo prorumpens in medium, & stupentibus sodalibus exclamat, ingeminant tertio voces illas. MATER ADMIRABILIS: Cognovisse se, quam sit Virgini Matri gratum carmen illud. Et hoc tu sæpius in die nō offeres Mariæ? patrocina ab illa expectas, & tamen eam tibi devincire negligis, quæ adeò  
 tibi



tibi patrocinari potest, juxta illud Germani. Orat. de Zona. Omnia tua. inquit ille. admirabilia sunt ô Deipara, omnia ingentia, propterea & patrocinium tuum majus est quam intelligentia apprehendi possit.

## STIMVLVS SECVNDVS.

**C**onsidera 2. Mariam esse Matrem admirabilem, propter admiranda illa, quæ Deus in ea operari dignatus est, ut quod ab æterno illam suam in Matrem elegerit: à peccato originali præservârit; cum Maternitate Virginitatem ejus conservârit; quod in ipso conceptionis momento eam usu rationis donârit; in gratia confirmârit; fomitem peccati exstinxerit; naturaliter ad omnem virtutem propensam effecerit; quod ad divinæ essentiæ claram visionem, non semel, juxta probabilem Theologorum sententiam, in hac mortalitate adhuc degentem sublimârit; loquelæ usum ei accelerârit; dono linguarum ornârit; specie externa post Christum formosissimam fecerit; quod nullum gratiæ donum alicui puræ creaturæ cōmunicârit, quod simili vel pefectiori modo, nisi sexui repugnet, non concesserit Matri huic admirabili; quod gratiam ingentem, velut



velut ex opere operato, aut liberaliter, nullo ad merita ejus respectu donârit, uti in participatione Sacramentorû, Sancti Spiritus adventu, passione &c. de sola gratia in Filij incarnatione, leges apud Eusebium. Nieremb. lib. de affectu erga B. V: præter gratiam respondentem actui obedientiæ, humilitatis, ac charitatis, tunc aliquomodo etiam sacramentaliter, non attendendo ad ipsius merita, sed opus quod in ea operatus est Sanctus Spiritus, incarnationis videlicet, & hypostaticæ unionis, uberio rem gratiam acquisivisse Mariam, quam homines ad unum omnes, usu & participatione. 7. Sacramentorum, & quotquot umquam in Dei causâ, durissima & acerbissima quæque perpessi sunt Martyres: adeò ut gratia quæ soli data est Mariæ, seposita cogitatione de ingentibus ipsius meritis, copiosior fuerit, quam quæcumque suo modo data est creaturis cæteris, sive Cælo illæ sunt adscriptæ, sive æternis ignibus cruciantur: hæc ibi. Item quod sola inter mulieres baptizata fuerit à Christo mundi Salvatore; de sua prædestinatione certa facta; præsentis & futuræ suæ felicitatis conscia; tandem super omnes Angelos in Cælum ab obvio Christo assumpta, ubi gloriâ omnes Sanctos simul sumptos illa



una superat. O Mariam verè Matrem admirabilem! ut meritò Damascenus. Orat. i. de Nativ. B. Mariæ eam appellet miraculum omnium miraculorum maximè novum, imò & miraculorum abyssum. Eccur ergò ferventius non inservis huic tam admirabili Matri? non ob mercedem velut mercenarij, sed purè quia ipsius admirabilis dignitas & excellentia super reliquas creaturas id exigit. Audi & imitare Magdalenam Ducissam Baviaræ, hæc ut refertur in concione funebri & rugitu Leonis. Año 1628. dicere solebat. Et si Cœlum non esset, conveniens tamen esset, ut Deo, & Mariæ, millies magis & ferventius servirem.

### STIMVLVS TERTIVS.

**C**onsidera. 3. Año Mater admirabilis Maria, propter admiranda opera quæ ipsa patrauit. Statim in ipso Conceptionis momento perfectè tunc & deinceps Deum amavit: utero Matris adhuc clausa jam Deum contemplabatur etiam dormiens: prima inter mortales votum virginittis vovit, & quidem antequam nata: prima Deum hominem natum vidit & adoravit: quolibet singulari



lari opere gratiam priorem duplicavit : quidquid  
ageret gratiæ quam possidebat , ac Sancti Spiritus  
motioni congruenter operabatur , idque ita indefi-  
nenter , ut nec somnus illius , meriti expers esset : mi-  
nimâ actionum suarum amplius meruit , quam per  
totum vitæ decursum , maximus Sanctorum : quæ  
pulcherrima erat , tamen suo aspectu in alijs castita-  
tis amorem ingeneravit ; concupiscentiæ motus ex-  
stinxit ; sua præsentia pietatis & devotionis sensum  
cæteris afflavit : denique refert S. Ignatius Martyr ,  
qui tempore B. V. vixit : ex multis mundi partibus  
homines confluisse , ad spectandam B. Virginem ,  
tanquam cœleste prodigium , quibus tam admiran-  
da videbatur , ut incredibili gaudio afficerentur ,  
quotquot eam conspexissent , vel allocuti essent.  
Audi Ignatium Epist. 1. ad Ioannem Euangelistam ,  
ubi hæc scribit. Sicut nobis à fide dignis narratur ,  
in Maria Matre Iesu , humanæ naturæ natura sancti-  
tatis Angelicæ copulatur , & hæc talia excitaverunt  
viiscera nostra , & cogunt valdè desiderare aspectum  
huius , si fas est fari , cœlestis prodigij & sacratissimi  
spectaculi. O Sodalis Mariane , utinam tu quoque  
aliorum corda & oculos in te converteres ! fama de  
venustate Mariæ , & maiestate , olim pervagata , tan-  
ta fuit,



ta fuit, ut nonnulli in errorem lapsi, Deam aliquam Virginem esse putaverint, te saltem hominem, sed pium, sed sanctum, pro Dei gloriâ putent omnes, sectare Matris hujus admirabilis pietatem, sectare devotionem, nam P. Caspar Tausch Lib. 1. de Matre dolorosa. Cap. 4. §. 2. ait. Non est dubium quin B. V. intra unum diem aliquot actuum Sanctorum milliones elicuerit. O similes tu eliceres! O merita meritis accumulares! certè in sermonibus discipuli, (ita se appellat modestiæ causâ erudit<sup>9</sup> aliàs scriptor.) Leges revelationem cuidam religioso factam de perfectione meritorum & gratiæ B. Virginis, quâ cæteros Sanctos tantoperè dicitur præstare, ut si in unum acervum simul cogatur ipsorum gratia & gloria, illam tamen exsuperet unius Mariæ beatitudo, id quod à Sancto Gabriele didicit quoq; B. Amedeus. Proh quam admirabilis Maria! sanè admirabilis in omnibus & per omnia, ut meritò exclamare possis, & dicere quod alibi jam dixit S. Epiphanius. O virgo sanctissima quæ exercitus Angelorum in stuporem deduxisti.

#### STIMVLVS QVARTVS.

Confidera. 4. Infinita propemodum miracula



cula per Mariam patrata, annon meritò reddant illam Matrem admirabilem: adeò ut audeat dicere Andreas Cretensis. Orat. 2. de Assump: omnium miraculorum quæ quomodocunque facta sunt, aut fiant, effectricem esse Mariam; quid? annon vel hinc admirabilis? siquidem ad solas suas imagines, præter naturæ vim, planèque divinitùs, tam multa facta sunt, & fiunt, ut plurimas tales imagines numerare, imò vix numerare possis: Adde, primi illius celeberrimi miraculi, quod Christus in vitâ suâ patravit, quando nimirum in nuptijs in Cana Galileæ aquam in vinum mutavit, causam fuisse hanc ipsam Mariam, cujus intercessione patratum est; quare pulchrè S. Bernardinus Senensis. tom. 3. Serm. 9. Si hoc. inquit. non rogata perficit, quid rogata perficiet? si hoc viatrix existens, quid cum regnat in patria? Si hoc apud filium temporali mortis subiectum, quid cum mortem superavit? Verùm quamvis Maria sit abyssus miraculorum, ut eam vocat Damascenus Orat. 1. de Nat. B. V. tamen eheu! quàm pauca aut nulla hucusque tecum patravit! tot alij Mariana miracula in se experti, deprædicant, tot ejus apparitionibus gloriantur, tot sanitate ab illa donantur, tot doctrinam prodigiosè recipiunt,



cipiunt, tot ex manifestis periculis eripiuntur, tot his  
 & illis gratijs ac beneficijs afficiuntur, & tu vix ullis.  
 Causas inquire, cur ad te similibus gratijs plena non  
 descendat hæc admirabilis Mater: vide ne tu ipse  
 obstacula ponas. S. Bonitus. Epif. (memoria ejus  
 15. Ian:) dum nocte intempesta, in templo preci-  
 bus vacat, adspectabilem habet Mariam, cum Cœ-  
 li Aula, hujus imperio rem divinam facit, (homini  
 Cœlitibus inservientibus) in laboris præmium ve-  
 stem adfert mirè candidam; simile sperare postea  
 ausus è successoribus unus, eodem se contulit, ve-  
 rum quia merita hominis abludebant, dissimili mo-  
 do acceptus, & arcana vi in domum suam est repor-  
 tatus. Sur. Cave ne quid simile contingat, quando  
 gratias alijs concessas, tibi quoque concedi postu-  
 las. Cave ne demeritis tuis portam præcludas, qua  
 Mater hæc admirabilis, admirabilia in te operatura  
 adveniret: certè Abbati Cyriaco, ut refert Evira-  
 tus, dormienti se monstravit Maria, cum verò ille  
 orasset, ingrederetur, restitit ipsa, & ita loquuta est.  
 Habes inimicum meum, & invitas ingressum? quo  
 dicto indignans recessit: evigilans autem Cyriacus  
 invenit duos libros Nestorij hæretici, sicq; agnovit  
 hunc esse Domine nostræ inimicum.

MEMEN-



# MEMENTO UT DIEM SAB- BATI SANCTIFICES.

**A**page hinc quisquis illustrioribus  
gloriaris titulis, illustrissimum lege; MATER  
ADMIRABILIS. O titulum gloriosissimum! O  
titulum quem tot miracula Sabbatina publicant  
mundo universo! nam Sabbato multoties legitur,  
B. V. miracula patrasse, ac beneficia peccatoribus  
præstitisse, & hanc rationem affert Pelbartus lib. 12.  
Stellarij par. 1. n. 2. Cap. 4. ex Anselmo, & histo-  
rijs, cur Sabbatus dies, sit Virgini sacer: tu cor tu-  
um illi consecra, in quo miracula patret MATER  
ADMIRABILIS MARIA.

## C A P U T DVODECIMVM. MATER CREATORIS.

*Verè rerum omnium conditarum Domina esse-  
ta est, cum Creatoris Mater extitit.*  
Damasc; Lib. 4. de Fide, Cap. 15.

STIMV.



## STIMVLVS PRIMVS.



**C**onsidera. I. Quibus encomijs, quibus concentibus, quibus melodijs & adsalutationibus, non sit excipienda rerum omnium Creatoris Mater Maria: quæ sola cum omni veritate de se dicere potest illud Eccles. 24: qui creavit me, requieuit in tabernaculo meo. Hinc Ephrē. Serm. de Laud. Virg: eam adsalutans ait. Ave throne Creatoris mei gloriosissime. Andreas Cretensis de dormit. & Orat. de Annunciatione: Salve inquit urna aurea, quæ eum fers qui dulce manna reddit. Epiphanius sermone de Laud. Virg. eam vocat mensam, quæ panem vitæ nobis suppeditavit. Georgius Nicom. sermone de oblat: civitatem Dei animatam. Ambrosius de instit: Virg. Cap. 7. Dei aulam. Ex Andrea Cretensi. orat. de dormit: Virg: & Damasceno orat. 1. de Nativ: est mons Sion, mons coagulatus, mons pinguis, mons ille. Psal. 67: in quo beneplacitum est Deo habitare in eo. Rupertus Lib. 5. in Cantica, eam Cœlum Dei appellat. Pulchrè Hesichyus. homil. 2. de B. V. alloquens universi Creatorem ait. Si tu es gemma, meritò



meritò illa est arca, & quia Sol existis, necessario Virgo vocabitur Cœlum. O Cœlum hoc sapius inspiceres! ut dicere possis cum Ignatio Loyola. Heu quàm sordet terra dum Cœlum aspicio! Sed age, & ad Proclum Episcopum Ciricenum accurre ocyùs, (vide. 1. Tom: Concilij Ephesini) qui Mariam vocat illam nubem, quæ super Cherubim sedentem, in corpore suo gestavit. Vellus mundissimum, cœlesti pluviâ madens, ex qua pastor ovem induit. Pontem, per quem Deus ad hominem descendit. Admirandæ illius Oeconomix telam, ex qua & in qua ineffabili quodam modo admirabilis illius unionis tunica confecta, cujus textor extitit Spiritus Sanctus, netrix virtus ex alto obumbrans, lana vetusta villosaque Adami pellis, trama impolluta Virginis caro, radius textorius, immensa gestantis gratia, artifex Verbum per auditum illapsum: ita ille. O si tu hæc tam gloriosa encomia pensculatius considerares, quàm aliter de Mariæ dignitate sentire, siquidem ex hac Maternitate, tanta in Mariam profluxit dignitas, & gratia, ut meritò putet Dionysius Richelius. Lib. 2. C. 8. de præconio & dignit. Virg: eo quod Maria veri omnipotentisque Dei Mater vera facta sit, tantam gratiæ plenitudinem contineri,



quantam ne ipsa quidem Virgo, nisi Dei contem-  
pletur essentiam perspicere possit. O dignitatem  
maximam! ô Matrem inter omnes matres princi-  
pem! Stupendum miraculum in cœlis, inquit Epi-  
phan. Mulier amicta Sole. Stupendum miraculum  
in Cœlis, mulier gestans lucem in ulnis. Vides, in-  
quit Hesychius Presbyter Hierosolymitanus, quan-  
ta & qualis est Deiparæ & Virginis dignitas, unige-  
nitus Dei filius, mundi Conditor, velut infans ab  
ea gestabatur. ita ille: Gratosè Guericus Abbas.  
Serm. 2. de Assump. Veni inquit electa mea, & po-  
nam in te thronum meum. Communicasti mihi  
quod homo sim, communicabo tibi quod Deus  
sum. Gaude Anima mea de hac summæ Matris præ-  
rogativa & excellentia, æmulare S. Carolum filium  
S. Brigittæ, qui magnam hausit voluptatem quod  
Maria à Creatore mundi in Matrem esset electa, &  
protestatus est (ô protestationem dignam quam  
Angeli conscribant, consignentque æternitati!) si  
possibile esset illam uno momento à dignitate in  
qua modo est excidere, ego. inquiebat. ne id fieret,  
eligerem potius æternum cruciari inferno. O vota  
digna Carolo! digna Angelo! digna illo, cujus Cor,  
amat Mariam. Huc spectat illud Birgittæ ad Dei-  
param



param sibi apparentem. Sic amo te Maria, ut malim me Birgittam numquā natam, imò damnatam, quā ut Maria filia Ioachim, non fuerit Mater Dei.

## STIMVLVS SECVNDVS.

**C**onsidera 2. Quas mutuas causalitates hīc non admirabitur & admittet Christianus Philosophus, si vel obiter perlegat ea quæ gravissimi Patres de hac Matre Creatoris posteritati tradiderunt. Lege Chrysologum Serm. 142. Virgo concipitur ex te Auctor tuus, tua ex te oritur origo, in tuo germine est genitor tuus. Lege eundem serm. 143. Verè benedicta portavit eum qui portat orbem, nutrit omnia viventium nutritorem. Lege Gregorium Thaumaturgum. Oratione de Annunciatione. Sola. inquit. ferens eum, qui verbo portat omnia. Lege Methodium Oratione in Hypapantem. Tu cuncta continentis & comprehendens comprehensio, tu illius gestatrix, qui verbo suo portat universa. Lege Ildephonsum in serm. de Nativ. B. V. Quanta ait fuit hæc dignatio, ut crearetur ex te, quam creavit, portaretur manibus quas formavit, suggeret tua ubera quæ ipse implevit. Idem



subjicit verba ex Augustino petita. 2. Serm. de Assump. Lacta ergo Mater cibum nostrum, lacta panem coelestem, lacta cibum Angelorum, lacta eum qui talem fecit te, ut ipse fieret ex te. Idem in ser. 1. aliqua marte proprio immiscens ait. Lacta Maria Creatorem tuum. Lacta panem Coeli. Lacta pretium mundi. Præbe lambenti mamillam, ut ipse pro te præbeat percutienti maxillam. Tu illi ut Mater temporalem ministra substantiam. Lacta eum qui fecit te, qui talem fecit te, ut ipse fieret ex te. Lege Damianum Serm. 3. de Nativ. Mariæ. Merito B. Maria dicitur parens parentis, fons fontis vivi, origo principij, quia ille ex ea prodijt per materiam carnis, qui caput est, & initium omnium rerum per essentiam Deitatis. Obstupesce Anima mea ad hoc inauditum mutæ causalitatis prodigium, & dic cum Ecclesia.

*Qui te creavit provide*

*Lactasti sacro ubere.*

Dic cum Bernardo Serm. in Apocal. 12. Quantam invenisti gratiam apud Deum? in te manet, & tu in eo, vestis eum, & vestiris ab eo, vestis eum substantia carnis, vestit ille te gloriâ suæ majestatis, vestis Solem nube, & Sole ipsa vestiris. Dic cum Ildephonso,



phonso, qui Serm. 1. de Assumpt. ait. Qui cuncta pascit, coelestia & terrestria simul regit, hunc sacratissima Virgo lacte carnis aluit & nutrit; ad cuius nutum universi reguntur, sub ejus disciplina vel arbitrio infans Deus versatur. Heus Anima Christiana! cur hæc sæpius non recogitas? cur hæc frequentius non ruminas? inquires cum Anselmo. Lib. de Excel. B. Virg: qui ait. Supereminentem omni quod post hominem Deum creatum est, excellentiam B. Matris Dei, quomocunque & saltem lippienti oculo cordis contemplari anhelans, horreo & valde timeo. Ah timorem excute, quin imò audacior facta, dic cum Methodio. Oratione in Hypapantem qui alloquens Mariam, sic ait. Quæ debitorē illum habes, qui omnibus sub fœnore mutuatur, Deo namque universi debemus, tibi verò ipse debet. Dic cum S. Bernardino Senense: tom. 3. Serm. 11. art. 2. Cap. 2. O stupendum inquit miraculum, & inauditæ altitudinis fastigium, ut à muliere Dei Filius quodam modo recognoscere videatur, suum esse humanum. Ita sanè id Deus recognoscit à Maria, & tu tuum non recognoscas ab illa? proh quoties fortè jam mortuus, sive temporali sive aternâ morte fuisses, nisi Maria præsto succurrisset! Heu



si fapis, hanc continuò invoca, auxilium implora, & quo facilius impetres in tuam singularem Advocatam & Patronam elige, tibi que fit stimulo quod sequitur. B. Borgias advertens nonnullos Tyrones, non delegisse sibi in Patronam Deiparam, illis malè metuens, monuit Magistrum Novitiorum, eorum salutì præcipuè invigilaret: & ecce illi ipsi defecerunt omnes. (in Imaginet. Sæculi Soc. Iesu.) eheu! cur Mariam non eligis?

### STIMVLVS TERTIVS.

**C**onsidera 3. Quantulus pusio, quam parvus, quam exiguus fuerit hic Creator Univerſi, quando, è ſuprema Regia, in uterum descendit Virginis. Si enim teſte Ariſtotele, quem affert. S. Thomas. in 3. Sent. diſt. 3. q. 5. art. 2. ad 3. mas qui quadrageſimo die à conceptione, ex utero ejicitur, apparet cum membris jam inde diſcretis, magnitudine formicæ majusculæ: cogita proh Deum immortalem! quantulus ergo fuerit Creator mundi, in inſtanti ſuæ conceptionis, antequam per nutritionem perveniſſet ad quãtitatem illam, quadraginta dierum ſpatio alijs fœtibus proportionatam.

Abu-



Abulensis Cap. 25. Fuit. inquit. Corpus Domini-  
cum sub valde parva quantitate formatum, cum  
fuit perfecte organizatum, ita quod nullum un-  
quam corpus humanum fuit in aliqua Regione,  
quod tam parvæ quantitatis existeret, cum perfecte  
organizatum esset. sic Abulensis. Suarez verò asse-  
rit tom. 2. disp. 11. Sect. 2. Corpus Christi forma-  
tum esse in minima quantitate, quæ tali corpori po-  
terat esse naturalis, considerata ejus complexione  
& dispositione. O stupendam rerum omnium  
Creatoris exinanitionem! O immensam Mariæ  
humilitatem! Quia ergo inquit Bonav. in Psalte-  
rio. Domina humillima fuisti, Verbum increatum,  
ex te carnem sumere coëgisti. Ita est, humilitate  
enim potissimum ad Deum utero concipiendum  
se comparasse Virginem, colligunt SS. Patres, ex re-  
sponso illo ad Angelum. Ecce Ancilla Domini:  
quod mox Creatoris conceptio, & incarnatio est  
consecuta. Christiane hæc tu audies & non imita-  
beris? tu parvus esse non poteris ubi Vniversi Crea-  
tor parvulus efficitur? audi S. Brigittam, quæ Ma-  
trem hujus Creatoris alloquens. Lib. 3. Cap. 29.  
ait: Benedicta sis, B. Virgo, in qua Deus magnus  
factus est puer parvus: antiquissimus Dominus, fa-  
ctus



ctus est pusillus filius, sempiternus Deus & Creator invisibilis factus est visibilis Creatura. Proh si sapias oculos aperi, & humilitatem Matris & Creatoris imitare, ut tu quoque Creatoris Mater efficiaris: modum inquiris? audi Sanct. Gregorium. hom. 3. in Evangelia. Sciendum, inquit, nobis est, quia qui Christi Soror & Frater est credendo, efficitur Mater prædicando, quasi enim parit Dominum, qui eum cordi audientis infundit, & Mater ejus prædicando efficitur, si per ejus vocem amor Domini in proximi mente generatur. Audi Hieronymum Epist. 22. ad Eustochium dicentem. Potes & tu Mater esse Domini, nimirum spiritualiter. Audi denique ipsum Orbis Creatorem, qui Matthæi, 12. ait. Quicumque fecerit voluntatem Patris mei qui in cœlis est, ipse meus frater, & soror, & mater est. Olim primis illis temporibus, è Divi Dominici religiosissima Familia alumni, Virginis Fratres appellabantur, quos postea Prædicatores Ecclesia nominavit. Et tu renues fieri vocariq; mater Creatoris?

### STIMVLVS QVARTVS.

Considera. 4. Qua veneratione digna dies  
illa,



illa, in qua tam admirandum mysterium peractum, ut Creator fieret filius creaturæ, creatura fieret Mater Creatoris. Certè de illa die dici potest, quod Numer. 28. legimus. Dies prima venerabilis & sancta erit. Vnde Franciscus Mayro in serm. quodam de Virginis Annunciatione. Incarnationis in utero Virginis solemnitatem, si id quod in ea gestum spectemus, alijs solemnitatibus ad Christi humanitatem pertinentibus, dignitate præcellere affirmat, eamque cum plerisque confert; ait enim ipse. Incarnatio in utero Virginis peracta, transcendit primò solemnitatem Dominicæ Nativitatis, est magna solemnitas propter incarnationem hodiernam, quia si ista non præcessisset, Deus homo natus non fuisset. 2. Transcendit solemnitatem Oblationis quando fuit præsentatus in templo, sanctior enim fuit uterus Virginalis, quàm templum Salamonis. 3. Solemnitatem Transfigurationis, quia ibi denovo fuit solum corpus illustratum, in incarnatione verò anima Christi fuit illustrata intellectualliter, sublimiori lumine gloriæ. 4. Solemnitatem Consecrationis sui corporis & sanguinis, quia in consecratione panis & calicis, non fuit Divinitas Verbi ex vi verborum, sed solùm ex concomitantia,

Y

at in



at in Annunciatione fuit Divinitas ex vi incarnationis, quoniam scilicet humanitas hypostaticè unita est Verbo. 5. Solemnitatem Redemptionis humanæ, quæ celebrata fuit in morte Christi, quia mors ista non fuisset sufficiens pro redemptione hominum, nisi humanitas illa fuisset Verbo Divino unita, undè valorem infinitum habuerunt Christi actiones ad nos redimendum. 6. Solemnitatē infernalis expoliationis, quia in infernum non descendit nisi Anima cum Divinitate, at in utero B. V: fuit hodiè Divinitas cum anima & corpore. 7. Solemnitatem Resurrectionis, quia in hac fuit anima Christi unita cum corpore, at in incarnatione Divinitas cum humanitate, cujus unitatis extrema, si præcisè eorum naturam spectemus, sunt nobiliora. 8. Solemnitatem Ascensionis, sicut enim humanitas tunc ascendit ad dexteram Patris, quasi localiter, ita nunc humanitas ascendit personaliter, quia assumpta ad personam filij: at verò majus est, cum quis in Regem assumitur, quam cum in throno collocatur. 9. Solemnitatem Pentecostes; cum Spiritus Sanctus in Apostolos descendit in specie ignis, nam ignis non erat Spiritui sancto hypostaticè unitus, sed solum erat ejus signum, in quo apparere voluit, at in  
 incar.



incarnatione Verbum humanam naturam sibi hypostaticè univit, ut per eam operaretur, actiones quippè sunt suppositorum: hæc ex Mayrone; qui de Annunciationis die, ait dici ad literam Malachiæ 3. Quis poterit cogitare diem adventus ejus, scilicet in Virginem, quod est mysterium nobis incomprehensibile per naturam; hæc ipse. O diem felicissimum! ô diem humano generi faustissimum! Cœlo terræque latissimum! S. Bonavent. in Libro Meditationum vitæ Christi. Cap. 4. agens de Incarnatione. Hodie inquit, est solemnitas Dei Patris, qui nuptias fecit Filio suo, in desponsatione humanæ naturæ, quam hodie filius sibi univit inseparabiliter. Hodie est solemnitas nuptiarum filij. Hodie est solemnitas Sancti Spiritus propter hoc opus mirificum & singulare ipsius incarnationis, quod eidem attribuitur. Hodie est solemnitas gloriosæ Dominæ nostræ, quæ à Patre in Filiam, à Filio in Matrem, & à Spiritu Sancto in Sponsam est recognita & assumpta. Hodie est solemnitas totius Curia Cœlestis, quia inchoatur eorum reparatio. Hodie est multo magis solemnitas humanæ naturæ, quia ejus salus incepta & redemptio & totius mundi reconciliatio, & sublimata est atque deifica-



ta. hæc Bonav. Age Anima mea, & hanc diem, quâ  
 potes devotione transige, dilige hanc festivitatem  
 Mariæ, nam quid Festû inquit Concil. Toletanum.  
 x. Cap. i. est matris, nisi incarnatio Verbi? Age  
 Anima mea, & hanc solemnitatem maximo quo  
 debes cultu honora, vel exemplo Ignatij Loyolæ,  
 qui Annunciationis pervigilio, terrena arma sua  
 Mariæ sacravit. Age Anima mea, etsi vel mentio  
 solemnitatis hujus incidat, omni cum reverentia  
 eam adora, vel ipso dæmone suadente: quidam  
 enim dum occineretur illud. INCARNATUS EST  
 DE SPIRITU. &c. nec se ad illud inclinans, casti-  
 gari promeruit, nam adfuit teterrimus dæmon, ei-  
 que alapam infligens dixit. O ingratus, quomodo  
 sic stas erecto collo? cur non inclinas te? nonne au-  
 dis quod cantatur, quod Deus propter te factus est  
 homo? Specul. exempl. Dist. 9. exemplo 7. 5.  
 Age igitur Anima mea, & in gratiarum actionem  
 pro tanto in tua commoda beneficio, prorumpe in  
**Te Deum laudamus &c.** Quod dum no-  
 cte quadam pronunciaret, Lutgardis Sanctissima  
 Virgo, & ad versum hunc ventum esset. Tu ad  
 liberandum suscepturus hominem  
 non



non horruisti Virginis uterum, ad-  
fuit gratulabundo vultu, & verba illa sibi pergrata  
esse significavit Maria Mater Creatoris.

## MEMENTO UT DIEM SAB- BATI SANCTIFICES.

**O** Mundi cœcitatem! Sabbatis ad-  
fora mercatusque properamus, & quam offi-  
cinam aperit Vniuersi Creator Deus, præterimus,  
quotquot nimirum Mariana Templa declinamus.  
Audi & obstupeſce. Constantinopoli. Feriâ 6: post  
Vesperas, miraculoſè nulloque movente, velum  
quo imago Deiparæ tegebatur, recedebat, quasi in  
Cœlum deferretur, sicque omnium oculis detecta  
prostabat imago ad abſolutas uſque Vesperas Sab-  
bati. Si ſapis Sabbatis ſingulis ad officinas accurre,  
ſed eas in quibus cernere, & adorare liceat,  
expoſitam venerationi omnium, Ma-  
trem Creatoris.





# CAPUT DECIMUM TERTIVM.

## MATER SALVATORIS.

*Per foeminam mors, per foeminam vita, per  
Evam interitus, per Mariam Salus, illa cor-  
rupta secuta est seductorem, haec integra pepe-  
rit Salvatorem.*

August. Lib. 3. de Symbolo ad Catechum. Cap. 4.

## STIMVLVS PRIMVS.



**C**onsidera. I. Verba illa Eccle-  
sia, quibus in Divino officio die Purifi-  
catur. Ecce Maria genuit nobis Sal-  
vatorem, quem Ioannes videns exclamavit  
dicens. Ecce agnus Dei, ecce  
qui tollit peccata mundi. Vnde meritò S. Augu-  
stinus, vocat B. Virginem, humani generis reparatri-  
cem. S. Damascenus. Paradyfi referatricem. S. Ire-  
næus, salutis causam. S. Bernardus, posterorum vi-  
vifica-



vificatricem. S. Fulgentius, fenestram Cœli, Scalam cœlestem. S. Proclus Episcopus Cizicenus, pontem per quem Deus ad homines descendit. S. Damianus, totius salutis exordium; denique Carthusianus. Lib. 2. de Laud. Virg. art. 23. vocat eam, mundi Salvatricem. O Virginem salutiferam! sic eam vocat Leo. serm. 1. de passione Domini. Hæc primæ Matris: inquit Augustinus. serm. 35. de Sanctis: damna resolvit, hæc homini perduto salutem adduxit. O puellam gratiosissimam! Vna puella: ait Chrysologus. Serm. 146. sic Deum in sui peccatoris capit, recipit, oblectat hospitio, ut pacem terris, cœlis gloriam, salutem perditis, vitam mortuis, terrenis cum cœlestibus parentelam pro ipsa domus exigat pensione. Per te, ait Cyrillus, vnigenitus Dei filius vera lux effulsit sedentibus in tenebris & umbra mortis. Per te, ait Georgius Nicom. Orat. de Oblatione Deiparæ, ad eam sermonem dirigens. Paradisum sumus consecuti, per te generis Colonia ad propriam redijt mansionē, per te recessit rhomphæa versatilis, per te quæ erant clausæ deliciarum portæ fuerunt apertæ. Per te ait Bernardus Serm. 4. de Assumpt. Cœlum repletum, infernus evacuatus est, instauratæ ruinæ cœlestis Ierusalem, expectantibus



tibus miseris vita perdita data. Et tamen proh quam multi hanc vitam non inveniunt! Quam multi hac vitâ spoliuntur! quod ne tibi accidat, accurre ad Mariam, tantoque confidentius, quia os nostrum caroque nostra est, ex primis nostris Progenitoribus originem ducens, quam rationem ei proponunt. Athanasius in sermone de Deipara, cum ejus patrocinium implorat: similiter Petrus Damianus in sermone de Nativitate. Sed audi Bonav. in Spec. B. Virginis, Cap. 6. Obsecrare inquit possumus Mariam, sicut Abraham obsecravît Saram. Dic obsecro te, quod soror mea sis. (Genes. 12.) ut bene mihi sit propter te, & vivat anima mea ob gratiam tui. O Virgo Maria, ô Sara nostra, dic quod sis Soror nostra, ut propter te bene sit nobis à Deo, & ob gratiam tui, vivant animæ nostræ in Deo, ut propter talem Sororem Ægyptij, id est Dæmones, nos revereantur, & ut Angeli nobis in acie conjungantur, & ut propter talem Sororem, Pater, & Filius, & Spiritus Sanctus, nostri misereantur. ita Bonav. O Christiane, quid non à Nepote tuo Salvatore mundi sperabis, si Soror tua accedat precatrix! Si recurras ad Mariam, quam salutaris reconciliationis panegyrim vocat Proclus Episcopus Cizicenus.

Nam



Nam Angelicus Doctor. Opusculo 8. de Salutatione Angelica. Magnum est in quolibet Sancto. inquit. quando habet tantum de gratia, quod sufficit ad salutem multorum, sed quando habet tantum quod sufficeret ad salutem omnium hominum de mundo, hoc est maximum, & hoc est in Christo & Maria, quia omni periculo potes habere salutem per Mariam.

## STIMVLVS SECVNDVS.

**C**onsidera. 2. Quid non debeat genus humanum Mariæ, pro tanto Salvatore, quem ipsa in omnium salutem enixa est. Et quidem, quid non debeat, quia consensit in sanctissimam ejus conceptionem, de quo consensu S. Bernardinus Senensis. tom. 3. Serm. 6. art. 2. cap. 2. Virgo, inquit, per hunc consensum in incarnationem Filij, omnium electorum salutem viscerosissimè expetijt & procuravit, & omnium saluti & salvationi, per hunc consensum se singularissimè dedicavit. Quid non debeat quando eum in utero gestavit. S. Bernardus Sermone 2. de Pentec: loquens de Christo ait. Tunc jam operabatur salutem nostram in medio

Z

terræ,



terræ, in utero videlicet Virginis Mariæ, qui mirabili proprietate terræ medium appellatur. ita ille. Quid non debeat quando illum genuit. Christus per fœminam natus, ait Augustinus Lib. 1. de doct. Christ. C. 14. homo homines, mortalis mortales mortuos morte liberavit. sic Augustinus. Quid non debeat pro hoc & illo instanti, in quo illum nobis fovit, aluit &c. Non desunt graves Authores qui asserant. B. Matrem suis manibus hunc Salvatorem adhuc infantulum octavo die circumcidisse. Item lactabat illum ideò ut ei materiam sanguinis, quem pro nobis in cruce funderet, suppeditaret. Eleganter Hailgrinus in Caput. 7. Cant. de lactatione Mariæ ad illa verba. & ubera tua botr. Ubera inquit, botris assimilata sunt, in quo mirabilis prærogativa merendi monstratur in Virgine, qua non minus meruit fundendo lac de uberibus suis ad Filij nutrimentum, quàm martyres qui per botros figurantur, meruerunt fundendo sanguinem suum in martyrio suo, omnium enim operum merces secundùm radicem charitatis pensatur. Item cùm sciret Patris æterni voluntatem esse, ut filius pro humani generis salute pateretur, moreretur, hoc ipsum illa volebat. Cum ergo (verba sunt To-

stati



stati in C. 9. Deu:) eum vidit patientem, admira-  
 biliter consolabatur, quia certissimè videbat red-  
 emptionem humani generis factam. Et Sanctus  
 Bonav. in 1. dist. 48 q. 2. ait de Virgine. Placuit ei  
 quod unigenitus ejus pro salute generis humani of-  
 feretur. Apud S. Mechtildem Lib. 1. Revel. Cap.  
 59. leges de Virgine in hunc modum. Omni crea-  
 turâ in morte Filij Dei dolente, ipsa sola cum Divi-  
 nitate immobilis, & gaudens, Filium suum pro  
 mundi salute voluit immolari. S. Antoninus 4.  
 parte tit. Cap. 20. §. 1. agens de amore Virginis in  
 nos, ait. Quod dicitur de Patre aeterno Christi, ita  
 & de ejus Matre temporali dici potest illud Rom. 8:  
 proprio Filio suo non pepercit, sed pro nobis tradi-  
 dit illum, scilicet passum voluntate & affectu, quo-  
 modo non etiam cum illo omnia nobis donavit per-  
 tinentia ad recreationem nostram. ita S. Antoninus.  
 Quid tu pro hoc beneficio rependes Mariæ Chri-  
 stiane? quid pro tanto erga te amore referes Matri  
 Salvatoris? postquam inquit Hieronymus Epist.  
 22. Virgo concepit in utero, & peperit nobis pue-  
 rum Deum fortem, Patrem futuri seculi, soluta  
 maledictio est, mors per Evam, vita per Mariam:  
 sic Hieron: Redama quantum vales amantem, &



fac quod Alphonsus de Obando adolescens, qui in terris annos decem & septem cum dimidio vixit, in Societate autem menses octo, hic nullum opus faciebat nisi amore Virginis, illamque cogitans, & dicere solebat, amorem quo Deiparam prosequebatur esse panem suum quotidianum, quem omnibus suæ pietatis exercitijs adjungeret, sicque secum rationari solitus. Cum tantus sim peccator, per me Deum adire erubesco, eaque propter, ad Matrem me meam recipio, ut pro me illa intercedat. B. Virginem in omnibus suis actionibus sibi representabat, seque ipse interrogabat quonam hoc modo fecisset Deipara? Io. Euseb. Cap. 22.

### STIMVLVS TERTIVS.

**C**onsidera. 3. Annon inter innumera beneficia quæ in te contulit Salvator, fuerit illustrissimū illud, quando dilectissimam suam Matrem Mariam, tibi è cruce pendens, dedit in Matrem, téque ei in filium. Ecce filius tuus. Ecce Mater tua. O voces! ô relationes melle dulciores! testabatur, inquit. Ambrosius Epist. 82. ad Vercellensem Ecclesiam, de Cruce Christus, & inter Matrem atque Discipulum,



lum, dividebat pietatis officia. Et Cyrillus in Ioannem. Commendat inquit Mariam Ioanni, ut officium filij in eam servaret; Matri Ioannem, ut parentis in discipulum auctoritatem haberet, amore videlicet atque charitate, non minus illos conjungebat, quam si naturæ maxima propinquitate conjuncti essent. Ita Cyrillus. Neque dicas, felicem Ioannem cui in Matrem data Maria, te infelicem cui negata. Lege è numero Purpuratorum, Toletum in Ioan. 19: Super illud. Mulier ecce Filius tuus. Omnes nos inquit, curæ protectioni & intercessioni Virginis commendat, nobis autem fiduciam confert, ut tanquam ad Matrem & Dominam, in omnibus nostris confugeremus, Ioannes nos repræsentabat. Lege S. Præsulem Antoninum. Part. 4. tit. 15. cap. 2. qui ait. Quia verò Ioannes interpretatur in quo est gratia, cuilibet etiam qui Ioannes dicitur & existit, in quo scilicet est gratia, gratum faciens, datur Virgo Maria in Matrem. ita ille: & citat Anselmum dicentem: Mater Dei facta est Mater nostra: quod etiam probat. Sicut enim inquit, Christus nos genuit verbo veritatis, ad esse gratiæ spirituale, in cruce patiendo, ita & B. Virgo Maria, nos genuit & peperit in maximis doloribus, Filio compatiendo, pœ-



nas immensas pro nobis patienti. hæc ibi. O amorem excessivum Salvatoris in genus humanum! Gratias age ei. inquit Bernardus. Serm. signum magnum: qui talem tibi mediatricem benignissimâ miseratione providit. O Legatum pretiosissimum, inter summos cruciatus à Salvatore relictum, dum Mariam nobis dedit in Matrem, nosque Mariæ in filios. Ecce Mater tua, ecce filius tuus! Cedat, cedat legato huic, celebre illud Eliæ, quando in curru igneo, per turbinem evectus, ascendens in cœlum, (4. Reg. 2.) Eliseo pallium reliquit, per quod mira effecta legimus: nobilius profectò, longèque opulentiùs legatum confecit mundi Salvator, quando per turbinem passionis, in curru crucis, undequaque flammis charitatis circumdato evectus, & à mundo recedens, Mariam nobis in Matrem legavit, in qua velut in pallio, novem mensibus obvolutus jacuit. Bene Methodius in hypapantem alloquens Deiparam, eam pallium Salvatoris appellat, dum ait. Tu es inquit, impollutum illius indumentum, qui luce uti vestimento circumfunditur. O homo! utinam sub hoc indumento die noctique lateres! felices illi, qui sub pallio Mariæ nonnunquam visi. Vidit Sanctissimus Patriarcha Domini-

cui,



cus, suæ Familiæ Religiosos, sub Mariæ Virginis chlamyde. Vidit sub Mariano pallio, universam Societatem Iesu, ex eadem Religione, pijsimus P. Martinus Gutterus, natione Hispanus. Vidit gloriosa S. Theresia candidissimo pallio amictam Mariam, sub quo omnes Carmeli athletas complecti, & tutari videbatur. Sub hoc pallio vives æternum, si cum veritate de te dicere poteris illud, quod adfert Hieronymus, qui Epist. 25. ad Paulam, de obitu Blestillæ filiæ ejus, introducit ipsam post mortem, sic ad Matrem loquentem. Putas me esse solam? habeo pro te Mariam Matrem Domini.

#### STIMVLVS QVARTVS.

**C**onsidera. 4. Quantopere & quam constanter Salvatori Filio, adhæserit Mater Maria, juxta illud Aristotelis ex Aristophane. 2. Polit. 2. Amantes, inquit, ex ambob<sup>9</sup> desiderant fieri unum, sed quia hoc fieri nequit, quærunt simul esse & conversari: ut non immeritò Franciscus Mayro, in sermone de creatione animæ Virginis dixerit, ei convenire illud. Sap. 8. Generositatem ejus glorificat contubernium habens Dei. Nam si hunc Deum mun-



mundique universi Salvatorem consideres, adhuc Matris utero inclusum, nulla profectò alia Mater, tam diu foetum animâ rationali animatum, in utero habuit sicut illa, quæ Christum de Spiritu Sancto conceptum, ac perfectissimè organizatum, & animâ rationali animatum, ab ipso instanti incarnationis, in suo utero purissimo. 9. mensibus gestavit, cum in aliarum Matrum foetibus, anima rationalis ex Philosophorum sententiâ, non ante corporis organizationem infundatur, quæ 40. circiter dierum spatio efficitur, ut colligitur ex Aristotele. Lib. 7. de hist. animalium. Cap. 3. Si jam natum, & in hanc lucem editum spectes. Audi S. Epiphan. hom. 8. qui B. V. vocat perpetuam affectatricem IESV, cum ipso semper existentem. Audi S. Bernardum. tomo. 2. in Sermone de B. V: ubi asserit, eam jugiter Salvatoris adhæsisse lateri, eamque appellat individuum comitem, quæ nullo ferè abfuit itinere. Audi Ildephonsum, Sermon. 1. de Assumptione. ubi Marianum cum Salvatore contubernium deprædicans ait. O Sanctissima omnium foeminarum, quæ cum Deo tale tantumque contubernium habuit in terris. Toties inquit. Bernardus Sermone Signum magnum. Maria filium audivit, non modo turbis loquen-



loquentem in parabolis, sed & Discipulis seorsim Regni Dei myſteria revelantem, vidit miracula facientem, vidit in cruce pendentem, vidit expirantem, vidit resurgentem, vidit ascendentem. Beatam ſe exiſtimabat Regina Saba, quod Salamonis præſentiâ, aſpectu, alloquio frui poſſet, ejus ſapientiâ erudiri, ejus mores atque inſtituta obſervare ac diſcere. At quam longè beatior Maria, quæ plus quam Salamonem genuit, aluit, vidit, audivit. Abſque dubio. inquit Auguſtinus. Lib. de Aſſumptione; omni opere miniſtratrix exitit, quæ hunc in utero geſſit, partûque profuſum aluit, & fovit, in præſepio reclinavit, & à facie Herodis in Ægyptum fugiens, abſcondit, & omnem infantiam ejus Matris affectu ita proſequuta eſt, ut uſque ad crucem, in qua Filium jam Virum perfectum vidit pendentem, ab ejus indubitanter miniſterio non reſceſſit, conſequuta non ſolum grefſibus pedum, verùm etiam imitatione morum &c. ita ille. O felicitatem Mariæ! quæ non brevi tempore, quemadmodum Regina illa Saba, ſed 30. annis, huic cœleſti Salamoni convixit, antequam reliquos tres annos communes cum alijs habuiſſet; & ne ad foelicitatem ejus hoc quoque deeſſet, crucifixo adſtitit, & de cruce

A a

penden-



pendentis, quod verisimile existimat Metaphr: idemque asserit Nazianzenus in Tragæd. Christus patiens: pedes exosculata est. Quare pulchrè Simeon Metaphrastes Orat. de vita & dorm. Deiparæ. Etenim erit, inquit, inter Virginis magnalia, & præclara, si ostenderimus eam fuisse perpetuò versatam cum Filio, & ei semper assedisse, & ne in tempore quidem rerum adversarum, nec in passione ab eo separatam, quando & discipuli & amici, & omnes noti, alij quidem ipso omnino relicto, se in pedes conjecerunt, alij verò cùm paululum expectassent, negaverunt. ita Metaphr. O homo! accipe monitum Bernardi Serm. 2. in adventu Domini, qui ait: Sed jam advertistis, quoniam Virgo Regia, ipsa est via, per quam Salvator advenit, tenentes ergo viam, studeamus & nos dilectissimi ad ipsum per eam ascendere, qui per ipsam ad nos descendit, per eam venire in gratiam ipsius, qui per eam in nostram miseriam venit.

**MEMENTO UT DIEM SAB-  
BATI SANCTIFICES.**

**O**calamum fatalem! ergone scribes  
contra



contra nos amaritudines mortis ô benignissime Sal-  
vator? ergo nos consumere vis peccatis adolescen-  
tiæ nostræ? Proh quoties salutem nostram expun-  
xit ille è Libro vitæ! sed restitutâ, annunciavit ejus-  
dem Salvatoris pientissima Mater. Audite. Impu-  
dicus miles, de quo Vincentius lib. 8. hist. C. 102.  
& 103: in torneamento perimitur: apparet cuidam  
Maria, eique revelat salvum esse, (ô foelicem qui  
verè in morte compunctus fuit!) eò quod in hono-  
rem Sabbati, à turpiore quodam peccato abstinuif-  
set. Agite Christiani, & si pericula amare nolitis,  
vobis hebdomas integra, Sabbatum esto. Tranquil-  
læ mentis conscientia Sabbatum est, ait apud Rho-  
dig. 7. antiquarum Lect. C. 43. Augustinus.

C A P U T  
D E C I M V M  
Q V A R T V M.  
VIRGO PRUDENTISSIMA.

*Saluto te Maria dulcissimum Annæ pignus: quo-  
nam modo gravissimum tuum incessum exprimam?  
quonam modo amictum? quonam modo senilem in juve-  
nili corpore prudentiam? S. Damascenus.*



## STIMVLVS PRIMVS.



**C**onsidera. I. Stupendam illam prudentiam, quâ Sanctissima hæc Virgo prædita fuit, ut meritò ei hoc loco deferri possit elogiū illud, quod jampridem ipsi detulit S. Epiphanius Orat. de Laud. Virg: dum eam multoculam compellavit. Ambrosius vocat illam prudentem. Ildephonsus unam ex numero prudentum. Ephrem Serm. de Laud. Virg: eam vocat principem omnium prudentissimam & sagacissimam. D. Bernardus in Serm. super illa verba. Signum magnum: loquens de Maria, ait. Luna, id est insipientia omnis sub pedibus ejus, ut penitus absit Virgo hæc, ab insipientum mulierum numero, & à Collegio Virginum fatuarum. O simili prudentiâ, simili sapientiâ tu quoque præditus esses! S. Brigitta in Revel. in Serm. Ang. Cap. 16. ait. Homines lætitiâ affectos fuisse ex præsentia & prudentia B. Virginis. O si ex tua etiam lætarentur homines! Tullius Romanæ eloquentiæ Parens, 1. Offic: asserit: prudentiam esse rerum expetendarum fugiendarumque scientiam. Vide annon hac prudentia orbatus existas.

Vete-



Veteres Romani, prudentiam triplici vultu pinxê-  
 re, ut quæ tria potissimum tempora, præteritum,  
 præsens, futurum complecteretur. O si hæc tu con-  
 siderares! O si ad hæc tria tempora sæpius te refle-  
 cteres! quàm cautus, quàm circumspèctus, quàm  
 prudens existeres. Est Virgo Maria, ut ait Canisius,  
 vera & non fabulosa Minerva. Quod si rem inquit  
 paulò penitius inspiciamus, annon Virgini nostræ  
 competunt, quæ tria stulti Græci in sua Minerva,  
 velut eximia prædicant. Virginitas, Prudentia, For-  
 titudo. Accurre si sapias in omnibus dubijs & angu-  
 stijs ad hanc Divinam Minervam: & quidni pru-  
 dentissima responsa, tibi que salutaria referas? Qui-  
 dam in re dubia, ut refert Casp. Lechner in Sodal.  
 Parth. Lib. 3. Cap. 9. n. 9. quæ ejus plurimùm in-  
 tererat, auxiliatricem experitur hanc Virginem pru-  
 dentissimam, nam nocturno in somno, conspicit  
 Mariam, quæ ei certum hominem nominat, à quo  
 quid factò opus sit ediscat. Vix illuxerat cum ille  
 ipse, quem Deipara edixerat, pro foribus adfuit,  
 ejusque præsentì patrociniò, è certa præsentique  
 ignominia ereptus est.



## STIMVLVS SECVNDVS.

**C**onsidera. 2. Prudentiam Mariæ vel ex sola loquendi parcitate, si enim teste Salamone Proverb. 10. Qui moderatur labia sua prudentissimus est; dic obsecro quàm prudens fuerit nostra Virgo, de qua Bernardus Serm. Signum magnum. Toties Maria Filium audivit, non modo loquentem turbis in parabolis, sed & discipulis seorsum Regni Dei mysteria revelantem, vidit miracula facientem, vidit in Cruce pendentem, vidit expirantem, vidit resurgentem, vidit ascendentem, sed in his omnibus quoties verecundissimæ Virginis, quoties pudicissimi turturis vox memoratur audita. Imò in salutatione Angelicâ, ubi forte tibi videretur locutione opus fuisse, non est locuta, ut testatur Eminentissimus Pater Cardinalis Damianus. Serm. 3. de B. V. Maria inquit, audito Angelicæ legationis mysterio, solitum modesti silentij rigorem tenuit, & licet ipsa intra se discutere non posset, qualis esset ista salutio, verbis tamen inquirere superfluum deputavit. Appositè ad hunc locum Bernardus hom. 3. super missus est, ait: Quod turbata est, verecundiæ fuit virginalis, quod non perturbata, fortitudinis, quod tacuit,



tacuit & cogitavit, prudentiæ, cogitabat autē qualis  
 esset ista salutatio; sciebat prudens Virgo, quia sæ-  
 pè Angelus Sathanæ transfigurat se in Angelum lu-  
 cis: ita ille. Disce à Maria, multa cogitare, pauca  
 loqui. Homo sapiens, inquit Scriptura. Eccl: 20.  
 tacebit usque ad tempus, lascivus autem & impru-  
 dens non servabunt tempus. Disce ab illa parci-  
 tem in loquendo, siquidem Epiphanius à Nicepho-  
 ro citatus, de ea asserit, quod pauca admodum, ea-  
 que necessaria locuta sit. Huc facit illud Eccl. 20.  
 Qui multis utitur verbis, lædet animam suam. Il-  
 lud Prov. 10. In multiloquio non deerit peccatum.  
 Illud Eccl. 19. Qui odit loquacitatem, extinguit  
 malitiam. Maxime autem huc facit illud, quod cir-  
 ca hanc Virginem prudentissimam observatum, ni-  
 mirum, illam septies tantum locutam, ut ex sacra  
 Evangeliorum Historia deprehendimus: ter cum  
 Deo, bis cum Angelo, bis cum hominibus. (sæpius  
 locutam ne dubita, sed ex Evangelio argumentum  
 sume, parcissimam fuisse in loquendo) Quod si sci-  
 re cupias, quænam locuta fuerit, audi. Cum Deo.  
 1<sup>mo</sup>. Verbum gratiarum actionis. Magnificat anima  
 mea Dominum. 2<sup>do</sup>. Verbum doloris ex Filij amif-  
 sione. Fili quid fecisti nobis sic. 3<sup>io</sup>. Verbum com-  
 passio-



passionis, deficiente vino in nuptijs. Vinum non habent. Cum Angelo locuta est. 1<sup>mo</sup>. Verbum castitatis. Quomodo fiet istud, quoniam Virum non cognosco. 2<sup>do</sup>. Verbum humilitatis. Ecce Ancilla Domini. Cum homine. 1<sup>mo</sup>. Verbum charitatis, salutando Elisabeth. 2<sup>do</sup>. Verbum instructionis ad ministros in nuptijs Cana Galileæ. Quodcumque dixerit vobis facite. O prudentissimam Virginem! dignam sanè vel ex hoc titulo, amplissimis Regnis & Provinciis. Quidam Angliæ Rex, non majoribus natu Filijs, quorum unus fortitudinem, alter pulchritudinem petijt, sed juniore Filio Regnū dedit, eo quod interrogatus quid data optione præ omnibus à Deo postularet, prudenter responderit: collum gruis ut non nisi benè discussa verba promeret. O Virginem prudentissimam! dignam elogijs Iudithę olim delatis, quam ipsi hostes curiosius contemplati, mirabantur, & dicebant alter ad alterum. Non est talis mulier super terram, in aspectu, in pulchritudine, & sensu verborum. C. II. Concludat S: Brigitta, cujus hæc ad B: V: sunt verba. In hoc mundo Filius tuus, multis annis te permanere permisit, & tunc per tua verba prudentissima, gestus honestissimos, & opera virtuosa, innumerabiles



les Iudæos, & infideles paganos ad Catholicam fidem convertit.

## STIMVLVS TERTIVS.

**C**onsidera. 3. Quàm magnâ opus cautelâ & prudentiâ, in exarandis epistolis, concinnandisque ad amicos literis, verba enim volant, sed littera manet. Ah proh Deum immortalem! quantum non ostendit hæc Virgo prudentissima, in ijs quas ad nonnullos dedisse creditur. Lege illam quam ad Florentinos in hunc modum scripsit.

*Florentia, Deo, & Domino IESV CHRISTO Filio meo, & MIHI dilecta.*

Tene fidem, in ista orationibus, roborare patientiâ, his enim & sempiternam salutem apud Deum, & apud homines gloriam consequeris. O Epistolam dignam æternis tabulis! dignam non tantum hominum, sed etiam Cœlitum Archivio. Dic amabo, quid hic vani? quid hic affectati? superfluum quid? Sed age & alteram Epistolam magna cum attentione perlege, quam ad S. Ignatium Martyrem dedit Maria: qui etiam unam ad eandem dederat, quâ significabat se innumera dictu percepisse de IESV:

Bb

cui



cui illa sic respondit.

*Ignatio dilecto discipulo, humilis ancilla Christi Jesu.*  
De Iesu quæ à Ioanne audisti ac didicisti, vera sunt, illa credas, illis inhæreas, & Christianitatis votum firmiter teneas, & mores & vitam voto conformes. Veniam autem unâ cum Ioanne, te, & qui tecum sunt videre. Sta & in fide viriliter age, nec te commoveat persecutionis austeritas, sed valeat & exaltet Spiritus in Deo salutari tuo. Amen.

O Epistolam diviniore prudentiâ refertam! Ô Literas singulari humanitate conspersas! Has refert Sixtus Senensis in 2. lib. suæ Bibliothecæ. verbo. Maria. Priores in Concione 25. Octob. Florentiæ explicatæ fuêre. 1495. Tercias ad Messanenſes datas, alibi si legeris, statue firmiter sequentia, si tui juris fueris, & sine notâ singularitatis, simili formâ scribendi uti possis. Primò: in scribendis literis imitari hanc prudentissimam Virginem. Secundò: imitari Venturinum Bergomatem, Dominicanum, Virum à sanctitate illustrem, de quo Anton. Flamen: & ex eo Leander: qui Epistolis quas ferè per totum Orbem scribebat, in fronte præponere solebat. Iesus Amor meus; vel, Ave maris Stella; vel, In nomine Patris &c. Tertiò imitari Cæsarem Baronium,  
Car-



Cardinalem Eminentissimum, qui in scedulis, libris, tabulis, imaginibus, sæpius hanc devotissimam notam designavit.



Cujus inscriptæ literæ hunc sensum reddunt.

**Cæsar Servus Mariæ.**

Quartò denique imitari S. Philippum Nerium, Fundatorem Congregationis Oratorij, qui in Sigillo quo Patres Oratorij pro obsignandis literis uterentur, censuit Mariæ imaginem esse collocandam. Dic obsecro, quantam pietatem redolerent tuæ literæ, quam fortiter & suaviter legentium corda emollirent, si tali sigillo eas obsignatas adverterent, si tali inscriptione in fronte exornatas cernerent, si talem subscriptionem in fine legerent, si deprehenderent, tuas literas sapere prudentiam non humanam, sed Marianam.

**STIMVLVS QVARTVS.**

**C**onsidera. 4. Prudentiam illam quæ in cæteris actionibus prudentissimæ hujus Virginis



re lucebat, & quidem jam à teneris unguiculis, si-  
quidem testimonio S. Mechtildis, prudentiam in  
puellari ætate tantam præ se tulit, ut nihil unquam  
puerile contra Dei gesserit voluntatem. Huc facit  
Augustini præceptio. In omnibus motibus vestris  
nihil fiat, quod cuiusquam offendant aspectum, sed  
quod vestram deceat Sanctitatem. Quam regulam  
adeò benè & dextrè in suis operationibus expressit  
Maria, ut meritò de illa dicat Ambros. lib. 2. de  
Virg. Nihil torvum in oculis, nihil in verbis pro-  
cax, nihil in actu inverecundum, non gestus fractior,  
non incessus solutior, non vox petulantior, ut ipsa  
corporis species, simulacrum fuerit mentis, figura  
probitatis. ita ille; cui suffragari videtur Damasce-  
nus, gravissimis ijs verbis, quibus initio hujus capi-  
tis, prudentiam Virginis contestatur. Et quidni?  
ut enim Galatinus affirmat. Lib. 7. C. 5. nihil non  
decens apparebat in Virgine, cujus omnia membra  
à vertice ad talos, omnesque sensus rationis imperio  
regerentur. Perpende prudentiam Virginis in eo,  
quod de ipsa refert S. Bernardus. Sermon. Signum  
magnum. Foris stabat, quærens loqui Filio, nec  
maternâ auctoritate, aut sermonem interrupit, aut  
in habitationem irruit, in qua Filius loquebatur.

Per.



Perpende iterum prudentiam ipsius, sive quando prudenter tacuit, dicente sibi Filio in nuptijs Canæ Galileæ. Quid mihi & tibi est mulier? sive quando eo amisso in Templo, illum solerter quidem, sed debitâ cum circumspeditione & modestia quæsiuit, sive quando patienti Filio compassa, verum absque fœmineis lamentis & ejulatibus. O sic omnes tuæ actiones & opera, prudentiæ sale condita essent! O si continuò tibi obversaretur illud.

*Quidquid agis prudenter agas, & respice finem.*

## MEMENTO UT DIEM SAB- BATI SANCTIFICES.

**O** Prudentiam S. Gerardi Episcopi Canadiensis! Hic Sanctus de quo Surius. tom. 5. die 24. Septembr: singulis Sabbatis, Officium Assump: Deiparæ, cum 9. Lection. magnisque laudum præconijs, ante ejusdem Aram, insigni pietate explebat. O prudentiam S. Nicolai Tolentini. S. Elizabethæ Lusitanix Reginae. S. Didaci Ordinis S. Francisci! hi Sabbato, pane & aquâ contenti erant. O prudentiam walteri de Birbach, sæpè jejunantis Ferijs sextis, ob reverentiam Sabbati! O



prudentiam Nithardi Bambergensis Præsulis! qui  
 teste Drex. Trism. L. 1. C. 4. per omnem vitam  
 omni Sabbato cibo abstinuit. O prudentiam deni-  
 que Eminentissimi Card. Toleti! qui Romæ, quæ-  
 cunque anni vel temporis tempestas esset, non eru-  
 buit singulis Sabbatis, è Vaticano, sat longo itinere,  
 pedes ire ad S. Mariam vulgò dictam majorem.  
 Desipis, qui cum his, aut alijs Sabbati Cultoribus  
 non sapias.

C A P U T  
 DECIMVM  
 QVINTVM.  
 VIRGO VENERANDA.

*Totis medullis cordium, totis præcordiorum affe-  
 ctibus, & votis omnibus, Mariam hanc veneremur,  
 quia hac est voluntas Domini, qui totum nos habere voluit  
 per Mariam.*

S. Bernardus. Serm: de Nativ. Mariæ.

STIMVLVS PRIMVS.

Consi





**C**onsidera. I. Potentissimū motivum ad colendam Mariam esse, quia si quando eam colimus, Deum ipsum in Maria veneramur, honor quippe Deiparæ, ut probat S. Thomas 3. part. q. 27. art. 4. ex illo Proverb. 17. Gloria filiorum Patres eorum, redundat in Christum Redemptorem. Quod pulchrè confirmat S. Bernardus, homiliâ 4. super Missus est. Sicut enim cū Filium honoramus, à laudibus Matris non recedimus, ita dubium non est, quicquid in laudibus Matris proferimus, ad Filium pertinere, ita ille. Pulchrè Ruper. Lib. 6. in Cant. Sic & te honoramus atque concinimus, ut verè Dei Genitricem, scientes quoniam totus honor impensus Matri, procul dubio redundat in Filium. Pulchrè Gregorius Nicomed. Orat. de Obl. Deiparæ, qui sic eam alloquitur. Tuam enim gloriam Creator existimat esse propriam, & tanquam Filius in ea exultans, quasi exolvens debitum, implet petitiones. Gratosè etiam Arnoldus Carno. Tr. de Laud: Quicumque Iesu, inquit ille, curvat genua, Matri quoque pronus supplicat, & Filij gloriam cum Matre, non tam communem judico, quam eandem, hæc ipse. Heus Christiane, si

commu-



communis, aut eadem est gloria Dei & Mariæ, cur Deum in Maria non veneraris? Si Deo servire cupis, cur Mariæ non inservis? audi S. Ildephonsum Lib. de B. M. Virginit. Cap. 12. Vt sim devotus, inquit ille, servus Filij, servitutem appeto Genitricis, sic namque refertur ad Dominum, quod servit ancillæ, sic redundat ad Filium, quod impenditur Matri, sic alternat in nutrito, quod adhibetur in nutrice, sic transit honor in Regem, qui defertur in famulatum Reginae. ita ille. O felicissimum qui huic Virgini famulatur! O beatissimum, qui velut specioso titulo, gloriatur se esse servum Mariæ! Anna Catharina wilhelmi III. Ducis Mantuæ Filia, Ferdinandi Archiducis Austriae in Tyroli conjunx, post obitum mariti, suscepto habitu tertij Ordinis Servorum B. Virginis, unâ cum seniore Filia, non modò se servam, sed servam servorum B. Virginis appellabat. O servitutem Reginâ dignitate illustriorem! Ô titulum in cœlis olim publicandum! docet enim Pelbartus in Stellario. Lib. 12. P. 1. 2. 3. Deiparæ servos etiam in cœlo peculiari aliquo ornatu decorandos. Sicut, inquit, servi Regis & Reginae in Curia Regia, certis notabilibus clenodijs deaurati procedunt, per quæ agnoscuntur esse servi Regis vel Regi-



Reginæ, & speciali purpurâ vestiti ambulant; ita in Curia Coelesti, servi Virginis speciali ornatu & gloria, qua præ alijs discernuntur, quod servi sunt Mariæ, fulgebunt.

## STIMVLVS SECVNDVS.

**C**onsidera. 2. Alterum motivum ad venerandam Virginem esse, quia Deus vult, teste Bernardo, eam votis omnibus veneremur, & ab ipso Deo honorari, Methodius Orat. in Hipapante affirmat, dum sic ait. Euge, euge, quæ debitorem illum habes, qui omnibus mutuatur, Deo enim universi debemus, tibi autem etiam ille debet, proinde qui dixit honora Patrem tuum & Matrem tuam, ut is decretum à se promulgatum observaret, & alios excederet, omnem Matri & gratiam & honorem impendit. Ita Methodius. Quam propositionem proba celebri illo exemplo, quod Ioan. Bonifacius. Lib. 4. affert de S. Gertrude; quæ ab unico Dei Filio poscere non dubitavit, illa partim supplere, partim explere dignetur, quæ in Deipara honoranda, illiusq; donis agnoscendis minus plenè præstitisset. O rem prodigiosam! ad Gertrudis vota assurgit

Cc

Chri-



Christus, utrumque genu coram Genitrice infle-  
ctit, & eam pro dignitate salutatur, quæ Gertrudis æ-  
quare non poterat. Collige hinc Anima Christia-  
na, annon Virgo Veneranda Maria, quam ipsemet  
Deus adeò veneratur, téque suo exemplo ad cultum  
similem invitat: cui tu adde sequentes rationes, ob  
quas meritò coli debeat hæc Augusta Virgo: Prima  
est. Quia Maria est Dei Mater, Filius autem honora-  
ri vult ab alijs Matrem suam. Secunda, Matthæi 5.  
Iubet Salvator Mundi inimicos diligere, beneface-  
re ijs qui oderunt nos, quanto magis cupit honorari  
suam Matrem. Tertia. Quia ad imagines B. V. plu-  
rima divinitus facta sunt miracula; unde patet quam  
hic velit à nobis illam honorari. Quarta. Multos  
quærentes remedia & solatia miserijs suis, non per  
semetipsum juvit Iesus, sed ad Matrem amandavit.  
Quinta. Stupenda sunt miracula quibus Deus illam  
honorat in terris, ergo & à te vult illam honorari.  
Sexta. Si Deo non placeret honor ille, quem tot mil-  
lia hominum detulerunt Mariæ, quomodo in tot  
centenis, & centenis annis, vel semel saltem id non  
indicasset. O si sapis, juxta Bernardi monitum, to-  
tis medullis cordium venerare Mariam. Elisabeth  
quia erat plena Spiritu Sancto, cognovit secundum  
quod



quod ait Hieronymus in Libro de prærogativis Be-  
 atæ Virginis, quòd magis numerat Deus cultum,  
 qui Matri suæ impenditur, quam sibi ipsi, ideò pri-  
 mò laudat & salutat Mariam dicens. Benedicte tu  
 inter mulieres, & tunc subjungit Christi salutatio-  
 nem. Benedictus fructus ventris tui. Venerare igitur  
 illam, saltem dum sacram ipsius imaginem con-  
 spicis, ita faciebat B. Margaretha Vngarici Regis  
 filia, ut refert Surius in ejus vita, 28. Ianuar. Hæc  
 ubicunque B. Matris imaginem vidisset, flectebat  
 genua, & Angelicam salutationem recitabat. Lu-  
 dovicus autem Germaniæ Rex, Caroli Magni Im-  
 perat: filius, ejusdem B. Virginis simulachrum sem-  
 per è collo suspensum circumferebat, atque si inter-  
 venandum quandoque sinistri quidpiam accideret,  
 aut per sylvas erraret, simulachrum hoc arbori affi-  
 gebat, & coram illo positus humi genibus, B. Vir-  
 ginem supplex venerabatur. Denique S. Hedvigis  
 Ducissa, non tantum iconem Deiparæ secum sem-  
 per habebat, sed etiam moriens eandem præ oculis  
 habuit. Tu si coram Mariæ imagine contritus ocu-  
 los clauseris in terris, lætus aliquando illos aperies  
 in cœlis.



## STIMVLVS TERTIVS.

**C**onsidera 3. Efficacissimum motivum pro colenda sanctissima hac Virgine, desumi posse ab ingentibus beneficijs & gratijs quibus illa nos, & quidem toties afficit, nam omnia illa bona spiritualia, (de temporalibus alibi sermo fiet ex professo) quæ cœlitus nobis conceduntur, illâ impetrante dantur, ut meritò vocari possit aquæductus, per quem tot gratiæ è fonte Deitatis ad nos defluunt. Collum, per quod à Christo capite, tot favores in nos cætera membra promanant. Porta Cœli, quâ clausâ, sicca & arida manent mortalium corda. Quare advertit benè D. Bernardus Serm. de Nat. B. V. Intuemini ait ille, quanto devotionis affectu, à nobis eam voluerit honorari, qui totius boni plenitudinem posuit in Maria, ut proinde si quid spei in nobis est, si quid gratiæ, si quid salutis, ab ea noverimus redundare. ita ille. Neque dicas, omnia quidem dona spiritualia, nobis per Mariam obtinere, sed eo duntaxat sensu, quia nimirum genuit Salvatorem, qui nobis totius boni caput & causa extitit: amplius quippe de tanta Virgine, pièq; sentiendum, videlicet, omnia sigillatim bona spiritualia,



lia, ipsa sigillatim pro singulis obsecrante, nobis donari. Decebat enim Dei matrem, omnia & singula bona perciperemus à Deo, per ipsam, ut Filius Parenti suæ deferret gloriam. O favores! ô gratias! quàm benè hic dici potest illud Bernardi asserentis, Deum nihil nos habere voluisse, quod per manus Mariæ non transeat. Mariam inquit ille venerari vult, qui totum nos habere voluit per Mariam. Dic igitur audacter. Deiparam omnes homines, & omnia illorum opera & cogitationes liberas, omnes eorum necessitates, & pericula è cœlo contemplari. Dic liberè Deiparam & singulis nostris actionibus apud Deum interesse, atque omnem gratiam & auxilia, per ipsam nobis impetrari. Dic liberè quod dixit Idiota in Contemplatione Virginis Cap. 1. Quodcumque donum alicui Sanctorum unquam datum est, tibi non fuit negatum, sed omnia omnium Sanctorum privilegia habes in te congesta, quia omnibus te dare liberaliter oportebat. Dic deniq; liberrimè quod dixit Theoph. Alexand. Gaudet, inquit ille, in Lib. de incarnat. Filius orante Matre (loquitur de B. V.) quia omnia quæ nobis precibus suæ Genitricis evictus donat, ipsi Matri se donare putat, & acceptæ ab illa sine Patre humanitatis



vices reddere. S. Thomas Aquinas Doctor Angelicus, ut recenset Ribad. 7. Martij. paucis ante mortem diebus asseruit, nihil à Deo se petijſſe per B. V. quod non impetraverit. Vis & tu quæ deſideras à Deo obtinere? preces Marianas implora, in quibus Deus ſibi complacere videtur, nam S. Patriarcha Ignatius Loyola, quondam Sacrum celebrans, & poſt conſecratam hoſtiam, ſcriptas Societatis Leges Domino offerens, vidit Deum Patrem valdè ſibi propitium ac benignum, certo quodam ſigno indicantem, gratum ſibi fore, ſi pro eo Deipara oraret, ſtatimq; Virgo Sanctiſſima Ignatio apparuit, Patri Cœleſti eum commendans. in Lib. cui titulus. Gloria S. Ignatij Cap. 5.

### STIMVLVS QVARTVS.

**C**onſidera. 4. Vltimum motivum, quod ad venerationem Virginis nos excitare poteſt, eſt tot doctiſſimorum, ſapientiſſimorum, ſimulq; piſſimorum hominum cultus in Mariam. Quis enim tam perfrictæ frontis erit, qui auſit dicere, hos tantâ ſapientiâ & virtute præditos, per tot ſæcula, ab ipſis Apoſtolorum temporibus, in veneranda Virgine



gine errâsse? poterant illi abstrusissimas veritates penetrare, occultissimas fraudes detegere, & vel aliquis illorum non advertisset instar delirij esse cultum Marianum? Mariæ adhuc viventi templa exerunt. S. Petrus & S. Iacobus: ergo si illi errarunt, si Christi Vicarius hîc deceptus deliravit, quis impofterum obsecro credat Apostolis, eorumque sequacibus? Si tot Sancti Patres, si tot gravissimi Theologi, si universa denique Ecclesia, huc usque insanijt in colendâ Maria, quis amabo sapiens impofterum dicendus? Ah nefas ingens, vel de hoc dubitare! Credis firmiter ijs, quæ de Romana, aut Constantinopolitana, vel alia quapiam Vrbe prodiderunt literis suis, veteres Historiographi, quamvis fortè improbi & nequissimi, ah scelus! & non credes Augustino, Hieronymo, Ambrosio, Gregorio, cæterisque Sanctissimis Viris, ac insuper miraculis, cultum Mariæ deprædicantibus? elige quod placet, aut colere Mariam, ut præmia referas, aut contemnere, ut puniaris. Tibi verò eam colenti, sit præ oculis illud quod P. Nicol. Lancic. tom. 2. Opusc. 17. Cap. 2. sic refert. Cum Saga quædam in Sicilia, multis maleficijs, alijsque sceleribus coinquinata, & eorum convicta, ad rogum, & locum supplicij esset



esset deducenda, interrogata: an etiam aliquando ad Societatis domicilium noctu, diaboli ope, uti ad alia domicilia solebat, introducta fuisset; præsentem & audientem P. Antonio Cicala ( à quo id ante 45. annos Romæ audiui ) falsa est, se quidem etiam voluisse ad Societatis domicilium deferri à diabolo, & pudicitiam quorundam tentare, sed cum prope accederet, à persona quadam senio veneranda, repente apparente, se fuisse prohibitam, ne illuc intraret, dicente. Collegium illud esse hominum peculiari cultu Deiparam colentium, & sub patrocinio ejusdem speciali constitutum: hæc ibi. Nec excidat è mente præmium illud, quod cultori suo promisit Maria, quæ apparens Joanni XXII. nedum ad dignitatem Pontificiam evecto, ei dixit. Propter devotionem quam erga me habes, ad supremum dignitatis Ecclesiasticæ culmen te promovebo. Verum si magis arrideant pœnæ & supplicia, audi præter ea quæ infra Cap. 24. recensentur, & hoc. Obsederunt Hæreticum quendam Albigensem. 15. millia dæmonum, obsessionis causam rogati nefandi hospites, protulerunt peccatum etiam irreverentiæ in Dei Matrem, quam nos, inquit, summo odio prosequimur. Disce hinc Christiane quid  
agas,



quid agas, in quæ pericula te ipsum conjicias, quando Virginem venerandam dehonoras, vel dæmonibus similior, aversearis. Age si sapis, & fortiter pro ejus honore decerta, strenuè contrà perversos hæreticos dimica, aderit è cœlo Deus, nam pro Maria contra hæreticam pravitatem dimicare, ac vincere, (ut Ildephonsus affirmat in libro de perpetua Virginitate Mariæ) Spiritus Sancti proprium est opus. Victorias sequentur palmæ, sequentur lauri, cœlo enim nequeunt deesse coronæ quibus coronemur, fortè capita desunt, quæ coronentur.

## MEMENTO UT DIEM SAB- BATI SANCTIFICES.

**C**erne. Audi. noñe dulcis melodia?  
nonne suavissima personat harmonia? ô quantus fulgor! quæ lux non irradiat Orbem, ut omnia conspirasse videantur ad obsequia hujus Virginis venerandæ. In Hispania observarunt pastores, singulis Sabbatis, inclinante jam die, ingentia lumina in proximū antrum delabi, concentusq; Angelicos ibi exaudiri, in quo antro inventa fuit postea ab Archiepiscopo Barcinonensi imago Deiparæ, cui excita-

D d

tum



tum illustre tēplum MONTIS SERRATI. Tu simile erige, sed in corde tuo, in quo animitus colas eam quæ præ omnibus est Virgo Veneranda.

C A P U T  
DECIMUM  
SEXTUM.  
VIRGO PRÆDICANDA.

*Prædica reverendam Angelis, desideratam gentibus, Patriarchis, Prophetisq; præcognitam, electam ex omnibus, prælatam omnibus. S. Bernardus, Epist. 174.*

S T I M V L V S P R I M V S.



**C**onsidera. I. Quàm prædicari & laudari mereatur illa, quæ ut canit Ecclesia. Felix est, & omni laude dignissima: quæ teste Anselmo, eâ puritate nitet, quâ major sub Deo nequit intelligi. Quæ teste S. Thoma, Mater Dei, cum sit, dignitatem obtinet propemodum infinitam, cujus benefi-



beneficiis denique plenus est mundus. Deterrent te fortè à prædicanda Virgine, gravissimæ Patrum sententiæ. S. Petri Damiani Serm. 2. in Nativitate Virginis. Nullus humanus sermo in laude Mariæ invenitur idoneus, de qua Mediator Dei & hominum cognoscitur incarnatus: impar est illi, omne humanæ linguæ præconium, quæ de intemeratæ carnis suæ visceribus, cibum nobis protulit animarum. S. Bernardi Serm. 4. de Assumpt. Quam lingua poterit etiam si Angelica sit, dignis extollere laudibus Virginem Matrem, Matrem autem non cujuscunque, sed Dei. S. Bernardini Senensis. tomo 3. ser. 2. Nemo pertingere ad laudem gloriosæ Virginis potest, quæ omnium hominum & voces, excellit, & superat intellectum. S. Augustini. serm. 35. de Sanctis. Quid nos tantilli, quid actione pusilli, quid in Virginis laudibus referemus: cum et si omnium nostrum membra verterentur in linguas, laudare sufficeret nullus. O timide homuncio! quid ergo? an quia laudes Virginis immensæ, tu à laudibus ejus abstinebis? an quia Mariæ prædicandæ, teste Epiphanio, neque hominum, neque Angelorum lingua sufficit, tu saltem eam pro tuo modulo laudare non conaberis? Ah dic cum S. Casimiro.



*Quamvis sciam, quod Mariam.*

*Nemo dignè prædicet,*

*Tamen vanus, & insanus*

*Est qui illam reticet.*

Dic cum Bernardo. Serm. 4. de Assumpt. Licet inquit, dignum aliquid sterilis concipere cogitatio, aut inerudita locutio parturire non possit, de ea tamen silere devotio non patitur. Prorumppe cum eodem Bernardo, & quæ ille olim Filio, tu Mariæ occine, dicendo.

*Cum dignè loqui nequeam.*

*De te tamen ne fileam.*

*Amor facit ut audeam.*

Aude omninò, ita jubet Damascenus. Quid ergò? an quia eam pro dignitate laudare minimè possumus, idcirco metu reprehensi conticessimus? minimè sanè, quin potius temperatâ metu cupiditate, contextâque unâ ex utroque corollâ, cum sacra reverentia, tremente manu, ac cupido animo, viles ingenij nostri primitias, Regiæ Matri de universa naturâ benè meritæ, grato, candidoque animo, tanquam debitum quoddam persolvemus. Hæc ipse. O felix si sæpè & sanctè id ei persolvas! vitam invenisti, juxta illud Ecclesiastici. 24. Qui me elucidant, vitam



vitam æternam habebunt: quod exponens Richardus dicit Sermone 5. Nunquam in æternum damnabitur, qui nunc in præfenti laudes Mariæ, præconiaque sectatur. Iuxta illud Sophronij, inter opera Hieronymi. Serm. de Assump. Et quamvis non sit speciosa laus in ore peccatoris, noli cessare à laude, quia inde tibi promittitur venia, undè & omnibus, ut laudes. Iuxta illud Anselmi de excell. Virg. Cap. 1. Quomodo fieri potest, ut ex memoria laudum ejus, salus non proveniat peccatorum, cujus uterus factus est via ad sanandum peccatores venienti Salvatori. ita ille. Eja Christiane. Eja Sodalis Mariane! linguam in laudes tantæ Virginis commove, dicei supplex & humilis. Dignare me laudare te Virgo sacrata. Dic ei cum Ephrem in Oratione de Deipara. Reple os meum ô Domina, move linguam meam, & labia ad laudes tibi decantandas.

## STIMVLVS SECVNDVS.

**C**onsidera. 2. Annon prædicanda illa, quæ antequam nata, prædicabatur jam in mundo. Angelus Parentibus prædicat eam dum ejus conceptionem prænunciat. Prædicant Argonautæ, qui



ante Christi adventum. Annis 1200. circiter vixerunt, cum templum, de quo Plinius, Lib. 36. Cap. 15. longè nobilissimū excitassent, & oraculum consuluisse, cuinam dicari deberet, responsum retulerunt. *MARIÆ VERBI ÆTERNI GENITRICI* dicandum esse. Prædicant Druidæ Gallorum Sacerdotes, inter eos sapientissimi habiti, qui multis ante natam Deiparam annis, Aram ipsi dedicârunt, cum hac inscriptione. *VIRGINI PARITVRÆ*. Prædicat Rabinus Hacados, qui de Messiaë Matre, his verbis loquitur. in Respons. ad 7. petit. Antonini Consul. Sicut abacus est armarium, quod Principes conficiunt, ut auri & argenti vascula in eo recondant, suamque gloriam & opes cunctis ostendant, ita Regis Messiaë Mater erit armarium, quod Deus ipse construxit, ut Messias in ea sedeat, ad maiestatis suæ gloriam mortalibus omnibus demonstrandam: atque hæc Magister ille sanctus, (sic à Iudæis honoris gratiâ appellatur) ad Romanum tunc scripsit Consulem, quum ne Mariæ parentes quidem essent nati. Prædica & tu, sed appositè & cum fructu, quemadmodum Hieremias Propheta, qui de hac ipsa Virgine Ægyptijs locutus; hinc illi ante Christi Servatoris adventum, Virginem in lecto, & infantem in præse-



præsepio passim collocare, & adorare consueverunt.  
de quo Canis. Lib. 2. C. 7. O felix qui sic prædicat!  
ô felix Auditor qui sic proficit! Nos qui pretiosa  
templa, statuasque Virgini erigere non valemus, sal-  
tem lectulum ei in corde nostro sternamus. Felix  
profectò Hispania, ubi post diligentem inquisitio-  
nem, reperta sunt templorum V. Mariæ dicatorum,  
supra octuaginta millia, ut refert Ioan. Euseb. in Lib.  
de affect. erga B. V. Cap. 10. Tibi pauperi & ege-  
no sufficiat. 80. millia affectuū de die, offerre Mariæ.

### STIMVLVS TERTIVS.

**C**onsidera. 3. Quàm multi numerentur san-  
ctitate, & doctrinâ illustres, qui strenuè ac glo-  
riosè, in prædicandâ Virgine jam orbi nata desuda-  
runt. O quot linguæ encomijs Virginis hucusque  
cōsecratæ! ô quot calami laudibus Virginis hucusq;  
attriti! hinc tot de Maria extant laboris ac pietatis  
monumenta, tot libri, tot hymni, tot dulcissimæ  
Antiphonæ &c. Et quia nonnullarum frequentior  
per annum recurrit usus, Auctores earum hic reco-  
gnosce, & velut Virginis amatores amplectere. Il-  
lam nunquam satis laudandam Antiphonam cui  
initium. ALMA REDEMPTORIS MATER. compo-  
luit



fuit Hermannus Contractus Sycuus, ex nobili genere Comitum Veringensium, qui Sacro D. Benedicti Ordini sese addixit. Alteram adeò celebrem quæ incipit SALVE REGINA. in lucem dedit, idem Hermannus Contractus. Urbanus autem IV. recitanti. ALMA REDEMPTORIS MATER. 50. dierum indulgentias concessit; & Ioannes XXII. recitanti. SALVE REGINA. 40. dierum indulgentias impertijt. Antiphonam, AVE REGINA COELORVM, uti putat Pelbartus in stellario Coronæ B. V. Lib. 10. part. 5. art. 1. C. 2. Apostoli composuere, qui B. Virgine moriente convenerant, & quisque pro virili in laudes ejus prorumpebat. Sic ergò ait, Petrus inchoans, ut narrat Cosmas, dixit. Gaude cœlestium thalamorum sponsa &c. alij autem Apostoli Ave, inquiunt Regina cœlorum. Ave Domina Angelorum. Salve radix sancta, ex qua mundo lux est orta. Gaude gloriosa, super omnes speciosa. Vale & pro nobis ora. Celebris porrò illa Antiphona, REGINA COELI &c. ab Angelis composita, & ab illis dum imago Almæ Virginis, per Urbem Romam peste infectam, in die Resurrectionis deportaretur, decantata fuit, usque ad illam partem. Ora pro nobis Deum Alleluja: quæ verba mox addidit divino Spiritu.



Spiritu motus. S. Gregorius. Tu si sapis, Angelos,  
hominesque imitare, & jam hanc, jam illam Anti-  
phonam Virgini decanta: sæpè hymnum illum. O  
GLORIOSA DOMINA &c. de quo hymno in Cro-  
nicis Ord. S. Franc. exstat revelatio, quâ Deipara  
docet quendam, præ omnibus canticis & hymnis  
hunc ei placere maximè: & tu hoc gustu privabis  
Virginem? his paucis versiculis non laudabis eam?  
Audi quid dicat S. Bonaventura. Virgo, inquit il-  
le, auxiliatrix, & amatrix est omnium fidelium suo-  
rum laudatorum, sicut illi qui tales sunt experimen-  
to multiplici cognoverunt: ita ille. Hæc experimen-  
ta quidni & tibi promittantur, si ore, & scriptis,  
hanc supra omnes prædicandam Virginem depræ-  
dicaveris. Aude ergo quod ausus est Angelus: hic  
Romæ S. Brigittæ dictavit sermonem de excellen-  
tia B. Virginis Mariæ, qui legi debet in Matutinis  
divisim per ferias hebdomadæ, per anni circulum.  
Aude quod ausus est Ioannes Berckmans, è Soc. Iesu,  
hic cum quibusdā convenerat, ut de illa sæpius cum  
ijs colloqueretur, & ad hoc se natum existimabat, ut  
ejus cultum promoveret. Aude quod ausus est ex  
eadem Soc. Iacobus Rhem, hic Sodalitium insti-  
tuit, cujus potissimum esset Institutum, pios de



Virgine miscere sermones, quod ideò, colloquium appellavit: Aude quod ausus est S. Bonav. qui in D. Lucam ideò libentius lucubrationes scripsit, quod is de B. Virgine plura suggereret. Aude quod ausus est Albertus Magnus, hic varias in honorem B. V. profas, seu ut vocant sequentias componebat, semel autem cum quandam conscripsisset, eadem Serenissima Deiparens Alberto adstitit, gratias referens, quod se sic collaudasset. Aude denique quod ausus est Beatus Hemingus Episcopus, hic omnes suas conciones ab ejus laudibus inchoarat, unde B. Virgo S. Brigittæ viduæ, de præfato Episcopo dixit. Dic, inquit, illi Episcopo, quia omnes prædicationes suas, inchoare solet à laude mea, ego volo ei esse in Matrem, & ejus animam præsentare Deo. Oproëmium! ô mercedem! Adfuit olim Maria morienti cuidam è Divi Dominici Familia Religioso, qui pro concionum suarum coronide, unam semper de illa attexebat narrationem. Vis & tu præsentare Maria mori? vive prius Encomiastes Marianus.

### STIMVLVS QVARTVS.

Confidera. 4. Annon pleno ore oporteat prædica-



dicare eam, quam ipsimet Hæretici, adeò deprædicant. Audi Lutherum in Festo Concept. Mariæ, sic de ea loquentem. Nulla mulier tam sancta est, nec fuit, nec imposterus erit &c. Audi eum in Comment. super Magnificat. Eo ipso inquit, quod Maria Dei Mater facta est, tam præclara & ingentia bona ei data sunt, ut superent captum cujuscunque, &c. Audi illum, in Postilla majore, circa Evan. Festi Concept. Mariæ. Dignum & justum erat, Mariæ personam ab originali peccato præservari, de qua Christus sumpturus erat carnem. Audi eum in Postilla majore circa Evangel. Dominicæ proximæ ab Epiphan: & in die Concept. Mariæ: & in Conc. 2. Festi Visit. Mariæ; ubi asserit. Mariam nulli aliquando maledictioni fuisse obnoxiam, præcæteris à Deo benedictam, Prophetissam esse maximam; quæ doctrinâ omnes Apostolos & Prophetas excelluerit. Quod si magis Calvinus placet. Audi eum: circ. principium Lib. de Harm. Euangel. sic Mariam cõmendantem. Hodie celebrari nequit alata nobis per Christum benedictio, quin simul occurrat, quàm honorificè Mariam ornaverit Deus, qui Vni geniti Filij sui Matrem esse voluit. Si Calvinus & Lutherus desipiunt, audi alios Ecclesiæ hostes. Au-



di Oecolampadium, in serm. de laudando in Maria Deo. Nunquam de me, ut in Domino confido audietur, quasi averſer Mariam, erga quam minus bene affici, reprobatae mentis certum exiſtimem iudicium. Audi Bucerum in expoſ. primi Cap. Matth. Pius animus de Maria, vaſe tam ſancto, atque electo, ut Chriſtum nobis pareret, nonniſi ſanctiſſima cogitabit. Audi Bullingerum, in ſer. de B. V. Maria, ubi perpetuam Virginitatem ei attribuit, plurimis maximisque chariſmatibus à Deo donatam aſſerit, & in Mariomaſtiges ſic invehitur. Infelices certè ſunt Iudæi, qui ipſam nunquam convitijs inceſſere deſinunt, infelices ſunt pseudo-chriſtiani, qui Iudæis nihilo meliores, ſuâ laude ipſam ſpoliant. Audi denique improbos Manichæos, illi, ut refert S. Thomas &c. in 3. diſt. 4. q. 2: dixerunt. Mariam aliquid ſupra commune hominum genus eximium eſſe, eamque ad Angelicam dignitatem hos ſublimaffe. O Chriſtiani! ô Catholici! talia de Maria Hæretici prædicant, talia Apoſtatae, talia ſceleſti, & vos quid? Audite S. Bonav. in Pfalt. Nolite ait ceſſare (loquitur de Virgine) à laudibus ejus, & per ſingula momenta recogitate illam. Legite quod Purpuratus ille Pater, Cardinalis Oſius, ſcripſit olim  
ad



ad Canisium. Non obliviscetur inquit, huius operis tui (loquitur de eo quod supra Mariam confecit) tam sancti, Virgo Sanctissima, quam sic ornare scriptis tuis conatus es. Vultis, & vestri semper sit memor Maria? agite, calamoque simul ac linguâ illam prædicate, honorate, laudate, & ne inde animus fortè superbiâ tumescat, hæreat menti consilium illud Dionys. Carthus. Lib. 1. art. 3. de Virg. sic loquentis. Totis viribus laudemus ac veneremur, diligamus, ac vereamur Dei Matrem, cumque hoc ipsum egerimus, recognoscamus nos nihil egisse condignum, nec beneficijs ejus posse idoneam rependere vicem. Hæc ille.

## MEMENTO UT DIEM SABBATI SANCTIFICES.

**P** Alphonfus Salmeron, è Soc: Jesu: cum per Quadragesimam concionaretur, de Mariâ perorare solitus erat Sabbatis. P. Ioann. à Campis ex eadem Soc: nullum Sabbatum vacuum abire sinebat, quin aliquam de B. V. historiam narraret. Adde Venturinum Bergomatem Dominicanum, qui diebus Sabbati, ad maximam coronam



(subindè quinquaginta millium Auditorum) concionabatur de laudibus Deiparæ. An quia præcesserunt pudet sequi? fortè à prædicandâ Virgine, hostium absterrent timores? Ah audacior contraïto, succurret Virgo prædicanda, quemadmodum Sacerdoti illi, de quo Cæsarius. Lib. 7. Cap. 24. Huic celebranti quodam Sabbato, Deiparæ Sacrum, à perversis hæreticis radicitùs lingua abscinditur, ast post aliquod tempus ei apparens Maria, carnem linguæ formam habentem in manu tenens, dixit. Quia propter Fidem Filij mei, & honorem mihi exhibitum, linguâ tuâ privatus es, ecce novam tibi restituo; restituit, & disparuit.

CAPUT  
DECIMUM  
SEPTIMUM.  
VIRGO POTENS.

*Amplectamur Mariæ vestigia fratres mei, & devotissima supplicatione, beatis illius pedibus provolvamur, teneamus eam, nec dimittamus donec benedixerit nobis, potens est enim. S. Bernar. serm. in Apoc. 12.*



## STIMVLVS PRIMVS.

**C**onsidera. I. Patrum testimo-  
 nia de admiranda sanè Mariæ poten-  
 tiâ. Hailgrinus Cardinalis sic illam  
 alloquitur. An ignoras quòd sis pul-  
 cherrima Mulierum, & ideò intercedendo pro pec-  
 catoribus potentissima. Gregorius Nicomediensis  
 Orat. de Oblatione Deiparæ, inquit. Nihil tuæ resi-  
 stit potentiæ, nihil repugnat tuis viribus, omnia ce-  
 dunt tuo iussui, omnia tuo obediunt imperio, om-  
 nia tuæ potestati serviunt. S. Bonaventura in Spec.  
 B. Virginis C. 8. ait. Quia Dominus potentissi-  
 mus potentissimè tecum est, ideò & tu es potentis-  
 sima secum, potentissima es per ipsum, potentissi-  
 ma apud ipsum, ita ut verè dicere possis illud Eccles.  
 In Hierusalem potestas mea: nam in Hierusalem,  
 id est Ecclesia triumphante, & militante, potesta-  
 tem habet Mater potentissima Creatoris. Amplius  
 docet Petrus Damianus in Serm. de Nativ. Virg.  
 dum sic eam affatur: Quomodo illa potestas tuæ  
 potentiæ poterit obviare, quæ de carne tua carnis  
 suscepit originem, accedis enim ante illud aureum  
 huma-



humanæ reconciliationis Altare, non solum rogans, sed imperans, Domina, non ancilla. Bene D. Ansel. Te Deus, inquit, ô Virgo sic exaltavit, ut omnia tibi secum possibilia esse donarit. Huc facere videtur quod dicit S. Antoninus, 4. parte, tit. 15. Cap. 17. §. 4. Oratio inquit ille. Deiparæ, erat nobilissimus modus orandi, tum quia habebat rationem iussione & imperij, tum quia impossibile erat eam non exaudiri, juxta illud, quod in figura ejus dixit Salamon Matri suæ Bersabeæ 3. Regum Cap. 1. Pete inquit, Mater mea, neque enim fas est ut avertam faciem meam. Hæc S. Antoninus. Et certe Christum Servatorem dixisse semel Mariæ oranti. Impossibile est aliquid tibi denegari: refertur in promptuario Discipuli, in miraculis B. V. num 50. O potentiam Virginis! ô robur inexpugnabile! ô vires insuperabiles! Eccur igitur ô homo, ad hanc potentissimam Virginem per singula momenta non recurris? cur auxilium ejus non imploras? quod Cosmas Ierosolymitanus, appellat, Omnipotens. Audi S. Brigittam, quæ in Revel. Lib. 4. Cap. 74. in quadam visione dicit. Sanctos apparuisse, & dixisse Virgini: ô Domina benedicta, tu portasti Dominum in te, tu Domina omnium es, quid est quod



quod non poteris ? quod enim tu vis, hoc factum est.

## STIMVLVS SECVNDVS.

**C**onsidera 2. Annon jure merito debeat dici hæc Virgo, potens: siquidem illa sola plus potest apud Deum, quam reliqui Sancti. Audi doctissimum Suarez. tom. 2. in 3. part. disp. 23. Sect. 2. Si cogitatione, inquit ipse, fingamus, B. Virginem aliquid postulare, totamque cœlestem Curiam illi resistere, sicut apud Danielelem unus Angelus alteri resistebat, potentior esset, majorisque efficaciam, & valoris apud Deum, Virginis, quam reliquorum omnium Sanctorum oratio. Vnde ingeniosè S. Antoninus, 4. parte tit. 15. C. 17. §. 4. ponens discrimen inter orationem Deiparæ & aliorum Sanctorum. Oratio inquit, Sanctorum, non innititur alicui rei ex parte sui, sed tantum misericordiam ex parte Dei, oratio autem Virginis innititur gratiam Dei jure naturali & justitiæ Evangelij, nam Filius non tantum tenetur audire Matrem, sed & obedire, juxta illud Apostoli. Filij obedite parentibus vestris: ita ille. Et profectò si famulo suo Iosue, cum Solem stare fecit, obedivit Deus, quantò magis, præ reli-



quis Sanctis, obediēt non famulæ, sed Matri, ejusque preces facilius exaudiet, quàm aliorum Sanctorū. Gratiōsè Beda hom. de S. Maria, cū inquit, diligat orationes Sanctorum CHRISTVS, & exaudiat, multò magis Matrem suam exaudiet pro peccatoribus orantem. Quo facere videtur illud Svarij, qui ut probet intercessionem B. Virginis esse digniorem, & præstantiorem, quàm aliorum Sanctorum orationes, tomo 2. in 3. part. disp. 3. Sect. 3. ex eo probat: quia inter Sanctos non solemus uti uno tanquam intercessore ad alium, cū omnes ejusdem sint ordinis, ad Virginem autem, tanquam ad Dominam, ac Reginam, alij Sancti adhibentur intercessores, & ita Salutationem Angelicam alijs Sanctis recitamus, ut eam pro nobis Virgini repræsentent. O si sapias. Cœlites omnes venerare, sed vel quam maximè hanc potentissimam Virginem, de qua ipsimet maligni qui hominem insederant, gloriosissimo S. Dominico affirmarunt, unicum suspirium B. Virginis, apud S. Trinitatem, superare preces omnium Sanctorum, plusque se illam timere, quam omnes reliquos in Cœlo. Bzovius. Anal. Eccles. tomo 13. Anno 1213. n. 15. Venerare hanc Virginem, de qua Gu-  
liel-



lielmus Parisiensis in libr. Rethoricæ Divinæ, ad Deiparam sermonem dirigens, ait. Nulla creatura tot, & tanta, & talia impetrare posset apud benedictum Filium tuum miseris, quantum tu apud ipsum impetras eisdem, in quo procul dubio, non tanquam ancillam, sed tanquam Matrem verissimam te honorat. Venerare denique hanc Virginem, ejusque ad pedes sæpius in die provolutus, dic cum Methodio in Hypapantem. O Sanctissima Deipara, quæ reliquis omnibus & benignior es, & materno honore, ac cum Deo colloquendi libertate gloriosior, te obnixè rogamus, ut nostri jugem curam, ac perpetuam habere memoriam velis.

### STIMVLVS TERTIVS.

**C**onsidera 3. Potentiam Virginis in dæmonem, humani generis teterrimum hostem, ex illis verbis Genesis. 3. quæ Dominus serpenti maledicens adjecit. Inimicitias ponam inter te, & mulierem, & semen tuum, & semen illius, ipsa conteret caput tuum. S. Antoninus, & alij, per hanc Mulierem, Deiparam accipiunt. Et quidni? nonne inter Mariam & dæmonem continuæ inimiciæ? nonne



continua inter semen suum, quod est Christus, & semen dæmonis, quod Ruperto teste sunt impij? nonne ipsa conterit caput illius, dum eum sub pedibus suis tenet, virtutem ejus reprimendo, conatus irritando? Nimirum, inquit Bernardus serm. signum magnum: ipsa Virgo est quondam à Deo promissa Mulier, serpentis antiqui caput, virtutis pede contritura: ita ille. O quot serpentis hujus veneno enecti fuissent, nî Maria opem attulisset! Refert Rupertus lib. 3. de Trinitate, Cap. 20. Sibi ex fida relatione compertum, quod si nuda, inquit, mulieris planta, vivacissimum caput serpentis leviter presserit, statim totum cum capite corpus interit. O quoties ad levem Mariæ tactum, patrociniū, invocationem, disparuit dæmon, ejusque tota vis ac potentia elisa! S. Antonio de Padua decumbenti in lectulo, faucibus interceptis spiritum elidere conatus est dæmon, sed ad invocatum nomen Mariæ fugatus. Et D. Dominico asseruerunt maligni, qui hominem insederant, B. Virginem esse valdè potentem ad conservandum suos famulos ne damnentur, patefacere dæmonum insidias, plusque se illam timere, quam omnes reliquos in Cœlo, nil se posse contra devotè ipsi famulantes, multos in agone



agone per ipsam salvari, si Maria non restitisset, pri-  
dem se Ecclesiam eradicaturos fuisse. Ita refert Bzo-  
vius. Annal. Ecclesiast. tom. 13. Anno 1213. n. 15.  
Et in S. Brigittæ Revelationibus, in sermone Ange-  
lico, Cap. 20. Angelus cum dixisset nonnulla, hæc  
de Maria subjicit. Super omnes etiam malignos  
Spiritus ipsam sic Deus potentem effecit, quod quo-  
tiescunque ipsi aliquem hominem, Virginis auxi-  
lium ex charitate implorantem impugnaverint, ad  
ipsius Virginis nutum illicò pavidī procul diffugi-  
unt, volentes potius poenas suas & milerias sibi mul-  
tiplicari, quam ejusdem Virginis potentiam super se  
taliter dominari. Pulchrè igitur Germanus Patriar-  
cha ad B. V. Tu enim cum habeas maternam apud  
eum fiduciam, & potentiam, nos tuis interpellatio-  
nibus ei efficis familiares. Pulchrè idem ad eandem.  
Patrocinium tuum majus est, quàm ut intelligen-  
tiâ comprehendi possit. Pulchrè Cardinalis Petrus  
Damiani. serm. de Nativ. Deip. Fecit, inquit, in  
te magna qui potens est, & data est tibi omnis po-  
testas in Cœlo & in terra. Profectò mente captus  
es, si hanc Virginem tibi servitijs non devincis, pre-  
cibus ad te non allicis, si ad eam in omnibus neces-  
sitatibus, maximè autem mortis, ubi de summa



unius æternitatis agitur, non recurris. S. Richardus Episcopus, morti proximus, sic se commendabat huic potentissimæ Virgini.

*Maria Mater gratiæ.*

*Mater misericordiæ.*

*Tu nos ab hoste protege.*

*Et hora mortis suscipe.*

Mandavitque suis Capellanis, ut ea verba ad ejus aures pronunciare non cessarent. O te felicem si moribundus iisdem verbis invocet Mariam! Disce igitur sanus, quod scire debes moribundus. Disce si non à Richardo, saltem à Psittaco, Mariæ succursum implorare. P. Georgius Stengelius è Soc. Iesu, in suo Opere de judicijs Divinis. tom. 2. Cap. 14. n. XI. ait, se vidisse psittacum qui disertissimè canebat. Sancta Maria ora pro nobis.

### STIMVLVS QVARTVS.

**C**onsidera. 4. Stupendam Mariæ potentiam, etiam in animas illas, quæ in peccato mortali ex hac vita decedunt: justissima aliàs exstat lex, justissimi ludicis Dei, animæ lethalis criminis reæ, si in eo sta-



eo statu decedant, æternis Erebi cruciatibus plectantur. O Mariæ in Deum, ejusque legem potentiam! Audi, & contremisce. Sacerdos navigans, horasq; Mariæ tunc orans, in ipso invitatorio. Ave Maria gratia plena, Dominus tecum: à dæmonibus unà cum navicula præceps agitur, anima ad tormenta rapitur, sed ecce, die tertiâ adest Maria, inquiens: Vt quid animam famuli nostri ita affligitis? cui dæmones. Nos debemus illam habere, quoniam in nostris operibus capta est; quibus Maria. Si illius debet esse, cujus opera faciebat, ergo nostra debet esse, quoniam Matutinas nostras, dum vos eam peremistis, decantabat, unde anima ad corpus revocata, & Sacerdos à Maria admonitus, adulterij peccatum quod commiserat, caveret imposterum. Hinc colliges annon expediat, si non ex amore benevolentia, saltem ex amore concupiscentia, huic potentissimæ Virgini, se, suaque omnia penitus tradere, commendare, eam ubiq; celebrare, laudare, deniq; assiduum esse in Virginis servitijs, atq; operibus ad eam spectantibus. Tu si defueris, tibiq; similes, suscitabit Deus, vel infantes ipsos, facundos redditurus, & expeditos, ad Virginis servitia atque laudes: factum crede, & lege si placet in Kalend. Mariano.

P. An-



P. Antonij de Balinghem. 28. Febr: Pater Ignatius Martinecz, è Soc. Iesu, qui A. 1598. ex hac vita migravit, relicto sponte ob amorem humilitatis specioso munere Concionatoris, quod apud Sebastianum Regem obibat, dum quadam vice Conimbriæ in Lusitania, Catechismum publicè doceret, & nemo omnium inventus esset, qui voce altâ & publicè salutationem Angelicam recitare vellet, repente infans sex menses natus, ab ubere matris dependens, erecto capite, articulatè & distinctè, stupentibus universis, illam recitavit. O prodigium stupendum! ô cœcitatem tuam! qui nedum vides, quantum colere debeas Mariam. Quid? ipsi lapides eam præ te venerari velle videntur, nam teste Ioanne Nidero; in Septa Africa Civitate, lapilli reperiuntur, in quorum uno, Ave; in altero, Maria; in tertio, Gratia plena; & cætera in cæteris visuntur, ut sic verificetur illud.

Si hi tacebunt, lapides clamabunt.



ME.



# MEMENTO UT DIEM SAB- BATI SANCTIFICES.

**B**ene est. Jacta cogitatum tuum in Mariam, quidni enim à potente Virgine, humanis aliàs viribus impossibilia impetres? Certè B. Fredericus ex Sacro Præmonstratensium Ordine, precibus ad illam fufis, vitæ reddidit puerum, absque salutarì lavacro defunctum; cujus imitatione mos in Hallum inolevit, etiam per Sabbata Quadragesimæ Missam de B. V. cantare. O tu similiter specimen aliquod Sabbatinæ devotionis relinqueres, quod imitarentur posterì! Age, & vel P: Sebastianum à Campo. Soc. Iesu imitare, cui Maria gratias retulit, quod Sabbatum varijs pœnitentiæ operibus coleret. Dic annon foelicior Achille Sebastianus? ille laudatorẽ habuit Homerum, hic Mariam,

## C A P U T DECIMUM OCTAVVM. VIRGO CLEMENS.

Gg

Adeo



*Adeo pietate replentur ubera tua ô Virgo, ut ali-  
cujus miseria notitiâ tacta, lac fundant misericordia,  
nec possis miseria scire. & non subvenire.*

Victorinus in Cant,

## STIMVLVS PRIMVS.



**C**onsidera. I. Ineffabilem Mariæ clementiam & misericordiam, quam recogitans Bernardus. Sermon. 4. de Assumpt. inquit. Quis misericordiæ tuæ ô benedicta, longitudinem & latitudinem, sublimitatem, & profundum queat investigare? Quod si Iob de se dicebat. 31. Quia ab infantia mea crevit mecum miseratio, & de utero matris meæ egressa est mecum: quidni hoc credas de ipsa Virgine, cui in sua immaculata Conceptione cum alijs virtutibus infusa misericordia, crevit semper in immensum. Iure meritò Ecclesia illi occinit: SALVE REGINA MATER MISERICORDIÆ. Iure meritò S. Bonaventura vocat Mariam in Litanij B. V: fontem misericordiæ, mamillam parvulorum, & consolationem afflictorum: & in Hymno. Te Matrem Dei laudamus: venam misericordiæ



diæ appellat. Iure merito idem S. Bonaventura, in  
 Speculo Virginis, Cap. 8. Maria, inquit, præterita  
 non discutit merita, sed omnibus, se exorabilem,  
 omnibus clementissimam præbet, omnium deni-  
 que necessitatibus amplissimo miseretur affectu.  
 At inquires majore clementiâ & misericordiâ olim  
 præditam Virginem, antequam ad Cœlos Gloriosa  
 assumpta. O scelus nefandum! quis id cogitare au-  
 deat? perpende quæ Bonaventura loco citato ait,  
 Magna fuit erga miseros misericordia Mariæ, ad-  
 huc exulantis in mundo, sed multò major erga mi-  
 seros est misericordia ejus jam regnantis in Cœlo.  
 Pondera verba Petri Damiani, serm. 1. de Nativit:  
 Virg: sic Mariam alloquentis. Non convenit, in-  
 quit, tantæ misericordiæ, nostram tantam miseriam  
 oblivisci, quia & si subtrahit gloria, revocat natu-  
 ra, non enim ita memoraris justitiæ Dei solius, ut  
 misericordiam non habeas, neque ita es impassibi-  
 lis, ut sis incompassibilis. Nota, quod ante jam no-  
 tavit peracutè Ioan. Gerson. tract: 4. super Magni-  
 ficat. Docet ille. Dei Regnum duabus rebus conti-  
 neri, potestate & misericordiâ, potestatem Deo re-  
 manere, Dei Matri celsisse quodammodo miseri-  
 cordiam. Proh cur ergo ad hanc tam clementem,



ad hanc tam misericordem Virginem non accedis!  
 Omnibus, inquit Bernardus sermon. Signum magnum: omnia facta est, sapientibus & insipientibus copiosissimâ charitate debitricem se fecit, omnibus misericordiæ sinum aperit, ut de plenitudine ejus accipiant universi, captivus redemptionem, æger curationem, tristis consolationem, peccator veniam, justus gratiam, Angelus lætitiâ, denique tota Trinitas gloriam, ut non sit qui se abscondat à calore ejus. Accede itaque sine mora, ad hoc (sic eam vocat Andreas Cretensis) mundi propitiatorium: ad hanc (sic eam vocat S. Bonav.) venam misericordiæ: ad hanc, quæ ut non nemo ait, est uber Ecclesiæ: ad hanc Virginem, sub cujus lingua Lex Clementiæ. Accede ad Mariam. Quid ad Mariam inquit S. Bernardus, accedere trepidat humana fragilitas, nihil austerum in ea, nihil terribile, tota suavitas est. Revolve diligentius Evangelicæ historiæ seriem universam, & si quid forte increpatorium, si quid durum, si quod denique signum vel tenuis indignationis occurrerit in Maria, de cætero suspectam habeas, & accedere verearis. O sententiam dignam, quam in tuo corde circumferas, legas quotidie, rumines per singula momenta, & quod sâdet, fideliter exquaris.



quaris. Recurre ergo ad Mariam, nam illa salvat omnes in se confitentes, & quos Deus non vult salvare per suam iustitiam, salvat per suam misericordiam, ut dicit Anselmus in serm: quin imo ut notat Meffret, de Visit. B. V. Sermon. 1. quando ab alijs Sanctis, imo à Christo, propter peccata nostra relinquitur, sola Maria nos non relinquit in necessitatibus nostris.

## STIMVLVS SECVNDVS.

**C**onsidera. 2. Quantam clementiam, quantam benignitatem non ostenderit pientissima hæc Virgo, Cœli terræque augustissima Regina, quando B. Alanum Dominicanum sibi desponsavit, annulumque pronubum ei dedit, è suis met capillis confectum, ut leges apud Coppensteinium Alani redivivi, part. 2. C. 4. Quando S. Brigittæ acupingenti in opere adesse Magistra visa est, ut reperies apud Surium. Quando Hermanno, cui nomen Ioseph, dentes casu in terram excussos restituit. Quando eidem, uti apud Anton. Balingh. refertur, cum post sanguinis è vena missionem, parùm cautè se in lectulo collocasset, apparuit, & dixit;



caveas fili, parùm cautè in brachium, cujus vena incisa est, incubuisti: deinde brachium divinis suis manibus apprehendens, docuit quomodo sine periculo se in lecto componeret. Quando militi cuidam teste Cæsario Lib. 7. Cap. 33. comparens, ab eo sibi dari osculum petijt, stapedesque arripiens in equum ascendere jussit. Quando deniq; quieti cujusdam consulens, eum in stratum reposit. Lege in 3. par. Chron. S. Franc. Lib. 1. Cap. 36. ubi refertur; Quendam, clementissimæ hujus Virginis studiosum, quotidie coronam ejus recitare solitum, semel propter hospitum multitudinem, quibus excipiendis occupatus, defatigatusque fuerat, cæpisse vesperi eandem recitare, attamen vel invitum somno oppressum, à B. V. & Angelis, ut melius quiesceret, in strato, ita ut erat, dormientem depositum. O dignationem Virginis! ô clementiam Mariæ! quam etiam experiri potuit, meretrix illa infamis, de qua Antonius Balingh. in Ephe- meride, SS. Virg. 6. Augusti. Lege & obstupesce, rem his verbis refert. Quædam Beatrix monialis, Dei Matri erat valdè addicta, eam clericus quidam procari cæpit tanta importunitate, ut illa flammam amoris amplius ferre non posset: accedens ergo ad

Alta-



Altare B. V. Mariæ, ait ad eam. Domina quanto devotius potui tibi servivi, en claves tuas tibi resigno, tentationem amplius ferre nequeo; & positis super Altare clavibus, clam secuta est Clericum, quam cum violasset, paulò post abjecit. Illa ob paupertatem facta meretrix, & ita mansit 15. annis. Postea die quadam, habitu seculari, ad portam Monasterij venit, petijtque à lanitore, num novisset Beatricem quandam, hujus Oratorij custodem: novi inquit, estque sancta & proba Domina, & sine querela in hoc Monasterio ab infantia conversata. Illa hominis verba notans, sed non intelligens, dum abire parat, Mater misericordiæ in effigie nota ei apparens ait. Ego per 15. annos absentia tuæ officium tuum supplevi, redi nunc in locum tuum, & age poenitentiam, quia nullus novit excessum tuum. Proh Deum immortalem! quantam clementiam non sperent innocentes, si tantam experiantur meretrices! nam in habitu & forma ejus, Deipara vices egerat Sacristanæ.

### STIMVLVS TERTIVS.

Considera. 3. Quò non propellat Mariam  
ejus



ejus in nos clementia : ad supremum nempè Tribunal ipsiusmet Dei, sed Dei offensi. Dei irati. Dei jam jam tela vibrantis in genus humanum. Miraris fortè illustre illud facinus, quod de Veturia Coriolani Matre, memorant Scriptores : meritò miraris; quis enim non miretur, dum audit. Coriolanus inquit illi, insignis apud Romanos belli Dux, à civibus suis offensus, ad Volscos defecit, & Vrbi jam hostis imminebat, funditùs eam deleturus, remedia alia omnia desperantes Quirites, Veturiam Coriolani matrem ad eum miserunt, ut iratum Patriæ placaret; quam ubi filius aspexit. Expugnasti, inquit, & vicisti iram meam Patria, precibus hujus admotis, cujus utero te, quamvis meritò mihi invisam dono, continuoque Romanum agrum hostilibus liberavit armis, uniusque parentis aspectus, ut inquit Valerius Max. L. 5. C. 4: bellum atrox salutari pace mutavit. Ah cedat, cedat Veturia, Virgini huic clementissimæ, nam quidam à morte revocatus, vidisse se narravit Deiparam, toto triduo flexis genibus coram Filio pro populo deprecantem. S. Dominicus dum vigilaret, conspexit Christum Dominum contra peccatores, superbiam, cupiditati, ac luxuriæ deditos, ternas lanceas vibrantem, sed con-

spexit



spexit etiam hanc pientissimam Virginem occurrentem, quæ Filium placavit. Ipse dæmon, ut est apud Cælarium, Lib. 7. C. 2. circa annum Christi, 1222: sacris adactus exorcismis fassus est, mundum ab irato vindice Deo interiturum fuisse, nî Divina Virgo Mater supplex intervenisset: quin imo ipse Christus, S. Birgittæ revelavit, quod sine precibus Mariæ jam nulla spes mundo misericordiæ superesset. Lib. 6. Revel. 26. O Virginis in nos clementiam & pietatem! ô Advocatam Orbi terrarum utilissimam! ut meritò dicat mellifluus Bernardus, Serm. Signum magnum. Opus est mediatore ad mediatorem Christum, quia licet misericors, habet tamen judicialiam potestatem, nec alter nobis utilior quàm Maria. Eam tibi utilem ut & tu experiaris aliquando, maximè mortis in agone, verbis S. Ephræm. ora quotidie: Adesto mihi nunc, & semper ô Virgo Dei genitrix, Mater misericordiæ, benigna, & clemens, in præsentem quidem vitæ cursu fervens, protectrix, atque auxiliatrix, hostiles quoscunque impetus à me avertens, & in via salutis me constituens, ac in extremæ vitæ articulo miseram meam animam conservans, & tenebrosos atq; horrendos pessimorum dæmonum aspectus ab ea pro-



cul repellens: intremendo autem die iudicii ab æterna me damnatione liberans, & postremo in numerum iustorum me referens, atq; inaccessæ tui Filij Domini & Dei gloriæ me hæredem efficias. Dic cum eodem S. Ephræm, qui in lamentatione Deiparæ, super passione Domini, ad eandem sermonem dirigens, sic ait. Eripe, inquit, nos ô Virgo sancta atq; intemerata, à quacunq; necessitate ingruente, & à cunctis tentationibus diaboli. Esto nostra conciliatrix, & Advocata in hora mortis atq; iudicii, nosq; à futuro inextinguibili igne, & tenebris exterioribus libera, & Filij tui nos gloria dignare, ô Virgo & Mater dulcissima ac clementissima. Sic ille.

### STIMVLVS QVARTVS.

**C**onsidera. 4. Quanti ipsemet Christus Dominus, Virginis Matris clementiam fecerit, siquidem ejus clementiæ nonnullos commendasseprehenditur. Lege apud Surium 27. Septemb: vitam S. Elzearij Comitis Ariani Cap. 14. ubi Garfenda nobilis, sanctaq; foemina, cum pro Elzeario, quem ipsa enutrierat, oraret, corporeis auribus audivit



divit Christum sibi dicentem. Iuvēni huic pro quo  
 tam multum oras, noveris me Matrem meam de-  
 disse magistrā, nihil igitur de illo dubites. Lege  
 Revelationum B. Gertrudis Lib. 4. Caput 49. ubi  
 Christus Dominus sic Gertrudem Mariæ commen-  
 dat. Recole Mater amantissima quot peccatoribus  
 ego propter te sim propitiatus, & respice hanc ele-  
 ctam meam eo affectu, ac si omnibus diebus vitæ  
 suæ tibi placita, summaque devotione servisset. Ad  
 quod Virginea Mater, quasi tota liquefacta, & in  
 melleam dulcedinem resoluta, se tota huic cum bea-  
 titudine sua ob amorem Filij videbatur impendere.  
 Hæc ibi. Lege ejusdem B. Gertrudis Revelatio-  
 num Librum 3. in Caput. 1. Ex spiritali, inquit,  
 quadam revelatione, dum intellexisset Sancta Vir-  
 go Gertrudis, sibi in augmentum meriti aliquid ad-  
 versitatis imminere, & inde ex humana fragilitate  
 trepidaret: pius Dominus ipsius fragilitati conde-  
 scendens, misericordem Matrem suam, inclytam  
 cœlorum Reginam illi dedit in Matrem, benignam-  
 que dispensatricem, ut quantumcunque nimietate  
 adversitatis supra vires gravaretur, semper ad ipsam  
 Matrem misericordiæ, securum haberet recursum,  
 cujus interventu se sciret alleviandam. O recursum



felicissimum! ô recursum optatissimum! Christiane, Sodalis Mariane! frustra extra Mariam solatia quæris, frustra subsidia. Beata Gertrudis loco cit. Lib. 3. Cap. 1. cum valdè gravaretur quadam in re, recurrit ad Mariam, cupiens ab ea doceri, quid in hac causa magis expediret, & ab ipsa responsum accipere meruit: & quidni acciperet à clementissima Virgine? cui loquens Richardus in exposit. in Cant. Cap: 23: ait. Miserosum Mater facta es, & miseros alere misericordie lacte cœpisti. De qua Idiota. Longè positos illuminat radijs misericordie suæ, sibi propinquos per specialem devotionem accendit. De qua Bonaventura. Quis est super quem Sol non eluceat? quis est super quem misericordia Mariæ non resplendeat?

## MEMENTO UT DIEM SAB- BATI SANCTIFICES.

**O** Sabbata coleres! ô fidem Sabbatis haberes! quidni Cœlum clemens experieris, ubi Virginem clementem honorares? Quidam è Societate, suasit cuidam fœminæ, si liberos habere vellet, in honorem Deiparæ, Sabbato carni-  
bus



bus abstinere; credidit mulier, & fidei respondit eventus, nam uno partu geminos, marem & foeminam enixa est, ut refert Bonif. Histor. Virg. Lib. 3. Verum ne dum clementissimæ Virginis, clementiam quæris, iustitiam reperiās, fuge, quod subterfugere noluit Hæretica illa, de quâ Annuæ S. I. Anno 1592. quæ dum Sabbato primum carnis bolum in os ingessit, animam repenti egressa. Cave ne de te, alijsque Sabbati contemptoribus narretur. Adhuc escæ eorum erant in ore eorum, & ira Dei descendit super eos.

CAPUT  
DECIMUM  
NONVM.  
VIRGO FIDELIS.

*Maria fidelissima mediatrix salutis, veluti fidelissima columba inter summum Noë, & mundum spirituali diluvio submersum. Bonav. Spec. C. 8.*

STIMVLVS PRIMVS.

H<sub>3</sub>

STIMV<sup>2</sup>



**C**onsidera. I. Fidelitatem sacratissimæ hujus Virginis, in eo quod illa muneri suo fidelissimè satisfaciat, est autem munus ipsius, miserorum salutem procurare, juxta illud S. Dionysij, qui sic visus est loqui ad B. Virginem. Regina misericordix, tu es cui data est omnis misericordia, & Mater Dei facta es, propter miserorum salutem, misere igitur Regno Franciæ, tuo & meo, tuo quidem, quia habitatores ejus pro modulo suo te honorant, meo autè, quia Patronus eorum sum, tu vides quantæ animæ periclitantur omni hora. Ita ille. Perpende quæso ex Patrum, gravissimorumq; Virorum testimonio, quàm diligenter, quàm dextrè hoc munus obeat Maria, de qua Salazar. Exploratum est, omnium ac singulorum hominum, majorem, ac sollicitam magis curam B. Virginem gerere, quam Angeli eorum, qui ipsorum fidei specialiter addicti sunt. De qua Germanus homiliâ de Zona ait. Quis post tuum Filium ita generis humani curam gerit sicut tu? quis ita nos defendit in nostris afflictionibus? quis tam cito præveniens nos ab irruentibus liberat tentationibus? quis in supplicationibus adeò pugnat pro peccatoribus? nullus enim est, qui  
salvus



salvus fiat ô Sanctissima nisi per te , nemo est qui liberetur à malis , nisi per te ô purissima , nemo est cuius misereatur gratia , nisi per te ô honestissima: ita ipse. De qua Gulielmus Parisiensis in lib. Rhetoricæ Divinæ ad Deiparam sermonem dirigens. An falsò inquit, & inaniter, vocat te omnis Ecclesia sanctorum Advocatam suam, & miserorum Refugium? absit à Matre Dei quæ fontem pietatis toti mundo peperit, ut cuiquam miserorum subventionem unquam deneget. De qua Cæsarius lib. 7. Mirac. Ca. 1. de Virgine. Ipsa est, ait ille, orbis conservatrix, tribulorum consolatrix, fida sibi famulantium defensatrix. De qua S. Bernardus serm. de Assumpt. Sileat misericordiam tuam Virgo Beata, qui te suis in necessitatibus invocata, sibi unquam meminerit defuisse. Idem Bern. Et quid mirum si invocata adest, quæ etiam præsto est, non vocata. De qua B. Eutychianus in vita S. Theophili. Quis unquam ô Beata fideliter omnipotentem tuam rogavit opem, & fuit derelictus? revera nullus unquam. De qua Idiota de Contemplatione Mariæ in prologo. Ipsa est Advocata nostra apud Filium, sicut Filius apud Patrem, imo apud Patrem & Filium procurat negotia, & petitiones nostras.

Di-



Disce exemplo Virginis fidelitatem, quisquis officia magna aut parva obis. Disce tuo muneri fideliter satisfacere, ut moriens solatia merearis à Maria, quæ apparens B. Adulpho Franciscano, qui relicto Alsatia Principatu, sanctam & humilem in Francisci Ordine vitam egerat, ita confirmavit trepidantem. Quid times Fili? aut cur ob imminentem mortem angeris? veni securus, quoniam Filius meus, cui fideliter servivisti, dabit tibi coronam gloriæ. O verba! ô solatia! Sodalis Mariane, esto igitur fidelis ad mortem usque, ut audias tibi aliquando dici. Euge serve bone & fidelis, quia in pauca fuisti fidelis, supra multa te constituam, intra in gaudium Domini tui. Certè S. Nicolaus Tolentinus fassus est moriens, sibi Christum, Mariam, & Augustinum apparuisse, & illi, inquit, mihi dicunt. Euge serve bone & fidelis, intra in gaudium Domini tui, quibus in verbis expiravit hic fidelis Mariæ cliens.

### STIMVLVS SECVNDVS.

**C**onsidera 2. Quam luculenter Augustæ Chujus Virginis fidelitas, non tantum testimonio seu opinionibus Patrum, verum etiam ipsiusmet factis



factis probari, & demonstrari possit. Dic, amabo. Nonne fidelis ipso facto Maria, quando gratiosè corripuit mulierem quandam sibi aliàs devotam. Hæc sacrilego silentio peccatū quoddam reticebat in confessione, sed fidelis in suos Maria ei apparuit lachrymans, quæ sita de fletus causâ respondit, quia integræ conscientiæ labes non aperiret. Vide Sodallem Parthenium, Lib. 2. Cap. 3. Nonne fidelis ipso facto Maria, quando fœminam magnæ sanctitatis, de qua S. Antoninus, 3. part. Hist. tit. 23. Cap. 3. §. 1. reprehendit, quod temerè duos juvenes, ex Ordine Prædicatorum illac pertranseuntes despexisset, quasi nequaquam servare possent discurrendo continentiam, eique duos illos juvenes pro salute animarum discurrentes, sub sua chlamyde, quasi sub tanta custodia tutos ostendit. Nonne fidelis ipso facto Maria quando succurrit tentato, nam ut refert Nicolaus Lancicius tom. 2. opusc. 17. Cap. 2. Ioannes Baptista Coadjutor in Societate Iesu bimestri spatio fuerat, cum à gravi quadam tentatione ferè superabatur, adeò ut de abitu cogitationes volveret, & ecce vidit fidelem Virginem Mariam sibi adstantem, quæ eum solabatur, roburque addebat, & ut vitæ suæ conditioni acquiesceret ex-



hortabatur, utque in ea perseveraret commonebat, aeternam quippe salutem in ea consecuturum. Qua visione erectus, firmiter in ea vocatione perstitit, & alias graviores visibiles diaboli tentationes superavit. Nonne denique fidelissima ipso facto Maria, quando clientes suos tutari non dedignatur. Idem enim Lancicius hæc affert. Tom. 2. Opusc. 17. de præstant. instit. Societ. Iesu Cap. 2. Cum Bransbergæ in Prussia, Saga ope diaboli, esset noctu vecta per aërem, & intra Collegium illata, & videre cuperet quomodo Societatis homines suis in cubiculis cubarent, quamvis videret portas cubiculorum apertas, nullum tamen prorsus videre potuit jacentem, eò quod Deipara, Matronæ venerandæ specie apparens, pallio suo expanso, aspectum illius omnem impediret. Disce Christiane fidelitatem à Virgine. Disce fidelis esse non verbis sed factis ipsis. Ah exulent procul, exulent à Schola Mariæ, Nominales, hoc est, qui verba amant, & non facta.

### STIMVLVS TERTIVS.

**C**onsidera 3. Fidelitatem hujus Virginis in recompensandis sibi præstitis obsequijs, quam  
citò



citò & humanitèr recompenset, adeò ut dicat S. Bernardinus. Est autem hæc gloriosissima Virgo, summâ humanitate & comitate prædita Regina, nec potest saluari sine humanissima ac benignissima resalutatione, etenim si millies Ave Maria dicas in die devotè, millies à Virgine resalutaris; ita ille in ser. fer. 3. post Dom: Oliv. Quod testimonijs facillè confirmare poteris. S. Bernardus Mariæ imaginem præteriens, salutat illam inquiens. SALVE MARIA: & ab illa responsum accipit. SALVE BERNARDE. Adamus de S. Victore, quia B. Virginè salutaverat.

*Salve Mater pietatis,*

*Et totius Trinitatis.*

*Nobile Triclinium.*

vicissim ab ea salutem & gratias audire meruit S. Bonitus Arvernensis Episcopus, postquam B. Virginis imperio rem divinam fecisset, in laboris præmium veste donatus est miri candoris; & ut alia prætereas, hoc pensiculatius recogita. E Divi Augustini Familia Religiosus Canonicus, dum ægro-  
tans Deum judicem cui propediem sistendus erat, timeret, conspicuam habuit Virginem hanc fidelem, sibi dicentem. Confide fili, tu mihi toties, & tanto affectu SALVE REGINA decantasti, faciam  
quod



quod illic petebas, & Iesum benedictum fructum  
 ventris mei post hoc exilium ostendam. O fidelita-  
 tem Virginis! Ama Christiane tam fidelem Virgi-  
 nem. Huic uni præ omnibus in hac terra degenti-  
 bus plurimum, imò ei tantum fide, nam maledi-  
 ctus homo, qui confidit in homine. Fide huic uni  
 Virgini, plusquam reliquis cælitibus, eamque præ  
 illis invoca. Pulchrè Abbas ille de quo Vincen-  
 tius C. 89. Qui dum in medio maris Britannici  
 advertisset, tempestate agitados, invocare quidem  
 nonnullos Sanctos, sed neminem Mariam. Quid  
 est, inquit, quid agitis Fratres, quid cæteros qui mi-  
 nus possunt tantum invocatis, & ipsam quæ plus  
 omnibus potest omittitis? bonum quidem est quod  
 facitis, sed multò melius esset, si omnes una voce  
 Matrem misericordiæ inclamaretis. O inclamare-  
 mus! quam fidelem experiremur cum religiosissi-  
 mo P. Martino Gutieres, qui dicebat, nihil se un-  
 quam Virginem rogasse, quod non exorasset. Cum  
 Angelico juvene Ioanne Berchmans, qui si quid  
 à B. V. petebat, inscribebat chartæ, addebat preces.  
 &c. subiciebat pedibus imaginis Marianæ, impe-  
 trabat.

STIMV-



## STIMVLVS QVARTVS.

**C**onsidera. 4. Cùm adeò ergà nos fidelem sese exhibeat Maria, nostraq; emolumenta ei adeò sint cordi, annon æquum & iustum sit, fideles quoque persistamus in Marianis obsequijs. Placent fortè Mariani amplexus? esto ergò fidelis Mariæ; nam Thomæ à Kempis adhuc juveni apparuit quòdam in Schola hæc eadem Virgo, sed ei ob ruptam fidelitatem, intermissasque consuetas preces, amplexum indignabunda negavit, quò reliquos omnes condiscipulos dignata fuerat. Horres monstruosas apparitiones, turpioresque vultus? fidelis esto Mariæ, quæ S. Hermanno, Ioseph cognominato, cùm nonnihil remisisset de obsequiorum erga eam penso apparens, non formosa ut solebat, sed anili figurâ, & fronte rugis deformatâ, dixit. Ecce talis appareo, qualis tibi jam sum, tempora illa requiro, in quibus me millies memorabas, salutabas, laudabas, nec te pudet in hac re esse remissum mei memoriâ senescente? At magis fortè times plagas & verbera? fidelis esto igitur, ne aliàs contingat, quod S. Edmundo negligentiori in devotione erga Mariam, & Divum Ioannem, noctu enim vidit S. Evangelistam,



sibi ferulam intentantem. Perpende acerbissimos  
 ferulæ hujus dolores, quos ne experiaris aliquando,  
 suscepta in honorem Virginis obsequia, ad mortem  
 usque continua, non libertinus amplius, sed manci-  
 pium Mariæ, instar walteri de Birbach, Viri nobi-  
 lissimi, de quo Cæsarius Lib. 7. Histor. memorabil.  
 Cap. 39. ait. Considerans walterus tanta circa se  
 Beatæ Dei Genitricis beneficia, in tantum illius a-  
 more accensus est, ut in quadam paupere Ecclesia  
 in ejus honore dedicatâ, conscio sacerdote, fune col-  
 lo suo injecto, servum glebæ, SIVE MANCIPIVM  
 se illi super altare offerret, solvens singulis annis cen-  
 sum de capite suo, qualem servi originarij solvere  
 consueverunt. Rumina ly singulis annis, & velut  
 apis mellifera, ex tam dulci flore non aliud suge-  
 quam fidelitatem erga Mariam, memor illius.

*Frangenti fidem, fides frangatur eidem.*

## MEMENTO UT DIEM SAB- BATI SANCTIFICES.

**D**icite amabo. Annon fidelis in succurrendo Ma-  
 ria? dum enim Veronæ, scalis admotis, Sodalıs qui-  
 dam ascendisset (Sabbatum erat) ut ante Virginis fide-



fideliſſimæ imaginem, Sabbatinam lampadem in-  
ſtrueret, accenderetq; : mirum dictu ! ruentibus  
ſcalis, & ipſe ruiſſet, niſi protenſa ex imagine Virgi-  
nis cœleſtis manus, ſcalas detinuiſſet. (Annuæ.)  
Quid vos ad hæc Sodales Parthenij ? pudebit impo-  
ſterum per ſcalas ascendere ad Mariam, licet ab au-  
ro, argentoque toti ſplendeatis ?

# C A P U T VIGESIMVM. SPECVLVM IVSTITIÆ.

*Sit vobis tanquã in imagine deſcripta vita B.M.  
de qua velut in ſpeculo reſulget forma virtutis:  
hinc ſumatis licet exempla vivendi.*

S. Ambroſius Lib. i. de Virgin:

## STIMVLVS PRIMVS.

Conſi-





**C**onsidera. I. Quam aptè Virgini Sanctissimæ accommodentur illa verba. Sap. 7. Speculum sine macula &c. Speculum est illa, sed speculum spirituale: sic eam vocat Andreas Archiep. Hierosolymitanus. Speculum est illa, sed speculum humilitatis: sic eam appellat Alanus. Speculum est illa, sed speculum sanctitatis: ita eam nominat. S. Laurentius Iustinianus. Speculum est illa, sed speculum animatum, dignum verbis Andreæ Hierosolymitani adsalutari in serm: &c: de Salutatione Angelica. Salve inquit, contemplativæ cognitionis purum intellectuale speculum, per quod celebres spiritus Prophetæ, incredibilem Dei ad nos deffensionem mysticè adumbrarunt. Tu similitudinem quæ inter hoc mysticum speculum, & quodcunq; aliud intercedit diligentius recogita. Ex quidem si speculi materialis inventorem quæris, fuit is teste Plinio, Lib. 33. C. 9. Praxiteles magni Pompei ætate, qui primus argentea Specula fecisse refertur, quibus successère alia incertis tamen Auctoribus ex ferro, plumbo, crystallo, vitro, mistisque materijs. At illius Author & inventor Cœlestis Praxiteles Deus: undè D. Bern. in ser. 2. de Annun-



nun: habet. Virginem nec noviter, nec fortuito inventam, sed à sæculo electam, ab Altissimo præcognitam & sibi præparatam. Si finem Speculorum ignoras, audi Senecam Lib. 1. natur. Quæst. C. 17. Inventæ, inquit, sunt specula, ut homo ipse se nosceret. O quot ad hoc Speculum justitiæ se infelices aut beatos agnovère! refert P. Ioan. Bonifacius Lib. 4. de B. V. Hanc adolescenti infirmo adfuisse, & in tabula præferendo ejus nomen, & aliorum quorundam aureis literis, addidisse, migrandum ad Cœlites, post exactū breve aliquod spatium in igne purgante. Quod si nonnullos Speculorum effectus scire aves. Annon admirandus ille, quando Romanis Syracusas obsidentibus, Archimedes Speculorū subsidio, hostium naves incendit? Ast Divinus Archimedes Deus, proh quot mortalium corda hoc Speculo justitiæ non accendit ad justitiam! quæ velut naves iniquitatis onusta, plenis velis, orcum versus navigabant. Et quidni accendisset, cum de Maria loquens Bernardus dicat. Solem sibi Virgo induit. Pondera amplius. Annon stupendus effectus, celebris illius speculi (Smyrnense vocant) quod egregias quasque species, deformes admodum, alpectūque horribiles reddebat. Verū longè melius



id præstat, hoc speculum justitiæ: crede id vel adolescenti illi, de quo Vincentius Episcopus Belluacensis. Speculo histor: Lib. 7. Cap. 87. Hic ingressus templum cum annulo, à quadam Virgine quam deperibat acquisito, ubi coram B. Virginis imagine subsistens, ejusque pulchritudine captus, ac in alium & novum hominem mutatus, sic eam compellat. Verè in omnibus formosior es quam illa, quæ mihi annulum hunc amoris munere condonavit, ideoque ei renuntio, teque deinceps amare, & tibi deservire decerno. Annulum itaque Marianæ iconis digito inserit, quo accepto, mirabile dictu! digitum suum imago constrinxit. O efficaciam mystici hujus Speculi! ô effectus prodigiosos! hoc Speculum sæpius in die inspicere mi Christiane, qui visâ mundi vanitate, & turpitudine, ei velles dicere, Vale.

## STIMVLVS SECVNDVS.

**C**onsidera. 2. Quàm præclara, quàm illustria sint specula illa, quæ natura artem præcurrens hominibus submitit. Annon inter ea præstantissimum speculum, aqua ipsa, quæ in repræsentando humano vultu nullam committit fraudem, & ab

Aristo-



Aristotele naturale speculum appellatur. Verum  
cedat gratiæ natura. Cedat Mariæ omnis quamvis  
limpidissima unda, nam nec suæ, eæque crystallinæ  
undæ defunt Mariæ. Hinc S. Bernardinus tom. 1.  
Concione 61. art. 1. Cap. 1. docet. Mariam esse  
fontem hortorum, & puteum aquarum. Hinc S.  
Ephræm. Orat. de Laud. Deip. ipsam fontem gra-  
tiæ, & totius consolationis appellat. Hinc Metho-  
dius orat. in Hypapantem, eam vocat Bethlehemi-  
ticam illam cisternam ex qua immortalitatis pocu-  
lum emanavit. Felix profectò, & à prudentia ni-  
mium instructus ille, qui ut naves suos in se melius  
videat, sæpius in die hanc cisternam inspicit, has  
salutares undas intuetur. Proh quæ ibi non cernet!  
ibi cernet Mariam humilem, ut meritò Bernardus  
Serm. 4. de Assump. dicat. Vnde tibi tanta humili-  
tas ô Beata; se autem arrogantem & superbum: ibi  
cernet Mariam liberalem, aurumque sibi à Magis  
oblatum, per Ioseph pauperibus distribuentem, se  
autem parcum tenacemque: ibi cernet castam Ma-  
riam, quæ teste Angelico Doctore, virginitatem  
Deo voverat, se autem impurum & luxuriæ dedi-  
tum: ibi cernet Mariam, quæ absque invidiâ, ut  
observat S. Ambros. Lib. de Virginibus, se autem



plenum illâ : ibi cernet se voracem & gulosum, Mariam verò temperantem in cibo, ut meritò dicat de ea S. Ambrosius. Quid exequar ciborum parsimoniam, officiorum redundantiam, alterum supra naturam superfuisse, alterum penè ipsi naturæ defuisse, illic nulla intermissa tempora, hic congeminatos jejunio dies, et si quando reficiendi successisset voluntas, cibus plerumque obuius, qui mortem arceret, non delicias ministraret: ibi cernet se impatientem & litigiosum, Mariam verò mitem & patientem, quæ de semetipsa dixit olim S. Brigittæ, Lib. 6. Revel. Cap. 61. Ego post Ascensionem Filij mei, longo tempore vixi in mundo, & hoc voluit Deus, ut visâ patientiâ meâ, & moribus meis, plures animæ converterentur ad eum, Apostoli Dei, & alij electi roborarentur: ibi denique cernet seipsum in divino obsequio, & salute animæ suæ negligentissimum, Mariam verò in Dei servitio adeò ferventem, ut teste Alberto Magno quolibet tempore meruerit. Appositè huc Aristoteles Polit. 8. Cap. 6. & Plutarchus in Lib. de non irascendo n. 20. memorant. Minervam adeò tibix cantu oblectatam, ut nunquam parere voluerit Satyro, ab hoc genere cantus supersederet monenti, & toties illi indecoram  
oris



oris inflationem exprobranti, donec in amne quodam veluti in speculo, vultus sui speciem canendo vidisset, atque ad ejus deformitatem exhorruisset, quare tibiā abjecit. Appositè etiam huc Plato, qui iratis, ebrijsque suadebat, ut se in speculo ita affectos intuerentur, visâque totius faciei turpitudine, iram & ebrietatem vitarent. Appositè iterum Zeno apud Laert: Lib. 7. C. 1. qui ad speculum adduxit adolescentem, curiosas quasdam quæstiones proponentem, monuitque ut vultum suum in illo aspiceret, tum interrogavit, deceretne ejus formæ & ætatis hominem talia sciscitari? O Christiane quid non videres ad hoc aqueum Speculum! quid non amares! quid non horreres ad hoc Speculum justitiæ! siquidem teste S. Ildephonso. Sermon. 3. de Assumpt. Virginitas & vita Beatæ Mariæ, Speculum & species fuit totius castitatis, & integritas virtutum, decus pudicitiae, & magisterium valdè eximium probitatis, in qua rogo videant Virgines, quid vitare, quid corrigere, quid tenere debeant honestatis.

STIMVLVS TERTIVS.  
**C**onsidera. 3. Quàm ingeniosum stratagema  
 K k 3 illud



illud, cuius meminit Ludovicus Vives in Schol. ad S. August. de Civit. Lib. 18. C. 13. dum refert. Eos qui basiliscum absque periculo suo interimere volunt, se totos undique speculis contegere, atque propius ad eum accedere, qui cum se in illis expressum intueretur, vi venenatorum radiorum, ex oculis ejus prodeuntium, & in illum ipsum à speculis reflexorum, perit. O industriam! ô artem sanè ingeniosam! dignam quam æmulentur omnes, imprimis autem Artium liberalium Studiosi. Agite igitur, & ubi contra hostes visibiles aut invisibiles procedendum, Speculis justitiæ, hoc est Mariæ sacris pignoribus, rosarijs, sive iconibus, vos totos tegite, & armamini. Certè ex Indijs Occidentalibus, ut notatur in Kalend. Mar. 28. Ian. accepimus. Insulam esse Cubam, in qua Regulus quidam, multas victorias est consecutus, adversus finitimos populos, non aliâ ratione quam quod usus Christiano quodam copiarum suarum Duce, ille autem pergebat in hostes gestans in pectore imaginem Virginis, ac protinus illos in fugam versos superabat. O Christiane! Christianum non imitaberis? O Sodalis Mariane! absque Mariæ icone audebis vel pedem movere? Habe si sapis in delicijs illud quod de P. Thoma Saillio

Soc.



Soc. Iesu refertur. Domo egressurus, non ante ex cubiculo pedem efferebat, quàm genua flexisset, & oscula impressisset sacræ Marianæ statiunculæ, quæ crucifixo Filio in oratorioli sui arâ astabat, eoque ritu solebat ab ea maternam benedictionem supplex postulare. Audi pro coronide Lanspergium, in ordinario brevi, manu scripto, de ratione vivendi Carthusianorum, sic monentem. Persoluto Sacro, & redditis debitis gratijs rediens ad cellam, ad imaginem B. Mariæ, (quæ custos juxta fores cellæ tuæ vigilat) paulisper subsiste, aut si festinato intrandum est, dum clavi reseras ostium, ora Matrem Dei ut te adoptet, teneat, possideat in filium. Cellam ingressus, primum sit, quod ante omnia facias, ut in Oratorio ad orationem procidas, Beatam Mariam tuæ cellæ Patronam ac Dominam salutaturus: dic ergo mente devota unum Ave Maria. Hæc ipse. O monitum sanctissimū! ô consilium salutiferum! ô sacro politicum! qui ejusmodi speculis contra venena Erebi sese tutatur: quidni venena omnia effugiat ope Mariæ? ita S. Theodorus Conf. de quo Surius 22. Aprilis: venenum, impiorum invidiâ mistum, Regine Cœlorum benevolentia superavit. Quidni ad hoc Speculum pereat orci basiliscus? juxta ver-



ta verba S. Davidis. Ad nihilum deductus est in conspectu ejus malignus. Pl. 14.

## STIMVLVS QVARTVS.

**C**onsidera 4. Quàm benè nonnullæ aliæ Speculorum proprietates, huic Speculo Iustitiæ convenient, siquidem multiplicem illam differentiam speculorum, quod alia sint plana, alia concava, alia convexa, in se gratiosè continet Maria. Annon Speculum planum Maria? cum de ea asserat Damianus serm. de annunciatione, quod omnem ignoret nodositatem. Annon Speculum concavum Maria? adeò ex passione filij doloribus attrita, ut nisi à Deo præservata fuisset, mori debuisset, Anselmo teste de excell. Virg. C 5. Annon Speculum convexum Maria? quæ in tantam altitudinem assurrexit, ut de ea canat Ecclesia. Exaltata est Sancta Dei Genitrix super choros Angelorum ad cœlestia Regna. Quod si ea est speculorum proprietas, ut experientia testis docet, eas vultuum apparentias monstrare, qualia ipsa sunt archetipa, nitidas videlicet nitentium, tristes tristantium, ridentes ridentium, deniq; talem te exprimere qualis tu ad ipsa accedis, sive



sive pulcher, sive deformis, nudus, sive vestitus &c. vide amabo, annon hoc ipsum ad vivum exprimat Speculum iustitiæ? nam Hermannò, de quo supra: negligentiori siue quasi senescenti in obsequio Mariano, etiam senex comparet ipsa Maria, senium Hermannì in suo vultu referens. Verùm minimè hìc negligenda reflexio illa Ioan: Raulini. Speculum, motum repræsentare, non sonum. Age itaque Christiane. Age Sodalis Mariane, & te ipsum totum quantũ effunde, non in verba solũ Mariã loquentia, sed in motum & operationes, quas olim illa tibi morienti grata repræsentet. Age, & si coram speculo concavo didicisti te pedes habere sursum, etiã illos cœlum versus move, coram hoc concavo, mysticœ Speculo Iustitiæ. Age denique, & si verum esse dubitas, quod affirmat Simon Majolus Colloq: 13. aut 23: nimirum, in speculo si sub dio mergatur in aqua, repræsentari horis diurnis stellam quandam, licet nulla in cœlo stella compareret, tu ut re ipsã verum esse deprehendas, sume Speculum Iustitiæ, hoc est adhære Mariæ, eam cole, eam venerare ad mortem usque, tenerrimisque affectibus, quotidianis tuis lachrymis, ejus imaginẽ immerge, fiet ut per omnes æternitatis horas videas in SPECULO IUSTITIÆ, STELLAM MARIAM. LI ME-



# MEMENTO UT DIEM SAB- BATI SANCTIFICES.

**U**T ex fabulâ, salutarem pro Sabbato doctrinam eruas, audi quæ de Iudæis recenset Lib. cui titulus. Annus Marianus. Nugantur inquit ille, quòd Sabbato quovis, Iudæo cuius comes bonus Angelus benè precetur pro totâ sequente hebdomadâ, si omnia Sabbato benè composita reperiatur: si verò malè sint composita, malus genius malè illi precatur: Hæc ibi. Tu à fabulâ ad rem. Tu Sabbato maximè, ne pro benedictione maledictionem recipias, ad hoc Speculum iustitiæ te compone, & quam pulcherrimè potes exorna. Ita fecit Ioan. Chetelius, ut refert Th. à Kempis Lib. de Ill. Flor. discip: nam omnibus Sabbatis in Deiparæ memoriam, longum quoddam linteum induebat, eoquæ apparatu Sabbatum inter culinæ munia celebrabat.

## C A P U T VIGESIMVM PRIMVM: SEDES SAPIENTIÆ.

*Quid*



*Quid non sapiebat Maria, in qua Dei sapientia  
latebat. S. Bernardus.*

## STIMVLVS PRIMVS.



**C**onsidera. I. Quàm profunda Sapientia in hac pretiosa Sede recondita fuerit, siquidem in ea requieuit ille, in quo sunt omnes thesauri sapientiae & scientiae Dei. Coloss. 2: siquidem præter illam substantialem æterni Patris Sapientiam, quam novem mensibus Maria in purissimo suo utero gestavit, continuit in se altissimam rerum humanarum Divinarumque scientiam, sunt enim Suarez. 3. p. q. 37. art. 3. dis. 19. Sect. 3. & alij gravissimi Doctores, qui B. V. scientiam per se infusam tribuendam esse censent, quâ res spirituales, & à sensibus remotas per species proprias independenter à phantasmatis agnoscebat; sed audi Albertum Magnum in Mariali. qui de B. V. ait. Cognoscebat inquit, perfectè & intuitivè animam suâ, & animæ suæ motus & actiones: cognoscebat item per proprias species Angelos, dæmones, corporum substantias & essentias, ac demum omnia naturalia,



omnia etiam bona & mala. Audi Andream Cre-  
tensem in Orat. de Annunc. Consentaneum est in-  
quit, eam utpotè nobilem, & Davidis Filiam, Divi-  
narum Scripturarum non fuisse ignaram. Audi E-  
piphanium Præsbyterum Constantinopolitanum,  
in vita B. V. sic de ea loquentem. Erat in sapientia,  
& intelligentia super omnes illius sæculi adolescen-  
tulas cunctis admirationi. Et quis nō admiretur Ma-  
riam, quæ in naturalium rerum cognitione nullum  
errorem, aut ignorationem propriè dictam habuit.  
Tantæ sapientiæ claritas, ut leges in Bernardino.  
Tom: 2. Serm. 51. art. 1. Cap. 2: à Deo superinfu-  
sa est Virgini, quod hæc septem secundum quos-  
dam perfectè intellexerit. Primò. Naturam crea-  
tam irrationalem. Secundò. Naturam creatam ra-  
tionalem. Tertiò. Naturam creatam spirituales.  
Quartò. Increatam Divinalē. Quintò. Omnia ea quæ  
erant fugienda & spernenda. Sextò. Omnia ea quæ  
erant sequenda & amplectenda. Septimò. Per quem  
modum, & ad quantum gradum omnia essent odi-  
enda vel diligenda. O Sedem verè admirabilis sa-  
pientiæ, in qua profundissima latent mysteria!  
Quid illa, inquit S. Anselmus, de Deo non sentie-  
bat, & sapiebat, in qua Sapientia Dei latitabat? quæ  
profun-



profundissimam: ita de Maria testatur S. Bernar-  
 dus. Serm. Signum magnum; Divinæ Sapientiæ,  
 ultra quam credi potest, penetravit abyssum, ut  
 quantum sine personali unione creaturæ condicio  
 patitur, luci illi inaccessibili videatur immer-  
 sa. Et certè si Deus nonnullis suorum fervorum occultis-  
 sima subindè pandit arcana; si Alphonsus Rodri-  
 quez, simplex quidem, sed devotissimus Laicus è  
 Soc: Iesu, aliquando raptus in Deum, vidit omnes  
 Beatos, eosque ex nomine cognovit, aliaque de ijs  
 figillatim intellexit, quasi cum ipsis in omni vita  
 sua tractasset, quid non concessum Matri à Filio?  
 Deiparæ à Deo genito? Suarez ait T. 2. in 3. p. dis.  
 20. Sect. 4. Virginem omnes & singulas res in Ver-  
 bo videre, quas reliqui Beati simul in illo contem-  
 plantur. Deinde addit. Piè & probabiliter colligo,  
 Beatam Virginem videre in Verbo, quidquid Deus  
 videt scientiâ visionis, ijs solum exceptis, quæ sin-  
 gulariter ad Christum, & ad interiores animi ejus  
 cogitationes spectant. Epiphanius Or. de laudibus  
 ejus, vocat B. V. multoculam, & Cherubinis com-  
 parat, quos Ezechiel, & Ioannes, plenos oculis de-  
 scribunt: scilicet ad significandam multitudinem  
 rerum, quas in Deo videt. O scientiarum amatores!  
 adeste,



adeſte, & qui ad ſublimes ſcientias aſpiratis, ad hanc Sedem die noctūve ſtudeſte, hæc Sedes librum ſupeditabit, imò ipſa liber eſt, ex quo reconditas hauriatis doctrinas. Librum eſſe dubitatis? Credite S. Antonino. 4. part. tit. 15. Cap. 5. qui Mariam ait eſſe librum illum grandem Iſaiæ, ubi ſcriptum eſt Verbum incarnatum. Credite Andreæ Cretenſi, Orat: 2. de Dorm. Mariam ſic alloquenti. Tu eſ inquit. Liber verè vivus ejus, qui in te tacitè fuit inſcriptus. Credite Georgio Nicomediendi Antiftiti, qui Mariam Librum obſignatum appellat. Simeoni Metaphraſtes, qui de ortu & dormitione Mariæ, eam nominat arcanam & occultam hiftoriam. Credite denique Damasceno, Orat. 2. de dorm: qui Mariam vocat, volumen novum, in quo ineffabiliter DEVS Verbum ſine macula ſcriptum fuit. Hoc volumen ſi aſſiduè volvatis, Cœlo, terræque, novos creatis Doctores.

## STIMVLVS SECVNDVS.

**C**onſidera. 2. Ex hac Sede Sapientiæ, veluti copioſiſſimo fonte, quàm copioſa etiam, limpida & cryſtallina profluxerit ſapientia atque doctrina



trina. Hinc suam doctrinam hausit B. Albertus  
 Magnus, cui ob ingenij defectum, fugam è Mona-  
 sterio paranti apparuit Maria, fecitque in Philoso-  
 phicis & Theologicis scientijs scientissimum. Hinc  
 Hermannus Contractus, & Rupertus Abbas Tui-  
 tiensis, ambo Benedictini, adeò biberunt, ut rudita-  
 tem & inscitiam perpotantes, in Viros doctissimos  
 evaserint. Hinc Ignatius Loyola Societatis Iesu pri-  
 mus Parens, suxit illa per totum Orbem celeberrima  
 Exercitia, plena spiritu & doctrinâ cœlesti, nam  
 à Maria in ijs faciendis benignè adjutus, doctusve  
 fuit, uti ipsemet Archangelus Gabriel, personæ cui-  
 dam ea aggredienti revelavit: in vita Alvarez. Cap.  
 43. Hinc gratiam miracula faciendi & prædicandi  
 accepit Bernardinus Senensis, nam ei apparens Ma-  
 ria dixit. Ecce quia me hac coronâ quotidie hono-  
 rasti (solitus erat illam percurrere) impetravi à Fi-  
 lio meo tibi gratiam miracula faciendi & prædican-  
 di: & sic ab illo tempore cœpit miraculis corusca-  
 re, & magis gratijs abundare. Hinc insignem con-  
 cionem desumpsit D. Dominicus, cui concionatu-  
 ro apparuit eadem Virgo. teste Alano L. de digni-  
 tate Rosarij Cap. 18: afferensque libellum ex quo  
 concionaretur, dedit, & dixit. Dominice etsi bo-  
 num



num est quod parasti, sermonem tamen longè meliorem attuli. Hinc instructionem suam B. Raynerus Dominicanus, nam ut refert Arnoldus ad Molanum. Cùm ille in fide esset dubius, & an Iudæus, an Gentilis fieri deberet, ambigeret, apparuit ei Maria, & in vera fide illustratum confirmavit. Imò si altius oculos attollas, videbis Oraculum Apostolorum, quod illi in fidei controversijs consulebant, omniumque nostrum, extitisse Mariam, nam Rupertus affirmat, Christum in cœlum ascendentem, reliquisse nobis Mariam in fidei, vitæque Christianæ Magistram. Testatur verò S. Anselm: de excell: B. V. C. 7. & Metaph. Mariam cum mysteriorum à Spiritu Sancto patefactorum fuerit scientissima, etiam Apostolis pleraque ex eis tradidisse & exposuisse. Rupertus existimat, Cant. 1. omnem illam Legalium quæstionem (de qua Act. 15.) definitam fuisse à Maria, non quidem ita quasi illa Concilio interfuerit, sed quia consulta privatim ab Apostolis, prima sententiam hanc pronunciârît. Denique ab hac, Divum Lucam, seriem Evangelij didicisse, tradunt Scriptores. Et quid non addiscerent mortaliū quique à Maria! siquidem Rupert: in illud. Cant. 1. Introduxit me Rex in cellaria sua: ex persona



sona Virginis ait. Et quæ sunt inquit, illa cellaria Regis Dei? nimirum sacra mysteria quæcumque continentur in Scripturis sanctis: nihil enim à me abscondit, sed omni dulcedine suâ me inebriavit: qui enim Verbum suum quod erat, & est in corde suo mihi totum infudit, quomodo non etiam cum illo mihi omnia donavit? Hæc Rupertus. Quare meritò de ea occinere possumus illud Bernard. in Salve. Virtutum auctrix & scientiarum scientia sanctarum Maria, quia sicut Sol universa Cœli lumina præcellit prærogativâ claritatis eximiæ, sic totam rationalem creaturam post Filium excellit splendore virtutis ac scientiæ. Investiga diligenter, cur tu ad hanc Sedem Sapientiæ, & primam scientiæ Cathedram huc usq; nil didiceris, an ideò quia ut. ait Sapiens C. 1. In malevolam animam non introibit Sapiencia, nec habitabit in corpore subdito peccatis.

### STIMVLVS TERTIVS.

**C**onsidera. 3. Devotam prudentiam, & prudentem eorum devotionem qui sæpius ad hanc Sedem Sapientiæ accurrunt, juxta illud. 2. Paralip. C. 20. Cum ignoremus quid agere debeamus, hoc

M m

solum



solum habemus residui, ut oculos nostros dirigamus ad te. Nam doctissimorum Virorum experimento compertum est, maximas scientiarum difficultates, & nodos, invocatâ Mariâ superari, adeò ut meritò pro falsa illa scientiarum Prælide Minervâ, à doctis omnibus colendam, & appellandâ doceat Iliodor<sup>o</sup>. Ita S. Catharina filia S. Brigitte, quæ si ad interrogata respondendum, aut aliud quidvis agendum, prius salutatione Angelicâ (ut est apud Surium in vita) Sanctissimæ Virginis auxilium deposcebat. Eam magnus Ignatius Loyola habebat quasi à consilijs, præsentem sibi sæpius, neque illâ inconsultâ quicquam aggrediebatur. Franciscus Suarez omnia sua dubia, inter studendum occurrentia, solitus erat cum Maria conferre, cumque resolutionem acceperat, sæpè visus est, genua flectere, ei que gratias deferre. Sed lege quod Ioan. Bourghesius. in Lib. Societas Iesu Mariæ Sacra. Cap. 28. sic refert. Henricus Delsom Andomari temporalis Adjutor, cum primùm Societatem iniit, adeò rudis erat & hebes, nullâque memoriâ, ut magnoperè lugeret se nihil rerum spiritualium ediscere, ac memoriâ complecti posse, quare vehementer afflictus die quadam coram imagine Sacratissimæ Virginis prostratus, corpus,



pus, animum, corporis sensus, animi vires, ac facultates Sacratissimæ Virgini ad perpetuum ejus offert obsequium: ex eo tempore, ita erum spiritualium evasit intelligens, ut conciones integras memoriâ retinere, easdemque multis post annis reddere, ac recensere posset, tantoque animi sensu de B. Matre, divinisque rebus loquebatur, ut graves Theologi dicerent, eum velut è puteo profundissimo jugiter haurire sensus rerum cœlestium admirandos. Hæc ibi. O si tu quoque coram imagine Virginis sic te explicares! ô si tu ad hanc Sedem Sapientiæ cum tuis dubijs accurreres! S. Ildephonsus Archiepiscopus Tolet. reperit quondam in templo, in cathedra, unde is ad populum erat solitus concionari, Mariam Virginem. Vis tu à Maria è Doctorali Cathedra doceri? clama ad Deum cum Scripturâ. Sap. 9. Da mihi sedium tuarum ahsistricem Sapientiam, mitte illam de cœlis sanctis tuis, ut mecum sit, & mecum laboret, ut sciam quid acceptum sit apud te. Imitare S. Edmundum, qui coram Virginis imagine studebat die noctuve. Fac quod suadet Bernardus. In rebus dubijs Mariam cogita, Mariam invoca. Advola eò, ubi palam docet Christianæ Religionis Magistra, sic Mariam compellat Ignatius Martyr, nem-



pè ad Sodalitium Marianum, scholam profundissimarum scientiarum: sed cave amplius recedas, ne tibi contingat, quod juveni illi, de quo Lechner in Sodali Parthenio L. 3. C. 3. Audi quæ ibi recitat. Expunctus ille ob liberiores vitam, dum quadam nocte è lectulo surrexisset, & fæculenti libelli lectione distineretur, adest Gigantea mulier, monstrum horrendum, horrido vultu, hispidoque habitu, manibus pedibusque in ungues desinentibus, & Mariam inclamanti, ait. Frustra frustra eam appellas, à quâ ubi Sodalitium deservisti, vicissim desertus es, meæque potestati concreditus. Meministi hæc & illa scelera toties & toties à te perpetrata, (enumerat ea.) ob hæc & similia demerita mihi traditus es, jam jam ad inferos rapiendus. Dumque in miserum juvenem ungues exerere parat, ille ad Orationem Sodalitatis, anchoram tutissimam, asylum ultimum confugit, & magnâ voce inclamat. Sancta Maria Mater Dei & Virgo, ego te hodiè &c: vix orationem finierat, cum honestissima Matrona cubiculum intrat, velata quidem, (neque enim dignus erat Mariano aspectu) jussuque monstro facessere, & arreptâ adolescentis dextrâ; bono inquit, animo esto, propius abfuisti à periculo, sed vade, confide, confi-



confitere, redde te Sodalitati, meliorem posthac vitam institue. O Sodales Mariani vel aliorum damno sapite, tantum enim desipitis quantum receditis ab hac SEDE SAPIENTIÆ.

## STIMVLVS QVARTVS.

**C**onsidera. 4 Quàm multi & illustres, etiam ex remotissimis Provincijs confluant, ad celebriores Academias ac Vniuersitates, ut ibi altioribus scientijs imbuantur: quo benè perpenso, exclama. O mortales quid agitis? eccur non accurritis ad hanc celeberrimam Vniuersitatem? ad hanc Sedem Sapientiæ? ad hanc omnium Magistrorum Magistrum? proh quæ hîc non disceretis! proh quas scientias non infunderet illa! jam de Deo, jam de creaturis, jam de Ecclesiâ triumphante, jam de militante, nam ut affirmat Dionys: Richel: omnis Ecclesiæ militantis status, siue præsens, siue futurus, fuit olim diuinitus demonstrat<sup>9</sup> Marię. Fortè itinera, fortè longiores deterrent viæ, ne ejus Aras, vel ejus Sacella ac Tempa frequentetis? Ah abscedat timor, ubi præt & invitat Maria. Cernite per singulos annos à Nazareth in Hierusalem peregrinantem cum



Filio; quod iter 27. leucarum erat ex Brocardo in descriptione terræ Sanctæ. Cernite ad Augusti editum, Nazaretho in Bethlehem euntem, 90. millium passuum itinere. Cernite Angeli jussu, ex Iudæâ in Ægyptum fugientem; quod iter, ut ait Franc. Arias in Lib. de imit. B.V. Cap. 38: illa non nisi intra 50. dies vel etiam 2. menses perfecit, à robustis autem hominibus, vix 15. dierum intervallo absolvi potuisset. Cernite ad montana festinantem, quod iter è Nazareth, usque in ædes Zachariæ, plusquam 80. millia passuum complectabatur. Age Anima Christiana, & memor illius quod habetur Sap. 7. Neminem diligit DEVS, nisi eum qui cum Sapientia inhabitat: ad hanc Palladem, Cœlestemque Sapientiam Mariam accurrens, cum eâ die noctuve habita, dic ei cum doctissimo Idiota Cap. 1. Trahe me inquit ille, ignorantem, ut me reddas scientem, ut curram in odorem unguentorum tuorum, id est in fragrantiam sanctarum virtutum tuarum. Quod si Maria, ut eam vocat S. Cyrillus Alexandrinus hom. 6: contra Nestorium, est Sceptrum rectæ doctrinæ, hoc Sceptrum tu reverenter adora, ut tibi, tuisque dicat illa quod olim DEVS. Ezech. 20. Subjiciam vos Sceptro meo. Hoc Sceptro, seu virgâ



virgâ censoriâ eruditus, ô quæ non intelligeres!  
quantum sapires! Dic ergò audacter Mariæ. So-  
net vox tua in auribus meis. Scitè Richardus à San-  
cto Laurentio de Laud. Virg. ait. Mariæ verba di-  
cuntur favus mellis, quia sicut in fauo est cera, lu-  
minis instrumentum, & dulcedo mellis, reficiens  
gustum, sic in verbis eius est veritas illuminans in-  
tellectum, & omnimoda bonitas reficiens affectum.  
O si vel semel ex hac Sede Sapientiæ vel unicam Re-  
gulam explicari audires, quàm subitò in alium ho-  
minem mutareris! ex ignorante in doctissimum, ex  
pessimo in optimum. Relege saltem eam, quam  
olim Maria per S. Brigittam cuidam Episcopo trans-  
misit, dum dixit. Post refectionem inquit, lectis  
gratijs, loquatur Episcopus illa quæ expediunt, &  
agat agenda, secundùm Episcopale officium, sed  
omnia sint honesta & salutaria. L. 4. Rev. C. 126.

## MEMENTO UT DIEM SAB- BATI SANCTIFICES.

**I**ta est. Anima sedendo fit sapientior.  
Sed ubi quæso sapientissima? nonne ad hanc Se-  
dem Sapientiæ? Agite igitur Artium Liberalium

amato-



amatores, agite per DEVM imortalem, & Sabbatis maximè, hîc confidete, nam Illustrissimus ille Comes S. Elzearius, Sabbatinis potissimum diebus, apertos sibi oculos mentis, ad mira cœlestia audienda & intelligenda asseverabat. Gregori<sup>9</sup> XIII. Summus Pontifex. Sedem Sapientiæ posuit Romæ ludæis, eosque coëgit ad audiendum singulis Sabbatis, sermonem Iudæi conversi, unde factum, ut multi Christo manus dederint. Vos majora sperate ab hac mysticâ Sapientiæ Sede, & convenientibus vobis in unum, quando Mariæ vocem audieritis, nolite obdurare corda vestra.

C A P U T  
VIGESIMVM  
SECVNDVM.  
CAUSA NOSTRÆ LÆTI-  
TIÆ.

*O magna, ô pia, ô multum laudabilis Maria, tu  
nec nominari potes quin accendas, nec cogitari quin  
recrees, tu nunquam sine dulcedine, pia memoria portas  
ingrederis. S. Bernardus.*

STIMU-



## STIMVLVS PRIMVS.

**C**onsidera. I. Quàm egregiè titulus hic competat Mariæ, quam S. Damascenus vocat. Inexhaustum pelagus gaudij, unicam mœroris obliterationem. S. Ephræm. Solatium Mundi. Gregorius Nazianzenus. Gaudium mortalium. Andreas Cretensis. Lætitiæ instrumentum. Methodius. Gaudium nostrum incessabile. Richardus à S. Laurentio affirmat, in B. V. omnes ac singulos sensus nostros, suam reperire dulcedinem, delectationem, & iucunditatem. Per illam Cœlum ipsum exultare, lætari Angelos, asseverat Cyrillus hom. 6. in Nestorium. O quoties & tu similem lætitiâ expertus es, aut Virginis iconem aspiciendo, aut de ea loquendo, sive etiam cogitando! Sufficit, inquit Damasc. in orat. 1. de dorm. Virg: ijs qui tui memoriam piè usurpant, pretiosissimum memoriæ tuæ donum, quippè quæ ejusmodi lætitiâ pariat, quam nullus eripere possit, quânam enim voluptate, quibus bonis non impletur, qui mentem suam sanctissimæ memoriæ promptuarium effecerit? Ecce quanta voluptas teste Damasceno, vel ex sola

N n

Mariæ



Mariæ memoriâ : de cuius laudibus dum ad populum aliquid dixissent è Divi Dominici Familia Religiosi , adeò lætabatur S. Vincentius Ferrerius, ut præ lætitiâ, nequidem lachrymas continuerit. Ecce quanta lætitia vel ex sola de Virgine locutione. Vnde benè August. in Soliloquio. O quanta inquit, jucunditas cordis mei , ex laude provenit Matris Dei. Cujus imaginem etsi pictam tantummodo, (si pio sensu aspiciatur) libidini, pravisq; animi motibus incredibiliter resistere , testatur Ludovicus Carbo, tom. 2. Theol. pract. p. 1. Cap. 15. Ecce quanta utilitas & gaudium puritatis Amatori, vel ex solo Marianæ iconis conspectu. Nihil dulcius, ait Orosius super Cantic: nihilque jucundius reperi quàm Mariam. Vis similia gaudia & voluptates experiri? vis eadem dulce dine sæpius perfundi? sacras ejus icones crebrò intueri, mentemque tuam, sic hortante Damasceno. Orat. de dorm. Dei genitricis: promptuarium effice. Dic frequenter Mariæ. Vita, dulcedo, & spes nostra salve : & iterum. O clemens, ô pia, ô dulcis Virgo Maria. Certè corporeâ & sensibili dulcedine recreatos, qui Mariæ salutatores extitère, refert Cæsarius Lib. 7. miracul. Cap. 50. Nam mulier quædam Domina nostræ  
nomen,



nomen, absque mirâ dulcedine pronunciare non poterat, causam rogata dixit, se in Deiparæ honorem. 50. salutationes Angelicas, cum totidem venijs quotidie dicere solitam esse, ex quo tantam dulcedinem se consecutam, ut omnis oris ejus saliva, orationis tempore, in mel videretur conversa. Nec imitatore caruit, quidam enim brevi tantam in ore & gutture, dum eam salutationem proferret, sensit dulcedinem, ut mellis suavitatem longè transcenderet. Proh pudor! si & tu imitator non accedas, vel cum unica saltem Angeli salutatione, quam devotè recitantibus. 30. dierum indulgentiam concessit Urbanus VII.

## STIMVLVS SECVNDVS.

**C**onsidera. 2. Annon Causa nostræ lætitiæ Maria, quæ toties mœrorem à nostris cordibus abstergit. Percurre nonnullos casus, quibus à Maria recreati sumus. Quis recreatum neget Iacobum Apostolum, qui postquam per multos labores & annos, novem duntaxat animas in Hispania prædicans, Christo convertisset, & ad Iberi fluminis ripas mœstus consedisset, conspexit Mariam ex Palesti-



stina ab Angelis translata, quæ dolorem ponere  
 jussit, asserens, facturos Discipulos ejus, quod ipse  
 non faceret, qui totam gentem Hispanicam ad  
 Christi fidem adducturi erant. Quis recreatum  
 neget B. Iacobum Anconitanum Minoritam, quem  
 afflictum affata est Maria inquiring. Bono esto ani-  
 mo fili, futurum est ut brevi omni molestia libere-  
 ris, & vitæ benè actæ præmium recipias. Quis re-  
 creatum neget. S. Hermannum, cui lapidem ostendit  
 Maria, sub quo pecuniam reperiret necessitati  
 studiorum opportunam. Quis recreatos neget pau-  
 peres illos, quibus Maria, in magna apud Senenses  
 tritici inopia, unâ cum S. Catharina Senensi, pro-  
 prijs manibus panem confecit. Quis recreatum non  
 dicet, summâque lætitiâ perfusum debitorem il-  
 lum, qui pecuniam quam debebat, solvit fideliter,  
 sed negat creditor se recepisse, negatque perjurus  
 coram Virginis imagine, verum ab imagine vox  
 prodit. MENTIRIS. O Causam nostræ lætitiæ Ma-  
 riam! dic ei, quod ab universo populo fuit accla-  
 matum Iudith 15: quæ Deiparæ figuram gerebat.  
 Tu gloria Ierusalem, tu lætitia Israël. Dic ei Cantic.  
 4. Favus distillans labia tua, mel & lac sub lingua  
 tua: & ut vox ejus dulcissimè etiam sonet in auribus  
 tuis,



tuis, sitque perjuris & inimicis tuis terrori, coram Mariæ effigie negotia tua aggredere; sic qui pictam Virginis imaginem in interiori parte scuti habuit, quoties in bello fatigatus fuit, imaginem respexit, statimque vires recuperavit, & ab hostibus securus mansit (Meffret Serm. 85.) cum ingenti ut par est credere voluptate, & animi dulcedine. Quare merito ait S. Petrus Damian. Serm. 1. de Nat. Virg. loquens de dulcedine quæ ex recordatione B. V. percipitur. Si sic dulcis est memoria, quid est præsentia? Tu in morte dulcedine hac, & lætitiâ ut perfruaris, imitare Iustum Lipsium, qui morti proximus, cum à P. Leonardo Lessio interrogaretur, quæ tandem res esset ex omnibus, quas in vita gessisset, unde potissimum extremo istoc vitæ puncto delectaretur; nulla inquit magis, quam quod in Mariæ Sodalium numerum adlectus sim.

### STIMVLVS TERTIVS.

**C**onsidera. 3. Quæ & quanta solatia non recipiant moribundi, ab hac omnis veræ lætitiæ Causâ Mariâ? Hinc P. Ioannes à Campis è Societate Iesu, sub mortem ad quendam conversus. O si nos-



fes. inquit, mi Pater, quantum in morte afferat ani-  
 mo solatium, Deiparam singulari studio coluisse!  
 Hinc P. Ioannes Gerardinus ex eadem Societate,  
 moriens ita sacratissimam Virginem compellavit.  
 O Maria tribularer nimium, si nescirem tuum pa-  
 trocinium. Hinc Religiosus ille, qui in extremis po-  
 situs clamabat: maledicta hora, quâ Religiosus fa-  
 ctus fui; at serenatus paulò post: imò benedicta in-  
 quit hora, quâ intravi Ordinem, & benedicta Ma-  
 ter Christi quam semper dilexi: adstantibus recen-  
 suit, Reginam gloriæ sibi adfuisse, & terribilibus  
 dæmonibus fugatis, plenum se solatio reliquisse.  
 (Spec. dist. 9. 22.) Dubio procul ingens quoq; so-  
 latium expertus fuit Innocentius III. Pontifex, si-  
 quidem post mortem S. Ludgardi Virgini compa-  
 rens, dixit. Nisi per intercessionem Mariæ illum  
 in extremis poenituisset, damnandum fuisse. Thom.  
 Cantipr. Lib. 2. Vitæ S. Ludgard. O Christiane!  
 memor esto sententiæ Haymonis super Apocal.  
 Gaudens inquit, erit ejus obitus, qui Mariæ dum  
 viveret fuit sedulus & devotus. Memor esto S. Lu-  
 dovici Caroli Sicilia Regis filij, hic in salutanda  
 Virgine frequentissimus, causam cur illam toties sa-  
 lutaret rogatus, respondit in hæc verba. MORIEN-



TEM ILLA IUVABIT ME. O vocolæ dignæ quibus  
 personet Europa. Africa. Asia. America! O verba  
 digna quæ aureis literis, cordibus suis inscribant  
 mortales! Certè ipsa, ut loquitur S. Bonav. in Spec.  
 B. V. C. 4: nos libenter salutat beneficio & conso-  
 latione, si nos eam frequenter salutamus servitio &  
 oratione. Eccur non facis? cur non salutas? si non  
 homines provectioris ætatis, pueros saltem imitare,  
 quorum unus decennis duntaxat, non prius mensæ,  
 non lusui, non studijs, non lecto, aut rei ulli agendæ  
 se dabat, quam his ipsis verbis Mariam alloquere-  
 tur. Salve Mater misericordiæ. Et profectò cum te-  
 neræ vitæ, vale supremum diceret, adest toties salu-  
 tata Virgo, inquiens. Ego sum illa misericordiæ  
 Mater, quam tu toties salutasti. Landspergius.  
 Proh Deum! si tres vocolæ tantum possunt, tu tri-  
 bus vocolis non evocabis ad te Mariam?

### STIMVLVS QVARTVS.

**C**onsidera. 4. Etiam animas mortali pecca-  
 to infectas, à corpore jam solutas, solatia Mari-  
 ana expertas subindè fuisse. Si enim credimus mul-  
 tos in lethalibus culpis defunctos, à Sanctis excita-  
 tos,



tos, eorumque precibus ab æternis ignibus præservatos, cur idem dicamabo, non sentiendum de Maria, Cœlitum omnium Reginâ, ipsiusque Dei Matre? Quare pulchrè ei hic convenit elogium S. Bernardi hom. super Missus. Ex ore tuo pendet consolatio miserorum, redemptio captivorum, liberatio damnatorum. Certè nonnullos, quos mortale peccatum, in quo miserè decesserant, damnasset ad inferos, per Mariam liberatos, testantur luculenter fortia argumenta & rationes. Perpende igitur, an non jure meritò Causa nostræ lætitiæ dicenda Maria, quæ non solum temporalem, sed etiam æternam tristitiam à nobis propulsari peroptat. Tu tamen eheu! tristitiâ illam afficere non dubitas. O ingratitudinem! O impietatem! dignus profectò cui respondeat Maria illud ipsum, quod olim cuidam peccatori ejus auxilium imploranti & dicenti. O Mater misericordiæ intercede pro me: respondit ipsa. Vos peccatores vocatis me Matrem misericordiæ, & interim peccatis vestris, non cessatis facere me Matrem miseriæ, & tristitiæ. Vis Anima mea exilari à Virgine? tu prius eam exilara sanctis obsequijs & pietate. Vis torrente voluptatum inebriari? accurre ad Causam nostræ lætitiæ, accurre ad delicia-



liciarum Dei dapiferam, & cœlestis curiæ pincer-  
nam, sic Mariam compellat S. Bonav. in Litanijis.  
Vis cœlestibus gaudijs frui æternum, accede ad Ma-  
riam. Qui ad Mariam accesserit, ait Divus Ansel-  
mus, impossibile est ut pereat: & alibi. Ipsa velit,  
& nequaquam salvi esse non poterimus.

## MEMENTO UT DIEM SAB- BATI SANCTIFICES.

**Q**Vis non foelicem proclamet Bea-  
tam Benevenutam Dominicanam. Hęc qua-  
vis nocte Sabbatum præcedente, dulcissimam har-  
moniam, varijs constantem tùm vocibus, tùm mu-  
sicis instrumentis audiebat, quæ mirâ eam suavitate  
afficiebant. Quidni similem voluptatem concen-  
tusque promereamur, si Causam nostræ Lætitiæ  
Mariam, Sabbatis maximè coluerimus? Quod si be-  
neficia in nos collata, lætitiâ in nobis excitare so-  
lent, agite Sodales Mariani, & Petrum de Anasco è  
S. I: æmulemini, qui singulis Sabbatis, quibus ad  
honorem Mariæ jejungere consueverat, præcipuum  
aliquod beneficium à Deo accepit.



CAPUT  
VIGESIMVM  
TERTIVM:  
VAS SPIRITVALE.

*Maria Vas immensissimum fuit, ex quo illum  
qui in Cælo major est, continere potuit.*

S. Bonav. in Spec. B. V. Cap. 5.

STIMVLVS PRIMVS.



**C**onsidera. I. Quàm benè Virgo  
sacratissima Vasi comparetur, illa e-  
nim est Vas electionis, ut eam vocat  
Cyprianus. in Ser. de nativitat. Christi.  
Illa est Vas illud, in quo reconditum  
fuit cœli manna. Illa est Vas illud, de quo Proverb.  
25. Aufer rubiginem de argento, & egredietur vas  
purissimum, quia omnis rubigo tùm peccati origi-  
nalis, tùm actualis, à candidâ argenteâque hac Vir-  
gine sublata fuit per præservationem. Illa est Vas  
illud, de quo Ecclesiasticus. Cap. 43. Vas admirabi-  
le



le opus Excelsi, quia teste Germano Patriarchâ Constantinopol: omnia in Virgine sunt admirabilia, in qua, ut ait ipse, Deus suam exercuit potentiam. Illa est Vas illud mellis, de quo 3. Regum. C. 14. n. 3. cui consonat Ecclesia dum canit. O clemens, ô pia, ô dulcis Virgo Maria. Illa denique est Vas illud, de quo Sapientia. 13. Vas utile in conversationem vitæ, id est, ut Cornelius à Lapide hîc habet, in ministerium vitæ. O quot ex hoc Vase nectar & ambrosiam biberunt! Bibit Bernardus, nam cum ante Beatissimæ Matris imaginem oraret, lacte Virgineo è sacratissimis ejus uberibus pastus fuit. Bibit Alanus de Rupe Dominicanus, nam eodem res cœlestes attentè contemplante Deipara de lacte suo in os infudit. Bibit Fulbertus Episcopus Carnotensis, ut supra dictum. Biberunt denique alij haud pauci, non quidem lac ut illi, sed vitam ipsam, siquidem Germanus Sermone de Zona Virginis, plurimos Mariæ intercessionibus ab æterno supplicio liberatos asserit. Et Sanctus Bernardus suffragari videtur, dum Mariâ alloquitur inquiring. Peccatorem quantumcunque sceditum Maria non despicias, si ad te suspiraverit, tuumque interventum pœnitenti corde flagitaverit: tu illum à desperatio-



nis baratro piâ manu retrahis, sententiam ab ore  
 districti iudicis rapis, donec miserum peccatorem  
 salves, & tuo Filio reconcilies. ita ille. Eja ergo  
 Christiani, ad hoc Vas properate omnes, bibite ex  
 eo charissimi, & inebriamini, & si quando præ ni-  
 mio æstu peccatorum, nonnisi jam Acherontis un-  
 das sitire contingat, tamen instar divitis epulonis  
 linguam adhuc refrigerari petite, stillam gratiæ ex  
 hoc Vase poscite, sursum oculos tollite, Maria enim  
 est illud Vas, de quo Ecclesiasticus. Cap. 43. Vas in  
 excelsis, in firmamento Cœli resplendens gloriose.  
 O Vas splendidissimum. O Vas plenissimum mel-  
 le, saccaro, cæterisque Cœlitum delicijs. Felix ille  
 qui non alijs symposijs inhiat, quam quæ hoc divi-  
 nissimum Vas subministrat! quidni satur redeat  
 velut S. Albertus de quo Surius. Huic famenti,  
 Maria Virginum phalange cincta, panis bucellam,  
 sacratissimis manibus in os dedit, adeoque saturum  
 bolo uno effecit, ut 20. post annis nihil potus, duo-  
 bus verò & 20. annis nihil cibi admiserit. Dignus  
 profectò qui post tam longam Quadragesimam ce-  
 lebret in Cœlis cum Mariâ, æternum Pascha.

STIMV-



## STIMVLVS SECVNDVS.

**C**onsidera 2. Cur Sacratissima Virgo Maria non Vas simpliciter, sed cum addito, spirituale vocetur: an quia hoc Vas plenissimum Spiritu fuit, juxta illud Damasceni ad B. V. Tota Spiritus thalamus es, tota Deo propinqua: juxta illud quod S. Brigitta refert, nempe. B. Virginem ab infantia Spiritu Sancto plenam fuisse. : & juxta illud S. Mectildis, quæ asserit, ut primum anima Corpori Virgineo est infusa, Spiritum Sanctum illam replevisse, & singulari quadam sanctificatione sibi in Sacrarium elegisse. Proh quæ non latebant in hoc divinissimo Vase! Albertus D. Thomæ Præceptor, inter Philosophos ac Theologos sui temporis verè Magnus, atque Ratisbonensis Episcopus, nullam omninò creaturam censet existere, quæ ampliorem gratiæ plenitudinem, præterquam Maria suscipere possit. De Laud. B. V. C. 69. 70. 72. Idem, gratiæ plenitudinem quam Angelus in Maria prædicat, tam latè patere docet, ut ejus ambitu gratia, quam vocamus sacramentalem, & gratia virtutum sive Theologicarum, sive Cardinalium, sed & septem dona, apud Esaïam, fructusque duodecim Spiritus



à Paulo enumerati. Galat. 5. Octo item beatitudines in Evangelio traditæ comprehendantur. Quidni ergo de hoc Vase loquens, dicat Bertramus. Mirabile fuisse, quod corpus Mariæ ex abundantia gratiæ non crepuerit. O si vel unica gutta ex hoc Vase spirituali, in tuum cor deflueret, quàm subito in alium hominem mutareris! quàm subito divina sapperes? animalis enim homo teste D. Paulo. 1. Corint. 2: non percipit ea quæ sunt Spiritus Dei: Vis percipere? vis repleti? Vas spirituale prius esto, ut de te etiam dicat quod jam ante dixit de B. Arnulpho Abbate Maria, cuius jussu ipse in Ordinem susceptus fuit. Vas inquiebat illa, electionis est mihi iste. Vas igitur esto, sed vas occlusum mundi delicijs, sed vas apertum Marianis solatijs. Disce vel à Iudæa, quæ desertis Parentibus, postquam baptismi lavacro abluta esset, & Sanctimonialium habitum induta, quo tempore aliæ moniales à parentibus & propinquis invisebantur, hæc ad Deiparæ imaginem accurrebat, ei que dicebat. Ego paupercula pupilla & indigna, ad te Dominam meam & cognatam accedo, tu sola præ omnibus esto mihi refugium & solatium. Felix qui non ad aliud Vas suas voluptates & solatia fugit, quam ad hoc Vas spirituale.

STIMV.



## STIMVLVS TERTIVS.

**C**onsidera 3. Flores pulcherrimos in hoc divinissimo Vase repositos ; omnium facile princeps est flos ille, de quo Isaïas XI. Et flos de radice ejus ascendet, & requiescet super eum Spiritus Domini, Spiritus sapientiæ, & intellectus &c. Flos hic à Cœlesti hortulano in hoc Vase Spirituali plantatus, excrevit in omnium nostrum medicinam & salutem, ut velex ipso nomine patet, nam nomen Iesus, apud Hebræos Salvatorem sonat, si verò ejus ethymologia ex Græco idiomate sumatur, potest etiam significare medicum. Quod si oculos convertas ad cæteros flores, quos Maria ipsa inservit, proh quam multiplices conspicias ! dignos certè quos diutius contempleris, dignos quos avidè decerpas. Hic videbis violam humilitatis, rosam charitatis, hyacinthum modestiæ, narcissum paupertatis, heliotropium obedientiæ, lilium castitatis, omnium denique virtutum tulipas variegatas, quia secundum Hieronymum. Si Mariam inspexeris, nihil est virtutis, vel decoris, nihil speciositatis quod non in eâ resplendeat. Meritò Ephrem Diacon. in suâ ad eam Orat: adsalutans ipsam ait. Ave Dei splen-



splendidissimum & luculentissimum Vas. Tu similiter die noctive illam saluta, & hoc tam jucundum aspectui Vas continuò contemplare, imò audacior factus, flosculum aliquem indè decerpe. Placeat vel ille de quo Cedrenus? Narrat ipse in Comp. hist. Canis. de B. Mar. Lib. 1. Cap. 13. Mariam cum esset annorum 12: mediâ nocte precibus intentatam, audisse hæc verba. Paries meum Filium: quod nulli hominum patefecit usque ad Ascensionem Christi in Cœlum. O hunc tu decerperes! ô jactantiam fugeres! Spinas times? ah nullæ sunt: altitudinem caufaris? ah manum extende, suam porriget Maria, quemadmodum devoto Hermano Ioseph dicto: cum enim is aliquando Mariam conspexisset, & coram puerum Iesum cum Divo Ioanne, quasi puerilibus lusibus se exercitantem, hæcque cum magno gaudio intueretur, ita ad eum Deipara. Ascende ad nos Hermanne. Ad quam ille. Quomodo ascendam cum chorus sit clausus, & scalam per quam ascendam, non habeam: cui illa. Tenta, & manum porrigens te juvabo. Paruit puer, & ipsa manum extendente ad eos ascendit. O ascensum quo nil felicius in terris! Vis & tu ascendere? puer esto simplicitate & sanctâ humilitate.

Mariæ



Mariæ exemplo, si humilitatem secteris, o quam gratiosum flosculum retulisti ex hoc Vase Spirituali! dignum profecto quem olfaciat aliquando ipsemet IESVS.

### STIMVLVS QVARTVS.

**C**onsidera. 4. Quam suaveolentiam, quem odorem non exhalabat olim hoc Vas Spirituale. Credibile est gratissimum vel ex ipsâ carne Virginis in signum sanctitatis emanasse, maximè cum Dion. Chartus. Lib. 1. de Laud. Virg. dicat. Cur non putetur credibile, quod Virginea ejus caro dulcem sit sortita odorem? meritò ergò de se dicere potest Maria. Sicut cinnamomum & balsamum aromatizans odorem dedi, quasi myrrha electa dedi suavitatem odoris. Ecclesiastic. 24. Sed implantanda hîc S. Bonav: sententia. in Spec. B. V. C. 7. Odor, inquit, Mariæ fuit sicut cinnamomum, in cortice conversationis, sicut balsamum interius in unctione devotionis, sicut myrrha in amaricatione castigationis; fuit quoque odor Mariæ sicut cinnamomum in actione, sicut balsamum in contemplatione, sicut myrrha in passione. O dives! quæ tam

P p

plena



plena fuit odorifero Spiritus Sancti balsamo, ut ait S. Bernardus super illud, Spiritus Sanctus superveniet in te. ita Bonav: qui ibidem C. 5. Balsamum inquit, Mariæ est unctio gratiæ, quæ Mariæ copiosissimè est infusa, unde S. Bernardus loquens de verbo illo, Spiritus Sanctus superveniet in te, ait. Pretiosum illud balsamum tantâ tibi copiâ, tantâque plenitudine influet, ut copiosissimè effluat circumquaque. Hæc Bonav. Sed quid Sophronius Serm. de Assumptione asserat, perpende. Dicta sanè inquit, quasi virgula fumi, quia gracilis & delicata, quia divinis extenuata disciplinis, & concremata intus in holocaustum incendij pij amoris, & desiderio charitatis. Ut virgula fumi ex aromatibus, nimirum quia multis repleta est virtutum odoribus, manans ex ea fragrabat suavissimus odor. ita ipse. Et Dionysius Carthusian. in 4. Cantic. scripsit. Tanta est suavitas virtutum Matris Dei, quod cuncta mundi odoramenta transcendit, imò & totam perfundit Ecclesiam triumphantem. Insuper Ecclesia militans in fœtoribus hujus exilij degens, odore & suavitate hujus Deiferæ Virginis Dominæ suæ recreatur, fovetur, atque exhilaratur. Ah curamus & nos Christiani post odorem unguentorum  
ejus.



ejus. Trahe nos ô Maria, ne fœtore expiæmus, re-  
fice odore, ut æternum vivamus.

*Balsama me capiunt, hæc sunt unguenta virorum.*  
Canit Martial. lib. 14. Epigram. 54. Balsama tua  
ego concupisco ô Virgo, quia nulla admixtione vi-  
tiata scio, ait enim tuus Bonaventura in Spec. C. 5.  
Balsamum misceri solet & vitari melle vel oleo,  
sed certè Balsamum Spiritus Sancti in Maria non  
fuit mixtum, quia nec melle carnalitatis & munda-  
næ consolationis, nec oleo vanæ laudis & adulatio-  
nis fuit vitiatum. Ita ipse. Quod si myrrha corpo-  
ra defunctorum servat incorrupta, cinnamomum  
autem: teste Galeno Lib. de Antidotis: optimum,  
sit odoratissimum, & indicibilem quandam odoris  
gratiam super alia aromata referat: parce ô Virgo,  
si in virtute ego adeò debilis & languidus, ad odo-  
rem cinnamomi tui accurram: parce si ne in æter-  
num putrescam, ad myrrham tuam properem.  
Trahe nos peccatores, & curremus post odorem  
unguentorum tuorum, seu quod idem est VIRTU-  
TVM, nam odor unguentorum tuorum super aro-  
mata, Cant. 4.



# MEMENTO UT DIEM SAB. BATI SANCTIFICES.

**D**IC liberè ô Angelice juvenis, Joannes Berchmañe, eccur Sabbato in abjectis culinæ ministerijs versaris? fortè inter vasa materialia & fuliginosa, hoc VAS SPIRITVALE te repertum iri opinaris? Sodales Mariani. Humilis Maria, inter abjecta, humiliaque exercitia facilè invenitur. O sic eam quæreremus! O Sabbato quopiam inveniremus! proh quam dulce nectar sugeremus ex hoc Vase Spirituali!

## CAPUT VIGESIMVM QUARTVM. VAS HONORABILE.

*Si Paulus electionis vas cognominatus est, propterea quod Christi nomen ubiq; terrarum circumferret, qualenam Vas censenda est Deipara Virgo, quæ cœlestem panem, qui fidelibus in cibum & potum exhibetur, utero complexa est? Basilius Seleuciæ Episcopus. Orat. 1. de Annunc.*

STI-



## STIMVLVS PRIMVS.



**C**onsidera. I. In quanto honore fuerit apud Hebræos vas illud, in quo manna asservabatur. Sume ait Moyses ad Aaron. Exod. 16. vas unum, & mitte ibi man, & repone coram Domino. Vide annon longè maiorem sibi deposcat honorem Maria, quæ non manna, quod manducaverunt Patres nostri & mortui sunt. Ioan. 6: sed asservavit panem, quem qui manducat, vivet in æternum. Paulus fuit vas electionis, Virgo verò Maria fuit Vas Divinitatis. ait S. Bernard. Senensis. tom. 4. serm. 36. p. 3. Certè ratione huius contactus cum divinissimo Filio, cultu latriæ adorandam quisquis pronuntiaverit, benè pronuntiabit. (Lege Suarez. tom. 2. in 3. part. quæst. 37. art. 4. Sect. 3.) Si enim Cruci quæ tribus tantum horis Dei Filium in se habuit, adoratio latriæ tribuitur, ut Angelicus Doctor D. Thomas cum suis Discipulis communiter testatur, cur non tribueretur Mariæ, in cuius utero novem mensibus quievit Deus? quo cultu posse eam adorari ne dubita, quando præcisè colitur ut Mater Dei, cum intentione Deum in illâ honorandi, cum



honor Matris sit honor Filij. O Vas verè honorabile! Honorare Mariam, ait Richard. Lib. 2. par. 1. thesaurizare est sibi vitam æternam. O Vrnā omnium linguis deprædicandam! Vrna aurea est suavissimum illud cœleste manna continens, ita Mariam appellant Epiphanius. Andreas Cretensis sermone de dormit. & orat. de Annunciatione. Salve, inquit, Vrna aurea, quæ eum fers, qui dulce manna reddit, ac mel à petra ingrato Israël elicit. Damascenus eam dicit dulcem mannæ Vrnā. Ephrem eam nominat Vrnā pulcherrimā, quæ verum manna gestat. Et Basil. Seleuciæ Episcopus orat. de Annunciatione ait. Virgo non manna, ut illa urna aurea, sed cœlestem panem, qui fidelibus in cibum & potum exhibetur, utero complexa est. Huc huc accurre Christiane, quisquis inediā & fame peris, hoc cibo pascere, hoc pane utere, quem in suis literis ad B. Mechtildem adedò commendat Gregorius VII. Summus Pontifex. Inter cætera arma, inquit, quæ tibi contra mundi principem contuli, potissimum est, ut corpus Dominicum frequenter accipias, & ut certā fiduciā Matri Domini te committas.

## STIMVLVS SECVNDVS.

Con.



**C**onsidera. 2. Si adoratio est exhibitio reverentiae propter excellentiam illius cui exhibetur, ut docet S. Thomas 2. 2. quæst. 8. art. 1: quæ adoratione, quo honore digna non erit Maria, Vas verè honorabile, de cuius excellentia, perfectione, virtutibus, sanctitate, privilegijs, ô quæ non tradiderunt Patres! Annon inter alia, illustre illud Gersonis super magnificat Alph. 83. Lit. E. Maria, inquit, juxta Hierarchicam Dionysij legem, continet eminenter omnem perfectionem creaturarum tanquam inferiorum. Vis ergo brevi compendio Mariæ beatitudinem notam tibi fieri, da illi per eminentiam, quidquid in creaturis videris melius ipsum, quam non ipsum &c: Hæc Gerson: qui colligit quod cum adhuc in viâ esset B. V: omnes hominū & Angelorum, etiā digniores excellentiæ in eam cōfluxerint. O Vas excellentissimū! ô Vas singularibus prærogativis & eminēti sanctitate refertissimū! Docent Theologi, adorationem propter excellentiam creatam dici duliam, quia autem una creatura potest esse magis excellens & magis sancta quam sit alia, posse adorari majore adoratione, quæ vocatur hyperdulia, id est major honor, & hoc adorationis genere coli Mariam. Adde Mariam non tantum

ado-



adorandam cultu latriæ, si is ita exhibeatur, ut in Virgine non quiescat, sed ad Deum referatur, verum etiam cultu hyperdulæ, cultu dulæ, si enim hic est communis Sanctis, propter creatam eorum excellentiam ac sanctitatem, cur & illi non fiat communis, quæ verè Sancta, verè Beata, juxta illud. Beata me dicent omnes generationes. Vide, ô Anima Christiana, num tali honore & cultu adores illam? num ijs obsequijs & laudum præconijs quibus potes? Pulchrè de eâ S. Basilius Seleuciæ Episcopus. Orat. de Annunc.. De Virgine ait, qui omnia illustra & gloriosa dixerit, nunquam is à veritatis scopo aberraverit, attamen dignitatis magnitudinem, nulla unquam oratione exæquabit. Pulchrè Petrus Damiani. Serm. 3. de Nat. asserit. Quid mirum si hæc ineffabilis Virgo in suis laudibus modum humanæ vocis exuperat, cum & ipsam humani generis naturam, excellentium meritorum dignitate transcendat: ad cujus efferenda præconia, non Rhetoricorum diserta facundia, non Dialecticorum subtilia argumenta, non acutissima Philosophorum apta reperiuntur ingenia. Pulchrè Damascenus. Virginem non hominum lingua, non mundo sublimior Angelorum mens, sat dignis laudibus efferre potest.



potest. Orat. 1. de Assump. Idem Orat. 2. Virgo omnium encomiorum legem excedit. Idem Orat. 2. de Assump. Nec si omnes toto Orbe dispersæ linguæ, in unum coëant, ejus laudes oratione consequi possint. Tu pro modulo tuo operare, jam verbis eam deprædicando, ne aliquando infelix exclaimare cogaris. Væ mihi quia tacui. Isaïæ 6: jam factis ipsam honorando, vel exemplo Angeli. Tradunt enim monumenta Congregationis S. Georgij in Alga in Lusitania, eos, qui ejus Authores fuerunt, à B. V. Maria accepisse, Gabrielem cum incarnationem annuntiaret, integris novem horis apud eandem fuisse. O sic tu honorares quotidie Vas honorabile! O sic tu adhæreres Mariæ!

### STIMVLVS TERTIVS.

**C**onsidera. 3. Cur tantum cultum & reverentiam sibi vendicet Vas honorabile? An quia Maria plena gratiâ & sanctitate? vel potius quia summi Dei parens? ex Recentioribus solutionem suggerit Arriaga, in tract: de Incarn: disp: 54. Sect. 3. dum ait. Majorem cultum deberi B. Virgini ratione sanctitatis, quàm qui debetur ei ratione digni-



tatis Matris : rationem his verbis affert. Nam si ista duo, inquit ille, separentur, esse Matrem sine ullo dono gratiæ & virtutis, & ex alia parte non esse Matrem, esse tamen tam sanctam, ac tam Deum videntem quàm jam est, nemo dubitare potest, quin hoc secundum sit longè nobilius quàm illud, quia illud est quædam quasi dignitas civilis, quæ sola non est comparabilis cum ea altera dignitate, & in hoc sensu intelligendum est quod Christus fœminæ clamanti. Beatus venter qui te portavit, & ubera quæ suxisti : respondit. Quin imò Beati qui audiunt verbum Dei, & custodiunt illud : fœmina enim illa, videbatur de sola dignitate Matris locuta, ideò ei meritò Christus ut nobiliorem opposuit dignitatem hominis sancti servantis præcepta Dei. Hæc ibi. Disce hinc anima mea, quantæ virtutis & efficacæ sit Christiana perfectio. Disce illam mundi universi opibus ac dignitatibus præferre. Disce magis esse venerandam Mariam ex titulo sanctitatis, quàm titulo divinæ Maternitatis. Oliceret vel admodicum cernere ejus sanctitatem ! ejus perfectionem ! Quid sanctitatis ? ait Petrus Damianus. Serm. de Mariæ Nat. quid justitiæ ? quid religionis ? quid perfectionis huic Virgini deesse potuit, quæ totius divinæ gratiæ



gratiæ charismate plena fuit? De ea refert S. Brigitta, quod nulla re, nisi solo Deo delectabatur, & quæ bona mundus habet ac amplectitur, omnia acerba & amara visa fuisse Mariæ. Eja anima mea, vel hinc sanctam proclama Mariam, hinc Beatam, & inter mulieres Benedictam. Observant Naturales: inveniri herbam multæ virtutis, cui nomen Benedicta, quæ si in domo aliqua posita fuerit, ibi nec vermis venenosus, nec serpens, aut rana latere potest, vel manere, propter ejus odorem, imò tantæ efficaciam illam esse, ut si quis de ipsa biberit, rubeo vel bono colore donetur. Proh Deum immortalem! cujus efficaciam & virtutis non erit Benedicta Maria, Vas verè honorabile! de quo tantus odor promanat, ut omnes vermes, omnes serpentes, omnia denique graveolentia animalia fugentur. Quid non potest vel sola sacratissimi ejus nominis invocatio! Refert Iacobus Ianuensis. Dum quidam Monachi juxta aquas starent, ubi fabulis & otiosis sermonibus vacabant, auditos fuisse remiges per aquas impetu nimio navigantes, qui interrogati à Monachis, quinam essent, Dæmones se esse responderunt, & sese animam Ebroidi Præpositi domus Regis Francorum, qui à Monasterio Sancti Galli apostata-



stataverat, ad inferos deferre. Quo audito Monachi, vehementissimè exterriti, fortiter inclamarunt. Sancta Maria ora pro nobis. Quibus Dæmones. Bene Mariam invocastis, vos enim discerpere & submergere volebamus, quia dissolutos, & extra horam confabulantes invenimus. Disce hinc Anima Christiana, vel in periculis recordari Mariæ.

### STIMVLVS QVARTVS.

**C**onsidera. 4. Nonnullas pœnas quas dedere illi, qui in hoc divinissimum Vas, omni honore dignissimum, injuriæ exitere. Nonne suas pœnas dedit, ut par est suspicari, Ecclesiastes ille Colonia, qui cum Anno. 1472. proposuisset, altero die in sacratissimum Rosarium debacchari, & ad audiendum maxima jam multitudo confluxisset, ecce domi mortuus repertus? Nonne pœnas dedit Constantius Copronymus, infamis Imperator, quia Mariæ impugnator? nam hic sub tempus mortis clamavit, se viventem adhuc propter Mariam igni inextinguibili esse traditum. Nonne pœnas luit adolescens ille, qui inter pugnandum cum Socio, nescio quid impium in Sanctissimam Virginem protulit,



tulit, & ecce ipso temporis articulo os contra Mariam apertum, telo adversarij intercipitur, & palato transfixo repente mortuus concidit? Casu hæc accidisse dices, & non potius Divinâ manu ulciscente? quæ adeò Mariæ injurias ulciscitur, ut observârint Sancti Viri, Deum facilius dissimulare proprias injurias, quàm minimam irreverentiam in Mariam; quæ etsi aliquando levis videatur, perrarò tamen manere inultam; Vnde Spec. exempl. v. blasphem. Defunctus quidam alteri comparens testatus fuit, difficilius læsiones Mariæ sufferre Christum, quàm proprias. Ita sanè, nam qui illam tangit, tangit pupillam oculi Christi, & uno vulnere duos lædit, IESVM ET MARIAM. O Animam infelicem, cujus inimici IESVS ET MARIA! Clama & confitere cum Anselmo, qui in Libro Contemplationum petit, dicens. Dic Salvator quem salvabis? Dic salutis Mater pro quo orabis? Si te Domino præcipientem, & te Domina consentiente, tormenta vexabunt peccatorem. Si infernus absorbet reum in se desperantem, & vobis confitentem: aut ergo misereamini mei, aut ostendite mihi misericordiores; sed quia non sunt, ideò ad nullum alium confugio, nisi ad vos.



MEMENTO UT DIEM SAB.  
BATI SANCTIFICES.

**O** Quàm pretiosis gemmis nostrum  
Vas adornat S. Benevenuta Dominicana! Hæc  
adhuc septennis, & tamen jam quotidie mille Ave  
Maria, veluti tot splendidissimos uniones sacratissi-  
mæ Virgini offert, quem numerum SABBATO du-  
plicabat. O tu etiam ad hoc Vas honorabile per sin-  
gula Sabbata, mille adjiceres! ut triplicares juxta il-  
lud. Omne trinum perfectum.

C A P U T  
VIGESIMVM  
QVINTVM:  
VAS INSIGNE DEVO-  
TIONIS.

*Vas liquore plenum si moveatur, de facili sub-  
vertitur, & effundit liquorem, sic Maria si mo-  
veatur precibus, effundit liquorem.*

S. Bernardus.

STIMV.



## STIMVLVS PRIMVS.



**C**onsidera. 1. Quæ devotio? quæ pietas? quæ sanctitas non latuit in hoc sacratissimo Vase? siquidem ut ex Alberto Magno, tradit S. Antoninus. 4. part. tit. 15. C. 20. §. 6. C. 4. §. 3: quovis tempore Maria merebatur, & majora gratiæ incrementa capiebat. Cujus unius vita cunctas illustrat Ecclesias. Tu, inquit Rupertus. Lib. 4. in Cantic: virtutum operatrix, ac totius Sanctæ Magistra Religionis, qualem nunquam oculus vidit, qualis ab initio quando Eva facta est non fuit, nec est, nec erit, in cogitationibus suis, in verbis suis, in factis suis, in omni odore suavitatis, in omni flore, & fructu honoris & honestatis. Erant, ait Gregorius Nicomed. Mariæ mores incomparabiles, & agenda vitæ ratio composita virtutibus. Quid rogo vitij, inquit Petrus Damian. Serm. 3. de Nativ. Mariæ: in ejus mente, vel corpore vendicare sibi potuit locum, quæ ad instar Cœli, plenitudini totius Divinitatis meruit esse sacrarium? Sed omnium loco concludat. S. Ambros. Lib. 2. de Virg: qui de hoc animato Vase in hunc modum loquitur. Talis fuit



fuit Maria, ut ejus unius vita, omnium sit disciplina, si igitur Auctor non displicet, opus probemus, ut quicumque sibi Virginis exoptat præmium, imitetur exemplum. ita ille. Et tu quid? placet forte etiam audire S. Bonav. in Stimulo Div. amor. c. 7: audi igitur simpliciter, sed nervosè loquentem. Matrem Dei servus Dei, tanquam bonus & devotus filius in omnibus pro posse studeat imitari. Hoc semper habeat pro regula generali, ut Virginis Mariæ semper vestigia imitetur, cujus appetit suffragia postulare, & certò sciat, se si modò imitetur, ei honorem tanquam Matri veraciter exhibere, & ipsam eum tanquam suum Filium veraciter adjuturam, & quæ dignè ab ea petierit, illi daturam, & in omnibus necessarijs ad salutem ministraturam. Credis hæc Seraphico Doctore? accurre ergo ocyùs ad hoc Vas insigne devotionis, precibus sanctisque suspirijs subvertetur, decidet è Cœlo in terras; nam refert Ioannes Eusebius in lib. de affectu erga Virginem C. 21. Cum in quadam Domo Probationis Societatis Iesu. Novitij orationi vacarent, quendam Dei famulum vidisse Beatissimam Virginem, se in medios ipsos immittere, singulisque divinum nectar è poculo quod secum attulerat propinare. O posses



posses & tu ex hoc poculo, ex hoc Vase devotionis ambrosiam cœlestem degustare! ut degustes, instantè ora, sed devotè. Vndè Virgo quædam, quæ ut refertur in Spec. exempl: tit: Salutatio Angel: exempl: 7: Psalterium quotidie quidem, hoc est ter quinquagenas Angelicarum salutationum recitabat, sed cum exiguo sensu ac gustu, à B. Virgine audivit plus sibi placituram, libentiusque admissuram salutationum istarum tertiam partem, quæ ordinarium conficit rosarium, dummodò majori religione, accurationeq; persolvatur. O si persolveres!

## STIMVLVS SECVNDVS.

**C**onsidera 2. Annon vel ex hoc capite, Vas insigne devotionis appellanda Maria, quia amorì divino jam ab ipsis vitæ suæ rudimentis intenta: nam in primo creationis & conceptionis suæ instanti, amore supernaturali amavit Deum, tanto ardore atque intensione, ut quemvis etiam sanctissimum Angelum eo superârit; amor hic nunquam in tota vita fuit interruptus, ut docet Vasquez. 1. p. d. 118. Cap. ult. Suarez rem sanè prodigiosam asserit, dum ait, amorem Virginis erga Deum ita crevisse,

R r

viffe,



visse, ut is actus qui primum sequebatur, duplo ef-  
 set illo intensior, & isto tertius quadruplo, & hoc  
 quartus octuplo, & sic deinceps per totam Virginis  
 vitam. Mariam inquit S. Ildephonsus, Serm. 1. de  
 Assumpt: velut ignis ferrum, Spiritus Sanctus to-  
 tam decoxit, incanduit, & ignivit, ita ut in eâ Spi-  
 ritus Sancti flamma tantum videatur, nec sentiatur  
 nisi tantum ignis amoris Dei: ita ille. Et licet negent  
 Theologi, sine speciali gratia Dei in hac mortali vi-  
 ta adimpleri posse præceptum de diligendo ex toto  
 corde, totâ animâ, ac virtute, injurij erunt in Ma-  
 riam, si negarint præceptum hoc ab ipsa fuisse im-  
 pletum, quæ adimplevit illud plenissimè, Christum  
 amando, nec illo tantum appetiativo, sed & inten-  
 sivo amore Filium Deum supra omnes res, dilexit.  
 Sodalis Mariane, quid hac devotione illustrius? quid  
 præstantius? nam si linguis hominum loquaris &  
 Angelorum: 1. Cor. 13: charitatem autem non  
 habeas, nihiles. Vis aliquid esse? ama, clama cum  
 Alphonso Rodriquez. IESVS MARIA: dulcissimi  
 amores mei, patiar pro vobis, moriar pro vobis.  
 Et ne è Schola Nominalium recens prodijisse videar-  
 ris, hoc est verba amare, & non facta, perge auda-  
 cior, ubi ubi occasio se se obtulerit aliquid patien-  
 di,



di: nam B. Virgo Beatæ Margarethæ nobilissimæ  
 stirpis fœminæ, ut refertur lib. 3. de V. illustr. Do-  
 minic. Anno 1464. apparens dixit. Ille solus meus  
 & Filij mei servus est, qui semper paratus est tan-  
 tum pati, quantum homo moribundus. Christus  
 verò dans ei tria spicula in manum, addidit. Elige  
 unum horum: in primo autem scriptum erat aureis  
 literis. MERÆ INIVRIÆ: in secundo: MERÆ IN-  
 FIRMITATES: in tertio: MERA VERBERA AB HO-  
 STIBVS: cui illa à B. Virgine jam animata. O Do-  
 mine, inquit, si vis concede omnia. Tum Christus.  
 Accipe- & cum his vires, ut fortiter pugnes. O sic  
 pugnaremus omnes! ô pateremur aliquid! Si com-  
 patimur, & conglorificabimur, Rom. 8. Si com-  
 morimur, convivemus. 2. Timoth. 2. Si commu-  
 nicaverimus Christi passionibus, in revelatione ejus  
 gloriæ gaudebimus exultantes, 1. Pet. 4. Si fueri-  
 mus Socij passionum, etiam & consolationis eri-  
 mus, 2. Cor. 1. Quin etiamnum in cœlo pati opta-  
 ret Xaverius, ut ipsemet Patri Mastrillo apparens  
 asseruit, nisi status illius condicio ex Dei voluntate  
 obstaret. Et tu pati timebis amore IESV ET MA-  
 RIÆ?

R r 2

STI-



## STIMVLVS TERTIVS.

**C**onsidera 3. Quâ devotione, quâ pietate non repleremur, si vel semel, non jam per speculum in ænigmate, sed facie ad faciem conspiceremus illum, cujus sola visio Beatos reddit Coelites. Subsume. Atqui sic est, Mariam adhuc in terris degentem, non semel sed sæpius Deum vidisse. Conclude. Ergo ingenti devotione plena fuit Maria, Vas verè insigne devotionis. Sæpius autem Mariam vidisse Dei essentiam, affirmant doctissimi Viri. Mendoza ait, vidisse illam, & in sua Conceptione, & in sua Nativitate. Vidit illam in Incarnatione, ita D. Antoninus. D. Bernardinus Senensis, & alij. Vidit in Filij partu, ut cum alijs sentit Vbertinus Cassalius, Lib. 1. Arboris vitæ, Cap. 9. Vidit illam Resurrectionis tempore, quando Christus ipsi comparuit, ita credit Villa Nova Archiepiscopus Valentinus in Sermone de resurrect: Quid? illa sola in vita vidit essentiam Dei, & nullus alius, ita sentit Valsquez 1. part. d. 55. & 56: imò quidam asserunt, visionem Dei fuisse perennem Mariæ. O privilegium excellentissimum! ô gratiam præstantissimam! Tu qui hac gratiâ nequaquam frueris in terra,



terra, saltem ut fruaris in Coelis, nunc per speculum in ænigmate Deum continuò intueri, juxta illud Davidis, Psal. 15. Providebam Dominum in conspectu meo semper, quoniam à dextris est mihi. Quod si dictis S. Brigittæ in Revelat. Lib. 4. Cap: 70: fidem adhibes, ubi ait. Christum dum esset in hac vita, suo aspectu adeò consolari consuevisse eos, qui eum intuebantur, ut qui aliquâ tristitiâ tenerentur, dicerent, eamus, & Filium Mariæ videamus, ut saltem eo tempore à tristitia relevemur; si inquâ verbis ejus fidem adhibes, ad Christum accurre, mentis oculis contemplare, sed non extra gremium Mariæ, ut cum devoto Mendoza in Virid. Lib. 2. problem: 2. occinere possis.

*Vbera me Matris, Nati me Vulnera pascunt,  
Scilicet hac animi sunt medicina mei.  
Quis sine lacte precor, vel quis sine sanguine vivat?  
Lacte tuo Genitrix, sanguine Natè tuo?  
Sit lac pro ambrosia, suavi pro nectare Sanguis.  
Sic me perpetuum Vulnus & Vber alit.*

### STIMVLVS QVARTVS.

**C**onsidera. 4 Nonnullas in particulari vir-  
R r 3 tutes



tutes ac devotiones, quæ in hoc animato Vase, velut pretiosæ gemmæ resplendebant. Primò. Omnia Sacramenta, Ordinem si excipias & Pœnitentiam, suscepit devotissima Maria. Baptismum à Christo, ut sentit Euthymius in Cap. 3. Ioan: non quidem ut à macula originali quâ carebat, mundaretur, sed quia baptismus ad reliqua Sacramenta janua est ut docent Theologi. Confirmationem, die Pentecostes in Apostolorum Societate. Eucharistiam quotidie; & qualibet communione ex meritis passionis Christi, verisimile est, ut notat in Matre dolorosa. Lib. 1. Cap. 13. P. Caspar Tausch; majus augmentum gratiæ illam accepisse, quam omnes homines ab initio Ecclesiæ, usque ad finem in omnibus simul sumptis, quod ejus insigni dispositioni adscribe. Matrimonium cum Iosepho, tunc nedum quidē fuit Sacramentum. Extremam denique unctionem, tum in gratiæ augmentum sibi, tum nobis in exemplum suscepit Maria. Secundò ante Verbi Divini in terras aduentum, ut refert S. Brigitta, illud in votis habebat maximè, ut præsentis Messiæ tempore vivere, & ejus Augustæ Matri aliquando posset ancillari. Teste S. Mechtilde, ex Patriarchis & Prophetis nullus unquam ardentiore venturi Messiæ deside-



desiderio, quàm Maria flagravìt. Tertiò post Christi in cœlos reditum, quotidie Sacro Missæ Sacrificio intererat, quod à Divo Ioanne, vel alio quopiam Sacerdote ipsi celebrabatur. ita Suarez & alij. Quartò ante Christum natum, ipso nato, eo mortuo, pro quibus non radiabat virtutibus, velut tot splendidissimis adamantibus, hoc Vas insigne devotionis! Et quidem si sacris credis Oraculis, radiabat PRUDENTIA. Cogitabat qualis esset ista salutatio: radiabat CASTITATE. Quomodo fieri istud, quoniam Virum non cognosco: radiabat HUMILITATE. Ecce Ancilla Domini: radiabat OBEDIENTIA. Fiat mihi secundum verbum tuum: radiabat CHARITATE. Exurgens Maria abiit in montana: radiabat GRATITVDINE. Magnificat anima mea Dominum: radiabat PAUPER TATE. Reclinavit eum in præsepio, quia non erat ei locus in divensorio: radiabat PATIENTIA. Ecce Pater tuus & ego dolentes quære bamus te: radiabat MISERICORDIA. Vinum non habent: radiabat CONSTANTIA. Stabat iuxta crucem Iesu Mater eius. Denique quid de Maria nedum natâ narret S. Bernardinus Senens: Serm. 61. tom. 1. art. 3. Cap. 3: audi, & obstupescè. Ad tantam, inquit, contemplatio-



plationem sublimata est Virgo, ut perfectius etiam in ventre Matris contemplaretur Deum, quam unquam fuit contemplatus aliquis in perfecta ætate, magisque in contemplatione Dei excessit dormiendo, quam aliquis vigilando, sicut ipsa. Cant. 5. testatur. Ego dormio & cor meum vigilat. Et tom. 2. serm: 51. art. 1. C. 2. Licet, inquit, in utero Matris dormiret, attamen somnus qui abyssat & sepe lit in nobis rationis & arbitrij actus, & per consequens actum merendi, non credo quod talia in Virgine fuerit operatus, sed anima ejus liberè ac meritorio actu tunc tendebat in Deum, undè illo tempore erat perfectior contemplatrix, quam unquam fuerit aliquis alius dum vigilavit. Anima Christiana quid tu ad hæc? non advertis Mariam esse illud Vas de quo S. Paulus Epist. ad Timoth. C. 2. n. 21. Vas in honorem sanctificatum & utile Domino, ad omne opus bonum paratum. Ah si sapis, omni honore hoc Vas prosequere. Vas hoc tibi sit in delicijs, sit continuò in mensâ. De hoc Vase, ede, bibe, comede; O si comederes! ô si biberes! tibi fortè contingeret, quod de B. Thaclavareto Indo Martyre, D. Dominici Religioso, legitur in Hist. de Viris illustrib. Bis ei apparuit Maria, tradiditq; una vice  
 vas



vas argenteum suavissimo liquore plenum; aliâ, aureum, coeleste quoddam manna continens, dumque ille de vase argenteo biberet, repente ei infusa est utriusque testamenti cognitio, & eorum omnium quæ alijs ad eorum salutem tradenda sunt: dum vero ad aureum labra admooveret, incredibilem percepit suavitatem, ac eodem momento omnium eorum scientiam est consecutus, quæ ad vitam futuram spectant, viditque Beatos in gloria. O millies felicem! qui spretis omnibus mundi poculis, aureis, argenteis, crySTALLINIS &c. de hoc duntaxat Vase devotionis bibit, hauritque. Bibite Charissimi & inebriamini. Quidni hauriatis inde salutem à Domino?

## MEMENTO UT DIEM SABBATI SANCTIFICES.

**M**odum suggerit, B. Ambrosius Sanse donius, de quo Ann. Domin. Ille quot hebdomadis die Matri Virgini dicato, quinque pauperes hospitio excipiebat. Modum suggerit Familia illa, cujus meminit Drexel. Eleem. p. 2. Cap. 4. Hæc lac omne, quod Sabbato à pecore toto excipiebat,



bat, in pauperum usus effundebat. O si scires!  
 O si in hoc Vas insignie devotionis reponeres, Sab-  
 batis maximè, vel modicum lactis, panis &c. ut e-  
 gentium necessitati succurras! Quidni tibi aliquan-  
 do contingeret, quod S. Liduinae, quæ Mariæ im-  
 perio in Paradisum rapta, ibidem conspexit elemo-  
 synas quas famelicis distribuerat. Heus avare, ne-  
 dum lapis? audi ergò, & contremisce ad verba illa  
 Euangelij. Stulte hac nocte animam tuam repetent  
 à te, quæ autem parasti, cujus erunt?

## CAPUT VIGESIMVM SEXTVM. ROSA MYSTICA.

*Eva spina fuit, Maria Rosa extitit, Eva spina  
 vulnerando, Maria Rosa omnium affectus mulcendo.*

*Eva spina inficiens omnibus mortem. Maria Rosa reddens  
 salutem. S. Bernardus Serm. de B. Maria.*

### STIMVLVS PRIMVS.

Con-





**C**onsidera. I. Decorem, venu-  
 statem, ac gratiam hujus Rosæ my-  
 sticæ, sic Mariam compellat Ecclesia.  
 Hujus Rosæ Martyrum, sic eam vo-  
 cat S. Bonav. in Spec. lect. 2. Hujus Rosæ præluci-  
 dæ, sic eam nominat S. Gertrudis. Hujus siue albi-  
 cantis, siue rubricantis Rosæ, de qua S. Bernardus  
 serm. de B. V. Maria inquit. Rosa fuit candida per  
 virginitatem, rubicunda per charitatem, candida  
 virtutem sectando, rubicunda vitia calcando, can-  
 dida affectum purificando, rubicunda actum carna-  
 lem mortificando, candida Deum diligendo, rubi-  
 cunda proximo compatiendo. Perpende nonnulla  
 quæ de rosæ pulchritudine ac dignitate prostant en-  
 comia. Rosa est florum pyropus. Hortorum pur-  
 pura. Odorum Sapphirus. Aprilis oculus. Veris  
 phœnix. Naturæ pompa. Rosa ut testatur Sappho  
 apud Achillem Tacium, est florum Regina, terræ  
 ornamentum, plantarum decus, oculus florum, pra-  
 ti rubor, pulchritudo coruscans, terræ risus. Rosa  
 florum Rex est, nam ut ibidem Leucippe. Si Re-  
 gem, inquit, floribus constituere Iupiter voluisset,  
 non alium certè quam rosam tali honore dignatus  
 fuisset.



fuiſſet. Anacreon Poëta de roſa cecinit.

*Rosa flos odorq; Divum.*

*Hominum roſa eſt voluptas,*

*Decus illa gratiarum.*

Denique ut Cornelius in Acta Apoſt: C. 12. v. 13. notat, ſi quis omnibus laudibus ſit cumulatus, roſa nuncupatur. Quare appoſitè S. Hermannus, vulgò Joſeph dictus, videns quadam vice Mariam, eamq; non agnoſcens ex facie, ſed ex voce, ait ad ipſam. Tune es inquit ô Roſa? ſic enim ex nimia familiaritate, ſuppreſſo nomine, illam ſolitus erat appellare. S. Hieronymus Lib. 2. Epist. 15. de puella laudatiſſima. Univerſa, inquit, propinquitas, roſam ex ſe natam gaudeat. Gaude & tu ô Chriſtiane, gaude ô Sodalis Mariane, ex eadem radice, te pulluſſe, quâ hæc Roſa myſtica, ſed dole ſimul te ſpinam eſſe, illam verò Roſam. Geme inſtar turturis gemebundæ, & cum Adamo de S. Victore ſapius occine, ſed lachrymans.

*Salve Verbi ſacra Parens,*

*Flos de ſpina, ſpina carens*

*Flos ſpineti gloria.*

*Nos ſpinetum, nos peccati*

*Spina, ſumus cruentati,*

*Sed tu ſpina nescias,*

O Ro-



O Rosam mollissimam! O Rosam absque Spinis!

*Et velut in spinis, mollis rosa, surgit acutis.*

*Nil quod ladat habet, matremque obscurat bonore.*

*Sic Eva de stirpe, sacra veniente Maria.*

*Virginis antiquae facinus, nova Virgo piavit.*

Ita Sedulius Lib. 2. Paschal. de miracul. Christi.

O Christiane! utinam hanc Rosam tecum continuo deferres! instar Ludovici XI. Galliae Regis, qui Mariae imaginem ordinariè in galero gestabat. Utinam imitareris S. Gertrudem in precatiuncula illa, quâ ipsa Dei Matrem salutabat! Ave candidum lilium, fulgidæ, semperque immotæ Trinitatis, Rosæque prælucida calicæ amænitate, de qua nasci, & cujus lacte pasci, Rex Cœlorum voluit, divinis influxionibus animos nostros irriga, ac cœlesti cibo pascere. Imitare B. Hermannum Ioseph, devotissimum Virginis famulum, imò sponsum, hic Mariam Rosam suam nuncupare solebat; nec sine causâ: nam quadam vice ab eâ visitatus, & cœlesti consolatione perfusus, vidit ab illa per cubiculum suum spargi per plures fragrantissimi odoris rosas, quas ipse reverenter colligens, pretioso in calice collocavit. O rosas pretiosiores illis, pro quibus Cleopatra, ut observat Cornelius à Lapide, in Cap. 2. Li-



bri Sap. in opiparo suo convivio, talentum expendit, hoc est sex millia coronatorum Francicorum, cum per omnia discumbentium triclinia, foliorum passim acervi, cubiti mensurâ pavimenti undeque extarent. Tu si sapis Rosam mysticam omnibus floribus præferas, eam gesta in pectore, gesta in corde. B. Margareta à Castro, è Divi Dominici Sacro Ordine, devota Mariæ filia, à morte reperta est, cum pretioso lapillo in corde, in quo sculpta fuit effigies Virginis, aureo diademate cinctæ. Fortène ut adumbraret Rosam mysticam Mariam?

## STIMVLVS SECVNDVS.

**C**onsidera. 2. Vtilitatem & commoda quæ secum afferat Rosa. Indorum Magi ut refert Pier. Lib. 55. hiero: C. 8: rosam tanti fecêre, ut eâ uterentur ad conciliandos Principum animos, oleoque rosaceo superstitiosè faciem obungebant, quoties aliquem Principem adirent. Testatur Cornelius à Lapide. in lib. Sap. Cap. 2. rosas & coronas ex rosis à temperantibus adhiberi convivijs, tum odoris causâ, tum ut suâ frigiditate resistent ebrietati, præsertim dum suo halitû suavi, poros aperiant,



periunt, per quos vapores vini expirent, ne cerebrum grauent. Vnde non immeritò Horatius. Non defint epulis rosæ: est enim in cibis ac medicinis sana æquæ ac sapida rosa, ex qua aqua vulgò rosacea distillatur, quæ aciem oculorum clarificat, & dolores mitigat. Plutarchus lib. 3. docet. Rosas mirificè cor, cerebrumque recreare, habereq; vim astringendi, ac ea quæ caput gravant, odore suo reprimendi. Rosa scarabæum è stercore cui incubat sordentem & foetentem odore suo necat, ut advertit Cornelius à Lapide, in Eccl. Cap. 24. Verùm quid hæc ad Rosam mysticam Mariam? cujus odor longè suavior ac nobilior. Certè suavissimum odorem emittens, apparuit olim Maria Regi cuidam Manomotapæ: imò S. Hermannus, quoties supplex nomen ejus venerabatur, totus divinis odoribus perfundebatur. Quarè meritò ad illam, orat. 1. de Nativ: Damascenus ait. O Rosa, quæ ex spinis, hoc est ludæis orta es, ac divinâ fragrantia cuncta perfudisti. Meritò S. Bernardus, serm. 4. de Assump. Mariæ. Digna planè, inquit, quam respiceret Dominus, cujus decorem concupisceret Rex, cujus odore suavissimo ab æterno illo paterni sinus attraheretur accubitu. Meritò Rupertus, Lib. 7. de Divin.

Offic.



Offic. cap. 25. Et quo in vertice montium tantum myrrhæ, id est mortificationis, cum thuris, id est piæ orationis odoribus inveniri potuit, quantum in hujus Beatæ Virginis anima. De eadem B. Cyrillus Alexand. Orat. contra Nestorium. Hæc est, ait, per quam Angeli lætantur, per quam dæmones fugantur, per quam universa creatura, ad veritatis cognitionem perducta est, per quam mortui exsuscitantur. De eadem Metrista.

*Sicut spina rosam, genuit Judea Mariam.*

*Ut vitium virtus, operiret gratia culpam.*

O quoties illam operit Maria! ô quoties à peccati lue præservat! proh quoties Rosa hæc mystica nos non sanat! illa cor recreat, mentem refrigerat, oculos purificat, &c. Vtinam etiam omnium linguas solvat in laudes suas! nobisque contingat quod juveni illi, de quo Cæsar Franciot. in Hist. Lucana. Refert ille juvenem quendam mutum post moenia Urbis Lucensis in Etruria, mense Ianuario, quando omnia ferè pruinâ rigeabant, reperisse inter tesqua rosam, eamque decerptam, Patri cum porrigeret, ex muto vocalem factum, beneficio rosæ illius loqui cæpisse, quæ ad conspectum Mariæ nata; erat enim è regione in pariete Urbico depicta puerum Iesum



Iesum, in ulnis gestans Deipara, cui apud Lucenses nomen à Rosa. O Rosam salutiferam Mariam! ô Rosam ab omnibus expetendam! Quod si Iulianus Medices, amplissimus Italiae Princeps, pro symbolo rosam sibi vendicavit, rosam videlicet in manu depictam, tu quoq; rosam tibi vendica, sed cum hac epigraphe. ROSA MEA MARIA. At vide ea apud te floreat, verificeturque illud Leonis XI. Pontificis, qui in insignibus rosam gestabat, cum hoc lemmate. SIC FLORVI.

### STIMVLVS TERTIVS.

**C**onsidera. 3. Rosam, sed non absque spinis. Surrexerat, inquit S. Ambrosius lib. 3. Hexa: C. 11. antè floribus immixta teneris, sine spinis rosa, & pulcherrimus flos, sine ulla fraude vernabat, postea spina sepsit gratiam floris. Symposius autem Poëta hoc ænigmate exornat rosam.

*Purpura sum terræ pulchro perfusa rubore,*

*Septaq; ne violer, telis defensor acutis.*

Gratosè S. Basil. Epist. 8. ad Liban. Rosarum amatoribus natura minutas illas spinas, quasi quædam amatoria illectamenta isti flori adfixit, ut stimulis

T t

illis,



illis, ægrè contactum admittentibus, ad majus desiderium colligentes provocet. Ita est. Sed pro dolor! Rosa est Maria, nam ait S. Bernardus in deprecatione ad B. V. Ipsa est viola humilitatis, liliū castitatis, rosa charitatis; & hanc tu refugies metu spinarum? rosa spinis caruit mundo nascente, ut testatur Basiliius, aut ubi jam dic amabo, rosam absque spinis reperies? nec illis caruit Rosa mystica, non quidem septa ijs, in quas aliquando animadvertit Deus, sed potius quas olim deprædicet Cœlum. Audi Angelum, spinas ejus explicantem, qui sic locutus est S. Brigittæ de B. Virgine, S. 16. Angelico. Congruè hæc Virgo nuncupari potest florens Rosa, nam sicut rosa crescere solet inter spinas, ita hæc Venerabilis Virgo in hoc mundo crevit inter tribulationes. Et quemadmodum quantò rosa in crescendo se plus dilatat, tantò fortior, & acutior spina efficitur, ita & hæc electissima Rosa Maria, quantò plus ætate crescebat, tantò fortiorum tribulationum spinis acutiùs pungebatur. Cùm autem ad illam ætatem ipsa pervenit, quâ Filius Dei factus fuit Filius suus, tunc plenissima illa Rosa in sua pulchritudine magis dilatari ac crescere videbatur, ac tribulationum spinæ ipsam acriter stimulantes fortiores & acui-



& acutiores quotidie efficiebantur. Audis hæc Christiane? audis hæc Sodalis Mariane? fatere ergo spinis vallatam & hanc Rosam mysticam Mariam, cui corporis afflictio nequaquam defuit, illa enim est usa corporis mortificationibus, ut putat Suarez. cum S. Thoma 3. p. q. 27. a. 3. & Bonav. in 3. dist. 3. q. 2. puta jejunijs, vigilijs &c. Nam cum Christus, ut asserunt aliqui, præter jejunia, vigilijs, in orando pernoctationes, humi cubationes, etiam cilicio & flagris carnem suam sanctissimam afflixerit, idque Suarez tomo 2. disp. 28. S. 3. nec indecens, nec incredibile esse dicat, cur nolumus etiam pientissimæ ejus Matri aliquas mortificationes concedere? quin imò ut refert noster Ioannes Eusebius Nierenbergius, in suo Libro de affectu erga Mariam, Cap. 15. S. Gregorius Turonensis à B. Virgine doctus est, ex quo templum trimula ingressa fuerit, nunquam ipsam aut cilicium posuisse, aut in lecto cubuisse. O Rosam inter spinas! ô spinas non absque Rosâ! frustra itaque extra spinas rosam quærimus. Rosas sed in hyeme frigidâ dedit Theophilo, Virgo & Martyr S. Dorothea, ut est in ejus vita. Rosam ex ore emittere, sed moriens visus est S. Ludovicus Caroli II. Siciliæ Regis



genitus, ut leges in vita, 19. Aug. apud Ribaden.  
 Rosula quidem vocatur Virgo illa, de qua die 14.  
 Septemb: Roman. martyrol. sed martyr est. Rho-  
 de, sive quod idem est Rosa, de qua in Act. Apost.  
 Cap. 12. v. 13. Rosulia quidem dicta, sed pro fide  
 cum alijs martyribus passa est in Sardinia in perse-  
 cutione Trajani. Virgo illa Franciscana, cujus sa-  
 crum corpus integrum & flexile, quod proinde ve-  
 stiri se finit, Viterbij propè Urbem Romam, hono-  
 rificè asservatur, de nomine Rosa nuncupata fuit,  
 sed non absque spinis & vepribus, virtutum comi-  
 tibus pullulavit in terris. Quod si magis placet Ro-  
 salia, decus Siciliae, totiusque Italiae ornamentum,  
 perpende hanc Rosam, non in paterno palatio, sed  
 in Erctæ montis specu repertam, quam humor fri-  
 gidi loci nativus circumfluens, ac temporis diutur-  
 nitate congelatus, eidem crystallinam velut arcu-  
 lam, pellucidumque velut sarcophagum confor-  
 mavit, ut non tam in sepulchro jacens Rosalia vide-  
 retur, quam lucens in crystallo rosa. Ecce Rosam:  
 sed inter spinas, sed inter aculeos, sed in spelunca,  
 ubi hæc verba lapidi inscripta à Rosalia legisses. Ego  
 Rosalia, Sinibaldi Quisquinæ & Rosarum Domini  
 filia, amore Domini mei Iesu Christi, in hoc antro  
 habita-



habitare decrevi. O Rosas pulcherrimas! ô Rosas  
 sed inter spinas fragrantissimas! unde observant  
 nonnulli, rosam fragrantiolem reddi si juxta allium  
 ponatur. Cerne igitur Christiane Rosas, sed simul  
 spinas. Cerne & disce, rosam nullibi reperiri absq;  
 spinis; & tamen, ô cœcitatē tuam! credis à te  
 decerpi posse Rosam mysticam, quin à spinis & a-  
 culeis pungaris. Ah falleris profectò, pungēris qui-  
 dem, sed mox sanaberis. Audax ergò manum exten-  
 de ad Rosam mysticam, sanguinem elicient spinæ,  
 sed decerpta Rosa, vulnere medebitur. Testis sit  
 S. Ioannes Damascenus, cui ob honorem Maria-  
 num, qua scriptis, qua eloquio defensum, amputa-  
 tam manum, restituit ad eundem usum Rosa my-  
 stica Maria.

### STIMVLVS QVARTVS.

**C**onsidera. 4. Celebrem illam Romano-  
 rum Pontificum consuetudinem, qui Domi-  
 nicâ Latere, rosam auream consecrant, eamq; Re-  
 giniis plerumq; transmittunt. Huc facit Gregorij  
 XIII. pietas, qui donum hoc Lauretanæ Reginae,  
 mundi q; universi Imperatrici Mariæ liberaliter



transmisit, ut adnotavit Tursell. Lib. 5. O tu quod  
 que dono acciperes hanc Rosam mysticam! Olim  
 Gratijs sacram fuisse rosam, Auctor est Pausanias,  
 Lib. 6: ô tibi æquè grata sacraque esset Rosa mysti-  
 ca! Rosà musas coronari solitas Sappho notat. ô te  
 pariter coronaret olim Rosa MARIA! Lucretius  
 Lib. 2. de Idæa Matre denso rosarum jactu ab om-  
 nibus petita, ita canit.

*Ninguntq; rosarum.*

*Floribus, umbrantes matrem comitumq; catervas.*  
 O sic tu Dei Matrem rosas, sive rosarijs consperge-  
 res! quæ adeò ei chara, ut ad extinguendam hære-  
 sim Albigenisium, ipsius monitu rosarium institui-  
 se scribatur S. Dominicus. Adeò hoc placet Virgi-  
 ni, ut Alano à Rupe Britannia Dominicano appa-  
 rens, munus rosarium prædicandi demandârit. Il-  
 lud quam execrandum sit dæmoni, vel hinc collige,  
 Injecto in obsessæ puellæ collum rosario, clamat il-  
 le, tollite rosarium, quia collum mihi abscindit,  
 Litt. Japon. anni 1596. Quantæ verò utilitatis  
 sit, crede Bertrando Dominicano, qui illud quoti-  
 diè recitabat, secum semper deferebat, etiam noctu  
 è collo pendens gestabat, cujus ope in Indijs ægros  
 multos sanavit, peccatores convertit, mortuos su-  
 scita-



scitavit. Novit rosarij virtutem, magnus ille magni  
 Ignatij Loyolæ filius, Thomas Saillus è Soc: Iesu,  
 qui licet tot annis castra sequeretur, multos juxta se  
 cadentes videret, ipse tamen absque vulnere ambu-  
 lavit intrepidus, id Mariano rosario adscribens,  
 quod quoties ad arma proclamatum erat, balthei  
 instar ab humero per transversum pectus obtende-  
 bat. O generosum militem! ô Heroem invincibi-  
 lem! quid timeat ille, qui quot globis Marianis, tot  
 quasi scutis, bellicisque tormentis instructus ince-  
 dit? Dum Alanus ab ingenti hæreticorum multi-  
 tudine esset circumdatus, visa fuit Maria, ut refert  
 Albertus Castellanus Venetus, 150. lapides in ho-  
 stes jacere, maximâ eorum strage, sicque ille victor  
 evasit. Cur similem victoriam non speret, cui 150.  
 globuli Mariani è cingulo, aut collo pendent? cui  
 militat æther? Audi quisquis victorias ambis, &  
 triumphos. Vincere si vis, rosarium gesta. Splen-  
 dere si optas, rosaria tracta. Certè post obitum Ala-  
 ni Dominicani, os & manus recitandi rosarij instru-  
 menta, velut chrystallus collucebant, ut adnotavit  
 citatus Albertus Castell. Quod si magis odorum  
 amans, inter odores deliciari cupis, rosarium crebrò  
 attingito, quod assidue manibus tractans B. Cæcilia  
 Domi-



Dominicana, factum est, ut ab ejus obitu, manus illæ, quendam rosarum odorem aspirarent. Ah quidni rosas redoleant manus illæ, quæ rosarijs tractandis assuetæ? quidni totus redoleas, si vel mente recogites hanc Rosam mysticam? Surius Virgini Deiparæ tom. 2. Apr. 7. benè accommodat illud quod de Iosia est scriptum Eccl. 49. Memoria Iosia in compositionem odoris facta opus pigmentarij. Verè inquit dixerim, memoriam Mariæ, in compositione factam opus pigmentarij redolens quasi flos rosarum in diebus vernis, & quasi lilia, quæ sunt in transitu aquæ, & quasi thus in odorem suavitatis. Miraris Sodalis Mariane, ex ore cujusdam Religiosi jam defuncti, prodijisse miraculosè rosam, in qua scriptum erat, MARIA? mirari desine, quinimò ut idem tibi contingat, quo affectu potes & obsequio, ubique prosequere Rosam mysticam MARIAM.

## MEMENTO UT DIEM SABBATI SANCTIFICES.

**N**E quæso sub rosâ teneas, silentio vegetas, quod in Rosæ mysticæ redundat encomia. Iuvenis ne turpi quodam peccato Sabbatum  
conta



contaminet, abstinet ob Deiparæ honorem; quo  
foeliciter mortuo ac sepulto, Beatissima Virgo cui-  
dam comparens, ita fatur. Rosam super sepulchrum  
vernantem reperies, in superficie cuius radix de ore  
sepulti pullulat in visceribus terræ. O prodigium!  
Quis non ex illo ore, spinas quondam expectasset  
potius, quàm rosam! Tu ne mortuus spinas feras,  
vivis honora, Sabbatis maximè ROSAM MYSTI-  
CAM MARIAM.

## C A P U T VIGESIMVM SEPTIMUM: TURRIS DAVIDICA.

*Fuit B. Virgo Turris in aspectu amabilis, statu-  
ra fortis, ac diabolo terribilis & inaccessibilis.*

Rupertus in Cant: C. 7.



### STIMVLVS PRIMVS.

Considera. I. Turrim illam Da-  
vidicam, quam ipse in monte Sion  
extruxit, quæ arcendis procul ho-

V v

stibus



stibus serviebat, fuitque in refugium & securitatem Civibus. Vide annon Turris Davidica Maria, à Cœlesti Davide, in supremâ Sion erecta, in mortalium omnium tutamen atque asylum. Merito ergo à Sancto Damasceno in hymn. Fidelium Turris consalutatur. Salve Turris fidelium, salve omnium lætitia. Merito à S. Ignatio Martyre, munitissimum in bello versantibus propugnaculum vocatur: à S. Ephræm. Vallum Fidelium: à S. Bernardo, omnibus Firmamenti firmitus Firmamentum. Richard. à S. Laur. Lib. II. de Laud. Virg. hæc habet. Turris fortissima nomen Dominæ, ad ipsam fugiet peccator, & liberabitur, hæc defendit quoslibet, & quantumlibet peccatores. Theodoretus in Cantica, & ex hoc Hailgrimus Cardinalis ita scribit. Hanc Turrim B. Virginem, Christus in Ecclesia erexit, ut esset peccatoribus refugium & munimen: propugnacula ejus sunt virtutes, & gratiæ, dignitates & prærogativæ: clypei, exempla virtutum, per quas resistitur contra tentationum insultus, ut prudentia, fortitudo temperantia. &c. S. Bernardus Serm. 4. super Salve Regina. Tu ô Virgo, inquit. Turris es ædificata cum propugnaculis suis, hostes tui non parùm formidabant, nè fortè tu es-

ses,



ses, quæ eras, per quam expugnandi erant, & dam-  
nandi, propter quod & terribilis eis fuisti, ut castro-  
rum acies ordinata. Tu si voces Turrim cum pro-  
pugnaculis ædificatam, ex qua pendent mille cly-  
pei, & omnis armatura fortium, adversus Principes  
& Potestates, & adversus mundi Rectores tenebra-  
rum harum, nil à vero aberrasti. O te felicem si in  
periculis ad hanc Turrim accurras! ait enim Hail-  
grinus. B. Virgo est Turris, ad quam in omni pe-  
riculo confugiunt miseri. Et Eusebius in sermone.  
Nullum ibi tonitruum inquit ipse, aut tempestas,  
nulla coruscatio, nullum fulmen ferire potest, ubi  
Mariæ aliqualis memoria fulminescit. Audi Ri-  
chardum à Sancto Victore. super Cant. cap. 26.  
Virgo, tenebrarum principibus terribilis fuit, ut ad  
eam accedere non præsumpserint, deterrebat enim  
eos flamma charitatis, incendebant orationes, stu-  
pebant immunem à peccatis. Audi Idiotam. Lib.  
Contempl. Cap. 5. Tantæ virtutis & excellentiæ  
est tuum sanctissimum nomen Beatissima Virgo,  
quod ad invocationem ipsius, Cælum ridet, terra  
lætatur, Angeli congaudent, dæmones contremi-  
scunt, & infernus conturbatur: ita ille. Audi S.  
Gertrudem eximix sanctitatis fœminam. Lib. 6. Re-



vel. C. 21. Quamvis avis prædatrix adinstar diabolus animam Christianā celeri volatu insequens, jam jam prædæ immineat, ac ungues fatales exerat, ut miseram dilaceret, si tamen mentio fiat Mariæ, cogitur prædam deferere. Hæc ipsa. Audi denique ipsum Deum Patrem, ad Seraphicam Catharinam Senensem loquentem. Matri Vnigeniti Filij mei Mariæ datum est à bonitate mea, ut propter incarnati Verbi reverentiam, quicumque etiam peccator ad eam debitā cum veneratione recurrit, nullo modo rapiatur à dæmone. Blossius in monili. O verba solatij plena! ô verba quæ pedibus nectant alas, quibus ad hanc Turrim evoles! Et nedum volas? ne dum curris? proh saltem ito. saltem in periculis clamato. Succurre, succurre Maria. Si enim teste Salomone. Proverb: 18. n. 10. Turris fortissima nomen Domini, putas non erit, Turris fortissima nomen aut invocatio Mariæ? Invoca igitur Mariam, invoca in dubijs, invoca in prosperis & adversis. Pete audacter ab illa quidquid magis cordi arriserit, imò ne petas, nisi ut suadet Anselm. Nescit homo, inquit ille, quid oret, aut quomodo oret. Tu pro nobis ora Mater Dei, quæ, quid, & quomodo nobis petendum sit nosti.



## STIMVLVS SECVNDVS.

**C**ONSIDERA. 2. Eminentiam & altitudinem  
 Chujus Turris Davidicæ, de qua D. Epiph. ait.  
 Solo Deo excepto, cunctis superior existis. De qua  
 dicit Andreas Cretenfis Archiepiscopus Hierosol.  
 Excepto Deo solo, es omnibus altior. De qua Idio-  
 ta. Nemo æqualis est tibi, nemo major te, nisi Deus.  
 De qua Damascenus. Maria res omnes creatas ex-  
 cellit. De qua S. Chrysostomus. Ecquid in rerum  
 universitate queat hac majus ac sublimius inveniri?  
 sola hæc cælum & terram amplitudine superavit.  
 De qua S. Petrus Damian. Serm. de Assump. Vir-  
 go inter animas Sanctorum & Angelorum choros  
 supereminens & evecta, merita singulorū & omni-  
 um titulos antecedit. Cui consonat illud Germani  
 Patriarchæ Constantinopolitani ad Ioannem Synâ-  
 don Episcopum, hæc scribentis. Verè ac propriè  
 veri Dei Matrem veneramur, & magnificamus, &  
 quavis visibili & invisibili creaturâ superiorem re-  
 putamus. Concludat S. Gregorius Magnus, qui  
 affirmat, Mariam meritorum verticem, supra om-  
 nes Angelorum choros usque ad solium Deitatis  
 erexisse: imò B. Hieronymus asserit. Virgo inquit,



singularis, & Virgo regalis, à proprio Filio suo ad  
 thronum Dei vehitur, & in ipsa sede Trinitatis col-  
 locatur. Sodalis Mariane, procide sæpius in die, an-  
 te hoc Dei & Mariæ solium: imitare Beatam Ma-  
 riam Ogniacensem, quæ aliquando per diem & no-  
 ctem, millies & centies flectens genua, salutabat Vir-  
 ginem, dumque in terra prostratus fueris, dic ei  
 confidenter cum S. Bernardo. Per te accessum ha-  
 beamus ad Filium, ô Benedicta inventrix gratiæ,  
 genitrix vitæ, Mater salutis, ut per te suscipiat nos,  
 qui per te datus est nobis. Dic ei cum Ecclesia. Au-  
 di nos, nam te Filius nihil negans, honorat. Dicei  
 cum Germano. in Serm. de Zona B. V. Si tu nos  
 deserueris, quidnam de nobis fiet, ô Sanctissima  
 Deipara? quomodo enim corpus nostrum vitalis  
 signum operationis habet respirationem, ita etiam  
 sanctissimum tuum nomen Virgo beatissima, quod  
 in ore fervorum tuorum versatur assidue in omni  
 tempore, loco & modo, vitæ & auxiliij, non, solum  
 est signum, sed ea etiam procurat, & conciliat.  
 Hæc ille.

### STIMVLVS TERTIVS.

Confidera. 3. Quo nisu, quâ defatigatione  
 & ascen-



& ascensu opus sit, priusquam altissimam quam-  
 piam turrim conscendas, quare procerto tibi per-  
 suadeas, nec te ad hanc mysticam Davidis Turrim  
 unquam perventurum, absque labore & sudore.  
 O sudorem mille votis exoptandum! mille & mil-  
 le laboribus exprimendum! adest enim sudanti-  
 bus, adest laborantibus Maria. Nonne adfuit  
 Religiosis illis, quibus in messorio opere disten-  
 tis, sudorem de fronte linteolis abstersit? (ex Hist.  
 Cisterciens.) Nonne adfuit Patri Martino de Al-  
 berro, in domesticis sordibus everrendis & col-  
 ligendis occupato? cui aspiciendam se præbuit, &  
 in opere hoc abjecto versantem laudavit, dulciter-  
 que gratias egit. (ex Ioan. Euseb. Nieremberg. de  
 B. V. C. 22.) Nonne ad laborem ipsamet hortari  
 voluit Angelū de Paz Minoritam, cui cum man-  
 dasset Sixtus V. Summus Pontifex, in quatuor Eu-  
 angelistas Commentarium conscriberet, eidem An-  
 gelo apparuit Maria, & ut initium commentationi  
 daret, suasit. (Chron. 14. L. 10) Eja ergo quisquis  
 Mariæ placere cupis, labores sedulò aggredere, ad  
 ardua manum animosè extende, & ut ad hanc Tur-  
 rim aliquando pervenias, scalas intrepidè conscen-  
 de, sed virtutum, jam castitatis, jam humilitatis,  
 jam



jam obedientiæ, jam reverentiæ, jam amoris, jam  
 patientiæ &c. Ascensiones in corde tuo dispone, de  
 virtute in virtutem progredere. Sequere præeun-  
 tem Beat. Gabrielem Anconitanum Minoritam,  
 (Chron Min. L. 4. C. 22.) quem frequentissimè  
 Deipara invisit, huic nullum exercitium, nulla oc-  
 cupatio sapiebat magis, quam meditari, loqui,  
 prædicare sanctitatem Mariæ. Sequere præeuntem  
 Franciscum Retzam, è D. Dominici Familia, qui  
 non tantum tria ingentia volumina in laudem Sum-  
 mæ Virginis, super gratiosum illud. Salve Regina.  
 composuit, sed etiam inter studendum, quoties à  
 libro ad librum, vel de loco ad locum transiret, eam  
 Angelicis verbis salutabat. Sequere præeuntem Io-  
 sephum Anchietam qui licet inter Brasilos, sævos &  
 crudeles hostes, tamen Mariæ laudes carmine ele-  
 giaco commentus est, ad quod poliendum ac perfi-  
 ciendum, cum ab hoste liber esset, redijt, illudq; in  
 bis mille octoginta sex disticha extendit. Sequere  
 denique eos qui in honorem Virginis jam hæc, jam  
 illa munia obeunt, jam huic, jam illi labori lauda-  
 biliter sese impendunt, nullibi quieti, ubique inge-  
 minantes. Plus ultra. Neque frivolum illam inge-  
 ras excusationem, expedire magis orationi vacare,  
 quam



quam varijs laboribus, distrahi. Audi Mariam hunc ipsum errorem omnes dedocentem, quando S. Hermannum Iosephum tristiores, quod munijs alijs distractus, precibus vacare non posset, monuit ipsa, plus apud Superos sollicita in alios studia, quam quieta inter preces suspiria mereri. Huc quoque facit illud quod legitur in 3. parte Chron. S. Francisci Lib. 6. Cap. 31. F. Thomas Capponus nobilis Florentinus, Ordinis Minorum, cum propter occupationes, quibus, ministrans Fratribus, distentus fuerat, solitas preces antequam cibum sumeret, recitare non potuisset, eas tamen ne negligeret, in templum ad Aram B. V. Annunciatae, illas recitaturus se contulit, verum ex Deiparae imagine vox ad eum facta est, quâ jubebatur ad mensam cum alijs accedere, & post cibum, precum pensum persolvere. Disce hinc Anima fidelis, quàm verum sit tritum illud axioma. Voluntas pro facto accipitur.

### STIMVLVS QVARTVS.

**C**onsidera 4. Quàm multa beneficio Turris videant mortales, non tantum ea quæ nobis viciniora, sed etiam quæ remota & dissita. O quot beneficio mysticæ hujus nostræ Turris, mira con-



spexere! Vidit Albertus Magnus, quod supremo ante mortem triennio, rerum omnium ignarus esset futurus, idipsum ei Maria referente. Vidit S. Philippus Neri periculum quod suis imminebat, dum enim lignum cui tectum ædiculæ superponebatur, in qua à Patribus Oratorij Sacra fiebant, altera ex parte totum extra murum, fulciente nemine staret, conspexit ille noctu Deiparam, suis illud manibus sustentantem, ex quo præsentissimam ejus opem in tanto discrimine agnovit, statimque à fabricæ tectum illud ne spontè corruens aliquem opprimeret, demoliendum curavit. Vidit Iosephus Anchieta, mortem quam barbari Brasili ei minabantur, sibi nil nocituram, cumque se jactarent tali & tali die ejus carnibus se saturandos, non ita erit, respondit ipse, nondum venit hora mea: postmodum ab eo sollicitatus nonnemo, quâ tandem spe fretus, id tam constanter affirmaret? Matris inquit Dei, promisso nixus, quo certus eram mihi vitam non eripiendam, nisi quæ de ejus encomijs inchoâram absolverem. Beatæ Angelæ à Fulignio Deus revelavit, id ei precibus Deiparæ concessum, ut nunquam in visis & revelationibus, quibus quidem frequenter illustrabatur, falleretur, qualescumque demum



demum essent. O cœcitatem nostram! ergò nos soli cœci, nos soli erravimus à via veritatis, & Sol justitiæ non illuxit nobis! Ah denuò redeundum ad hanc Turrim. Perquam inquit S. Bonav. in Spec. Cap. 3. multi in nocte hujus sæculi illuminati sunt spiritualiter, sicut quandoque Filij Israël per columnam ignis, illuminati sunt corporaliter, juxta illud Psalmi. Deduxit eos in nube &c. Quod si ut benè notat Cornelius à Lapide, columna similis est turri, imò revera subindè est turris, quales Romæ sunt columnæ Trajani & Antonini Imperatorum: ah properandum ad hanc Turrim, ad hanc Marianam columnam, nam ut loc. cit. loquitur S. Bonav. Maria nobis est columna nubis, quia tanquam nubes protegit ab æstu divinæ indignationis, protegit ab æstu diabolicæ tentationis. Maria quoque columna ignis est illuminans nos, imò illuminans mundum multis misericordiæ suæ beneficijs. Hæc Bonav. Concludat Damianus, qui hanc animatam Turrim alloquens ait. Summa gloria est post Deum te videre, adhærere tibi, & in tuæ protectionis munimine demorari.



# MEMENTO UT DIEM SAB- BATI SANCTIFICES.

**S**Ede prius & quiesce, quisquis com-  
modius ad hanc Turrim optas pertingere. Hen-  
ricus II. Anglorum Rex, singulis Sabbatis, ab horâ  
nonâ, in proximam feriam secundam, iustitium An-  
glis imperavit, teste Rogerio in Annal. Anglorum.  
O Sabbatinam quietem, vel à bestiis disceres, si non  
ab hominibus! refert enim Adrichomius in descri-  
ptione terræ sanctæ, hortum quendam balsami, eo  
fonticulo irrigari, in quo olim adhuc in terris pere-  
grina Virgo suum lavit Iesulum, & quia toti horto  
non sufficeret, aliunde à bobus aquam trahi, qui ta-  
men à meridie Sabbati, usque ad auroram diei Lu-  
næ, nullo verberare possunt impelli, in aquâ protra-  
hendâ laborent. Quiesce & tu Sabbatis, sed ideò,  
ut totus cogitans Mariam, ad eam aliquando glo-  
riosius ascendas.



CAPVT



AB.  
om-  
Hen-  
o horâ  
m An-  
orum.  
si non  
descri-  
ai, eo  
père-  
horto  
ui ta-  
i Lu-  
otra-  
deò,  
glo-  
colls  
erb  
en

CAPUT  
VIGESIMVM  
OCTAVVM.  
TVRRIS EBVRNEA.

*Maria singularem præ omnibus Electis inue-  
nit gratiam, ut ex ebore corporis ejus, thronum sibi  
virtus Altissimi excinderet gloriosum. Guericus in  
serm: de Annunc. &c.*

STIMVLVS PRIMVS.



**C**onsidera. I. Quid candidius,  
quid purius, quid nitidius Turri hac  
Eburneâ. Quæ vel Angelica, inquit  
S. Bernardus, Serm. 4. de Assump:  
B. V. puritas Virginitati illi audeat comparari, quæ  
digna fuit Spiritus Sancti sacrarium fieri, & habita-  
culum Filij Dei. Quarè meritò à Richardo. Lib. 2.  
de Emmanuele. Cap. 26. dictum est. Nemo tam  
sanctus qui maculam non habuerit, & defectum,  
præter Mariam. Quò spectat Anselmi sententia,



de excellentia B.V. Cap. 3: qui asserit. Castissimum corpus, & sanctissimam animam ejus, funditus ab omni fuisse maculâ peccati protectam. Albertus Magnus gravissimus Pater & Theologus pronunciat, dicens. Sanctissima est caro B. V: quæ nunquam admisit aliquid sanctitati contrarium, omnes alij Sancti admiserunt. Vnde rectè à Richardo Victorino Lib. 2. de Emmanuale Cap. 31. notatum est. Cæteris Sanctis, inquit ipse, in communi præcipitur, ut in mortali corpore peccata non regnent, soli isti singulariter datur, ut mortale corpus ejus non inhabitent. O felicitatem Mariæ! ô candorem ineffabilem Turris hujus veræ eburneæ! verè puræ, verè nitidæ, quæ nequidem ullam vel levis culpæ maculam unquam contraxit, ut de fide est. Habes Anima fidelis in quo Mariam imiteris. Si candidam virginitatem adamas, ecce tibi Virgo occurrit, de qua Honorius. Hæc prima inter mulieres, meruit Virgo summæ prolis fecunditatem. Si donis cœlestibus vis repleti, ecce via, virginitatem amplectere, Deus enim nulli uberiora. ut testatur Ambrosius, quam virginitati deputavit munera. Quid loquor, ait idem Ambrosius, quanta sit virginitatis gloria, quæ meruit à Christo eligi ut esset etiam corpora-



porale Dei templum, in qua corporaliter, ut legimus, habitavit plenitudo Divinitatis. Si beatitudine donari cupis, fac quod fecit Maria. Quæ quia, ait Beda, prima foëminarum tantæ se virtuti (loquitur de virginitate) mancipare curavit, jure singulari præ cæteris foëminis beatitate meruit excellere. Vis à Deo quidquid libuerit obtinere, vestigia Conradi ni à Brixia Dominicanæ sequere, qui ut tentationi carnis resisteret, flagellis usque ad sanguinem postquam semel se cecidisset, conspexit Mariam, ad quæ illa in hæc ferè verba. Iam pridem agnovi fili dilectissime, quo adversus me sis animo, & quanta cum diligentia illibatum servare niteris virginitatis florem. Noveris ergo, te nihil à Filio meo postulaturum, quod non sis impetraturus, quod ut verè tibi à me dictum constet, en tibi confero donum castitatis, cujus desiderio tantoperè semper arsisisti. Denique ut Mariam in vita & morte propitiam experiaris, omnem peccati cujuscunque labem fuge, vel hoc argumento territus. Dum Sancta Coleta preces ad Deiparam pro peccatoribus funderet, B. Matrem cum lance, carnis quasi infantis recens occisi frustis plenâ, sibi adstantem conspexit, audiitque dicentem. Quæ vis ut pro illis intercedam, qui peccatis



catis suis Filium meum, quantum quidem ipsi possunt, ita ut hîc vides, in frustra discerpunt. Surius tom. 7. Cap. 29. ejus vitæ. Ah Christiane, noli amplius peccatis Filium Mariæ discerpere, quin imò tentatione exsurgente, potius carnem tuam flagris scinde, scribe in carne adhuc virgine, sed sanguine & disciplinâ. Malo mori quam fœdari,

## STIMVLVS SECVNDVS.

**C**onsidera. 2. Quàm grata, jucundaq. aspectui sint ea, quæ ex candidissimo ebore affabre elaborata cernimus: quàm facile oculos manusque ad se pellicere, imò animos ipsos in sui desiderium non tam inclinare, quàm rapere possint. Verùm quid hæc ad Turrim Eburneam? quid umbra ad Solem? quid nox ad diem? quid nihilum ad ens præstantissimum? Ah cedant omnia mundi totius ebora Turri Eburnæ. Cedat ei thronus ille augustus Salomonis ex ebore, 2. Paral. 9. 17. Cedat integra illa Domus ex ebore, quam Achab ædificasse scribitur, 3. Reg. 23. 39. Cedant antiqua illa gentium Tempia, quæ ebore ornabantur, ut patet ex Tullio. 4. in Verrem. Nil pulchrius, nil speciosius  
Turri



Turri eburneâ Maria, in cuius amorem ut totus exardescas, audi Nazianzenum in Tragædia, Christus patiens.

*Eheu pudicas inter & pulcherrimas,*

*Atq; venerandas, prima Virgo eadem & Parens*

*Maria. — Et rursum :*

*O Virgo, formæ quæ nitore cæteras*

*Prais &c:*

Audi Epiphanium de illa dicentem. Formosior es ipsis Cherubim, & Seraphim, & omni exercitu Angelico. Audi Andream Cretensem. Orat: de dorm. Deiparam sic alloquentem. Eximia pulchritudo à Deo sculpta statua rectè descripta vivi Archetypi imago. Audi Damascenum, distinctè simul & gratiosè describentem hanc ipsam eburneam, animatamque Turrim Mariam. Oculi tui, inquit ad eam semper ad Dominum, perenne atque inaccessum lumen intuentes. Aures divinum sermonem audiunt, ac spiritus citharâ oblectantur, per quas Verbum carnem assumpturum ingressum est. Nares unguentorum sponsi odore deliniuntur. Porro labia tibi sunt Dominum laudantia, ipsiusque labris adhærentia. Lingua & fauces Dei verba discernentes, ac divina suavitate ad satietatem usque fruentes.



Cor purum ac labis expers, Deum spurcitie omni  
 carentem cernens, ipsiusque cupiditate flagrans,  
 Venter in quo habitavit is qui nullo loco capi po-  
 test. Lactis ubera, quæ Deum puerum Iesum alue-  
 runt. Manus Deum gestantes & genua. (thronus  
 Cherubinis sublimior) quorum ope atque adju-  
 mento, manus languentes, ac genua dissoluta, ro-  
 bur contraxerunt. Pedes Dei lege, tanquam lucer-  
 nâ deducti, ac post eam irretorto cursu properantes,  
 quoadusque amatum ad amantem pertraxerunt.  
 Hæc Damasc. Serm. de Nativ. Addit Guilielmus.  
 Si per eburneam turrim exempla Sanctorum illo-  
 rum, Abrahæ, Isaac, Iacob, Davidis, & cæterorum  
 significantur, sanè Deiparam verissimè talem voca-  
 ri, quæ multò sublimius cæteris, ex ebore illo anti-  
 quo Turrim fortitudinis cunctis hostibus tremen-  
 dam extruxit: quippè antiquorum virtutes in suis  
 moribus non modò perfectè expressit, verùm etiam  
 in eisdem virtutibus superexcellenti gratiâ modum  
 antiquorum longè excessit, vicitq; singulos, non  
 tantùm in alijs, sed & in præcipuis eorum. Abra-  
 ham in obedientia. Moysen in mansuetudine. Da-  
 vid in humilitate. &c. ita ille. O stupendam hujus  
 Turris pulchritudinem! O sæpius in hanc Turrim  
 oculos



oculos tuos conjiceres! quæ gaudia, quæ solatia,  
 quas voluptates non experireris! Sit tibi stimulo  
 Lucia Narniënsis, è D. Dominici Familia, hæc enim  
 quinque duntaxat annos nata, dum fixis oculis ico-  
 nem Deiparæ intueretur, ipsa ad eam. Vis inquit,  
 tradam tibi Filiolum meum? annuente illâ, verè ex  
 sinu Matris acceptum, domum attulit, totosque  
 tres dies retinuit, quo tempore imago illa Christi  
 effigie caruit.

### STIMVLVS TERTIVS.

**C**onsidera. 3. Cur hæc mystica Turris ebori  
 potius quam alteri materiæ comparetur? Ebur  
 os est elephantis, qui præterquam quod sit anima-  
 lium castissimus, etiam omnium ferarum est mitis-  
 simus, placidissimus; adeò fortis ut etiam turres, &  
 in ijs militum acies dorso vectet; adeò humanus, ut  
 unus alterum salutet; adeò sociabilis, ut gregatim  
 incedat; adeò obediens, ut Heri sui dictis pareat;  
 adeò justus, ut de homine adultero & adultera pœ-  
 namumat; adeò viduus, ut mortuâ primâ, secun-  
 dam non admittat; adeò docilis & reverens, ut Re-  
 gem adorare discat. Denique naturalem cum dra-



cone inimicitiam habere fertur. Perpende quænam ex ijs dotibus maximè convenient Mariæ, in ultimam tamen attentius oculos fige, videlicet inimicitias inter illam & draconem infernalem, juxta illud Genes. 3. Inimicitias ponam inter te, & mulierem: juxta illud Apocal. 12. Iratus est draco in mulierem. Et quidni capitali odio aversetur dæmon Mariam, quæ ex Bonaventura in Spec. B. Virginis Cap. 3. est virga virtutis contra inimicos infernales, quibus magnâ virtute dominatur. sic ille. Quidni odio canino prosequatur Mariam, quæ ex Petro Dam. Serm. de Assump: est virga illa, quâ retunduntur impetus adversantium dæmoniorum, virga Aaron per quam fiunt signa & mirabilia. Quidni excretur Mariam, de qua Tho. de Villan. Archiepisc. Valent, in Serm. 1. de Assumpt. ita scribit. Ecce castellum fortissimum, ecce Turrim inexpugnabilem, quæ nunquam diabolo præstitit tributum aut fidem. De qua Hailgrinus asserit. B. Virginem Turrim eburneam appellari, propter castitatis candorem, cum valdè castum animal sit elephas, & propter firmitatem ac constantiam, atque propter pugnam perpetuam sicut cum dracone habet elephas. Intuere utriusque partis conflictus & certa-



certamina. Ille è medio tollere conatur vel ipsum  
 etiam Virginis nomen, nostramque in eam pieta-  
 tem: hinc Patri Balthasari Alvarez è Soc: Iesu, ad-  
 huc Tyroni apparens, suasit, si à tentatione liber es-  
 se velit, devotionem in Mariam omitteret. Maria  
 è contrario conatus elidit, vincitq;. Cui inquit Ber-  
 nardus, hom. 2. super missus, hæc servata victoria  
 nisi Mariæ? ipsa procul dubio caput contrivit vene-  
 natum, quæ omnimodam maligni suggestionem,  
 tam de carnis illecebrâ, quàm de mentis superbiâ  
 deduxit ad nihilum. Et post pauca. Hanc require-  
 bat Salomon cum vehementer admirans dicebat.  
 Mulierem fortem quis inveniet? & ita videbatur  
 congruere, ut qui vicerat per foeminam, vinceretur  
 per ipsam. Hæc Bernardus. Et dic amabò, nonne  
 victus recessit, quando annis quatuor supra decem  
 in specie famuli, cuidam servivit, eum strangulatu-  
 rus, quâ die consuetudinem recitandi Angelicam  
 salutationem interrupisset? Dic amabo, quàm fa-  
 cile victus & victi? Audi. Dum 15. millia dæmo-  
 num quendam insedissent, gloriosus S. Dominicus  
 singulos de populo hortatus, rosarium altâ voce re-  
 citarent, recitavit & ipse. O Victoriâ nobilem!  
 ad singulas Angelicas salutationes, visa fuit multitu-



do demonum ex obsessi corpore discedentium, & carbonis instar ardentium. Viden' ut vel ad sonitum Marianarum precum hostis profugiat? Inde prudenter collige quando sub dæmone militas (militas autem quoties gravius in Mariam peccas) quàm sub imbelle Duce, contra potentissimam Bellonam, totique inferno formidabilem præliari contendas: quare alloquens eam Bernardus, tomo 2. suorum operum, meritò ait. Tu terribilis ut castrorum acies ordinata, annon horruerunt principes tenebrarum, quando viderunt præter morem armaturâ omni fortiolem instructam contra se procedere foeminam, foeminam fortem, ad bellum doctissimam, cujus ensis super femur suum, in circuitu ejus acies valida spiritualium virtutum, suo se invicem ordine tuentium, timor & tremor super eos venerunt, ita quod dicerent. Ecce plus quam Eva hæc, castra Dei sunt hæc, fugiamus Israelem. Hæc Bernardus. Tu ne aliquando fugias Mariam, ocyus dæmonem ejura, ejusq; castra desere, ad Mariam accurre, & sanctiori juramento te ipsi obstringe; modum quæris? disce à Sanctæ Brigittæ pientissimo fratre, qui advertens se brevi moriturum, Templum summæ Virgini dicatum, adiit, ibique digito ima-



imaginis ejusdem, annulum quem gestabat pretiosum imposuit, dicens. Tu mihi Domina es, semperque fuisti carissima, super quo testem invoco Filium tuum, ideò me & animam meam, tuæ providentiæ do, dico, addico.

### STIMVLVS QVARTVS.

**C**onsidera. 4. Fundamentum hujus Eburneæ Turris. Mater Dei eligitur, ait Bernardus de Maria, hom. 4. super Missus: & ancillam se nominat. Quid hoc fundamento præstantius? In profunda, ait Simon Cassianus, se Virgo dejecit, quæ invitabatur ad alta, & à dominatu ad ancillatum animum convertit. Quid hoc fundamento pretiosius? Rupertus adaptans Mariæ illud Canticorum 4. Collum tuum sicut turris eburnea, per collum intelligit ejus humilitatem. Quid inquit, vel quale est collum tuum? utique non extensum, imò amabiliter demissum, & hæc est humilitas tua. Quid hoc fundamento solidius? Audi Christum ipsum, qui collum B. Virginis mysticè describit, S. Brigidæ L. 5. Revelat. in fine interrog. 390. Collum tuum est nobiliter erectum, & pulcherrimè elevatum, quia



quia iustitia animæ tuæ plenè est erecta ad me, & secundum velle meum mobilis, quia numquam inclinata fuit ad aliquod malum superbiæ: sicut enim collum curvatur in capite, sic omnis intentio, & operatio tua flectebatur ad voluntatem meam. Hæc ipse. O homo, hæc tu audis, & humilitatem Mariæ nedum sectaris? Humilitatem illa habuit, secundum Gregorium in Registro, innumerabilem, & tu ne unum gradum illius possidebis? De illâ ait Gregorius. Audeo dicere, quod Maria nequaquam Deum concepisset, nisi infimam humilitatem habuisset; & tu absq; humilitate arbitraris te posse spiritualiter in corde Deum concipere? Lege Bernardum super Missus est: ubi explicat virginitatem Mariæ & humilitatem, ut ad minimum in hac ipsam imiteris. Audis inquit Virginem, audis & humilem, si non potes virginitatem imitari, humilitatem saltem Virginis sequere. Teste eodem mellifluo Bernardo; per hanc magis quàm per virginitatem, meruit esse Mater Dei. Vnde quantumcunq; fuisset Virgo, nunquam tamen Deum concepisset, nisi humilitatem infimam habuisset. O humilitatem potentissimam! ô lapidem fundamentalem! pro quo non evexisti Virginem! Christus Filius  
ejus,



ejus, ut dicit Augustinus, in sermone qui est de Nativitate, ipsam super omnes cœlos exaltavit, quia se ita profundè super omnes Sanctos humiliavit. O Turrim altissimam! cuius cuspis transilit Cœlos, ad Trinitatis usq; solium pertingit. Meritò ergò advertit Chrysostomus in Sermone. Nemo construit celsitudinem bonorum operum & virtutis, nisi prius jactentur fundamenta humilitatis. & S. Augustinus Serm: 10. de Verb. Dom. Cogitas magnā fabricam construere? de fundamento prius cogita humilitatis.

## MEMENTO UT DIEM SAB- BATI SANCTIFICES.

**P**roh quid agitis rerum vanissimarum vanissimi spectatores! ergone oculos ludicris, inanibusq; spectaculis incassum atteretis? O si sapitis, oculos in sublime tollite, Turrim Eburneam sæpius inspicite, Sabbatis præsertim ad eam videndam accurrite, vel exemplo Ioannæ Ladislai Regis Sororis, quæ Sabbatis summā cum veneratione Templum Mariæ invisebat. Quid si Sabbato quopiam, Turrim hanc clarissimè intueri contin-



gat, & salutare aliquod monitum in eâ legere? Certe Sabbatho monialis quâdam regio genere, per quietem admonita fuisse à Deipara de Templo excitando, scribitur. Tu eburneæ huic Turri Templum excita, sed prius in corde.

## CAPUT VIGESIMVM NONVM.

### DOMUS AUREA.

*Spiritus Sanctus Mariam per Domum convenientissimè signavit, quam sibi Sapientia increata  
excellentiſsimè edificavit.*

Sanctus Bonaventura in Spec. Cap. 6.

### STIMVLVS PRIMVS.



Considera. I. Magnificentissimâ illam Domum, quam Rex Salomon 3. Regum. Cap. 7. fecisse scribitur filia Pharaonis. Verum quid illa ad hanc



hanc auream Domum MARIAM? de qua ad Deum Bernardus, Sermon. de Nativit. Hanc inquit, fecisti imaginem tuæ bonitatis, in ea velut artifex ostendis magisterium tuæ pietatis. De qua Ambrosius Libro de Virginibus. Quid nobilius Dei Matre, & quid splendidius eâ, quam splendor elegit. De qua Petrus Damian. Serm. de Annunc. ait. Cùm enim fecerit Deus omnia opera sua valde bona, hoc melius fecit, consecrans sibi in ea (loquitur de B. V.) reclinatorium aureum. Chrysostomus vocat eam animatum palatium Regis Angelorum, purum cubiculum ortûs Christi, incomprehensibilis naturæ amplissimum habitaculum. Georg. Nicomediensis Antistes, appellat eam Domum gloriosam. Ambrosius corporale Dei templum. Augustinus templum pudoris. Hieronymus Sacrarium Spiritus Sancti. Andreas Archiep: Hierosolimitanus, Cœlum, imò domicilium cœlo præstantius. Et quia ut docent Theologi, Sanctissimæ Trinitatis opera ad extra sunt indivisa, & conceptio Corporis Christi à tota Trinitate in utero Mariæ peracta, eâ de causâ Maria teste S. Thoma. Opusc. 8. dicitur totius Trinitatis nobile Triclinium, quo titulo eam compellat Bonaventura in



laude B. Virginis rhythmicâ, quæ in tom. 2. opusculorum habetur. Deniq; in Revel. S. Brigittæ in Serm. Angel. Cap. 5. vocatur Deipara microcosmos, seu minor mundus. Mundo, inquit, creato, adhuc unus minor mundus est Virgo Maria coram Deo cum omni venustate nondum creatus astabat, à quo major gloria Deo, & Angelis major lætitia, atque homini ejus bonitate frui volenti, major utilitas, quam de hoc majori mundo provenire debebat. Et infra Serm. ad Virg. dirigens. Florigeris inquit, ac fructiferis arboribus comparari possent opera tua, nam charitate ea factura eras, quod plus omnium florum pulchritudine & fructuum suavitate Deum, atq; Angelos delectare debebant: Deumque in te ante suam creationem plures virtutes prævidisse, quàm in omnibus herbarum, florum, arborum, fructuum, lapidum, gemmarum, seu metallorum generibus quæ inveniri possent in totius orbis amplitudine, unde mirum non est, si Deus in te, ô minor munde, qui adhuc creandus eras, magis delectabatur, quàm de hoc majori mundo. Hæc ibi. Anima Christiana, quid ergò extra hanc Domum auream, quid extra hoc templum, quid extra hunc mundum, quid extra hoc Cœlum quæ-



is? nam ut Bonav. in Spec. B. Virg. Cap. 6. ait. Quicquid post Deum pulchrius, quicquid dulcius, quicquid jucundius est in gloria, hoc Maria, hoc in Maria, hoc per Mariam est. Chrysostomus in Lyturgia, negat aliquid esse in tota rerum universitate, quod cum B. V. comparari queat. Quare merito exclamat Damascenus. O desiderabilis ac ter beata foemina! ô divinum simulacrum! ad quod opifex Deus inventus est. Serm. de Nativ. Illa est opus primum Dei, opus ut loquitur B. Petrus Damiani, Serm. de Nat. B. Virginis: quod solus opifex supergreditur. Cui consonat illud. 3. Regum, C. 10. Non est factum simile opus in universis Regnis, & confirmat Bonav. in Spec. Cap. 7. Præter assumptam inquit, à Verbo naturam, nullum est opus, nulla creatura, in qua tanta divinæ gloriæ materia reluceat, sicut in Maria. Anima mea, hanc Domum unice dilige, dic cum Davide, Ps. 25. Domine dilexi decorem domus tuæ.

## STIMVLVS SECVNDVS.

**C**onsidera. 2. Cur Beatissima Virgo non Domui simpliciter, sed cum addito, aureæ com-



paretur; si enim thronus Salomonis, 3. Regum, Cap. 10. auro fulvo nimis vestitus fuit. Si Alexander Macedo voluit Homeri opera, aureo scrinio in Darianâ prædâ reperto includerentur, tu hinc collige, quàm decens fuerit, etiam thronus cœlestis Salomonis, scrinium, imò Domus illa, in qua Verbum æterni Patris, ingens sanè opus, recondi debebat, constaret auro omnium præstantissimo. Aurum si Plinio credis, sui spectatores lætitiâ afficit, cuius rei ratio affertur, quia aurum aërem sibi proximum dulcorat, quo aëre alterato, & cor humanum alterari scribitur. Aurum vigiliæ amicum esse, patet ex Aristotele, qui Lib. problem. affirmat; ab auro naturaliter somnum fugari, quâ de causâ, ut ait Avicenna, ab infirmis auferri debet aurum, annuli quæ aurei, ut melius quiescant. O somnolente peccator, hora est jam de somno surgere, cave si in peccatis dormias ne in illis æternum obdormias. Cur ad hanc Auream Domum non properas, ut in eâ somnum omnem excutias? Certè Cisterciensem quendam ante Altare dormitantem, veste feriens, excitavit Maria & dixit. Non est hic locus dormiendi. O quoties lethargum mortiferi criminis excussit illa! ô quæ commoda! quæ beneficia ab hac

Domo



Domo aurea & tu reciperes, si modò velles. Audi Bernardum. Ipsa dico vobis charissimi, si piè à nobis pulsata fuerit, non deerit necessitati nostræ, quoniam misericors est, & Mater misericordiæ. Quod si Bernardi testimonio non credis, crede historiæ, quam verbis simplicissimis, refert Meffret, Sermones 37. literâ F. de quodam vanitatibus dedito, cui talis obtigit visio. Videbatur sibi quod in campo magno consisteret, & ibidem tempestas ingens super ipsum descenderet, qui dum à facie tempestatis fugeret, ad quandam domum pervenit, quam cum clausam invenisset, postulavit se in eam recipi, domus ostium pulsans; qui intus erat respondit. Ego sum IVSTITIA quæ hic habito, & hæc domus mea est, quia autem tu justus non es, mecum habitare non vales: ad cuius verba plurimum mærens abscessit, & aliam domum ultra illam conspiciens, venit ad ipsam, & pulsans ad ostium, se ibidem recipi postulabat, sed quæ intus hospita erat, inquit. Ego sum VERITAS, quæ hic habito, & hæc est domus mea, te autem hospitem non recipio, quia veritas non liberat eum, qui veritatem non amat. Indeque recedens, aliam iterum domum ultra illam perpexit, ad quam veniens, se similiter contra tem-

pesta-



pestatem recipi flagitavit, quæ intus erat ait. Ego sum PAX, quæ hic habito, non est autem pax impijs, sed tantum hominibus bonæ voluntatis, verum ego quidem cogito cogitationes pacis, & non afflictionis, utile consilium do tibi. Ultra me soror mea habitat, quæ miseris consilium præstat, ad hanc accede, consilium ejus & monita comple. Cum autem accessisset qui intus erat, dicit. Ego sum MISERICORDIA quæ hîc habito, si autem ab imminenti tempestate salvari vis, vade ad Mariam. O consilium, omnium consiliorum optimum! hoc sequere, & in quacunque necessitate confidenter ad hanc Domum auream accurre, quæ centrum est Mundi. Audi Richard. à S. Laur. Lib. 8. de Laud. Virg. Maria, ait, centrum mundi, quia ex omni parte Mundi omnes habent ad eam recurrere in omnibus suis necessitatibus, sicut omnes circumferentiæ recurrunt ad centrum.

### STIMVLVS TERTIVS.

**C**onsidera 3. Quàm benè huic Domui aureæ conveniat illud Regij Vatis. Psal: 111. Gloria & divitiæ in domo ejus, Deus enim gratiarum suarum



suarum thesauros in Maria recondidit. In manibus  
 tuis, ait Petrus Damianus ad illam, sunt thesauri  
 miserationum Domini. Non abs re Idiota de Con-  
 templ. Virginis, in proloquio eam vocat, Thesau-  
 rariam gratiarum Salvatoris. Andreas Cretensis,  
 Oratione in Salutationem Angelicam, vocat Ma-  
 riam, Thesaurum vitæ immortalis. Ab aliquibus  
 Ecclesiæ uber vocatur. Ab Ephræm. Paradisus de-  
 liciarum. A Bonav. Advocata Pauperum. Tu E-  
 leemosynariam Dei appella. Verùm quid agis?  
 cur occasione non uteris? cur ad hanc Dei eleemo-  
 synariam, ad hanc auream Domum, ad hanc ter-  
 ram promissionis, (sic eam vocat S. Bernardus.  
 Ser. 3. super Salve Reg. Ipsa inquit, est terra pro-  
 missionis lacte & melle manans,) non accurris? ut  
 hinc accipias quæ paupertati tuæ pernecessaria: ait  
 enim Richard. à S. Laur. L. 2. de Laud. Virg. part.  
 1. Serviendum Mariæ, quia pastum subministrat  
 famelicis, & potum sitientibus. Si panem mendi-  
 corum more quæris, ecce S. Alberto famenti, ut su-  
 pradiçtum, panis bucellam suis manibus dedit Ma-  
 ria. Si siti æstuas, ecce cuidam de quo Cartagena  
 ex Damiano. L. 6. Ep. 29: cum jam anima de cor-  
 pore mox migratura videretur, visibiliter astitit



Maria & sacri uberis papilla lac exprimens, ejus labijs instillavit, qui protinus convaluit. Si delicatio-  
 ra pro languente stomacho appetis, ecce Cisterci-  
 ensi cuidam de suo electuario impertijt Maria, de quo  
 tantum dulcedinis & devotionis concepit ille, ut  
 carnis commoda velut stercora reputaret. Cæf. L.  
 7. mirac. Quod si magis auro oblectaris, ecce, 12.  
 aureos, ut testatur Greg: Lib. 1, Dial. Cap. 9. per-  
 inde fulgentes quasi ex igne producti eadem horâ  
 fuissent, suppeditavit Maria. S. Bonifacio Ferentinæ  
 Civitatis Episcopo, nam dum eos inscio nepote,  
 ad quem spectabant, pauperibus erogasset, eosque  
 postea nepos sibi restitui importunè flagitaret, B.  
 Virginis Ecclesiam ingreditur Bonifacius, elevatis  
 manibus, extenso vestimento orat, ut ei redderet,  
 unde furentis nepotis insania mitigaretur: mirabi-  
 le dictu! repentè in veste dictos aureos reperit. O  
 Domum verè auream! ô Domum opulentissimâ!  
 simulq; liberalissimam! inebriabuntur ab ubertate  
 Domus tuæ ô Maria, & torrente voluptatis tuæ po-  
 tabis eos. Psal. 35: eos nimirum, qui velut mendi-  
 ci & pauperes ad te in suis necessitatibus accurrent:  
 eos, de quibus pronuncias illud. Beatus qui vigi-  
 lat ad fores meas quotidie, & observat ad postes  
 ostij



ostij mei. Proverb. 8: eos quorum oculi instar ancillæ in manibus Dominae suæ, hoc est, ad te continuo conversi, nam ut ait D. Bonaventura in speculo. Ancilla Dominae Mariæ, est quælibet anima fidelis illi devota, imò etiam Ecclesia universalis. Oculi hujus ancillæ in manibus Dominae suæ semper debent esse, quia oculi omnium nostrum ad manus Mariæ semper debent respicere, ut per manus ejus aliquid boni accipiamus. Neque dicas. Quid sperare possum ab illâ, à qua hucusque accepi nihil. Ah labia comprime blaspheme & desperate. Audi quid referat Iacobus Marcantius in suo Horto Past; qui hæc habet. Cuidam conquerenti, se in speciali Virginis obsequio plurimos annos contrivisse, nec tamen ob id speciale aliquod beneficium percepisse, apparuit B. V: & ingratitude exprobrans, respondit. Annon meministi tales amicos tuos infauftâ morte fuisse abreptos? nonne vidisti hos & illos (quos nominabat) vicinos tuos peste interijisse? illi quoque amicitia tibi devincti (quorum nomina exprimebat) nonne infortunijs talibus sunt obruti? imò verò ex illis multi æternis flammis sunt addicti. Cur ergo conquereris te nihil à me specialis beneficij accepisse? quare tu simili morte, vel in-



fortunio multatus non es? quis te protexit? nunquid misericors manus mea? amodò ergo desine conqueri, sed grato animo gratias refer Deo, qui per me tot eximit peccatis, totque periculis æternæ damnationis: imò ferventior in meo obsequio per-severa, cæterisque exemplo tuo calcar adjice. O solatia! ô beneficia! Sede die noctuve ad hanc Domum auream Christiane. Laicum illum Religiosum ex Ordine Minorum, nomine Paschalem imitare, qui singulari gaudio perfundebatur, si in Conventu, memoriæ Beatissimæ Virginis dicato habitaret. Chronic. L. 9. Æmulare S. Macarium Patriarcham, qui non nisi in crypta Mariæ dicata sepeliri voluit. Et verò ubi mollius? ubi honorificentius ossa nostra jacerent, quam in terra cultui Virginis sacrâ? quam penes Domum auream?

### STIMVLVS QVARTVS.

**C**onsidera. 4. Quanto in honore & æstimatione apud Deum & homines sit Domus illa quæ vulgò Lauretana dicitur, à Lauretâ nobilissimâ Matronâ, in cujus nemoribus consedit. Hujus Domus nomine, intellige cubicellum illud in quo Ma-



ria nata, atque nutrita; in quo Verbum Divinum incarnatum; ubi Christus mundi Salvator magna ex parte educatus; quod Anno 1291. Angelico ministerio, ex Galilea absque fundamentis translatum fuit in Dalmatiam, ingenti sanè terrarum marisque tractu, quippè id spatium patet amplius vicies centena passuum millia; dein in nemore; mox in colle fratrum, & tandem in viâ publicâ collocatum. An ut passim accurrerent undique mortales? sexus uterque? & omnis status? nam

*Non est in toto sanctior Orbe locus.*

Verùm quid lapidea Domus, ad hanc Domum auream? Nobilior hæc est illâ, multoque nobilior. Nobilior agro Damasceno, ibi enim homo de limo terræ. Gen. 2. hîc Deus homo factus de immaculata Virgine. Nobilior Paradiso terrestri, Gen. 2: ibi enim mulier de Viri latere, hîc Vir ex sanguine purissimo efformatus. Nobilior Arcâ Noë, Genes. 7. & 8: ibi enim pauci servati, hîc propemodum infiniti. Nobilior Abrahæ hospitio, ibi enim tres Angeli suscepti, Gen. 18. hîc Angelorum Rex. Nobilior templo Salomonis, 3. Reg. 8. ibi enim Deus præsens, sed hîc simul incarnatus adfuit. Nobilior Arcâ fœderis. Exod. 34. ibi enim tabulæ Legis as-



servabantur, hîc ipse Legislator. Nobilior denique ipsâ Cruce, ipsoq; Dei hominis sepulchro, ibi enim paucis horis mortuus jacuit Iesus, hîc verò novem mensibus placidissimè quievit vivus. Et tamen proh pudor! quàm rarò! quàm obiter hanc Domum auream veneraris! imò proh scelus! quàm sæpè eam dehonoras! Quod si divinitus pœnas dedere ij, qui vel lapidum, calcisq; particulas ex Lauretana Domo, etiam pietatis prætextu abstulère, putas te à pœna immunem fore, si quid etsi minimū honoris huic Auræ Domui subtraxeris? Turtellino crede, Lib. 3. Cap. 30. referenti. Quendam qui exiguum lapidem Laureto abstulerat, licet domi suæ omni honore cultuq; asservaret, tamen à Deo orbitate filiorum, amissione fortunarum omnium, morboq; vexatum, tandem Lauretanæ Virginis, cui mirè addictus erat, auxilium pariter & consiliū implorasse, nec mora, Deiparæ monitu discit, lapidem ex æde Lauretana sublatum, malorum quæ patiebatur esse causam, ideoq; restituendum, quibus perspectis, in lachrymas solvitur ille, audaciæ veniam precatur, depulsoq; morbo, alacer Lauretum pergit, & furtum restituit. Heus peccator, qui secutus es errantem, sequere jam pœnitentem.

Cave



Cave ampliùs existas injurius in hanc auream Domum, præ oculis versetur illud, quod Frossardus refert. Cùm in quodam templo Sanctissimæ Virgines miles aliquid furari tentaret, spontè campanas omnes sonuisse. O sonum fatalem! ô sonum corpori animæque noxium! Tu ne similem unquam audias, hanc Domum auream quo potes honore ac donis prosequere. Et si Paulus quidam solitarius, de quo Antonius Balinghem in Kalendario Virginis: abstinentiæ & sanctimonix miraculo venerabilis, vidit aliquando & non semel, plurimum labi de cælo ignem, flammamque longè lateque diffusam, instar ingentis cometæ, quæ domui Lauretanæ incumberet, & æquabili tectum ædis splendore operiret: ah tu cultu, & nunquam interruptis obsequijs, velut tot clarissimis luminaribus, illustra in terris hanc Domum Auream, ut tanto magis fulgeas olim in cælis, per amabilissimam reflexionem à Maria.

**MEMENTO UT DIEM SAB-  
BATI SANCTIFICES.**

**Q**uidni aurea Domus placeat, cui placet Maria? sed placeat etiam illud quod placuit



placuit Viro probo & pio de quo Sanct. Gregor. 4.  
Dial. Cap. 36. Hic quidquid in sutrinâ per hebdo-  
madam lucrabatur, Sabbato pauperibus erogabat,  
de quo alter per revelationem didicit, quod ejus  
domus aureis laterculis ædificabatur, in quâ con-  
structores operari videbantur, at solo Sabbati die.  
O Sabbatum! ô Domum auream! quis non inter  
utrumque nexus! Tu quotidie, Sabbato potissi-  
mum, vel duo minuta in gazophylacium injice, ut  
modico ære ingentis pretij compares Domum Au-  
ream Mariam.

## CAPUT TRIGESIMUM. FOEDERIS ARCA.

*Annon Maria testamenti Arca verissima,  
divinis manibus fabricata, auro vestita mundissimo,  
virtutum gemmis ornata, ac imputribilibus lignis spiritualiter fa-  
cta, testamenti tabulas, frondentem virgam, & suavisimum  
in se manna continuit? B. Laurent. Iustin. Serm.  
de Nativit. Virg.*

STI-



## STIMVLVS PRIMVS.



**C**onsidera. I. Cur multi Patrum hoc nomen arcę deferant Beatissimę Matri. Arcam veram eam nominat Ephrem. Arcam animatam Athanasius. Arcam pietatis & gratiæ, Bonaventura. Arcam sanctificationis, Georgius Nicomed. Vivam Dei Arcam Damascenus. Arcam Dominatoris, Chrysostomus. Armarium vitę, Chrysippus Presbyter Hierosolymitanus. Ita omninò, Arca est Maria. Arca pulcherrima. Arca simillima veteris testamenti arcę, in qua recondita fuere manna, virga & tabulę legis. Si manna quęras, an non manna panis ille Angelorum, factus cibus viatorum, qui in ea pluribus mensibus asservabatur? Arcę hujus mysticę, inquit B. Laurentius Iustin. Serm. de Nativ. Virg: gratiam contemplare, quę tale excepit munus, talemque genuit prolem, quę te corporis sui mannā reficeret, inebriaret cruore, passione redimeret, morte salvaret. sic ipse. Quod si virgam desideres, annon virga, ingens illud Marię robur ac potentia? quā percussus. Isa. 30. pavebit Assur, id est dæmon, sicut interpretatur S. Antoninus. Testis



sit vel dissoluta illa filia, quam dæmon rapere nite-  
 batur, ipsa verò ad Arcæ hujus virgam recurrit, in-  
 quiens, Virgo Maria adjuva me, & mox dulce illud.  
 Ave Maria gratia plena, &c: pronunciat; cui dæ-  
 mon, maledicta sit quæ hanc orationem te docuit,  
 quam si non dixisses, te ad inferni incendium traxis-  
 sem. Denique tabulas legis quidni invenias in hac  
 Arca, juxta illud. Lex Dei in corde ejus. Quod si in  
 antiquo testamento, in arca fœderis asservabantur  
 tabulæ legis, per quam Deus cum Iudæis fœdus pa-  
 cemque percusserat, & in ea testatum erat, quid ab  
 iisdem fieri vellet. Exod: 35: dic amabò, ubi me-  
 lius Dei voluntatem discas, quam ad hanc Arcam?  
 ubi sanctiorem legem quàm ex hac Arca? ubi cla-  
 rius percipies quæ tibi ad pacem, quàm per Ma-  
 trem Mariam? Audi fili mi, svadet Salomon, disci-  
 plinam Patris tui, & ne dimittas legem Matris tuæ,  
 ut addatur gratia capiti tuo, & torques collo tuo.  
 Proverb. Cap. 1. Auream catenam si ambis, in hac  
 etiam Arca latet. Si ad coronam aspiras, in hac quo-  
 que Arca asservatur. Hinc est quod Patris Micha-  
 elis à Fontibus, Societatis Iesu: animam à corpore  
 digressam, obvia Maria coronaverit, præsentibus  
 Sanctis, Petro, Ioanne, & Ignatio Fundatore. Bour-  
 ghesius



ghesius in Soc. B. V. sacrâ. O si hanc coronam cogitares, quoties opus aliquod difficile, & arduum aggredi debes, proh quâ jucunditate, quo gaudio illud non aggredereris! imò quid non tentares, quos labores non subires, si hanc ipsam Arculam, in qua tam pretiosæ res asservantur acquirere posses! Et quidni posses, si id olim potuit Beata Benevenuta Dominicana. Contendit hæc à Deo impetrare, dignaretur sibi ostendere Deiparam inter brachia S. Annæ, & quemadmodum ab ea lactaretur, & educaretur; nec frustra; ei quippè comparuit B. Anna Arculam hanc, Mariam scilicet, brachijs complectens. O felicitàtem Benevenutæ! Sanctissimam puellam de manu B. Annæ accipit, & incredibili animi voluptate eam horâ integrâ retinet. O horam omni horâ quâ huc usque viximus feliciorum! Proh Deum immortalem! quid non in unâ horâ extrahere liceret ex tam divite Arcâ!

## STIMVLVS SECVNDVS.

**C**onsidera. 2. Quàm aptè in Deiparam conveniant ea, quæ de arcâ fœderis, Exodi 25. legimus. Arca illa parva erat, instar cistæ quadratæ,



vel potius quadrangulæ. At quam parva in oculis  
 suis fuit Maria, quæ, ut loquitur Bernardus, se om-  
 nium exhibebat ancillam. Secundò. Erat arca illa  
 fabricata ex lignis Setim, quæ in Arabia desertis na-  
 scuntur, & quidem pulcherrima sunt & imputribi-  
 lia. At quid pulchrius Mariâ? quam fœminarum  
 pulcherrimam appellat Bonavent: cujus corpus ne-  
 quaquam corruptioni subjacuit, nam tertiâ post  
 obitum die, animæ iterum unitum, gloriosum mi-  
 gravit in Cœlum. Tertiò. Auro intus & foris tecta  
 erat arca. Ast Maria tota fulgida ardente charitate,  
 undè pulchrè Petrus Damianus. Virginis divinæ  
 charitas, ad cæterorum omnium Divorum charita-  
 tem collata, velut Sol est inter minora sydera. Quar-  
 tò. Arca illa supernè patebat, sed supra se habebat  
 propitiatorium quasi operculum, ex solido auro  
 confectum. At Maria charitatis & clementiæ auro  
 rutilans, tota est propitiatorium, Deum propitium  
 nobis reddens. Quare Methodius Orat. in hypa-  
 pantem, eam sic affatur. Tu propitiatorium, per  
 quod Deus humanam naturam indutus, mortali-  
 bus apparuit. S. Ephræm. Orat. de laudibus Virg:  
 ipsam propitiatorium universæ terræ vocat: & An-  
 dreas Cretensis Orat. 2. de dorm: commune pro-  
 pitia-



pitatorium, & commune reconciliatorium. Quintò. Duo Cherubini erant supra propitiatorium ar-  
cæ. At non duo Cherubini, sed Angelorum millia  
& millia assunt Mariæ, imò serviunt, juxta illud  
S. Bernardini. Omnes Angelici Spiritus sunt hujus  
gloriosæ Virginis ministri, atq; servi. Sextò. Ad la-  
tera utrinq; erant duo circuli aurei, per quos infere-  
bantur duo vectes aurei, quibus portabatur arca.  
At longè facilius à Spiritu Sancto movebatur Ma-  
ria, de qua S. Bernardinus. tom. 2. Sermone. § 1.  
art. 3. Cap. 2. Virgo inquit, semper habuit conti-  
nuum aspectum ad Dei beneplacitum, promptum-  
que consensum, semper gerebat in mente benepla-  
cita divina adimplere. Denique arca illa coronâ  
aureâ cingebatur. Sed quid hæc corona ad pretio-  
sissimam illam, quâ caput Mariæ coronatur in cœ-  
lis? Dignum, inquit Bernardus Serm. Signum  
magnum: planè stellis coronari caput, quod & ipsis  
longè clariùs micans, ornet eas potius, quàm orne-  
tur ab eis. Auro & stellis qui eam coronare nequis,  
saltem ut Reginam jam coronatam adora, & flexo  
poplite saluta, sæpius dicendo. Salve Regina &c.  
Putas hanc salutem ingratam fore Mariæ? falleris  
profectò, nam fœmina quædam pia & devota, cum



die quadam adesset canentibus è D. Dominici Familiâ Fratribus. SALVE REGINA: statim corporis se juncta à sensibus, vidit dum occinerent illud. SPES NOSTRA SALVE: delapsam Dei Matrem, canentes vultu blando resalutantem. Vidit dum occineret illud. EIA ERGO ADVOCATA NOSTRA: flectentem ante Filium genua, & pro canentibus orantem. Vidit dum dicerent. ILLOS TVOS MISERICORDES OCVLOS: mitissimè eos intuentem. Vidit denique dum canerent. ET IESVM BENEDICTVM &c: tanquam lactentem IESVM singulis ostendentem. O Iesum pretiosissimum thesaurum! quidni eum tibi sanctè viventi, suppeditet olim hæc Arca mystica MARIA?

### STIMVLVS TERTIVS.

**C**onsidera. 3. Bona & mala quæ olim ex Arcâ fœderis retulerint mortales, juxta sacrarum literarum testimonia. Miserè interijt Oza Sacerdos, temerè extendens manum ad arcam Dei, 2. Reg. 6. Et de Viris Bethsaminibus, eò quod vidissent arcam Domini. 1. Reg. 6: percussit Dominus de populo. 70. Viros, & 50. millia plebis. Gloriosè evertit ar-

ea



ca Dei idolum Dagon. 1. Reg. 5. ei que caput ac manus præcidit. Muri Ierichuntini postquam septies circa Civitatem Iericho arca fœderis circumlata fuisset, turpiter corruerunt. Iosue. 6. Sacerdotibus qui arcam fœderis portabant, Iordanem ingressis, divisæ sunt aquæ Iordanis, & populus per alveum arentem transivit. Exod. 14. Denique in deserto Filij Israel, cum ad terram promissionis contenderent. Num. 10. Arca fœderis Domini præcedebat eos per dies tres, providens castrorum locum. Discce hinc Anima fidelis, etiam ex hac mysticâ Arcâ Mariâ prodire posse bona & mala, dulcia & amara, fulgura & tonitrua, nam cum in Cœlo visa est arca testamenti. Apocal. 11. è vestigio facta dicuntur fulgura, voces, terræ motus, & grando magna, quod de B. Virg. exponit Ildephonsus Serm. 1. de Assum. At inquires, quâ fieri possit, ex hac Arca, bona & mala referrent mortales? Ah ne nimium, nimiumque tibi, nobisque aduleris. Dic amabò, nonne Vdoni Magdeburgensi Episcopo, inertis quondam ingenij, apparuit Maria, & scientiam quam petijt benignè contulit: ecce quale bonum! & tamen ne ab Angelo capite truncetur, non impedivit: ecce quale malum! Dic amabò, nonne Theodorico illi,

de



de quo Cæsarius Libro 7. mirac. c. 41. Episcopatum contulit: ecce quale bonum! & tamen iniquis ejus actibus post irritata, egit, quemadmodum ex visione quadam colligi potest, indignè satis à Moguntino deponeretur: ecce quale malum! Dic amabò. Nonne Ioanni Duro è Societate Iesu. Francisci Xaverij Socio (incertum an vigilanti, an somnianti) in quadam æde sacrâ videndam se præbuit Maria: ecce quale bonum! ad quam puer Iesus qui tunc aderat, Durum verecundantem pellicere conabatur, sed illa primò eum aversari ac repellere videbatur: ecce quale malum! tandem pacem ac veniam suppliciter orantem admittere, ad ultimum de certis defectibus admonuit: ecce quale iterum bonum! Tursellin. in vita S. Xaverij, Lib. 3. cap. 7. Dicamabò, quam multis hucusque succurrit Maria: O quale bonum! & tamen apparuit aliquando nonnullis fidelibus, eosque contra scelestum Anatolium de quo supra, incitavit: ô quale malum! Dic denique & amabò. Nonne paratissima illa ad opem ferendam mortalibus: ô quale bonum! Sed audi & contremisce. Sodalium quidam, preces Marianas persolvere recusabat, dicens. Leges Sodalitij nequaquam ad culpam obligare. Eadem die, ortâ  
tem-



tempestate, dum in aquis de vita periclitatur, Mariam inclamat, cui illa. Non obligabaris me colere, nec ego obligor te morte eximere: & sic cum hoc amarulento scommate, jam cum morte lucianum deseruit. Oh quale malum! Heus Christiane, qui mala times, & bona quæris: vis ex hac Arca omnia bona referre? vis æternam vitam? vis Iesum & Mariam? dic quod Filij Israel dicebant. 1. Reg. 4. Afferamus ad nos arcam fœderis, & veniat in medium nostrum, & salvet nos ab insidijs inimicorum. Nunquam sis absque hac mysticâ Arcâ, ejusque icone; tibi ob oculos versetur continuò illud Salomonis 3. Reg. 2. ad Abiathar Sacerdotem. Equidem vir mortis es, sed hodie te non interficiam, quia portasti arcam Dei coram Patre meo.

### STIMVLVS QVARTVS.

**C**onsidera. 4. An non arca fœderis 3. Reg. C. 8: illata à Sacerdotibus in Templum Salomonis, typus fuerit aut umbra Virginis in Cœlos assumptæ, regnaturæ in æternum, juxta illud, 3. Reg. 11. Te assumam & regnabis super omnia quæ desiderat anima tua. De hac gloriosissimâ Assump-

Ccc

tio.



tione loquens Bernardus in Serm. de Assumpt. sic  
 ait. Quis cogitare sufficiat, quàm gloriosa hodiè  
 mundi Regina processerit, & quanto devotionis af-  
 fectu, tota in ejus occursum cœlestium legionum  
 prodierit multitudo, quibus ad thronum gloriæ  
 canticis sit deducta, quàm placido vultu, quàm sere-  
 nâ facie, quàm divinis amplexibus suscepta à Filio.  
 Cui consonat illud Damasceni. Assumptionem  
 Virginis, nonnihil Ascensioni Christi præferentis.  
 Attolle inquit oculos ad Assumptionem Virginis,  
 & salvâ Filij maiestate, invenies occursum hujus  
 pompæ non mediocriter digniorem: soli quippe  
 Angeli Redemptori occurrere potuerunt, Matri  
 verò Filius ipse, cum totâ Curiâ, tam Angelorum  
 quàm Iustorum, solenniter occurrens, erexit ad be-  
 atæ consistorium sessionis. ita ille. Vis scire quàm  
 procul? dic intrepidè, elevatam supra omnium Cœ-  
 litum Choros, ad solium usque Dei. Doctè S. Ber-  
 nardinus tom. 3. serm. 3. de glor. nom. Mariæ. art.  
 2. C. 1. Certudinaliter inquit, tenendum est, quòd  
 ipsa sit super omnem puram creaturam in gloria ex-  
 altata: & paulò inferius. Ratio naturalis ex gratui-  
 ta lege dictat, quod Mater Regis omnium est in se-  
 de regiâ super omnes ministrorum ordines collo-  
 can



canda. Clarissimè Gerson. tract. 4. super Magnificat, ait. Virgo sola constituit Hierarchiam secundam sub Deo Trino & uno, Hierarchâ primo & summo. Quare meritò Fulbertus Carnotensis Episcopus ita ad Virginem. Tu in illa Beatorum felicissima Regia primi Ordinis dignitatem adeptâ. O felicitatem immensam! ô Arcam Cœlestis Noë. Gen. 7. verè elevationem præcessere. Nonne vita sanctissima? vita innocentissima? vita purissima? nonne Angelus ut testatur Nicephorus, Eccl. Hist. Lib. 2. Cap. 21: & alij, attulit Mariæ nuncium de suo hinc abitu, & porrecto ramo palmæ in manum, diem obitus indicavit? Nonne Apostoli per Orbem terrarum dispersi, instante Virginis obitu, ex varijs mundi partibus nobis ministerio adducti, quemadmodum refert Damascenus? Nonne ut testatur idem Damascenus Orat. de Assum: paulò antè emissum spiritum, dixit ad Iesum Maria. In manus tuas commendo spiritum meum &c. & teste Alberto Magno, præ amore sine dolore obiit, tunc ut sentit Dionys. Lib. 4. de Laud. Virg. art. 3. contemplationi profundissimæ intenta. O lachrymæ ubi estis? ubi planctus? ubi singultus? moritur



Maria, licet absque dolore, & ullâ ægritudine, teste Damasceno, sed tamen moritur: moritur Maria Hierosolymis in domo Ioannis, sub vesperam, moritur ut notat S. Brigida. Lib. 4. Revel. C. 23: placidissimè absque timore, sed tamen moritur: moritur Maria, & in ejus obitu, teste Andrea Cretensi, ingens Cœlo delabitur Angelorum exercitus, & tu nequidem affectu compares? moritur Maria, & in transitu ejus, ut S. Iuvenalis vel Eut. ad Martianum Imperatorem scribit, suavissimus Cœlestium concentus auditur, & tu hæc considerans, nec plorans, nec suspirans audiris? moritur Maria, & Apostolorum manibus, ut refert Simeon Metaphrast: ac humeris, ad Gethsemane prædium effertur, & tu nec corde bonâque voluntate accurris, ut humeros submittas? Toto illo itinere. notat Andr. Cretens. orat. de Assump: & alij: quo sacrum cadaver fertur in Gethsemani in aëre plurimi conspiciuntur Angeli, an ut illud obsequiosi comitentur? & tu ne piâ quidem recordatione comitaris? Ad sepulturam Virginis teste Damasc. surdis auditus, claudis pedum firmitas restituitur, cæcis visus instauratur. Niceph. attestante, L. 2. C. 22. omne morbi genus solo attractu fugatur; & tu nec pro corporis animæq; salute

recu-



recuperandâ huc accurris? Denique sepulto jam in horto Gethsemani sacro cadavere, Angeli ad sepulchrum triduo exequias celebrant, dulcissimè concinentes: & tu quid? horres fortassis mortuos? fugis sepulchra? Accurre ergo ad viventem in cœlis Mariam, & cum Friderico III. Austriaco Imperatore, in profesto Assumptæ, omni ferè cibo & vino abstine. Et quemadmodum, ut refert Petrus Abbas Cluniacensis, Lib. 3. de miraculis, Cap. 30. cerei Romæ in æde S. Mariæ Majoris, à primis Vesperis Festi Assumptionis incensi, usque ad finem secundarum, totis 24. horis continenter ardere soliti, nihil penitus imminuebantur, sic tu in pervigilijs Assumptæ maximè, ardeas devotione, eâ tamen lege, ne imposterum aliquid de ea imminuas.

## MEMENTO UT DIEM SABBATI SANCTIFICES.

**N**on omnis curiositas acriore censurâ digna: curiosus audit, sed sanctè, quisquis investigat, quibus gemmis & unionibus hæc Arca fœderis sit exornata. O fœlix Mechtildis, cui licuit eam propius intueri! nam aureis literis exaratam



habens in suo pectore salutationem Angelicam MARIA, comparuit S. Mechtildi Sabbato quodam. O tu vel centum singulis diebus adjices, ducentas Sabbato, ut eo speciosorem olim in cœlis conspiceres, imò Sabbato quopiam obtineres hanc ipsam Arcam fœderis! agebat enim senex ille Rabbi, de superstitioso Sabbati cultu nugatus, quod nos Sabbato nostro piè accommodamus. Quisquis Sabbato multum mutuatur, eidem Sabbatum multum re- pendit.

# CAPUT TRIGESIMUM PRIMUM.

## JANUA COELI.

*Ave Porta Cœlorum, & Scala, Ascensusq̃ omnium. Ave Reſeramentum portarum Cœlestis Paradisi. ita Ephræm ad B. Virginem Orat. de Deipara.*

## STIMVLVS PRIMVS.

Confi-





**C**onsidera. I. Quàm multi Beatissimæ Virginis ope & auxilio, Cœlorum Regna possideant, nam subsidia gratiæ congruæ & efficacis, quibus salutem consequuntur Electi, & optatum perseverantiæ donum attingunt, à B. V. obtineri & conferri suis clientibus haud dubium videtur: quare non est improbanda eorum Theolog. sententia qui affirmant, prædestinationem nostram & electionem de communi perditionis massâ, peccato primorum nostrum parentum damnatâ, factam imprimis per Christi merita, tum per Mariæ preces, hæ enim ab ipsa æternitate in conspectu Dei versabantur. Merito ergo Sanct. Bernardinus Senensis. Mariam vocat Portam Cœli. Paradisi portam perviam S. Bonaventura. Andreas Cretensis orat. 2. Portam sublatam supra Cœlos Cœlorum. Rupertus. Lib. 3. de divinis officijs. Maximam Portarum Cœli. Methodius Oratione in Hypapante. Portam per quam Deus in carne exortus est. Denique ad pedes ejus provoluta Sancta Romana Ecclesia. sic illam supplex affatur.

*Alma Redemptoris Mater, quæ pervia Cœli  
Porta manes, & stella maris succurre cadenti.*

Chri-



Christiane, proli quoties in die non cadis! quoties non deficis! quoties ab hac Porta Cæli non aberras! Quid ergo? revertere ocyùs ad hanc Ianuam Cœli, en via plana, via facilis, & jucunda. Familiare erat magno illi Cantuar: Episc: S. Thomæ, diebus singulis iteratâ septies salutatione Angelicâ colere Mariâ, in honorem septem eorum gaudiorum, quibus cum Filio in terris fuit delibuta: sunt. Annunciatio. Visitatio. Natalitia Christi. Trium Regum adoratio. Inventio Filij. Resurrectio. In cœlos ascensio. Virgo Mater se illi videndam fortè obtulit, & gratum inquit, omninò mi Thoma obsequium tuum est, sed quid tantum meministi eorum gaudiorum quibus afficiebar in terris, recole etiam ea imposterum, quibus nunc fruor in Cœlis, namque omnem, tam hæc, quam illa honorantem, in horâ exitus solabor, exhilarabo, Filoque meo dilectissimo sistam. Mirè exultans D. Thomas, & quam inquit ratione ô Domina mea suavissima hoc præstare possim, cum quænam ea sint penitus ignorem. Septenâ subintulit Virgo salutatione, etiam hæc gaudia honorabis, sunt porrò talia.

PRIMÒ. Gaudeo quia secundùm sanctissimam Trinitatem suprâ rem omnem purè creatam honores obtineo.

SECUN-



SECUNDÒ. Quia intemeratæ Virginitatis aureolâ, omnes Angelorum, ac Sanctorum ordines longè antecello.

TERTIÒ. Quia ingens lumen gloriæ meæ, ad instar Solis, Curiam Cœli illustrat universam.

QUARTÒ. Quia omnes Cœli indigenæ, me, ut Deiparam venerantur ac colunt.

QUINTÒ. Quia à Filio nacta sum facultatem quidlibet impetrandi.

SEXTÒ. Quia olim in terris mihi immensa collata fuit gratia, meisque clientibus jam in Cœlo ingens gloria à Filio præparata est.

SEPTIMÒ. Quia gloria mea novis surget incrementis (loquitur de accidentali) ad diem usque extremum, & inde perennabit in omnem æternitatem. Hęc illa. Proh quàm facile hæc lanua Cœli tibi patet ad Capitoliũ æternæ gloriæ! tota reſeratur, tota omninò panditur, si modò septena & septena illa gaudia cum honore recolas, & non facies? Gaudia à Maria præstolaris, & offerre gaudia Mariæ recusas? Quidam de quo B. Petrus Damiani. Lib. 3. Ep. 10. quotidie dum altare Sanctissimæ Genitricis pertransiret, illam ex more percurrerebat antiphonam. Gaude Dei Genitrix Virgo immaculata. Gaude



quæ gaudium ab Angelo suscepisti. Gaude, quæ genuisti æterni luminis claritatem. Gaude Mater. Gaude S. Dei Genitrix Virgo. Tu sola Mater innupta, te laudat omnis factura. Genitrix lucis intercede pro nobis. Quam antiphonam dum quadam die pertransiens diceret, audivit vocem ex eodem altari procedentem. Gaudium mihi annuisti, gaudium tibi eveniet. Ita est Christiane. Cœli gaudia per Ianuam Cœli in terram descendunt, & ideò. Beatus qui vigilat ad fores ejus quotidie.

## STIMVLVS SECVNDVS.

**C**onsidera 2. Praxes & modos diversissimos, quibus nonnulli ad portas Urbium usi, quin liber in Urbem pateret aditus. O quæ strata gemata! quos habitus! quos fucos! quas larvas! quem sexum & statum non simularent subindè filij tenebrarum, si modò prænoscere sibi ostium apertum iri! Ah quàm fortunatiores illisque sapientiores sunt filij lucis, qui non illicitâ, sed sanctâ fraude, ad hanc Ianuam Cœli sæpius accedunt. Videres aliquos currum occasione in eam invehiri: ita S. Philippus Servita: nam Annunciatam Servorum B. V. ædem



dem Florentiæ ingressus, dum illa ex Actis verba audit. Philippe accede, & adijunge te ad currum istum, conspexit Mariam in curru aureo, Angelis stipatam, ejusque sequenti nocte monitu, Servos suos adiit, & in Ordinem est admissus. Videres alios veste immutatâ, Cœli ingressum tentare; ita nonnullæ Religiosorum Familiæ, ut montis Oliveti, & aliæ, candentibus vestimentis in honorem puritatis B. Virg. utuntur. Videres quosdam nomen Servorum B. Virg. sibi imponi: ita Ordo Servitarum. Videres denique plurimos ad hanc Ianuam Cœli accurrentes, hunc illo, alium alio stratagemate, aditum in cœlos sollicitare. Tu hâc ingeniosâ arte utere, Mariæ nimirum virtutibus, quàm potes pulcherrimè te exorna. Quidni Ianua Cœli pateat ei, qui insignia Cœlorum Regina præferat, & velut è primorum famulorum numero unus incedat? O incederes! ô servires! nam huic Regina servire, inquit S. Anselm. de excell. Virg. C. 9. regnare est, & inter illius mancipia numerari, plusquam regium. Sed quæ virtutes Virginis sint ex S. Bonav. audi. Omnis sermo ejus ita erat gratiâ plenus, ut cognosceretur in linguâ ejus Deus. Erat sollicita circa locias suas, ne aliqua ex eis in ullo sermone pec-



carer, ne aliqua in risu vocem suam exaltaret, ne aliqua injurias, aut superbiam contra parem suam exerceret. Sine intermissione benedicebat Deum, & ne forte in salutatione sua à Dei laudibus tolleretur, si quis eam salutabat, illa pro salutatione suâ, DEO GRATIAS, respondebat. Hæc Bonaventura. Audi nonnullas alias Virginis virtutes, quas Sanctæ Brigittæ ipsamet Virgo Beatissima recensere dignata fuit. Lib. 1. Revelat. Cap. 10. Ego elongavi me quantum potui à colloquijs, & præsentia parentum & amicorum. Omnia quæ habere potui, dedi indigentibus, nihilque nisi victum tenuem, & vestitum reservavi. Nulla mihi nisi Deus placuerunt. Timida fui in silentio, & multum anxia, ne fortè scirem ea, quæ magis loqui debuissim. Denique ut legimus. L. 1. Revel. ejusdem S. Brigittæ. Cap. 31: non fuit virtus aliqua in aliquo, quin ipsa hanc eandem virtutem haberet excellentius. Iure merito ergo. Ambros. L. 1. de Virginibus. B. Virginem totius probitatis figuram & disciplinam nominat. Idiota. Vitæ moralis ideam, & exemplar. Verum si hæc celebrare delectat, imitari non pigeat. Benè enim ait B. Laurentius Iustinianus. Tunc veraciter Sanctos colimus, cum eorum vitam conversando imi-



imitamur. Et sapienter monet S. Ambros. Quicumque sibi Mariæ optat præmium, imitetur exemplū.

## STIMVLVS TERTIVS.

**C**onsidera. 3. Inter media & artes quibus Civitas aliqua capi, ejusque porta occupari possit, numerari & hanc, si nimirum custodes vigilesque portarum, auro argentovè corrumpas. Hinc Philippus Macedonum Rex, intelligens ab exploratoribus, locum quem capere cupiebat inexpugnabilem esse, quasi difficultatem quam proponebant deridens, dixit. Num usque adeò difficile est, ut nec asinus auro onustus possit accedere? Erasmi. Lib. 2. Apophthegm. Fuit ac si diceret, ut notant Erasmus & Manutius, nihil esse tam munitum & adamantinum, quod auro non expugnetur. Anima Christiana! quid agis? quid cunctaris? cur ad similia stratagemata non accurris? Cur non ad Cœli Cives, hujus cœlestis lanuæ custodes? Lege Lib. 4. Revel. S. Brigittæ Cap. 54: ubi cum eâ loquens Deipara, de quodam peccatore converso, & ad viam Cœli deducto, eum vocat filium lachrymarum, & sic ait. Propter lachrymas, & propter preces amico-



rum meorum, extraxi illum de mundo. O utinam Virginis amicos! ô utinam hujus Cœlestis Portæ vigiles, tibi propitios redderes! Recurre si sapis ad amicissimos Mariæ. Recurre maximè ad S. Ioachim. S. Annam, S. Iosephum &c. hos si muneribus atque obsequijs corruperis, tibi Cœli Ianua patebit. Et quidni pateat per illos, quibus tantum debent Iesus & Maria, cum creaturâ universâ. Vndè S. Damasc. Orat. 1. O inquit par beatum Ioachim & Anna! quibus omnis creatura est obstricta, per vos enim donum omnium donorum præstantissimum Creatori obtulit, nempe castam Matrem, quæ sola Creatore digna erat. Et certè mundum universum illis obstrictissimum, quis non colligat vel indè, siquidem plerique Patres eorum precibus tribuere non dubitant, quod ipsi talem tantamque Filiam à Deo promissam per Angelum genuerint. Hinc Damasc. Lib. 4. de fide Cap. 15. Sicuti Anna, inquit, sterilis, per orationem ac promissionem Samuelem procreavit, eodem modo hæc etiam per obsecrationem & promissionem Dei genitricem à Deo accepit. Et Gregorius Nyssenus, Oratione de Christi humana generatione ait. Anna sterilis imitatur Matrem Samuelis, supplicat Deo, & donum quod



quod petijt, accepit. Denique Epiphanius hæresi  
 79. Virgo inquit, per preces & omnem diligentiam,  
 secundum promissionem patri ac matri data est. O  
 efficaciam precum! si ijs Deum ad sua vota pertra-  
 xerunt illi, putas tu, te non pertracturum ad tua Io-  
 achimum & Annam? sed cave ne castissimum Ma-  
 riæ Sponsum prætereas, qui in tanto apud Cœlites  
 est honore, ut hoc in Revel. B. Gertrudis Lib. 4.  
 Cap. 12. de ipso extet testimonium. Cum in Cœlo  
 nominabatur, B. Ioseph cui erat desponsata Mater  
 Virginea, omnes Sancti capita sua reverenter ob ho-  
 norem ejusdem inclinabant, & nutu oculorum ami-  
 cabiliter blandiebantur, ipsius dignitati congau-  
 dentes. Cave ne illum omittas, quem adeò Maria  
 coli cupit: nam P. Balthasar Alvarez Societatis Ie-  
 su, ante mortem fassus est, se à B. V. monitum, ut  
 S. Iosepho singulari affectu devotus esset. Cave ne  
 illum despicias, quem adeò suspicit ipse Iesus: nam  
 S. Bernardinus piè credit, S. Iosephum cum Chri-  
 sto surrexisse, & animâ atque corpore, beatum ef-  
 se in Cœlis. Hanc sententiam probabilem putat  
 Suarez tom. 2. in 3. part. disput. 8. Sect. 2. eamque  
 dum tu recipis, recipe unâ, singularem erga hunc  
 Sanctum, pietatem atque affectum, de cuius inter-  
 cessio.



cessionis apud Christum & Deiparam efficaciam, pulchre Gerson in sua Iosephinâ canit.

*Quanta ô fiducia, quanta est  
Vis impetrandi, quia dum Uir, dum Pater orat  
Uxorem & natum; velut imperium reputatur.*

## STIMVLVS QVARTVS.

**C**onsidera. 4. Verba illa Christi Salvatoris. Regnum Cœlorum vim patitur, & violenti rapiunt illud. Ita est Anima fidelis, vi & armis restat expugnanda hæc Cœli Ianua, assaultibus reseranda, tormentis evertenda. Ictus audi, audi sonitum. Eminentissimus Cardinalis Alexander Ursinus, in Congregationem Deiparę Romani Collegij Societatis Iesu adscitus publicè in turba plebejorum cum illis sese acriter diverberat, idque non rarò ad sanguinem, quod perpetim agebat in per-vigilijs Beatissimæ V. M. Ah quidni expugnaret Portam hanc, tot totiesque replicatis ictibus? Numeri si potes globos illos, quibus olim hanc Portam quatiebant nonnulli. P. Bernardinus Realinus in vita, morte, & post mortem magnis miraculis in Italia clarissimus, interdum quotidie duodecim, vel tredecim



decim coronas, & totidem noctu recitare non dubitavit, ut de eo refert Lancicius, tom. 2. Cap. 13. & putas his globis non expugnandam Cœli Portam? expugnavit eam profectò felicissimè ille, de quo Annales Rigæ 1611: cui decimo ante mortem die, duabus Virginibus comitata adfuit Maria, & Cœlum brevi morituro promisit, eo quod officium, & hos globulos non ex consuetudine tantum, sed affectu planè singulari sibi quotidie percurrisset. Quod si assultus magis placeant. Intuere obsecro illos quos vel unus S. Bernard. Senensis instituit. Hic non tantum sæcularis, portā Civitatis Senensis, Camolliam dictam, supra quam imago Sanctissimæ Virginis elegantissimè depicta fuerat, per multos annos quotidie invisebat, ac flexis genibus preces ei offerebat, sed etiam post susceptum religiosæ vitæ habitum, ad eandem portam non rarò accedebat. O strenuum ac indefessum militem! de quo Pelbartus in stellario, Lib. 2. part. 2. art. 3. his verbis, & nos supra. S. Bernardinus de Senis. Ord. Min. de Observ. quotidie eam (loquitur de coronâ B. V.) ob devotionem Virginis perorabat, cui die quadam oranti ipsam coronam, apparuit Beata Virgo dicens. O mi devote famule, multum mihi complacui in tua



devotione, ecce quia me hac coronâ quotidie honorasti, impetravi à Filio meo tibi gratiam miracula faciendi & prædicandi, & tandem scias te in Cœlo mecum sine fine lætaturum: ita Pelbartus. O Portam Cœli verè omnibus accessibilem! verè expugnabilem! verè gloriosam, & divitem! Quoniam inquit S. Antoninus, per eam exivit de Cœlis ad nos, quicquid unquam gratiæ creatum venit in mundum. Concludat Ecclesia.

*Tu Regis alti Janua*

*Et Porta lucis fulgida*

*Vitam datam per Virginem.*

*Gentes redemptæ plaudite.*

## MEMENTO UT DIEM SABBATI SANCTIFICES.

**T**Ritum illud sæpius inaudis. *Medium tenere Beati.* Sabbatum, inter diem prænosum Veneris, & gaudiosum Dominicæ mediat, itaque medium tene, & Sabbatum ardentius cole, quod ut inquit Duran. Rational. C. 79. est janna & introitus in diem Dominicam, quæ est dies requiei, & significat vitam æternam. Et quidni Sabbatum Marianum, sive MARIA ipsa Sabbato ferventius



ventiùs à te culta, tibi olim fiat Ianua Cœli? Inquire diligentius causas, cur Ludovicus Secundus Gallorum Rex, simulque summæ Genitricis Cliens, dum graviter ægrotaret dixerit, sperare, se nonnisi Sabbati die, Virgini sacro moriturum, quod & contigit. An ut Sabbato per Ianuam Cœli, Cœlos ipsos intraret?

C A P U T  
TRIGESIMVM  
TERTIUM.  
STELLA MATUTINA.

*Si insurgant venti tentationum, si incurras scopulos tribulationum, respice Stellam, voca*

*M A R I A M.*

S. Bernardus, Serm. 2. super Missus.

STIMVLVS PRIMVS.



**C**onsidera. I. Admirabilem lucem ac splendorem huius Stellæ matutinæ, quam Petrus Damianus Stellam mundi appellat. Lucernam mi-

Ecc 2

can-



cantissimam Ephrem. Ecclesiæ Lucernam Bonaventura. Et idem. Fenestram Cœli crystallinam. Lampadem ardentissimam Bernardus, qui Serm. 1. de Assump. ait. Mariæ præsentia totus illustratur Orbis, adeo ut & ipsa jam cœlestis Patria, clariùs rutillet Virgineæ Lampadis irradiata fulgore. Rupertus docet, Mariam fuisse Auroram in nativitate. Lunam in Christi conceptione. Solem in assumptione ad Cœlum. Petrus Damianus serm. de Assump. explicans quomodo Virgo dicatur. Electa ut Sol. Nihil inquit, habuit Spiritus in visibilibus creaturis excellentius, cui excellentiam Virginis compararet, ideo Soli assimilat. Et infra. Electa ut Sol, quia sicut Sol solus Orbem illuminat, sic hæc sola solidiori lumine, & Angelos & homines illustrat. Verùm ne à stellæ metaphorâ quidquam discedas, audi quid de hac Stella loquatur Bernardus. hom. 2. Super missus est. Ipsa est nobilis illa stella ex Iacob orta, cujus radius universum orbem illuminat, cujus splendor & præfulget in supernis, & inferos penetrat. Ipsa (inquam) est præclara & eximia Stella, super hoc mare magnum, & spatiosum necessario sublevata, micans meritis, illustrans exemplis. O quisquis intelligis in huius sæculi profu-



vio magis inter procellas & tempestates fluctuare,  
 quàm per terram ambulare, ne avertas oculos ab  
 hujus Syderis fulgore, si non vis obrui procellis. Si  
 insurgant venti tentationum, si incurras scopulos  
 tribulationum, respice Stellam, voca Mariam. ita  
 Bernardus, qui Serm. de Nativ. Virg. Tolle inquit,  
 Mariam hanc maris Stellam, maris utique magni  
 & spaciosi, quid nisi caligo involvens & umbra  
 mortis, & densissimæ tenebræ relinquuntur? Por-  
 rò quia oculis ipsis cernere cupis hanc lucidissimam  
 Stellam, ipsa enim quasi sydus eximium inter flu-  
 ctus sæculi labentis, gratia privilegij specialis reful-  
 sit, ut Bedæ verbis utamur. Hom. in fest. Annunc:  
 cerne annon lucida? annon fulgida hæc Stella? nam  
 B. V. adhuc in corpore existens, recto visu non po-  
 tuit intueri, teste Hieronymo in Sermone, qui ait.  
 Quidam ignei radij in oculis ejus micantes, sic fa-  
 ciem ejus infundebant, ut eam Ioseph nunquam  
 posset recto lumine intueri. Et declarat. Non mi-  
 rum si in Moysen qui viderat Deum, sine velami-  
 ne non potuit populus intendere, nec videre eum:  
 quid de ea tunc, quæ Deum non tantum vidit, sed  
 etiam genuit, & tractavit. De magno illo Diony-  
 sio Areopagita Carthusianus in 1. Sentent. dist. 16.



quæst. 2. hæc subjecit. In opusculo inquit, quod de laudibus electissimæ Mariæ edidimus è scripturis fide dignis retuli, & probavi, quod Divinus Dionysius quadam vice terram sanctam intravit, & Ioannem accessit Apostolum, rogans, ut eum ad Sanctissimæ Virginis Christiferæ præsentiam, & conspectum introducere dignaretur, quo facto illustrissima ac honestissima Virgo, in tanto splendore, sublimitate, & gloriâ ostensa fuit magno Dionysio, quod præ stupore ruens in terram defecit, & reversus ad se dixit. Nisi ex ratione & fide cognoscerem invisibilem Deum, non aliam putarem Deitatem, quam Virginem hanc sublimem. Hæc Carthusianus. Qui subdit. Forsan (ut piè credendum censetur) frequenter ita ostensa est, atque circumdata lumine copiosissimo inventa, præsertim cum & aliæ quædam utriusque sexus personæ, sic circumdatæ luce supernâ visibili interdum inventæ, ac visæ legantur. Hæc ille. Anima Christiana! vide quàm splendida hæc Stella: vide quàm fulgida Maria: tota serena, tota lucida. O tu hanc lucem amares!



STIMV-



## STIMVLVS SECVNDVS.

**C**onsidera. 2. Vehementem hujus mysticæ Stellæ calorem, ardoremque. Et quidni ardeat hæc Stella matutina? quam ut S. Ildephonsus testatur, Spiritus Sanctus ignivit. Quidni ardeat hæc Stella matutina? de qua Bernardus ait. Solem sibi Virgo induit. Quare Sermone. Signum magnum. Candidissimus inquit, sed & calidissimus hujus mulieris amiētus, cujus omnia tam excellenter irradiata noscuntur, ut nihil in ea non dico tenebrosum, sed obscurum saltem, vel minus lucidum, sed ne tepidum quidem aliquid, aut non ferventissimum liceat suspicari. Quidni ardeat hæc Stella matutina? de qua S. Bernardinus Senensis tom. 7. Serm. 51. art. 3. Cap. 2. Mens Virginis ait, in ardore dilectionis continuè tenebatur. Hinc est quod hæc nobilissima Stella tot igniculos in mundo excitârit. Si materiale desideras. Nonne illum excitavit Edmundo Cantuariensium Pontifici? qui in adultam usque noctem Biblijs inhærens, extincto lumine, domesticosque turbare nolens, Mariam orat, igniculum reddat extendendæ lectioni, & ecce cereus denuò vivere capit. Si spirituale. Nonne illum



illum excitavit in tot cordibus, quot unquam amatores sui habuit. Hinc tam ardentem loquebantur nonnulli de Maria, ignitos erga eam spirabant affectus, manus eorum non tam de Maria scribebant, literasque de eâ exarabant, quam flammam spargebant. Si audes similes sparge. Sparge laudes, sparge encomia. Sparges, si ad cultum Mariæ alios hortatus fueris: ita Tyrones hortabatur Petrus Nicolaus Minorita, negans eum posse tristem exitum habere in Religione, qui ei addictus esset. Sparges, si Virginis imagines his illisque distribuas, ita B. Borgias è prototypo S. Lucæ depictas, per Societatem dispersit. Sparges, si Virginis coronas non tantum recitaveris ipse, sed & alijs recitandas svaseris; ita Frater Iacobus de Coronis. B. V. admodum studiosus, ejus coronas multas quotidie recitabat offerebatq; & quibus cum agebat, etiam Episcopos & Cardinales ad coronam recitandam hortari consueverat, ut vel ex eo adeptus sit cognomen de Coronis. Sparges denique, si palam ames ac benefacias illis, qui Mariæ sunt studiosi. Certè quæ stella apparuit supra caput B. Ioannis Capistrani Minoritæ, de laudibus ac virtutibus Deiparæ concionantis Aquilæ, eadem sequenti die sese itineris ducem ei exhibuit, Aquilæ.



Aquilâ Romam tendenti, ad sollicitandam canonizationem, devotissimi in Mariam D. Bernardini. Vis & tu Stellam Mariam ubiq; habere comitem? amore atq; beneficijs, illam suosque devotos prosequere. Vis Stellam hanc tibi olim donari? vince omnia viarum, vitæque hujus incommoda atque difficultates, nam ut ait Franciscus Mayro Doctor cognomento illuminatus, in Sermone de creatione animæ Virginis. Ista est ista Stella, quæ unicuique promittitur. Apoc. 2. Vincenti inquit, dabo Stellam matutinam, quia omnes Sancti in Patriâ de plenitudine felicitatis Virginis participant. Hæc ille.

### STIMVLVS TERTIVS.

**C**onsidera. 3. Beneficos Syderis hujus influxus in hæc inferiora, gravissimorum Virorum testimonijs comprobatos. Ephrem Sermone de Laudibus Virginis. Ave inquit, Stella fulgidissima, ex qua Christus processit. Ave per quam clarissimus Sol justitiæ nobis illuxit. Andreas Cretensis. Sanctissimam Virginem salutans, Sermon. de Annunciatione. Salve ait, dioptra perspectiva, per quam qui in tristi peccatorum umbrâ sedebant, recipien-



tes justitiæ Solem, mirabiliter illustrati sunt. S. Bernardus super Missus. hom. 2. asserit. Lucem hujus Stellæ, calefacere magis mentes quam corpora, fovere virtutes, excoquere vitia. Hugo de Sancto Victore in sententijs dicit. Maria Stella est, ideò peccatores quasi in nocte à Maria consolantur. Bernardinus Senensis tom. 3. Sermone 1. de glor. nom. Mariæ. art. 3. Cap. 2. sic loquitur. Nec inconvenienter situs Stellæ maris, cum sit in Aquilone convenit Mariæ, quoniam per Aquilonem persecutio, vel tribulatio designari solet, propter ventorum & procellarum vehementiam, ideò locus Mariæ in Aquilone est, ut per eam austeritas persecutionis inflictæ, humanius temperetur, & mitigetur. Solet etiam per Aquilonem, peccatum significari, unde Ierem. 1. Ab Aquilone pandetur omne malum, ideò consequenter locus Aquilonaris ei appropriatur. Hæc ipse. Quod auctoritate Alexandri Alensis confirmat. Eo quod ipsa media inter peccatores & Filium statuatur, ut ex unâ parte, iram ejus mitiget, ex aliâ peccatū exterminet. Hactenus S. Bernardin. Sed tu quid? nonne ingens beneficium asseris, hunc à morte æternâ, illum à temporali præservari, te in literis, illum in spiritu illuminari, hunc honore,



re, illum pecuniâ, hunc sanitate, illum sanctitate,  
&c. donari, & unde hæc? nonne à Maria? quæ qua-  
si stella matutina in medio nebulæ. Ecclesiast. 50:  
miseriarum atque ærumnarum nostrarum nebulas,  
lucis suæ fulgore discutit: & ut ait S. Bernardus.  
Omnibus suæ lucis radios impertitur. Idem de ea-  
dem. Si Mariæ inquit, devotus fueris, velis nolis  
nequaquam expers esse poteris ejus gratiæ, juvami-  
nis, & favoris. Quam si hucusque non tam libera-  
lem in te sis expertus, tuæ culpæ adscribas, & ut ex-  
periaris, devotiùs imposterum Mariam colas, sæ-  
pius dicendo.

*Nunc ô Stella Maris nostri nos aspice presens*

*Eripe tot pelagi penè baustos fluctibus atris*

*Nunc lucem, lucisq; tuæ jubar exere & Orbi.*

*Exerere ac radijs nigrantem discute nubem.*

Ita Christianus Poëta Vida in hymno ad Deiparam.  
Proh si sapis, Stellam hanc observa, & periclitan-  
tium nautarum more, quemadmodum illi in stel-  
lam maris, ita tu frequenter in hanc oculos conjice,  
ne in æternum pereas. Quod si magis Astrologica  
quam nauticæ facultatis placeant magistri, eos se-  
quere, qui etsi aliorum astrorum rationem aliquam  
habeant, tamen motum cursumque Lunæ ad crises



potissimum observant, atque inde colligunt temporis mutationes, medicamentorum tradendorum opportunas vel importunas occasiones venantur, plantandi, serendi, ligna secandi, & id genus plurimarum rerum opportunitates captant, & nihil horum nisi Lunâ consultâ periti faciunt: ita tu hanc Stellam, quæ pulchra est ut Luna, præ omnibus tuis actionibus & negotijs fideliter consule. Quod si plurimi Mariæ adscribunt illa verba. Eccles. 43. Et luna in omnibus, in tempore suo ostensio temporis, & signum ævi: id est, luna docet in omnibus rebus, quomodo quælibet opportuno & accommodo tempore gerenda sint: inspicere ergo illam sæpius, ut nil non suo tempore aggrediaris. Astrologi procerto habent, Solis vim, & cæterorum planetarum ac signorum influxus, prius excipi à Luna, & tandem in terram derivari; ita ut nihil è cælo boni defluxus in terram decidat, quod Luna non moderetur, ac temperet. Georgius Venetus Minorita, Har. Cant. 1. ton. 4. Cap. 38. ait. Ea quæ Sol superius vi masculinâ generat, hæc (intelligit Lunam) ipsius, & aliorum etiam planetarum fortum suscipiens, inferiori mundo sibi vicino edit. Assimilat hic idem Author Mariam Lunæ, ideoque inquit.

Non



Non abs re Lunæ assimilatur Mater illa omnium gratiarum plena, quæ à supernis fontibus per diversos canales haurit, largitur quidem inferioribus pro recipientium dispositione. Idem Author in planetis atq; alijs signis cœlestibus, Cœlites contemplatur, & ex illa lunæ similitudine ostendit, nullum alicujus Sancti suffragium ad nos pervenire posse, nisi etiam Virginis meritum & oratio accedat: deducit item, nil boni etiam à Christo in nos defluere, quod Virgine intercedente non capiamus: quæ quomodo intelligat hic non ignobilis Author, tu pro tuâ pietate investiga. Quod si adhuc nec Nautæ nec Astrologi placeant, fortè Reges placebunt. En Robertus Gallix Rex. Hic Oratorium Parisijs erexit, & sequenti titulo insignivit. Nostræ Dominæ de Stella: in quo etiam novum Ordinem instituit. 30. Equitum è primâ Regni nobilitate, quem & hoc nomine insignivit. Ordo Equitum Dominæ nostræ de Stella. Nec hoc contentus, singulis quos creavit, auream torquem dedit, in cujus extremo pendebat stella aurea, quinque radijs illustris. Tu ut Eques Torquatus nostræ Dominæ de Stella existas in Cœlis, in terris pendeat tibi continuò non tam è collo, quàm animâ Stella, sed illa cu-



jus radij non alij, quàm s. his literis expressi.

# M. A. R. I. A.

## STIMVLVS QVARTVS.

**C**onsidera. 4. Vbi & quando hæc Stella ex-  
orta : cui hîc occini potest illud Damasceni in  
Orat. 1. de Virginis Nativitate. Certabant sæcula  
quodnam maximè ortu tuo gloriaretur. Exorta est  
igitur. Anno ab Orbe condito ter millesimo, noni-  
gentesimo, quadragesimo septimo, ut leges apud  
Canisium, Lib. 1. Cap. XI. Exorta in Nazareth, eo  
ipso cubicello, quod hodiè Lauretana Domus ap-  
pellatur. Decebat sanè ibi hanc Stellam oriri, ubi  
Sol justitiæ Deus, primùm in carne humanatus. Ex-  
orta est eo ipso mense Septembris, nempè quo se-  
cundùm Iudæos Eva in paradiso terrestri formata.  
Exorta denique ut vult Duran. Lib. 7. Cap. 28.  
non tantùm octavo Septemb: sed etiam aurorâ illu-  
cescente, juxta revelationem cuidam Viro religioso  
factam. Et quidni eo tempore Stella matutina com-  
pareret, quæ tanquam mystica aurora Solem justiti-  
æ anteibat? aurora erat illa, teste Ruperto, qui ait:  
Quan-



Quando nata es ô Virgo beata, tunc vera nobis aurora surrexit, aurora prænuncia diei sempiterni, quia sicut aurora quotidiana finis præteritæ noctis, & initium est diei sequentis, sic Nativitas tua, finis dolorum, & consolationis fuit initium, finis tristitiæ, & lætitiæ nobis extitit principium. Hæc ille. O auroram saluberrimam! ô auroram mundo utilissimam! Aurorâ exurgente, noctua, nicticorax, bubonesque fugiunt, & à clamoribus cessant; naturale quippè est, exoriente luce, animalia homini molesta, ut lupos, & cætera fugari in cubilia sua, juxta illud Psalmi. 103. Ortus est Sol, & congregati sunt, & in cubilibus suis collocabuntur. Aurorâ exurgente, morbus mitigatur, ut asserit Phijaretus in tractatu de natura morborum. Aurorâ exurgente, somnus dulcis salubrisque est ob sanguinis dominium. Aurorâ exurgente, vel ipsæ aves excitantur ad volandum cantandumque, ut proindè aurora sit quasi avium hora. Deniq; veniente aurorâ, Exod. 4. submersus est in profundum totus exercitus Pharaonis. Proh quàm bellè hæc adumbrant mysticam auroram, sive Stellam matutinam Mariam! De quâ Hieronymus. Quidquid maledictionis infusum est per Evam, totum abstulit benedictio Mariæ.



riæ. De qua Bernardus. Serm. 2. Pent. Meritò in te respiciunt oculi totius creaturæ, quia in te, & per te, & de te, benigna manus omnipotentis, quicquid creaverat recreavit. De quâ Serm. 4. in Assum. Per te Cœlum repletum, infernus evacuatus est, instauratæ ruinæ Cœlestis Ierusalem, expectantibus miseris vita perdita data. Ideò Ecclesia canit. Nativitas tua Dei genitrix Virgo gaudium annunciavit universo mundo. Et Petrus Damian. Serm. de Nat. B. V. ait. Nativitas Beatissimæ & intemeratæ Genitricis Dei, meritò præcipuum & singulare præbet hominibus gaudium, quæ totius extitit humanæ salutis exordium. Vide Sodalitæ Marianæ, num de hac Nativitate seriò gaudeas. Vide an eâ devotione colas Festivitatem illam, quâ Ecclesia eam colere cæpit, nempe post Ephesini Concilij tempora, anno 436. celebrati: cui Festivitati Octavam adjecit Innocentius IV. Vide denique, quàm ingeniosus eâ die existas Mariæ cultor. Beatus Franciscus Borgia, qui dum in Aula Ioannæ Lusitanæ Principis versaretur, ut reperies in Hist. Societatis. p. 1. l. 13. n. 49. Die Natali Sanctissimæ Virginis, multis in schedulis varias ejusdem virtutes ac laudes inscripsit, egregijs cuique virtuti appositis precandi formulis, post-



ea in alijs numero paribus schedulis, matronarum ac puellarum scripsit nomina, quæ in Principis versabantur obsequio, hisque singillatim nominibus unâ ex parte, ex alterâ schedulis cum laude Virginis, ac subjectâ prece sortitò eductis, quam cuique schedulam fors dedisset, totis deinceps octo diebus, jubebatur è conceptâ in eâ formulâ precem quotidie fundere. O si tu similia in hujus Stellæ honorem ageres! O Stellam hanc ubique laudares! Certè dum B. Ioannes Capistranus Minorita, ut leges in vitâ ejus apud Sedulium, Aquilæ in Regno Neapolitano, de Mariæ laudibus ac virtutibus concionaretur, super ejus caput Stella apparuit, quæ ab illo, & universâ concione conspecta fuit. Et quidni stellis coronetur caput, quod Stellam Mariam cogitat? quod Stellam Mariam prædicat?

## MEMENTO UT DIEM SAB- BATI SANCTIFICES.

**S**tellam à stella ne disjungas, idem enim stellarum locus est COELVM. Quid mirum ergo Seraphicum Franciscum, postquam Sabato quodam, anni 1226. obiisset, mox in Cælum  
Ggg  
velut



velut centrum suum abijsse, nam eo ipso Sabbato, vidit quidam animam illius, sub specie stellæ præfulgidæ, in Cœlum recto tramite sursum ferri. O foelicem cui hæc sors obtinget, ut Sabbato sub specie stellæ, evolet ad Stellam matutinam, quæ occasum nescit, Mariam. Fulgebunt velut stellæ, qui in cultu Mariano, erudierint multos.

C A P U T  
T R I G E S I M U M  
T E R T I U M.  
S A L V S I N F I R M O R U M.

*In auxilio destitutorum unica adiutrix. In  
agrotantium exultatio, & omnium salus.*

S. Ephrem in-Serm. de Laud. B. V.

S T I M V L V S P R I M V S.



Considera. I. Quàm appositè hic titulus ex Patrum testimonijs conveniat Mariæ. S. Damascenus, Orat. 1. de Nativ: vocat illam, fontem universo Orbi medicinam afferentem.

Ab



Ab eodem Orat. 2. de dorm: abyffus gratiæ, & pelagus dicitur curationum. Methodius Orat. in Hypapantem, appellat eam, Bethlehemiticam cisternam. Tu Bethlehemitica illa cisterna, quam veluti vitæ refocillatricem David desideravit, ex quâ immortalitatis poculum cunctis manavit. Albertus Magnus super Missus est. Umbraculum infirmorum, Mariam indiget. Sisto Richardum à S. Laur. qui Lib. 9. de Laud. Virg. hæc habet. Maria fluvius Iordanis, in quo ad præceptum Elisæi restituitur caro Naaman leprosi, sicut caro parvuli pueri, si in eo septies abluatur. Pulchrè Basilii Seleuciæ Episcopus. Oratione in Deiparæ annunciatione, his verbis. Si Christus servis tantam gratiam contulit, ut solo contactu, imò verò solâ corporis umbrâ ægris præsidium afferre possent, qualem vim adversus omne morborum genus, Virgini Matri collatam fuisse putandum est? annon multò majorem quàm cæteris Christi imperio subjectis? ita ille. Præclarum est illud Cæsarij Lib. 7. Cap. 15. Medicinâ, inquit B. Virginis nihil est efficacius, nihil est salubrius. Et tamen proh dolor! quàm pauci ad hanc recurrunt medicinam, si quando infirmitate aliquâ animi, sive corporis pullentur! Quàm



pauci ægrorum ad probaticam piscinam, sic B. V. vocat Richar. Lib. 9. de Laud. Virg. accedunt, ad hoc salutiferum vitæ antidotum Mariam! de quâ Cæsarius Lib. 7. Miracul. Cap. 1. Nomen ejus & memoriale ejus mortuos sanat. Ah Christiane fulminis otior alis, fuge medicinam, quam venefica aliqua coxit, ne tu in æternum habeas quod concoquas. Sequere præeuntem S. Bernardum adhuc puerum, (in vitâ Lib. 1. c. 2.) ad quem cum adducta fuisset vetula, quæ carminibus & incantationibus dolorem capitis leniret, cum indignatione exclamans eam repulit, sensitque paulò post divinam virtutem, eodem enim die convaluit. Sequere Damascenum quo te invitat, dum in Orat. 2. de Virginis Assump: ex personâ ipsius Mariæ Apostolos jam jam moriturâ alloquens, ait. Quicumque morborum sanationem, vitiosarum animi affectionum depulsionem, & universum quicumque bonum aliquod sitit, cum fide ad me veniat, & ex eâ gratiâ, quâ plena sum, hauriat. Sequere Scholæ Salernitanæ monitum.

*Cum tibi defuerint medici, medici tibi fiant*

*Hæc tria: mens hilaris, requies, moderata dieta.*

Seu quod idem est, recurre cum ingenti fiducia ad  
jeju-



jejunia in honorem Mariæ: recurre ad quietem spiritualem, quâ ex animo tuo pellas noxias mundi curas & cogitationes, omniumque loco saluberrima subintret de Maria cogitatio: recurre denique ad mentem hilarem, id est de unâ post Deum gaude Mariâ, proculque absint solatia omnia, quæ mundus offert, nè aliàs tibi accidat quod accidisse commemorat Cæsarius, Lib. 7. Dial. 42. Dum hæc Salus infirmorum Maria, quadam suâ festivitate chorum piè psallentium intrasset, & de pixide quam manu gestabat, electuarium per cochlear promens, singulis porrigeret, pertransijt Religiosum quendam, inquit. Tu electuario meo opus non habes, quia medicus es, & plurimas tibi impendis consolationes.

### STIMVLVS SECVNDVS.

**C**onsidera. 2. Hunc gloriosum titulum Salus infirmorum, nequaquam convenire Mariæ præcisè ex Patrum honorificâ appellatione, sed etiâ è re ipsâ, seu à multiplici morborum curatione. Certè Damascenus, Orat. 2. de dormit. agens de miraculis in Deiparæ dormitione effectis. Tum inquit morbi fugam capeſſebant, atque hic surdis au-



ditus, claudis pedum firmitas restituebatur. Petrus  
 verò Damianus tractans de miraculis, quæ ex Dei-  
 paræ manabant sepulchro, introducit Deiparæ se-  
 pulchrum ita loquens. Nunc me circumdant An-  
 geli, nunc divina in me habitat gratia, ego evasi of-  
 ficina medicinæ ægrotantibus, ego fons perennis  
 curationum. Quæ sive de corporis, sive de ani-  
 mi curatione intelligant, MARIA jure sibi ven-  
 dicat hunc illustrissimum titulum. Salus infir-  
 morum. Et quidni? refert enim Cæsarius, in  
 monte Pessulano tantas Beatissimam Matrem ope-  
 rari sanitates in quâdam suâ Ecclesiâ, ut Medici gra-  
 tiæ invidentes, pauperculis infirmantibus, & pro  
 remedio sanitarum ad se confluentibus dicere so-  
 leant. Ite ad Ecclesiam S. Mariæ, deferte ei lumen,  
 & recipietis sanitatem; & cum hoc ironicè dicant,  
 pauperes ab eis passi repulsam, ad ipsam confugi-  
 unt, & sanantur. Hæc ex Cæsario. Verùm quid  
 multis opus? Nonne solius Lauretanæ Virginis ope  
 cæci illuminati? muti sanati? surdi & paralytici cu-  
 rati? Nonne Bernardum ad mortem ægrotum in-  
 visit Maria, eumque sanavit? Nonne S. Adalber-  
 tum adhuc infantulum, periculoso morbo libera-  
 vit? integræ sanitati restituit S. Philippum Nerium?

O simi-



O similem gratitudinem tu ostenderes, si quando Virginis ope convalescis, quam ostendit præfatus S. Philippus! dum enim desperatâ à Medicis salute penè moribundus, ad se in lectulo jacentem venire conspexisset Mariam, à quâ mox sanatus: ipse nullo fultus adminiculo, ad unius circiter cubiti altitudinem sublimis, mirandum in modum attollebatur, & Virgini clarâ voce, uberrimis intermixtâ lachrymis, audientibus qui aderat, ipsumque ita à cubili sublatus videntibus, dicebat; O charissima mihi Virgo, tu ad me venisti, ut me his doloribus liberares? & quis ego sum quia tua præsentia sim dignus? similiaque verba humilitatis ac familiaritatis plenissima promebat. Et tu nulla promes? tu nullo grati animi signo Mariam veneraberis? à quâ toties sanitati pristinae redditus es. Solent plebei, principesque etiam Viri, tabellis, cerisque, aut id genus reculis, gratitudinis vel voti ergò, Virgineas Aras exornare, tu plebejos, Principes, Regesque ipsos æmulare; nam miraculosa quædam Mariæ beneficentia, de quâ Hist. Anglicana Malmesburienfis, occasionem dedit ijs Angliæ Regibus, qui de Familiâ Artus propagati erant, gestandi in suis insignibus imaginem B. Virginis MARIE.

STI-



## STIMVLVS TERTIVS.

**C**onsidera. 3. Causas, cur hæc Salus infirmorum non omnibus opituletur, sinatque subindè gravissimis vexari infirmitatibus nonnullos. Oculos conjice ad sequentem catalogum, & si quando ei adjectus fueris, cave ne per impatientiam aut desperationem, Mariano albo expungaris in cœlis. Palsi sunt **CAPITIS DOLORES**. S. Chrysostomus, S. Dominicus Loricatus, S. Theodorus, S. Lidvina. **CAPITIS VERTIGINEM**. S. Xaverius. **COECITATEM**. S. Lydvina. **ASTHMA ET TVSSIM**. Venerabilis Beda. S. Plato Monachus. S. Romualdus. **DOLORES STOMACHI**. S. Gregorius Papa. Sanct. Chrysostomus. S. Ignatius Loyola. **DOLOREM LATERIS**. S. Paulinus Nolanus. S. Maurus discipulus S. Benedicti. S. Severinus. **NAVSEAM**. S. Anselmus. S. Isidorus Hispalensis Archiepiscopus. **VOMITVM SANGVINIS**. S. Dositheus Monachus. Et S. Philippus Neri moriens. **APOSTEMA**. B. Frater Didacus. S. Lydvina. **CANCERV**. S. Aldegundis. S. Galla vidua monialis. **FLVXVM SANGVINIS**. S. Bernardinus. S. Xaverius. **CALCVLVM**. S. Lydvina. **PARALYSIM**. S. Gregorius Episcopus Traje-



Trajectensis. S. Servulus. HYDROPEM. S. Lydvina.  
 PEDVM TVMOREM. S. Augustinus. PODAGRAM.  
 S. Gregorius Papa pluribus annis. S. Iulianus Mar-  
 tyr. & S. Bonnitus Episcopus, doloribus podagræ  
 è vivis excessit. PESTEM. S. Mellitas Monachus, &  
 S. Macharius Patriarcha Antiochenus, quâ & obiit.  
 Plura petis? lege sequentia. S. Lydvina. 39. annis  
 infirma fuit. S. Clara, 28. annis. S. Margarita Vir-  
 go Romana, 14. annis. S. Odilo. 5. annis in gravissi-  
 mis doloribus decubuit: duobus S. Vbaldus. O Su-  
 peri! ô Maria! ergone absque ope? ergone absque  
 pharmacis? ergone sine ullo solatio ægri jacebimus?  
 Scio Alexandrum Bertium febrientem, floridâ au-  
 râ à te recreatum. Scio ad Lidvinam ægotantem  
 Angelum sæpius à te delegatum, qui eam recrea-  
 bat, & cruciatuum acerbitem levabat. Scio, ut  
 alios præteream, quod Stanislao graviter infirmo  
 visendam te dederis, & Iesulum in felicissimo Sta-  
 nislai lectulo collocaveris: an ut ex lectulo illo Pa-  
 radysum efformares? O mihi quid simile contin-  
 geret! eccur non contingit? S. Christianum Con-  
 fessorem (cujus memoria recolitur 4. Febr.) IESVS  
 & MARIA ægrum 7. continuos dies inviserunt, &  
 cum morituro horas precarias iisdem visi percurre-



re. O homo! vis similiter visitari? vis similiter moriens honorari? Christianus esto nomine. Christianus esto re. Christianus in ægritudine & patientiâ, sæpiusque prorumpe infirmus in hanc precationem, quam à Christo & Maria didicit Alphonsus Rodriquez. IESVS. MARIA, mei dulcissimi amores: patiar ego, moriar ego vestri amore, vester sim totus, & nullatenus meus, ac si nihil prorsus essem. Prorumpe frequenter in ea, in quæ B. Iacobus Venerus Dominicanus; hic in gravissimo canceri dolore, qui ejus pectus infederat, hoc unicum loquebatur. Laudetur IESVS CRISTVS. Maria Mater gratiæ, Mater misericordiæ.

### STIMVLVS QVARTVS.

**C**onsidera. 4. Nonnulla motiva, cur Maria ab infirmis præ cæteris Sanctis invocanda. Primum. Quia inter Cœlites omnes potentissima. Secundum. Quia illa, ut testatur Bernardus Sermone. Signum magnum, omnibus misericordiæ sinum aperit, ut de plenitudine ejus accipiant universi, æger curationem &c. Tertium. Quia si amicorum omnia sunt communia, quidni saltem ex parte, privilegij



vilegij sui Maria redderet te participem à morbo  
 relevando? illa enim dum in vivis ageret, ut multi  
 teste Suarez. tom. 2. in 3. part. disp. 2. Sect. 2. cen-  
 sent, propter optimam sanctissimi sui corporis com-  
 plexionem, cum magnâ animi moderatione con-  
 junctam, nunquam in verum ac proprium mor-  
 bum incidit. Et Cajetanus Cardinal. in opusculo de  
 spasma Virginis docet; nullo unquam morbo B. V.  
 corpus laborasse. Diffonum inquit, rationi est, B.  
 Virginem ægritudinem aliquam passam esse, quia  
 similis debebat credi Filio per omnia quantum fas  
 est. ita ille. Christum autem nequaquam afflictum  
 morbo, patet ex D. Basilio. Athanasio. & S. Thom.  
 3. part. q. 14. art. 5: aitque Chrysostomus, non fuis-  
 se conveniens eum aliquo morbo languere. Quar-  
 tum. Quia tot & tot ope Mariæ convaluere; quare  
 ultimi motivi loco tibi sit illud, quod eximius Vir-  
 ginis encomiastes Petrus Antonius Spinellus, in suo  
 opere de Laudibus Deiparæ Cap. 35. sic refert.  
 Anno 1572. cum Cæsar Baronius, Vir non minus  
 vitæ sanctimoniâ, quàm eruditione clarissimus, qui  
 postea in S. R. E. Cardinalium numerum est co-  
 optatus, periculosâ febris ita laboraret, ut de eo jam  
 conclamatum esset, B. Philippus ad orandum pro



eius valetudine se dat, cujus orationis series ipsi Baronio, qui eo tempore somno correptus erat, objecta est. Videbatur sibi videre eundem B. Philippum propè Christum stantem, ad Christi dexteram Sanctissimam Virginem candenti amictu, & Beatum Virum obnixè Dominum rogantem in hæc verba. Cæsarem pristinae restituere valetudini: id quod magnâ fiduciâ varijs identidem repetebat, nec tamen quicquam impetrabat: quare ad Sanctissimam Virginem conversus, cum eâ suppliciter agebat, ut quod ex se consequi non poterat, per eam omninò assequeretur. Cumque Virgo impensè oraret Filium, tandem exoravit. Somno deindè æger expergefactus, brevi omni penitus morbo liberatur. Hæc Spinellus. Christiane! Disce hinc recurrere ad Salutem infirmorum Mariam. Disce vel ægrotans opem implorare Mariæ: & si corporis animique morbis ocyùs liberari satagis, dic ei frequenter, jam cum S. Bernardo, qui Sermone 2. de Adventu, ad Virginem ait. Per te accessum habeamus ad Filium ô Benedicta inventrix gratiæ, genitrix vitæ, Mater salutis. Iam cum S. Philippo Nerio, qui frequenter sic eam invocabat. Virgo Maria Dei genitrix IESVM ora pro me. Ah quidni illâ volente



lente salutem obtineres à Christo! qui palam Medico sese comparat illis verbis. Non est opus valentibus Medicus. Ah quidni pristinam valetudinem recuperares, si ad sanctiora amuleta confugeres! fac super te recitari verba illa, quæ Sanctus Philippus Neriùs cuidam assiduus capitis doloribus, & febribus vehementer afflicto, manibus suis capiti impositis, recitavit. Peccata fuge, Sanctissimam Dei Matrem magno pietatis affectu venerare; & confestim melius habere cæpit, breviq̃ue incolumitati est redditus. Aut si magis placet, vivâ & ardenti fide, imaginem Virginis parti affectæ appone, nam S. Hedwigis Ducissa, impositâ iconè Mariæ ægrorum capitibus morbos plures abegit. Quod si tamen, quia ita animæ saluti expedit, aliò avocaris, cave ne hinc discedas, quin Ioannis Berchmans morientis imitator existas, & cum eo, crucem & rosarium complexus arctissimè dicas. Hæc (inquirebat ipse) arma mea sunt. Hæc mihi charissima, cum his libenter moriar.

**MEMENTO UT DIEM SAB-  
BATI SANCTIFICES.**

**P**ROcul hinc, procul exeste Galeni,  
Hhh 3 & Hyp-



& Hyppocrates, meliori alexipharmaco, morbos nostros pellit SALVS INFIRMORVM MARIA. Postquam enim Lamberto Attrebatensium Pontifici demandasset, Sabbato quodam (ô prodigiosos Sabbati influxus!) nocte vigil excubaret, jacentesq; præ templi vestibulo ægros inviseret, tandem sub primum galli cantum, adfuit ipsamet, cum cereo accenso, quem disparens post se reliquit, cujus beneficio sanarentur multi, quod & factum. Lege RECIPE in sacratione Gvilielmi Gazei Apothecâ, ubi in hunc modum adnotatum reperies. De cereo, inquit Maria, pauxillum instillabitis in vasa aquæ plena, quam ægris potandam præbebitis, eâdemq; inflammatas luc pestiferâ partes irrigabitis. Disce hinc quisquis graviore morbo premeris, Marianum RECIPE poscere, quod Sabbatinâ devotione exsolvas.



CAPUT



CAPUT  
TRIGESIMUM  
QUARTUM.  
REFUGIUM PECCATO-  
RUM.

*Tu es Spes unica peccatorum, per te speramus ve-  
niam delictorum, & in te Beatissima est nostrorum  
expectatio premiorum. S. Augustinus ad B. V.  
Serm. 2 de Annunc.*

STIMVLVS PRIMVS.



**C**onsidera. I. Quo illæ Ecclesiæ  
voces, quibus toties Mariam inter-  
pellat. Solve vincla reis, profer lumen  
cæcis, mala nostra pelle. Quo istę. Nos  
culpis solutos, mites fac & castos. Quo hæ. Sumens  
illud Ave, peccatorum miserere. Cur Augustinus  
eam vocet. Spem unicam peccatorum. Ephrem Sy-  
rus. Spem desperantium. Andreas Cretenf. Divi-  
nam cum hominibus reconciliationem. Bernardi-  
nus



nus Sen. Arcum foederis, ut non interficiatur omnis caro. Carthusianus Lib. 2. de Laud. Virginis. art. 23. Advocatam omnium iniquorum ad ipsam confugientium. Bernardus. Peccatorum Scalam. Filioli inquit ille. Serm. de aquæ ductu : hæc peccatorum Scala, hæc mea maxima fiducia est, hæc tota ratio spei meæ. Ah cæcus es si non advertis. Stupidus si vel hinc non discis, Mariam esse refugium peccatorum. Perversus es, si non credis, Advocatam esse desperatorum. Præscitus, si in tuis flagitijs sedes, nec ad illam recurris. Times fortè impurissimus purissimam Virginem? Audi Bernardum Ser. Signum magnum. Quid inquit, ad Mariam accedere trepidet humana fragilitas? nihil austerum in ea, nihil terribile, tota suavitas est. Audi eundem, hom. 2. super Missus est. Si criminum immanitate turbatus, conscientia fœditate confusus, iudicii horrore perterritus, barathro incipias absorberi tristitia, desperationis abyssus, cogita Mariam. Et infra. Ipsam sequens non devias, ipsam rogans non desperas, ipsam cogitans non erras, ipsam tenente, non corruis, ipsam protegente non metuis, ipsam Duce non fatigaris, ipsam propitiâ pervenis. ita ille. Credis hæc Bernardo? Si credis, recurre ergo liberè, post mille  
& mil-



& mille crimina ad Mariam. Maria, inquit Richar-  
 dus à S. Laurentio. L. 2. de Laud. Virg. part. 5. di-  
 citur Altare placationis Domini, qui placatur erga  
 peccatores, cum super hoc Altare offerunt dona &  
 sacrificia sua, de quo altari ipse Deus dicit. Offerun-  
 tur super placabili altari meo. Isaia 6. Recurre ad  
 Mariam jam cum Ecclesia orando. Sancta Maria  
 succurre miseris, juva pusillanimes. Iam cum Gre-  
 gorio Nazianzeno. Maria sis mihi propitia. Iam  
 cum Gregorio Nicomediae Archiepiscopo. Tu ô  
 Dei Genitrix ne despicias preces eorum qui semper  
 petunt. Iam cum Germano Patriarcha, miserere  
 mei, flexa meis lachrymis. Flectetur sanè hæc pien-  
 tissima Mater, & te quamvis Æthiope, ipsoq; car-  
 bone nigriorem, in suam gratiam recipiet, tibi que  
 blandietur, juxta illud, quod ex quadam visione  
 Beatæ Gertrudis, in Libro 4. suarum Revelatio-  
 num, cap. 49. constat, quæ sic habet. Posthæc in-  
 quit videbantur Gertrud. quasi sub pallium inte-  
 meratæ Virginis, accurrere quædam diversi generis  
 bestiolæ, per quas notabantur omnes peccatores,  
 ad ipsam specialem devotionem habentes, quas  
 omnes Mater misericordiæ benignè suscipiens, &  
 quasi pallio suo protegens delicatâ manu suâ singu-



las contrectando, deliniendo; ipsis amicabiliter blandiebatur, quemadmodum quis blandiri solet catulo suo: per hoc manifestè insinuans, quàm misericorditer suscepit omnes se invocantes, & quàm maternâ pietate defendat, ac protegat homines peccatis deditos, in se sperantes, donec eos Filio suo reconciliet, veraciter poenitentes. Hæc ibi. Nonne similes favores experiris hodie? nam Andreas Hierosolymitanus Episcopus asserit in Sermonem de Annuntiatione. Senio quasi cōfectus mundus per Mariam peccatorum senectam exiit. O homo! quidni similes blanditias & tu speres, licet jam in bestiam Nabuchodonosoris instar transformatus videaris, si modò ad hoc Refugium peccatorum accurras? Neq; dicas: peccata gravant, ea amplius detestari nequeo, imò ad nova patrandâ denuò me accingo. Audi & obstupesce. Refert. Vincentius in Spec. Histor. Libro 4. Cap. 116. De scelesto quodam fure, frequentium latrociniorum insigni patratore, tamen Virgini Sanctissimæ plurimùm devoto, hic dum furtum commissurus iret, unum Ave Maria recitabat, tandem captus, suspensusq; , at suspensio affuit Refugium Peccatorum Maria, tribus diebus cum ut sibi videbatur, suis manibus sustentans. O stupen-



stupendum prodigium ! illac casu transeunt, qui  
eum suspenderant, vivumq; & vultu alacri reperi-  
entes, quem non bene laqueo astrictum fuisse arbi-  
trantur, gladio jugulare contendunt, verum Ma-  
ria, ferientium gladio manum opponit, clientem  
tutatur; qui rem enarrans, è patibulo deponitur,  
Monasterium intrat, & quo usq; vixit, in servitio  
vixit *MARIÆ*. O servum mille titulis Virgini ob-  
strictum!

## STIMVLVS SECVNDVS.

**C**onsidera. 2. Vnum ex potentissimis moti-  
vis, cur ad Mariam recurrere debeat peccator,  
esse, quia illa peccatoribus plurimum obstricta, eò  
quod illorum causâ Mater Dei sit effecta. Nam si  
verum est Antecedens, nempè Verbum Divinum  
naturam humanam assumpsisse, ut hominem redi-  
meret, nec fuisse assumpturum nisi peccasset. Si ho-  
mo inquit, S. August. Serm. 3. de Verb. Apost. non  
periisset, Filius hominis non venisset; Ergo etiam  
vera & legitima erit consequentia. Virginem si ho-  
mo in peccatum non incurrisset, Matris Dei digni-  
tatem non fuisse consecuturam. Quod sentit D. An-



selmus. Lib. de excell. Virg. Cap. 12: cum illam his  
 verbis affatur. Cur non iuvabis nos peccatores,  
 quando propter nos in tantam celsitudinem es le-  
 vata, ut te Dominam habeat & veneretur omnis  
 pariter creatura. Idem Cap. 1. Si propter peccato-  
 res facta est Dei Mater, quomodo immanitas pec-  
 catorum meorum cogere poterit desperare veniam,  
 cum tam ineffabile bonum sit factum ex ea, ob cu-  
 rationem eorum? Abulensis Episcopus. Num. 23.  
 quaest. 9. De Beata Maria inquit, dicimus quod  
 ipsa propter nos Mater Dei est, & sic dicit Ecclesia.  
 Qui pro nobis natus tulit esse tuus, licet, ly pro, vel  
 propter, non dicit causam meritoriam, sed finalem,  
 quia nos non meruimus, ut ipsa esset Mater Dei,  
 sed ut nos salvaremur, ipsa Dei Mater facta est. Hæc  
 Abulensis. & Dionysius. lib. 3. de Laudibus Virg.  
 art. 5. Virgo cognoscit se peccatoribus suo modo  
 debere, quod Mater effecta sit Dei. O peccator!  
 quidni ergo speres favores & gratias ab illâ, quam  
 tu ad tantam dignitatem sublimasti? Quidni ma-  
 gnâ salutem consequaris per eam, quæ magna fa-  
 cta est per magnos peccatores, juxta illud. Peccato-  
 res non abhorres, sine quibus nunquam fores tanti  
 Mater Filij? Terret te fortassis majestas ne accedas.  
 Audi



Audi Hugonem de S. Victore in sententijs, timorem omnem propulsantem, si pertimescis inquit, supplicaturus ad Deum accedere, respice ad Mariam, non illic invenis quod timeas, genus tuum vides. Hæc ille. O genus nostrum! verè nostrum! nobisque adeò clemens & propitium! testetur id plurimos inter vel juvenis ille, de quo Tursell. Lib. 3. C. 33: qui impuro amore fœminæ cujusdam captus, illâ potiri possit, à Christo deficit, dæmoni se tradit, ipsique fidem suam chyrographo obstringit. Proh scelus! verùm desiderio expleto, tandemque pœnitentiâ ductus, Lauretanam ædem adit, ante Deiparam lachrymans orat, recepto illo nefario chyrographo, salutis suæ consultum velit. O Matrem verè Refugium peccatorum! en in manus suas delapsûm conspicit chyrographum. Testetur id celeberrimus ille Theophilus, qui Christum Mariamq; abnegavit, qui abnegationis chyrographum conscripsit, qui annulo signatum diabolo tradidit, tamen in se reversus, ad imaginem Mariæ confugit, cui semel apparens illa, de impietate quidem redarguit, sed exorata patrocinium spondit, stetitque promissis; nam post triduum veniens dixit. Ecce ad petitionem meam suscepit te Deus in gratiam: &



schedulam quam malo genio dedit, retulit. O Ma-  
 riam potentissimam! clementissimam! ô Theophi-  
 lum quondam scelestum, jam Sanctorum catalogo  
 adscriptum! cuius solennis memoria, quarto Fe-  
 bruarij quotannis in Ecclesia celebratur. Disce hinc  
 peccator, ante aram Virginis tua negotia agere. Di-  
 sce Mariana templa adire. Disce in enormibus etiã  
 peccatis veniam sperare. Id à te postulat Christiana  
 Religio. Id à te flagitat Maria, in cuius vitã de insi-  
 gni quodam peccatore hæc leges. Intrat hic Eccle-  
 siam Mariæ, cuius imagine conspectâ, intra se cogi-  
 tat, num pro suorum remedio peccatorum invocan-  
 da? dumque pausando consisteret, tandem prorumpit  
 dicens. Si te Domina misericordiæ invocarem,  
 incassum laborem, quia non exaudis tam magnos  
 peccatores. O desperate Iuda ecquid dicis? quid  
 loqueris? quò præ tristitia abire contendis? audi  
 propitiam Mariam: apparuit enim ei inquiens. Sta,  
 & pete à me, ut intercedam pro te apud Filium me-  
 um. Cui ille. O Domina libenter, sed tot sunt pec-  
 cata mea, ut me damnatum existimem: at ipsa. Si  
 jam damnatus esses, adhuc scio me tui posse mise-  
 reri. O verba solatio plena! plena spe! Vnde benè  
 dixit Anselmus. Pro peccatoribus dulcissima Virgo  
 Mater



Mater intercedere nunc non cessas, qui si non essent nunquam esses.

### STIMVLVS TERTIVS.

**C**onsidera 3. Alterum ex potentissimis motivis, cur ad hoc Refugium peccatorum Mariam recurrere debeamus, esse illud Anselmi. C. 6. de excell. Virg. Velocior inquit ille, interdum est salus, memorato nomine Virginis, quam invocato nomine Filij, non quod ipsa major & potentior eo sit, verum quia etsi merita invocantis non merentur ut exaudiatur, merita tamen Matris intercedunt ut exaudiatur. Rationem huius dicti accipe. Quia Filius licet sit Dominus & potens benefacere, tamen cum simul sit Iudex omnium, discernens merita singulorum, juxta illud Ioan. 5. Pater non iudicat quemquam, sed omne iudicium dedit Filio: si ipse à quovis suo nomine invocatus non statim exaudit, injustè non facit, at dum Maria intercedit, quamvis tua desint, illius tamen merita perorant, est enim Patrona tantum, Patronæ autem sola competit misericordia. Huc facere videtur illud Bernardi Serm. Signum magnum. Fidelis inquit, & potens mediator Dei, & hominum Christus, sed Divinam in eo

reve-



reverentur homines maiestatem : absorpta videtur in Deitatem humanitas, non quod mutata sit substantia, sed affectio Deificata: non sola illi cantatur misericordia, cantatur pariter & iudicium. Denique Deus noster ignis consumens est, quidni vereatur peccator accedere, ne quemadmodum fluit cera à facie ignis, sic pereat ipse à facie Dei: opus est enim mediatore ad mediatorem istum, nec alter nobis utilior quàm Maria. Ita ille. Huc etiam facere videtur illud Augustini. Cum iustitia gladium vibrat in homines, Pater æternus suum brachium, nempe Christum objecit, non tamen continuo Divina iustitia gladium extensum ad vulnus contraxit, &c. At de Beatissima Virgine idem Augustinus subjicit, & S. Ambrosius ait. Te enim brachium & manum extendente, pro nobis, Divinæ ultionis gladius elevatur & contrahitur. O peccator qui hæc legis & ruminas, quid agis? quid cunctaris? cur ad Mariam non accurris? Ah lætus & audax imposterum, speq; plenus recurre ad Mariam, quia quos ipse Deus non potest salvare per suam iustitiam & veritatem, hos ipsa salvat per suam infinitam misericordiam, secundum Anselmum in Sermone. Si ad Christum Iudicem veremur accedere, ad Mariam Patronam, inquit



inquit Anselmus accedamus, impossibile est ut per-  
eamus. Sequere monitum Bernardi. Serm. de aquæ  
ductu. Ad Patrem verebaris accedere solo auditu  
territus ad folia fugiebas, Iesum tibi dedit Mediato-  
rem. Quid non apud talem Patrem Filius talis obti-  
neat? exaudietur utique pro reverentia sua: an verò  
trepidas & ad ipsum? Frater tuus est, & caro tua,  
tentatus per omnia absque peccato, ut misericors  
fieret: hunc tibi fratrem Maria dedit. Sed forsitan  
& in ipso Majestatem vereare Divinam, quod licet  
factus sit homo, manserit tamen Deus. Advocatum  
habere vis & ad ipsum? ad Mariam recurre. Hæc  
Bernardus. O quàm eximia! ô quàm præclara Ad-  
vocata est Maria! quæ per Filium non acquirimus,  
obtinemus per Mariam. Revolve pensiculiùs il-  
lud, quod supra annotatum reperies de Cæsare Ba-  
ronio. Revolve illud quod ex intimis Socijs Sera-  
phici Francisci. F. Leo vidit in somnis, nempe binas  
scalas à terra ad Cælum protensas, in summitate u-  
nius aderat Christus, in alterius Maria, sed qui per  
scalam Christi ascendebant, turpiter decidebant,  
hic ex tertio, ille quarto, ille decimo gradu, ast Ma-  
ria benignè excepit ascendentes, ita ut sine labore  
Regnum ingrederentur. in Chron. Minorum p. 1.



Lib. 2. Cap. 35. Revolve illud de Romanâ peste, pro quâ avertendâ ad Cœlites confugitur, ad Christum itur, sed heu! frustra. Confugitur, ad S. Virginis iconem, per Urbem circumfertur, & ecce pestifera lues cedit. Vndè benè quadrat huc illud D. Bonavent. in Spec. Ante Mariam nemo sanè fuit, qui sic detinere Dominum auderet. Et illud Alcuini, in Serm. de Nativitate. Ecce coram tremendo Iudice assistimus peccatores, cujus manus terribilis gladium iræ suæ vibrat super nos, & quis avertet eum? nemo sanè tam idoneus est, ut gladio Domini manum pro nobis objiciat, ut tu Dei amantissima. Ita ille. Tu ne olim Iudicis hujus iram experiaris, favores in terris expete Mariæ, nam ut dicit Ignatius, in Epistola ad B. Virg. Impossibile est salvum aliquem peccatorem, nisi per tuum ô Virgo auxilium & favorem. Quod si Astrologi in Cœlo, inter Leonem & Libram, Virginis signum interponunt, tu inter Leonem de tribu Iuda Christum, & Libram illam judiciariam, in qua omnia tua facta aliquando examinabuntur, vide interponere possis Virginis signum, sive Virginem amabilissimam Mariam. Felicissimè sanè id successit mulieri illi, de qua ejus Confessarius, è Societate Iesu, ad suum Generalem per scri-



perscripsit, & in Horto Pastorum tr. 4. ad finem  
 hæc leges. In Literis ex India Orientali ad Genera-  
 lem Societatis Iesu, refertur. In quodam ibi Burgo  
 delata est quædam mulier Christiana, quæ peste  
 obierat, ad sepulchrum: cùm verò illud angustum  
 foret, & mora fieret ut inferretur, vox audita est,  
 quasi cadaveris ingemiscantis. Hei mihi! Mirantur  
 omnes, & statim linteum, quo obvolvebatur, di-  
 scindunt, inveniuntque mulierem adhuc vivere, &  
 ut confessione peccata sua expiaret, Confessarium  
 implorare. Reducta ergò in ædes suas, & cùm illuc  
 miraculo accitus advenisset loci Dominus, curat  
 advocari Patrem Casparum Ruiz, Sacerdotem So-  
 cietatis, qui tunc temporis non longè aberat. Hic  
 adveniens interrogat mulierem, ut totam rei seriem  
 enarret. Dicebat ergò, se in instanti mortis per ado-  
 lescentem fulgidum deductam fuisse ad thronum  
 quendam magnificum, in quo Christus sedebat  
 cum Maria Matre, multis Sanctis, & Angelis cin-  
 ctus; ubi dæmon comparens eam de omnibus pec-  
 catis accusarat. Cùm verò ipsa, nec ejus Angelus,  
 quicquam respondere posset, ad Virginis patroci-  
 nium confugere se coactam dicebat, ut opem im-  
 ploraret in tanto discrimine. Cumque precibus



commota forent materna Virginis viscera, Filio Matrem supplicasse, ut tempus poenitendi & peccata confitendi ei daretur, certam repræsentans elemosynam, quam in Virginis honorem pauperi mendicanti, paucis abinde diebus elargita fuerat, cum mendicus à marito severiore, domo expulsus fuisset. Addebat deinde. Christum Iudicem Matris precibus, trium dierum spatium indulgisse, iussisse tamen, ut satisfaceret Divinæ justitiæ, à dæmone multis eam verberibus eâ horâ affici, ac statim postea animam corpori redditam fuisse. Hæc utique narrabat mulier multis cum lachrymis totius vitæ delicta confessione generali expians. Cumq. tres dies elapsi forent, quos cum Patre spiritualibus colloquijs impenderat, Sacro Viatico, & extremâ Viaticione munita, animam magnâ cum fiduciâ Deo reddidit. Hæc ibi. O Virginem inter Leonem & Libram! O Refugium peccatorum Mariam!

### STIMVLVS QVARTVS.

**C**onsidera. 4. Vltimum illudque efficacissimum motivum, cur ad hoc Refugium, vel ut loquitur Ephræm in Serm: de Laud: Deiparæ, cur ad



cur ad hoc peccatorum hospitium, sic MARIAM compellat, accurrere debeat peccator, esse hoc, quia MARIA non tantum nomine sed & re ipsâ, tale se omnibus exhibet. Hinc tot & tanta extant monumenta Marianæ indulgentiæ, atque clementiæ in peccatores, ut nemo sanæ mentis esse debeat qui etiam post enormia scelera perpetrata desperet de venia. O quot illa benignissimè adjuvit! quot Cœlo inseruit! dubium enim non est quin multos nedum mortuos ab inferno liberârit, per anticipatiorem, hoc est protegendo ne illuc labantur: & in hoc sensu dicit mellifluus Doctor Bernardus Serm. 89: à Beata Virgine Cœlum impletum, infernum evacuatum. Germanus autem Sermonem de Zonâ Virginis asserit, plurimos ejus intercessionibus ab æterno supplicio liberatos. Nec dubiū esse debet, multos etiam vitâ functos, jamque mortuos, ne in æternas pœnas ruerent præcipites, Mariæ precibus fuisse liberatos, & vitæ restitutos, ubi pœnitentiam agerent; cum enim nonnulli Sancti multos in lethali culpa defunctos excitârint, suisque precibus obtinuerint, ne æternis ignibus devoverentur, cur non idem asserendum de MARIA? Perpende Christiane, quàm meritò ad hoc peccatorum hospitium



accurrere debeant omnes, de cujus salutiferâ terrâ  
 loquens Richardus: Lib. 8. de Laud: Virg: hæc  
 habet. Maria terra, quia nobis interponitur & abyf-  
 ſo, quâ subtractâ, ſicut Core, Dathan, & Abiron,  
 ſtatim descendimus in infernum viventes, ſic ſub-  
 tracto nobis adjutorio MARIÆ ſtatim labimur in  
 peccatum, & inde in infernum. Operam ſanè lu-  
 deret, qui fabricam terræ non imponderet. Pulchrâ  
 metaphorâ id premit Richard. à S. Laur. qui Lib. 8.  
 de Laud. Virg. ait. MARIA terra, quia omne ædifi-  
 cium in terrâ fundatur, ſic quidquid boni facere  
 volumus in ipſa fundare debemus. Age igitur pec-  
 cator, & ſi à peccato reſurgere cupis, vitamque im-  
 poſterum Angelicam vivere, auxiliatricem Mariæ  
 manum implora, non immemor illorum, quæ acutè  
 obſervavit Sanctiſſimus Ravennatenſium Præſul,  
 S. Petrus Chryſologus dum Serm. 64. loquens de  
 Lazari per Chriſtum reſuscitatione, cui intereſſe  
 debuerat ſoror Marthæ MARIA, ſic ſcribit. Mar-  
 tha mittitur ad MARIAM, quia ſine MARIA nec  
 fugari mors poterat, nec vita poterat reparari: ve-  
 niat MARIA, veniat materni nominis bajula qua-  
 tenus prodeant ab inferis mortui, mortui exeant de  
 ſepulchris. O verba omnium peccatorum cordibus  
 profun-



profundè inculpenda ! ut omnibus innotescat, vitam  
 animæ per Mariam restitui. Suffragatur Richardus  
 Lib. 1. de Laud. Virg: Cap. 2. inquit. Peccator  
 es ? ad nomen MARIÆ confugas, ipsum solum  
 sufficit ad medendum, nulla enim pestis tam effi-  
 cax, nulla sic hæret quæ ad nomen Mariæ non cedat  
 continuò. Huc flecto quæ quidam ab Aloysio No-  
 varino Lib. 4. de umbrâ Virgineâ. Excursu 74. ad-  
 ductus, observavit. Christus aliquando justitiam,  
 Beata Virgo semper misericordiam exercet, unde  
 in hoc etiam illæ Virgines se fatuas præbuerunt,  
 nam si, quemadmodum Domine, Domine, incla-  
 maverunt, ita inclamarent Domina, Domina, il-  
 lam fortasse repulsam non paterentur, quia Matris  
 misericordia, Filij justitiam temperaret. Sed age,  
 & Caroli exemplo, hoc Refugium peccatorum ti-  
 bi propitium reddere contende. Vidit quondam S.  
 Brigitta, de Caroli filij sui salute anxia, utpotè vagi  
 & dissoluti, qui in ætatis flore, morte abreptus, vidit  
 inquam Tribunal, in quo summus omnium Iudex  
 Christus sedebat, cujus dextræ adstabat Maria, ac-  
 cessit quoque humani generis capitalis hostis dæ-  
 mon, multaque contra Mariam conquestus, alle-  
 gabat primò: quod cum ei jus concessum sit ten-  
 tandi



tandi animas, & maximè in morte, tamen in morte Caroli, Virgo cubiculum ingressa, inde eum depulerit, nec permiserit ullo modo ingredi ad tentandum. Allegabat secundò: se jus habere animas in iudicio præsentandi, & accusandi, ipsam tamen Virginem statim animam exeuntem à corpore, inter brachia suscepisse, iudicioque præsentasse, prohibendo omnem dæmonis accusationem, & ideò iudicium sine parte actum esse contra omne jus. Fradelinus lib: 3. Cap. 21. Dic amabo, quid ad hæc putas responderit MARIA? Audi, Sibi præstita à Carolo obsequia obtendebat. Tu similibus obsequiis tibi non devincies Refugium peccatorum MARIAM?

## MEMENTO UT DIEM SAB- BATI SANCTIFICES.

**L**ege quæ Pelbartus Lib. 12. p. 2. a. 1. & ex illo Libellus, cui titulus Maria Mater agoniz: refert in hunc modum. Scelestus quidam latronum princeps, cum viduam quampiam unà cum filiabus Sabbato jejunantem videret, atque id se eo consilio facere affirmarent, quòd audivissent, Beatissimam Dei Matrem id facientibus à Filio impetra-



petrare, ut sincèrè confessi feliciter morerentur,  
 vovit & ipse Sabbatinum jejunium honori Virginis.  
 Elapsis inde annis pluribus, captus & capite trunca-  
 tus, mori tamen non poterat. Confessionē, Confes-  
 sionē clamabat resectū à trunco caput. Adest Sacer-  
 dos & caput trunco unit, rogatq; rei causam & seriē.  
 Tum verò caput. Iam ajebat, resecto prorsus capi-  
 te, aderant dæmones, qui migrantem animam me-  
 am secum ablaturi erant, sed Virgo Mater mori me  
 non permisit, priusquàm Sacramento Pœnitentiæ  
 anteaactæ vitæ scelera expiarem. Expiavit, & statim  
 expiravit. Ah vel cadaveri crede, Mariam esse Re-  
 fugium peccatorum. Disce vel à latrone Sabbata in  
 pretio habere, sed cave totius hebdomadæ turpem  
 libertatem in unicum Sabbati jejunium declinare,  
 axioma enim est. Quod uni gratiôsè conceditur,  
 non debet trahi in exemplum.

C A P U T  
 TRIGESIMVM  
 QVINTVM.

LII

CON.



# CONSOLATRIX AFFLI- CTORVM.

*Ex ore tuo pendet consolatio miserorum, redem-  
ptio captivorum.* S. Bernardus Homil.  
super Missus.

## STIMVLVS PRIMVS.



**C**onsidera. I. Quàm afflictus, quàm miserabilis sit status earum Animarum, quas Purgatorij teterrimus carcer captivas tenet. Perpende obsecro ingentem illam afflictionem, quam multæ justorum animæ sustinent in Purgatorio. Dic amabo quàm horribiles! quàm graves! quàm acerbæ earum sint pœnæ! de quibus B. Maria Magdalena Pazzia. 2. par. vit. C. 13. pag. 169: in raptu existens dixit. Omnia tormenta quæ passi sunt Sancti Martyres, fuisse tanquam amænum hortum, respectu eorum, quæ infliguntur in Purgatorio. Annon acerbæ? siquidem teste S. Augustino. in Psal. 37. S. Anselmo in 1. Cor. 3. & S. Iuliano Archiepiscopo Tolet. L. 2. Prognosticorum, C. 19: gra-



LII.  
 em-  
 us,  
 a A-  
 nus  
 ob-  
 m,  
 to-  
 es!  
 la-  
 9:  
 si  
 er-  
 o-  
 o.  
 no  
 9:  
 a-

gravior est ignis purgatorij, quàm quicquid homo  
 potest pati in hac vita. Annon graves? siquidem  
 teste B. Beda in Psal. 37. Gravior est purgatorij cor-  
 rectio, quàm quicquid unquam passi sunt latrones,  
 vel Sancti Martyres, vel quicquid gravius homo  
 possit excogitare. Annon horribiles? siquidem te-  
 ste S. Thoma in 4. d. 21. q. 1. art. 1. q. 3. Minima  
 purgatorij pœna, excedit maximam pœnam hujus  
 vitæ. Annon acerbæ? Annon graves? Annon hor-  
 ribiles simul? siquidem vel puer novennis, de quo  
 Philippus Berlaymont, comparens matri suæ dixit.  
 Si omnes carbones, quos carbonarij in universo  
 mundo, à tempore nativitatis usque hodiè arserunt,  
 in uno cumulo arderent, & tu dilecta Mater mea,  
 in medio cumulo stares & arderes, non tantas pœ-  
 nas sustineres, sicut jam in purgatorio sustineo. O  
 dolorem! ô pœnas! ô tormenta! Heus Viator! af-  
 flictiissimis Animabus opem ferre memento. Fle-  
 ctere ad illas voces, ac si eas jam audires. Miseremi-  
 ni mei, miseremini mei saltem vos amici mei, quia  
 manus Domini tetigit me. Disce has desolatas Ani-  
 mas solari, vel exemplo illius, quæ Consolatrix af-  
 flictorum meritò audit. Disce exemplo MARIÆ,  
 quæ animas in Purgatorio detentas, imbre suæ con-



solationis singulis momentis, prout ipsa S. Gertrudi revelavit, refrigerat. Disce exemplo clementissimæ DEI MATRIS, quam nonnulli putant statim Conceptionis suæ momento, uti pro alijs, ita & pro Animabus Purgatorij orasse, easque tunc cum solatio sensisse, atq; intellexisse illam esse conceptam. Disce exemplo pientissimæ Cœlorum Reginae, quæ S. Brigittæ Lib. 4. Revel. C. 138. dixit. Sum etiam Mater omnium qui sunt in Purgatorio: & Lib. 6. Nulla inquit est pœna in Purgatorio, quæ propter me non remissior erit, & lenior ad ferendum, quàm aliter esset. Disce exemplo MARIÆ, nam de Hieronymo Caravalle Lusitano Societatis IESV, qui foeliciter obiit, Año 1604: ex fidâ aliorum narratione, refert P. Douterman. Quod cum aliquando ob pœnas Purgatorij, quas valdè formidabat, subtristior esset, apparuerit ei Deipara & dixerit. Ne inquit ita vehementer angaris, ego namque non tantùm Advocata sum peccantium in hac vitâ existentium, sed etiam dum igne purgatorio purgantur. Disce denique vel ab ipso Filio Mariæ, qui S. Gertrudi. Lib. 4. C. 18. Insin. asseruit, inquiring. Qui pro peccatoribus & Animabus purgandis devotè oraverit, hoc tam dignanter acceptabo, ac si  
ad me



ad me incarceratum crebrius veniendo, blandis consolationibus suis, desolationem meam sublevasset. Et aliâ vice orante S. Gertrude. L. 5. C. 21. Insin: & petente, quàm acceptus esset Domino labor earum in recitando Psalterio pro defunctis. Respondit Dominus. Tam acceptus certè, ac si memetipsum toties suo pretio à captivitate liberasset, quoties aliqua liberatur anima per orationes earum: & hoc ipsis indubitanter restituam in tempore opportuno secundum omnipotentiam meâ liberalissimâ pietatis. O indociles stupidosque discipulos! qui ex tot lectionibus Iesu & Mariæ nil proficiunt. Si verba non docent, doceant moveantque exempla, nam ut est in vitâ Alvarez. C. 45: ante imaginem Sanctissimæ Virginis oranti Ioanni Ximenes Societatis Iesu, eximie probitatis Coadjutori temporali, clara vox ad aures venit. Ximene memor esto animarum Purgatorij: quâ voce ille ita permotus est, ut ab eo tempore usque ab obitum, per. 3. circiter annos, omnia opera sua, tam externa quàm interna, tum devotionis, tum mortificationis, in suffragium earum Animarum obtulerit. Et tu nil offeres?



## STIMVLVS SECVNDVS.

**C**onsidera. 2. Quàm facilè, nulloq; negotio pœnas purgatorij incurrant mortales. Testis sit devotissimus ille *MARIÆ* cliens, *P. Iacobus Rem*, cui *Ingolstadij* quidam è *Societate IESV* apparens dixit, se in purgatorio esse, eò quod sæpè absque facultate disciplinas fecisset. *Ann. Coll. Ingolstad. Ann. 1618.* Testis sit Religiosus ille è *Divi Domini Familiâ*, de quo *Gherardus de Fracheto* in vitis *F.F. Prædicatorum*, qui non ob aliam causam purgatorio detentus fuit, quam quod cum novi socci de more darentur, acceptis novis, veteres contra *Regulæ statutum*, puritatemque religiosæ paupertatis occultaverit, & ut conjecturari licet non malitiosè. Testis sit *Durañus* ex Abbate *Episcopus Tholosanus*, de quo *Vincent. Belluacen.* in *Spec. Hist. Lib. 26. Cap. 5:* qui purgatorio solvit, quòd sæpiùs verba risum moventia incautè usurpasset. Testis sit puer ille novennis, qui ob non solutos 9. hallenses, quos mutuò acceperat, in maximas purgatorij pœnas incidit. Testis denique non minus à purpurâ quàm doctrinâ & pietate celebris *Belarminus*, qui *Lib. 1. de amiss. gr. C. 13.* ait. Vix inquit,



inquit, ulli iusti homines, nisi ex magna misericordia Dei, pœnam purgatorij acerbissimam evadunt, ita ut rectâ ex corpore ad Cœlum evolent. Tu ne aliquando eò devoluaris, indeque tardius ad Cœlites evoles, fuge omnes etsi levissimas culpas, justitiam pietatemque sectare, ne aliàs ipsa Consolatrix afflictorum annunciet tibi illud ipsum purgatorium, quod duobus è Societ. IESV, qui Anno 1597. in Collegio Romano totius Societatis Seminario è vi-  
vis excessêre. Rem sic describit Sebastianus Beretarius. Celsus Finettus magnæ pietatis, purique candoris, & egregiæ expectationis adolescens, cursum & ipse suum consumavit. Sex hic fuit annos in Societate, cùm vicesimum tertium ætatis ageret. Patriâ fuit Senensis, cultui Matris Virginis præcipuè addictus, quam etiam in morte visam, mortem sibi & salutem certò prædixisse narravit: diem quoque purgatoriarum pœnarum in quadriennium finendam nunciasse: adjecisse insuper B. Matrem, M. Antonium Ridolphinum, adolescentem: 22. annorum, non longo intervallo sequuturum, non tamen illi ultra biennium purgatorij carceris finitam diem. Quod cui cuimodi accipiendum sit, ad executiendam tamen è nostro pectore socordiam, scribendum



bendum visum est, ne quis inani fiduciâ, expeditum sibi fore transitum ex his ærumnis blandiatur, cum duas tanto candore animas, quæ tantâ sinceritate, suæ primitias ætatis, Deo dedicassent, iter ad cœleste gaudium, tanto pœnarum vallo obseptum habuisse audiamus. Non inane autem aut umbratile fuisse visum, multi iudicarunt, cum insolitâ ex eo tempore lætitiâ ipsius animus perfrueretur, nec nisi de futurâ vitâ libenter jucundeque sermones vel haberet, vel admitteret. Sed multo magis ejus rei fidem confirmavit, alterius pari probitate pietateque condiscipuli consequuta mors. Huc usque Annuæ literæ. Proh Deum immortalem! si ad quadriennium unus, ad biennium pœnarum alter condemnatus, uterque tamen moribus Angelus, quid ergò cum libertinis? quid cum iracundis? quid fiet cum delicatulis? unde Salvator Lib. 6. Rev. Cap. 2. postquam dixisset S. Brigittæ de quodam ad purgatorium ituro. Sic in purgatorio amarum habebit anima ejus supplicium, quod nullus mortalis est, qui posset illud cogitare. Tandem concludit inquis. Quid ergo patientur illi, qui omnem voluntatem suam habent in mundo, & nullis tribulationibus fatigantur.

STIMV.



## STIMVLVS TERTIVS.

**C**onsidera. 3. Ingens illud levamen, quod percipiunt afflictissimæ Purgatorij animæ, si vel horam aut quadrantem de tormentis earum auferas, plus enim abstulisti, quàm si vitæ hujus ærumnis omnibus obnoxium simul universis exemisses. Et quidni? nam Author antiquus (sed non Cyrillus) apud S. Augustinum Epist. 206. tom. 2. scribit, audivisse se à quodam resuscitato per saccum S. Hieronymi. Omnia tormenta hujus vitæ comparata minimæ poenæ purgatorii sunt solatia: mallet enim quilibet viventium, omnes quæ hinc videntur poenæ & tormenta, si illas experientiâ nosceret poenas, usque ad finem mundi, omnibus his simul sine remedio cruciari poenis, quas omnes homines ab Adam hucusque sigillatim pertulerunt, quàm unâ die in inferno, sive in purgatorio, minoris quæ illic habetur poenâ torqueri. Perpende jam ô Christiane, quo solatio, quo levamine prives desolatas illas Animas, si quas tam facile juvare posses, tamen omittas. Facile esse negas? imò facillimum, nam in Vitis Fratr. Prædic. Par. 5. C. 4. hæc leges. Sacerdos quidam uno sacrificio cum lacrimis &

M m m

pieta-



pietate oblato, additis illi unius diei pijs operibus.  
 15. annorum purgatorium, quod cuidam Religio-  
 so statutum erat, sustulit, qui ei apparens gratias pro  
 liberatione egit. Et Venerabilis Beda. Lib. 5. hist.  
 Cap. 13. affirmat; devotæ cuidam personæ fuisse  
 revelatum, aliquas animas passuras fuisse usque ad  
 diem iudicii, nisi à vivis per suffragia fuissent adjutæ.  
 Perpende etiam quo solatio eas afficiat verè Conso-  
 latrix afflictorum Maria, nam refert Petrus Damia-  
 nus, Lib. 3. Epist. ult. Mulierem quandam defun-  
 ctam Romæ nocte Assumptionis cuidam apparuis-  
 se, & interrogatā quemadmodum haberet, respon-  
 disse. Vsque hodiè non levis me poena cruciavit,  
 at hodiè Regina Cœli pro nobis preces fudit, meq;  
 cum multis alijs de locis pœnalibus liberavit, totq;  
 indè eripuit, ut numerum totius Romanæ plebis ex-  
 cedant: cumq; de rei veritate dubitaret altera mu-  
 lier, scito inquit, in signum veritatis, te hac ipsâ die  
 post annum morituram. & ita factum. Narrat quo-  
 que Dionysius Carthus. Serm. 2. de Assumpt.  
 Quendam ex purgatorio, Amico suo comparuisse,  
 & affirmasse: solere B. V: nocte Nativitatis purga-  
 torium ingredi, multasque animas liberare in me-  
 moriam partus Virginei: item in Resurrectione in  
 memo-



memoriam descensus Filij ad inferos. O si tu Marianis saltem pervigilijs, Festisq; diebus, Animabus illis opem feras! piè enim creditur teste Gersone super Magnificat, in Assumptione Beatissimæ V. Purgatorium evacuatum fuisse; & piè quidam existimant, Animas è purgatorio à pientissimâ Virgine Festis ejus solennioribus liberari.

### STIMVLVS QVARTVS.

**C**onsidera. 4. Commoda & lucra ingentia Ceorum, qui animas purgatorij suis precibus & sanctis operibus adjuvare nituntur. De S. Gertrude refert Dionysius Carthus. eam instante morte vehementer expavisse, quod omnibus satisfactionibus totius vitæ destituta, quas omnes defunctis applicuerat, terribile purgatorium esset subitura, cui Christus apparens, filia inquit Gertrudis, ut videas quàm mihi placuerit ingens tua in defunctos caritas, in compensationem condono tibi omnes pœnas quas debes, efficiam denique ut animæ per te liberatæ, tibi morienti assistant, teque in Cœlum cum triumpho deducant. O commodum! ô lucrum ingens! accedat singulare illud Angelici Doctoris



Etoris S. Thomæ Aquinatis, quem Soror ab eo libera-  
 rata è purgatorio, edocuit de instante ipsi morte.  
 Accedat & illud eximium S. Catharinæ Senensis,  
 à qua Parens ejus, ut habetur in vitâ 3. p. C. 7. è  
 purgatorio carcere liberatus, beneficij memor, non  
 solum continenter pro filia Deum orabat, sed eam  
 etiam crebrò invisebat, in pietatis officijs instrue-  
 bat, dæmonum fraudes & insidias patefaciebat, al-  
 terius vitæ gaudia & plurima arcana revelabat.  
 Proh quantum perdis, quisquis animabus illis non  
 opitularis! Si enim illæ pro suis benefactoribus o-  
 rant, ut docent Theologi, dum adhuc in Purgatorio  
 detinentur, quid ergò non agent in Cœlo? imò ne  
 ob negligentiam gravius aliquando puniaris cave,  
 nam leges in Annalibus Franciscanis. p. 2. Lib. 9.  
 Cap. 22. de quodam Religioso deside in persolven-  
 dis ijs, quæ ex Regula pro defunctis debebat, qui  
 post mortem alteri apparens dixit, se acerbissimas  
 pœnas pati, nihilque sibi hætenus profuisse missas  
 & suffragia pro se facta, ob illam suam negligen-  
 tiam, sed alijs omnia attributa. O pœnam! ò justam  
 de Cœlo vindictam! P. Iacobus Rhem è Soc: IESV,  
 quo haud facilè amantiorem Virginis reperies, fre-  
 quentibus apparitionibus Animarum purgatorij  
 opem



opem implorantium, celebris sanè evasit. P. Iosephus Anchieta ingentem earum turbam, lugubre ejulantium, fufis precibus unâ vice liberavit. Tu utroque in genere eos ut ancillas, ipsamque è Cœlis Dei Matrem, ad te in solatium proprium evoces, vive memor animarum purgatorij, easque quibus potes sanctis operibus, Missæ præsertim Sacrificijs adjuva, nam ut Ferdinandus de Castiglio in 1. p. Hist. Dominic. Lib. 2. C. 14. scribit. Robaldo ejus Ordinis Sacerdoti, Sacrificium Missæ pro quodam ejusdem Familiæ defuncto offerenti, Consolatrix afflictorum MARIA, animam illius defuncti in ulnis gestans apparuit, dixitque. Vides amicum pro quo Sacrificium offers.

## MEMENTO UT DIEM SAB. BATI SANCTIFICES.

*Conveniunt rebus nomina sepè suis.*

**T**Estentur id vel summa in terris capta, quorum imperio Consolatrix afflictorum audit Maria. Hæc ut refert Cartagena. de antiq. Carmelitar. apparuit olim Ioanni XXII. Summo Pontifici, & præcepit, evulgaret Carmelitis qui à

M m m 3

Sancta



Sancta Maria de monte Carmelo nomen habent, & omnibus cum Scapulari Ordinis sepulturae traditis, ac in Purgatorio detentis, singulari Virginis beneficio, primo SABBATI die ab ipsorum obitu, integram relaxationem dandam poenarum purgatorij. O verè Consolatrix afflictorum MARIA! quæ S. Simoni Stok V. Ordinis Carmelitarum Generali, & Ordini sibi peculiariter dicato promisit, quod primâ die Sabbati post obitum, animas Fratrum, Sororum, Confratrum, & Confororum Ordinis Carmelitarum in Purgatorio existentes, suâ intercessionem à poenis sit liberatura. O Sabbatum per quod introitus patet in aeternæ felicitatis Dominicum!

C A P U T  
 TRIGESIMVM  
 SEXTVM.  
 AUXILIUM CHRISTIA-  
 NORVM.

*Te Chri-*



*Te Christianorum multitudo murum habet fir-  
missimum. Te fideles Reges arma tenent valida.*

*Per te consequuntur trophæa victoria. Georg.  
Nicomediensis Archiep: ad B. V.*

## STIMVLVS PRIMVS.



**C**onsidera. I. Inter tot visibilia  
& invisibilia Christianorum bella,  
nam militia est vita hominis super  
terram, teste Iob. C. 7: quid optabi-  
lius? quid desiderabilius Mariano  
auxilio? illa est Christianorum propugnatrix, sic  
eam appellat Gregor. Magnus. in Epistol. insertâ Sy-  
nod. Nicænæ. 2. Act. 4. Illa est Christianorum fi-  
dei propugnaculum, sic eam vocat Andreas Cre-  
tensis. Orat. de dormit. Virgin. Illa murus est sta-  
bilis & firmus, nobis ad defensionem & munitio-  
nem datus, ut de ea testatur Vgo Charensis. Illa est  
Christianorum spes, sic eam nominat Damascenus.  
Orat. de Nat. Mariæ. Illa denique vita est Christia-  
norum, quo titulo eam insigniuit Germanus Ser.  
de Zonâ B. V. dum ait. Si tu inquit, nos deserue-  
ris, quidnam de nobis fiet ô Sanctissima Deipara,  
Spiri-



Spiritus & vita Christianorum? Tu voca eam Debboram Christianorum, ex quâ mille clypei pendent, omnis armatura fortium. Cant. 4. Voca eam terribilem ut Castrorum aciem ordinatam. Cap. 6. Assimilare eam equitatu in curribus Pharaonis, C. 1. Voca eam iterum atque iterum Debboram Christianorum, Iudic. 4: contra gravissimum hostem Sisaram. Voca eam gloriosissimam Iudith. 13. contra Holofernem. Voca eam pulcherrimam Esther. 7. contra superbissimum Aman. Voca eam fortissimam Salomonis mulierem contra omnes Virorum assultus. Dic de ea quod de Iudith dictum. 14. Vna mulier Hebræa fecit confusionem in Domo Regis Nabuchodonosor. Dic de ea. Dominus omnipotens tradidit eum in manus fœminæ, & confudit eum. Cap. 16. Dic ipsi. Benedixit te Dominus in virtute suâ, quia per te ad nihilum redegit inimicos nostros. Cap. 13. Dic denique Mariam esse velut alteram illam Moysis sororem, quæ transito mari rubro, demersoque in eo Pharaone, sumpsit tympanum. Exod. 15. in manu sua, egressæque sunt omnes mulieres post eam cum tympanis & choris, quibus præcinebat dicens. Cantemus Domino gloriosè enim magnificatus est, equum & ascensorem  
eius



ejus deiecit in mare. O tibi morienti sic olim præcineret Maria! ut præcinat, egredere post illam, ei-  
 que prius occine dulce illud Angelicum melos. Ave, &c. nam cuidam sensibus alienato, & in angustiis  
 in quibus tunc versabatur, Virginis opem imploranti, nequaquam sub principio succurrere volebat  
 Maria, acriter de ipso conquesta, quod salutationem  
 Angelicam, ne unâ quidem vice sibi representasset.  
 Histor. Ord. Cisterc.

## STIMVLVS SECVNDVS.

**C**onsidera. 2. Magis in particulari præstantiam atque efficaciam Mariani auxilij, quod in visibilibus, cruentisque Christianorum bellis, clientibus suis afferre valet Maria. Et quidni afferat Belatrix egregia? sic eam nominat Bernardus in Deprecatione ad Virginem. Tomo. 2. Quidni afferat summis etiam Angelis robustior? sic eam compellat Carthusianus Libr. 3. de Laud. Virg. art. 11. Quidni afferat Generalissima belli Catholici Bellona? sic eam vocat Ferdinandus II. Cæsar pientissimus. Quidni denique afferat illa, quæ à victorijs adeò celebris, meritò vocari potest S. Maria de Victoria



ctoria? Et nonne celebris à victoriâ illâ quam teste Theophane Anastasio & Cedreno, atque ex ijs Baronio, Heraclius Imperator obtinuit? qui Regem Persarum ope magnæ Virginis devicit, qua factum est, ut grando miræ magnitudinis Persas contriverit. Nonne celebris à victoriâ illâ quam Ioannes Zemisca Imp. Græcorum retulit? qui Bulgaros, Roscos &c. ejusdem Virginis ope superavit, quæ adeo clemens & benigna, S. Theodorum Martyrem submitit, qui visus est equo albo insidens in prima acie pro Romanis pugnare, & hostium vires infringere. Nonne celebris à victoriâ, quam ejusdem ope habuit Pelagius Princeps? qui cum paucis Gothos debellavit, tela enim hostium vi divinâ in ipsosmet retorta, ita ut Alchaman eorum Dux cum 20. millibus turpiter cæsus sit. Nonne celebris à victoriâ illâ de quâ Hieronymus Blanca in Cōmentario rerum Aragonensium ad annum. 1134? Mauris Cæsar Augustam Urbem noctu clam invadere contendentibus, B. Virginem Cœlesti Angelorum agmine coacervato ipsis infidelibus restitisse, ac ne Urbis sibi carissimæ potirentur, illius se præbuisse propugnatricem ac murum. O foelices eos belli Duces, qui ad hoc Auxilium Christianorum accurrunt! nam ut



ait Angelicus Thomas, opuscul. 8. in omni periculo potes obtinere salutem ab ipsâ Virgine gloriosâ. O ter, quaterque beatos! qui non prius se pugnae committunt, quam hujus Bellonae succursum implorent. Habent quem imitentur Ferdinandum II. piæ memoriæ Augustissimum Cæsarem, qui Mariam vexillis bellicis inscripsit. Habent quem imitentur Andronicum juniorem, qui ad bellum processurus, DEVM Dei que Matrem pro felici successu precabatur. Habent quem imitentur Stephanum Hungarorum Regem, qui ut refert Anton. Bonfin. Lib. 1. de rebus Hungar. Dec. 2. iturus contra hostes, supplex Mariam implorabat, dicens. Si placet tibi ô Domina mundi, tuæ partem hereditatis ab inimicis devastari, & novellam Christianismi plantationem dissipari, ne quæso sinas illud imputari diffidentiae meæ, sed potius dispositioni voluntatis tuæ. Si quid commisit culpa pastoris, ipse luat, oves quæso insontes ne patiaris affligi. Putas ad has, similesque voces obsurdesceret Auxilium Christianorum Maria? putas clientes suos non exaudituram? putas nullam ei de bellis curam? certè de Narsete magno Virginis Sanctissimæ cliente ac cultore refertur. Eum sub Iustiniano Imper. cujus exercituum



ipse Dux fuerat, ope Beatissimæ Virginis, miras & crebras contra Totilam & Gothos obtinuisse victorias, & quod obstupescas, ipsa universi Regina ei apparere solebat, & quando prælium ineundum esset præcipere, quare ipse in aciem non descendebat nisi ab ea tempus opportunum didicisset. O Duces! ô milites! si ad palmas & triumphos aspiratis, si ad lauros & victorias anhelatis, eja agite, & prius obsequijs Mariam vobis devincite, tum demum vexilla pandite, ad arma conclamate, hastas vibrare, sed hastas à Mariæ nomine, sacrisque pignoribus relucens. Cum Dux Normanorum Urbem Carnotensium obsedisset, Episcopus Urbis illius tunicam Sanctissimæ Virginis Mariæ, quæ ibidem asservabatur, more vexilli hastæ imposuit, & subsequente populo securus ad hostes exijt, moxque omnis hostilis exercitus cœcitate percussus est & amentiam, stabatque totus corpore trepidus, animoque stupefactus. O victoriam! Duce Alphonso VIII. Castell. Rege. Anno 1212. 16. Iulij, ducenta millia Maurorum in pugna cæsa perhibentur, cum è Christianis nonnisi 25. aut 30. occubuisissent. O triumphos! ô cladem turpissimam! ubi memorabile illud. Mauri visâ Beatissimæ Virginis effigie in vexillo  
expres-



expresſâ , exterriti in fugam ſe convertiſſe nar-  
rantur.

## STIMVLVS TERTIVS.

**C**onſidera. 3. Victorias & triumphos, quos  
in occultis atque inviſibilibus prælijs ſperare  
poſſint Chriſtiani, ubi Auxiliatrix compartnerit illa,  
quæ accinxit fortitudine lumbos ſuos, & roboravit  
brachium ſuum, Proverb. 31. Vbi advenerit fœ-  
mina illa fortis, ad bellum doctiſſima, ſic Mariam  
appellat Bernardus. Vbi vel tranſierit Bellatrix illa  
ſumma, quam Damascenus, Orat. 1. de dorm. al-  
loquens, ait. Tuum, inquit, in Cœlum aſcenſum,  
impuri atque in aëre verſantes ſpiritus perhorru-  
erunt, tuo tranſitu aër benedicitur, ſuperior æther  
ſanctitate afficitur. Vbi denique vel conſpecta fue-  
rit illa, de qua S. Bernardinus, Serm. art. 3. Cap. 2.  
Sicut magnus ignis effugat muſcas, ſic ab ardentis-  
ſima Virginis mente, & inflammatiſſima charitate  
effugabantur dæmones, & pellebantur in tantum,  
quod ſolum in modico non erant auſi reſpicere mē-  
tem ejus, nec de magno ſpatio illi propinquare. O  
quàm glorioſè de acerrimo humani generis hoſte  
triumphavit Maria! Contrivit potentiam, inquit



Fulbertus Episcopus Carnotensis, Sathanæ, per Filium quem genuit, spoliando illum Dominio suo. O quoties in nostram salutem vicit illa dæmonem! ut meritò ei dicere possimus cum S. Bernardino, Tom. 2. serm. 51. art. 3. C. 4. Tu perditio Mundo aditum recuperas, & principem tenebrarum evertisti. Evertit sanè, nam teste Bernardo, Sermone signum magnum. Vnicus inquit ille, stultus (loquitur de dæmone) totius stultitiæ princeps, qui verè mutatus ut Luna, sapientiam perdidit in decore suo, sub Mariæ pedibus conculcatus & contritus, miseram patitur servitutem. Hæc Bernardus. Ah Christiane! quidni speres dum spiras? quidni audacè tibi promittas victorias & triumphos, ubi succurrerit Auxilium Christianorum Maria? Crede vel Cæsario, Lib. 2. Exemp. Cap. 12. narranti. Cum miles quidam Christo abrenunciato, homagium diabolo præstitisset, Mariæ autem licet dæmone svadente abrenunciare nollet, quin imò dum rediret, & in viâ ad Ecclesiam divertisset, ibiq; ad Deiparæ imaginem filium in sinu gestantis prostratus, admisi sceleris veniam à filio impetraret rogasset, res mira! ipso audiente, inquit ad Filium Maria. O dulcissime Fili miserere huic homini. Sed proh dolor!

Filius



Filius à Matre faciem avertens tacet: instat illa. Sed heu! Matri dorsum vertit IESVLVS. O spectaculum funestum! ecquid tandem agat Maria? audi stratagema: surgit imago, puerum super altare ponit, ejusque pedibus prostrata perorat. Rogo, inquit. Fili, ut propter me dimittas ei hoc peccatum: mox infans Matrem elevans ait. Mater nunquam tibi aliquid negare potui, ecce propter te totum dimitto. O victoriam celeberrimam! ô victoriam Mundo universo publicandam! Et quidni ergò de dæmone triumphent Christiani, si auxilietur illa, quæ de Deo ipso triumphat?

### STIMVLVS QVARTVS.

**C**onsidera. 4. Gratitude eorum, qui auxilio magnæ Matris olim triumphassent. Annon gratus Ioannes Zemifces Constantinopolitanus Imperator, qui cum ope Virginis hostes domuisset, ejus statuam suo loco, in curru triumphali collocavit, ipseque albo equo insidens, triumphantem in Urbem ut cliens subsecutus est. Annon gratus Ioannes Commenus imperator, de quo ex Niceta Chroniata, Ioannes Gans in sua Quinquatria. Discut-



Discursu 1. de Concept. sic habet. Amplius fecit post hunc alius Imperator Ioñes Commenus, cum & ipse ingentem ac mirabilem contra Scythas victoriam Deiparæ auxilio retulisset, currum enim ex argento, auro, ac gemmis fieri curavit, quatuorque huic nive candidiores equos junxit, qui Virginis imaginem in curru positam veherent: ipse pedes, crucem manu gestans, præibat currum lætabundus: equos primarij Viri & Amici regebant, atque ita triumphabundam Imperij Collegam Mariam in Urbem introduxit. Hæc ipse. Nota est celebris illa victoria Ioannis Austriaci, quam ille in mari Corinthiaco, Anno 1571. à Turcis retulit ope Magnæ Virginis, undè ejus memoriam quotannis recolunt fideles, vocantque Festum S. Mariæ de Victoria, quod sub initium Octobris celebrant. O gratitudinem dignam quam imitentur Christiani! dignam quam tu imiteris Anima mea, quæ tot insignes victorias hucusque retulisti de carne, mundo, dæmone, auxiliante tecumque bellante Mariâ. Ah quidni Victrici applaudas, sæpiusque acclames. Io triumphe! Io triumphe! Quod si Octavianum triumphantem, corvus quatuor hisce verbis adsalutavit. Ave. Cæsar. Victor. Imperator. Tu vel corvum imita-



imitare, & Mariam Victtricem totiesq; ex te triumphantem, quatuor quoq; verbis adsaluta dicendo. Ave Maria gratia plena. Certè S. Mechtildis cogitans aliquando, quodnam Virgini gratissimum offerre posset obsequium, vidit ipsam Virginem gestantem in pectore aureis exarata litteris Angelicam salutationem, dicente Virgine. Supra hanc salutationem nunquam homo pervenit, nec aliquis me dulcius salutare poterit. Kal. Marian. 26. Febr. Proh ingratum Christianum! qui ad hoc Auxilium Christianorum non accurrit occinens. Ave Maria gratia plena. &c.

## MEMENTO UT DIEM SABBATI SANCTIFICES.

**P**erpende quàm gratioso stratagemate, hoc **AVXILIVM CHRISTIANORVM** sibi propitium reddere, conati fuerint olim Fideles. In Concilio Claremontano sub Urbano II. statutum fuit, **SABBATIS** Officium Deiparæ, & Missa de eadem solenniter celebraretur, quod tunc factum ad patrociniū potentissimæ hujus Bellonæ implorandum, pro expeditione ad Terram Sanctam recuperandam, quæ expeditio in eo Concilio decreta

O o o

fue-



fuerat. Et quanquam longè etiam antè Sabbata cultui Mariano consecrata fuissent, novis tamen obsequijs demulcendum, devinciendumque erat Auxilium Christianorum, in quorum potestatem redijisse Hierosolymas ope Mariæ, testatur post alios Spinellus, Mirac. n. § 1.

# CAPUT TRIGESIMUM SEPTIMUM.

## REGINA ANGELORVM.

*Quid dicam de te ô Virgo Maria. Si cælum te vocito, altior es. Si Matrem gentium te dicam, præcellis. Si Dominam Angelorum te vocem, per omnia comprobabis. S. Augustinus in Sermone.*

## STIMVLVS PRIMVS.



**C**onsidera. I. Nobilissimas illas substantias in Cœlo Empyreo creatas, quas Angelos nuncupamus, quàm illustres eæ sint, quàm decoræ, quàm singulæ



singulæ à singulis specie differentes, quàm omnis  
 compositionis expertes, denique quantâ gratiâ præ-  
 ditæ. Maximus Angelorum tantum habet de gra-  
 tiâ, ut asserat Suarez. tom. 2. in 3. part. disp. 18.  
 sec. 4. nullum Sanctorum hominum pervenisse, ne-  
 dum excessisse illum in gratiæ intensione, solis Chri-  
 sto & Virgine exceptis. Horum omnium Reginam  
 si inquiris, est MARIA. Vos Angelis superiorem  
 ait Damascenus Orat. 1. de Nativ. alloquens Ioa-  
 chim & Annam, nunc autem Angelis dominantem  
 filiam extulistis. S. Bernardinus Senensis tom. 3.  
 Serm. 3. de nomine Virg. C. 3. affirmat, eam An-  
 gelis dominari, respectu quorum inquit, est electa  
 ut Sol ad irradiandam totam multitudinem Spiri-  
 tuum Beatorum. Sed audi Angelum in Revelatio-  
 nibus S. Brigittæ. C. 20. Ipsius inquit animam,  
 quando fuit à corpore separata, statim super omnes  
 Coelos ipse Deus mirificè sublimavit, eique impe-  
 rium super universum Mundum donavit, & Ange-  
 lorum Dominam æternaliter illam constituit. ita  
 ipse. Tu verò exclama: ô Reginam potentissimam!  
 ô Dominam Angelorum! Dic ei cum S. Iacobo in  
 Liturgia. Dignum est, inquit, ut te verè beatam  
 dicamus Deiparam honorabiliorem quàm Cheru-  
 bim,



bim, & gloriosiore[m] quàm Seraphim. Dic de ea cum S. Ephrem. Oratione de Laudib. Virg. Intermerata ait, Deipara Regina omnium, sublimior Coelicolis, honoratior Cherubim, sanctior Seraphim, & nulla comparatione cæteris omnibus superis exercitibus gloriosior. Dic quod de ipsâ dixit Anselmus de excell. Virg. Cap. 4. Tota, inquit, Christianitas novit, quæ illam super omnes Cœlos, exaltatam, & Angelicis choris prælatam certissimè credit. Dic cum Bernardo, Sermone Signum magnum. Hanc ait, super omnes Angelorum Choros, super Cherubim quoque, ac Seraphim exaltatam nefas est dubitare. Dic denique cum Ecclesia. Exaltata est Sancta Dei Genitrix super choros Angelorum ad cœlestia Regna: cujus rationem bonam afferes, si ex S. Bernardino tom. 3. ser. 3. de glor. Nom. Virg. art. 2. Cap. 1: dicas. Ratio naturalis ex gratuitâ lege dictat, quod Mater Regis omnium est in sede regia super omnes ministrorû Ordines collocanda. Verùm quid documenti hinc erues Anima fidelis? Disce primò imitari Mariam in eâ virtute, ob quam adeò illa exaltata fuit, nam Christus Salvator Lib. 1. Revel. Cap. § 1. revelavit S. Brigittæ, inter causas ob quas B. V. super om-



nes Angelorum choros exaltata fuit in Cœlis, fuisse  
 mititatem ipsius. Disce secundò diligenter ruminare  
 ea quæ ad Virginis dignitatem faciunt, advertit  
 enim S. Bernardinus Senens. tom. 3. Serm. 11. art.  
 2. Cap. 1. Angelos ab ipso exordio creationis &  
 glorificationis eorum prævidisse, eam futuram Ma-  
 trem Dei, & per consequens super omnem ratio-  
 nalem creaturam in Cœlesti gloriâ exaltandam. Di-  
 sce tertio non invidere, sed gaudere de prosperis  
 aliorum successibus. Gaudent, inquit S. Bernardi-  
 nus Senens. tom. 3. Serm. 11. art. 2. Cap. 3. & læ-  
 tantur Angeli, cum B. Virgo animâ & corpore in-  
 greditur Empyreum Cœlum, quia vident Reginam  
 Cœli hodiè primò in Curia Paradisi, jam enim ma-  
 jori fœdere conjunguntur hominibus, quia etsi vi-  
 dissent hominē DEVM in ascensione sublimatum,  
 nunquam tamen hominem purum omni alteri cre-  
 aturæ præpositum. ita S. Bernardinus. Angelus  
 verò S. Brigittæ indicavit. Cœlestes omnes Hier-  
 archias simulatq; thronum sublimissimum, & Di-  
 vino Solio vicinissimum à Deo Mariæ præparatum  
 intuiti sunt, summopere admiratas, ita in amorem  
 ejus & reverentiam exarsisse, ut Seraphini vehemē-  
 tius ipsam amârint quàm se ipsos, tamq; sincero af-  
 fectu,



fectu, ut magis exultaverint ob singulares gratias ac prerogativas, quibus illam Numen ditaturum erat, quàm si ipsimet illas accepissent, plusque gaudij senserint ex eo, quod Deus Virginem creaturus erat, quàm quòd se jam creasset. Subjicit Angelus C. 4. pag. 538. sub fin. Verè DEVS cum Angelis, & Angeli cum Deo de te ô Virgo creaturarum omnium dignissima, antequam creareris, intimè congaudebant. O fictu gauderes Anima mea! O publicares ubique illud quod jam pridem dixit Epiphanius. Orat. de Laud. Virg. nimirum. Mariam sublimiorem Angelis esse factam, & solo Deo excepto, cunctis superiorem existere.

## STIMVLVS SECVNDVS.

**C**onsidera. 2. Quâ reverentiâ, quâ modestiâ & compositione, Serenissimæ huic Regi-  
næ assistant Angeli: priùs tamen adverte; septem numerari Angelorum Principes, quorum in suâ Apoc. Cap. 4: meminit S. Ioan. Et septem inquit lampades ardentes ante thronum, qui sunt septem Spiritus Dei. & de iisdem, C. 1. dixerat. A septem spiritibus qui in conspectu throni ejus sunt; inter quos;



quos, & reliquam Angelorum multitudinem, ex eodem Evangelistâ collige discrimen, quod illi solum ante Dei thronum, hi verò in circuitu Divini throni, Seniorum & quatuor animalium esse perhibentur. Cap. 5. Et vidi & audiui vocem Angelorum multorum in circuitu throni, & animalium & Seniorum, &c. Et Cap. 7. Angeli stabant in circuitu throni, & Seniorum, &c. Adverte etiam quod septem hi Angelorum Principes, sicuti dignitate præstant cæteris Angelis, ita pariter Sanctissimis hominibus nequaquam sint inferiores, utpotè qui post Deum & Virginem sibi agnoscunt superiorem neminem. Hinc B. Amadeus, de cuius sanctitate, 3. parte Chronic. S. Francisci, Lib. 6. Cap. 30: in suis revelationibus, in primo raptu, cum Cœlestem Curiam vidisset, audivit vocem. Septem Angeli sumus, qui Genitricem Dei nostri veneramur, alios omnes vestri generis præcedimus: loquebatur de septem Angelis qui throno Dei astant, ut ex ijs quæ ibi subjiciuntur videre est. Quibus omnibus præmissis, perpende jam Anima fidelis, quâ reverentiâ, quâ pietate non assistant throno Reginae suæ, Sanctissimi Angeli? quâ voluptate eam non intueantur Divini illi Spiritus? Tu, inquit Andreas Cre-

tens.



tenſ. Orat. 2. de dorm. Deiparæ cum eadem lo-  
quens, es res magna venerandæ œconomix, quam  
cupiunt inſpicere Angeli. Fœlices Angeli ait Petrus  
Damian. Sermon. 1. de Nat. Virg: qui Beatæ Virgi-  
nis habent præſentiam, nos interim memoriam  
abundantiæ ſuavitatis ejus eructamus, illi præſen-  
tiam, nos memoriam, ſi ſic dulcis eſt memoria,  
quid eſt præſentia? illi Genitum, & Genitricem  
contuentur, nos memoriâ paſcimur: interim con-  
ſolemur nos ſuavitate memoriæ, donec dulcedine  
præſentix ſatiemur. Sic ille. Sed audi Franciſcum  
Mayro quid ipſe de hac Angelorum aſſiſtentiâ ſen-  
ſerit aliquando, qui dum decem proprietates, ſeu ut  
ille vocat privilegia, quæ habet ſtella maris, piè &  
doctè Mariæ applicaret, ubi alia privilegia expoſuiſ-  
ſet: decimum, inquit, privilegium hujus ſtellæ  
maris eſt, quia habet ſeptiformitatem in ambitu,  
quia ſeptem ſtellæ notabiles volvuntur circa eam,  
ideò ejus Regio dicitur Septentrionalis, ita & Ma-  
ter Domini dicitur habere ſeptem Angelos notabi-  
les, qui aſſiſtunt ejus throno. Hæc Mayro. Et pro-  
ſequitur: à ſeptem ſpiritibus qui in conſpectu ejus  
ſunt, & per conſequens in conſpectu throni Matris,  
quæ ſedet à dextris ejus Ita hic nobilis Scoti Audi-  
tor,



tor, in Sermone de creatione animæ B. V. Cui favore videntur nonnullæ imagines, uti Venetijs, ubi sedentem in throno Virginem, septem hi Angeli circumstant. Idem quoque in celebri & antiquâ imagine Deiparæ in monte Virginis cernitur, quæ septem Angelos sub throno habet. Idem etiam in imagine S. Mariæ Angelorum Romæ, in thermis Diocletianis, quæ in summo Altari piè colitur. Ah quid agitis vanissimi dignitatum sectatores? cur tam inutiliter? cur tam laboriosè? cur tot jam annis Principum Aulas gratis & incassum teritis? cur Salomoni non creditis? Vanitas vanitatum & omnia vanitas: cheu! cur potius Angelis adscribi non fatigitis? ut cum illis in Regiâ Cœli vivatis fœlices, æternùmque læti, assistentes throno illi, in quo confidentem liceat intueri Reginam Angelorum, de quâ Cæsarius Lib. 7. Exemp. Cap. 1. ait. Sicut in creaturis universis Matre Creatoris nîl est sanctiùs, nîl digniùs, nîl præcellentiùs, ita ejus visione nulla Sanctorum visio dignior, nulla jucundior, nulla eminentior. Sic ille.

### STIMVLVS TERTIVS.

Confidera. 3. Obsequia fidelissima Sanctorum

P p p



rum Angelorum erga hanc ipsorum Reginam, quæ S. Gertrudi aperuit. In sin. Divinæ piet. Lib. 4. C. 93. pag. 676. & seq. Angelos cum Annæ Matris sanctissimo utero etiam tum clauderetur, adeo in sui obsequio alacres sedulosque fuisse, ut novem istis menibus, aërem, & quidquid ad Virginis inhibi alimentum ac sustentationem ullo modo pertinebat, purgarent, perficerentque, maximi æstimando vel in re minima, corpusculum ejus spectante, ei se gratificari posse: atque ut honorem hunc, summamque voluptatem participarent omnes, per vires hæc ei obsequia detulisse. In Angelum custodem habuit Gabrielem, qui inter omnes Angelos secundum Michaëlem principem obtinet locum: imò S. Bernardinus Senensis, tom. 2. Conc. 51. art. 3. C. 2. Piè, ait. credo, quod plurimas legiones habuit Angelorum ad custodiam suam. Teste Georg. Nicomed. Orat. de Oblat. Virg. per Angelum in canistro materiali ei cibis deferebatur. Pulchrè S. Augustinus. Michaël inquit, Dux & Princeps militiæ Cœlestis, cum omnibus spiritibus administratorijs, tuis Virgo paret præceptis, in defendendis in corpore, & in suscipiendis de corpore animabus fidelium specialiter tibi Domina, & die ac nocte se tibi

commen-



commendantium. Pulchrè S. Bernardinus Senens.  
 ubi dixisset ex sententia Hugonis, maximum esse  
 Angelorum numerum, subdit. Omnes Angelici  
 Spiritus sunt hujus gloriosæ Virginis ministri. Pul-  
 chrè S. Bonavent. in Cantico. Tibi, inquit, omnes  
 Angeli & Archangeli, tibi Throni & Principatus  
 fideliter deserviunt, tibi omnes Potestates & omnes  
 Virtutes Cœli Cœlorum, & universæ Dominatio-  
 nes obediunt. De obedientia Angelorum ergà hanc  
 supremam Reginam, lege apud S. Brigittam in Re-  
 velationibus in Serm. Angel. Cap. 20. Angeli in-  
 quit, ita obedientes Virgini effecti sunt, quod om-  
 nes inferni pœnas libentiùs sustinerent, quàm ali-  
 quibus suis præceptis in aliquo contradicerent. Hec  
 ibi. De adoratione Angelorum audi Epiphanium.  
 Conspicio, inquit, Virginē ab Angelis adorari. Au-  
 di Suarium tom. 2. in 3. part. disp. 22. sect. 1. qui  
 ex eo quod Virgo Sanctissima futura erat perpetuò  
 Domina, & Angelorum Regina, infert, fuisse in Ver-  
 bo clarè cognitam ab Angelis, ab initio eorum bea-  
 titudinis. Quoniam, ait, ad eorum statum perti-  
 nebat, quæ enim ad statum alicujus Beati pertinent,  
 ab eo in Verbo videri docent Theologi, & ideò jam  
 tunc ab eis adoratam, ut Dei Matrem & omnium



Dominam. Sentit igitur Suarez ab Angelis adorata fuisse cum primum ab illis est cognita ut Dei Mater, ac proinde adoratione digna. De laudibus quas suæ Reginæ concinunt Angeli, gratiosè S. Athanas. Sermone de B. V. Beatam, ait, te prædicant omnes Angelorum Hierarchiæ. Et S. Bonav. in Cantico. Tibi, inquit, omnis Angelica creatura incessabili voce proclamat. Sancta, Sancta, Sancta Maria Dei Genitrix Mater & Virgo. Quarè Ephræm. Sermone de Laud. Virg. sic eam adsalutat. Ave, inquit, Canticum Cherubim, & Seraphim, & hymnodia Angelorum, &c. Eja Sodalis Mariane, huc huc ocyùs accurre, hîc Angelicas voces melodijs omnibus suaviores, attentâ aure excipe. Egredimini filiæ Sion (ita in Missâ Conceptionis B. V. quâ ex privilegio Summi Pontificis Fratres Minores utuntur, in Introitu leges) & videte Reginam vestram, quam laudant astra matutina. Tu si per astra matutina Angelos intelligas, cave ne si Marianis in laudibus negligentior existas, tibi morienti impropere Maria illud Iobi. 38. Vbi eras cum me laudarent astra matutina?

## STIMVLVS QVARTVS.

Consi-



**C**onsidera. 4. Gloriosissima Sanctorum Angelorum ministeria sive officia, & perpende, quàm in ijs emicuerit Beatissima illorum Regina Maria. Intuere SERAPHIM, ardentes & charitate incensos, ast majori astuabat ipsa, ut jure ei aptetur illud, Cant. 5. Dicite dilecto meo quia amore languo: imò nullo dolore correptam, nullo morbo tentatam, sed vi amoris mortuam gravissimi astrunt Patres. Contemplare CHERUBIM, qui plenitudinem scientiæ sonant, at nonne scientissima Maria, quæ continuit eum, in quo teste Paulo ad Coloss. 2: sunt omnes thesauri sapientiæ & scientiæ Dei. Recogita Thronos, qui sedes Dei dicuntur, sed quæ amabo honoratior sedes Mariâ? quam Bonav. in Spec. Cap. 5. Sedem Dei altissimam vocat; unicam Sedem Domini Rupertus Lib. 5. in Cant. Sedem gloriosam, Deoq; dignam Methodius Orat. in Hypap. Inspice DOMINATIONES qui de agendis præcipiunt, atquid efficacius Mariano præcepto? Siquidem B. Gertrudis Libr. 4. Revelat. Cap. 49. agens de Angelis, quos videbat coram Deipara eos qui ad Festum Assumptionis se paraverant adducere, eosque ab insidijs malignorum Spirituum defendere: ad imperium inquit Dei



Genitricis multitudo Angelorum undiq; defendendo protegit omnes gloriosam Virginem invocantes. Miraris fortè VIRTUTES quæ quintum Angelorum Ordinem constituunt, atque stupenda supernaturam miracula operantur, & non miraberis Mariam? quam omnium miraculorum quæ quomodocunq; facta sunt aut fiunt, effectricem esse asserit Andreas Cretens. Orat. 2. de Assump. Miraris POTESTATES, quæ heroicè sanè dæmones coërcent, & non miraberis Mariam? cujus vel nomine audito, ut ex revelatione ejusdem Virginis habetur apud S. Brigittam. L. 1. Revel. Cap. 9: statim animam, quæ eorum unguibus astricta tenebatur, relinquunt. Miraris PRINCIPATUS qui Provinciis & Regnis præficiuntur, sed magis mirare Mariam, quæ non Orbi duntaxat sublunari, sed & cœlesti gloriosissimè præest, adeò ut dicat S. Bernardin. Senens. Meritò habent de illâ omnes cœlestes Spiritus confiteri & dicere illud, 4. Reg. 10. Servi tui sumus, quæcumq; jusseris faciemus. Miraris denique sive Archangelos qui Civitatibus præsunt, sive Angelos quorum munus est homines custodire, sic tamen ut singuli Angeli singulos homines custodiant, ah mirari desine, Maria custodit ut rectè asserit



afferit S. Antoninus universaliter singulos, & singulariter universos. Maria teste Bernardo. Omnibus omnia facta est. Mariam Mundi salutem appellat S. Ephræm. Orat. de Laud. Virg. Te universus Mundus, ait Andreas Cretens. Orat. de Dorm. Virg: continet commune propitiatorium. O Sodalis Marianæ! disce ex dictis hucusque, & Angelos & Angelorum Reginam imitari. Angelos, à quibus sæpissimè augustum Summæ Reginæ nomen pulcherri-  
 mis characteribus, aureis, argenteis versicoloribus exaratum fuisse constat. Angelos, de quibus olim ad B. Brigidam Lib. 5. Revel: eadem Cœli Regina, eos quotiescunq̃ue nomen Mariæ invocari audiunt, gaudere. Angelos, juxta illud Damasc. Orat. 1. de Nativ. O Sanctissima filia, quæ materni uberris lacte aleris, & ab Angelis undiq̃ue cingeris. Disce exemplo Mariæ, neminem spernere. Intelligentia Angelica (verba sunt Bonav. Spec. B. V. C. 3.) est famula, super quam Maria innititur in Cœlo se Angelis fociando. Disce exemplo Mariæ omnibus prodesse, nam Petrus Damianus. Serm. 3. de Nat. Marię affirmat, per hanc Beatissimam Virginem non solum amissa olim vita hominibus redditur, sed etiam beatitudo Angelicæ sublimitatis augetur. Disce



ſce exemplo Mariæ cunctis veluti matrem te exhibere: pulchrè S. Antoninus. C. 14. explicat, quomodo B. V. Mater dicatur non ſolum hominum ſed & Angelorum. Quoniam inquit, quidquid eſt cauſa cauſæ, cauſa etiam cenſetur cauſati. Sed Angeli illuminationem, perfectionem, & beatificationem recipiunt à IEſu, per quem omnia reſtaurantur in Cœlo & in terra. Ergo Maria quæ Mater eſt IEſu, cauſa eſt aliquomodo gloriæ Angelorum, ut apertè dicatur Mater eorum. Hæc ipſe. Diſce denique, & toti mundo prædica, quod epistoſa illa continebat, de quâ Petrus Biverus è Soc. Ieſu, Lib. Privil. B. V. Diſſert. 3. n. 63. Hæc è Cœlo delapſa in Urbem Hieroſolymæ cum ſequenti inſcriptione. Nunc ſcitote quod ſalvati eſtis per orationes Sanctiſſimæ Genitricis meæ Mariæ, & ſanctorum Angelorum meorum abundanter, qui orant pro vobis quotidie.

## MEMENTO UT DIEM SABBATI SANCTIFICES.

**I**Te Angeli veloces ad gentem convulſam & dilaceratam. (Iſaiæ 18.) Ite ad populum terribilem, poſt quem non eſt alius. Ite ad gentem



tem expectantem, & conculcatam. Ite ad montes  
& valles &c. ubiq; Mariam prædicaturi. Ab quid-  
ni Reginam suam ubique deprædicent Angeli? Ah  
quidni obsequiosi eam consalutent vel svavi illâ me-  
lodiâ SALVE REGINA? Fama est, inquit Navar-  
rus in manuali de Oratione, Cap. 19. Orationem  
Salve Regina in nostra Roncana valle Sabbatis so-  
litam ab Angelis cantari apud quendam fontem. O  
dulcem echonem! Heus Christiane! Angelis te ad-  
junge, Sabbatis maximè gratiosam illam antipho-  
nam occine, sed ad fontem, hoc est iconem, vel in  
Templo quopiam Mariæ, quam fontem appellat  
S. Bernardin. tom. 1. Conc. 61. ut spiritualiter in  
te ipso confirmes tritum illud. Cantores amant hu-  
mores.

CAPUT  
TRIGESIMVM  
OCTAVVM.  
REGINA PATRIARCHA-  
RVM.

Qqq

Germi-



*Germinat Virgo Fesse de tortuosa generis humani  
radice, & de Patriarcharum arbore in altitudinem  
& rectitudinem erumpens, omnem ignorat nodositatem,  
filiorum tenebras nescit.*

Petrus Damian. Sermone de Annunciatione.

## STIMVLVS PRIMVS.



**C**onsidera. I. Quo gaudio, quâ  
lætitiâ perfusi non fuerint Sancti Pa-  
triarchæ ex hac illorum Reginâ. Et  
quidni gaudeant de illâ? quam allo-  
quens Damasc. Orat. i. de dorm. Tu  
inquit, es Patriarchis sempiterna oblectatio. Quidni  
lætentur de eâ? quam S. Ephræm. Orat. ad Virgi-  
nem: vocat lætitiâ Patriarcharum. Quidni jucun-  
dentur in eâ? quam Andreas Cretens. Orat. de An-  
nunciatione, Patriarcharum omnium ornamentum  
appellat. Quidni denique in delicijs habeant illam?  
de cuius prosapiâ loquens Honorius ait. Ex benedi-  
cto Patriarcharum semine hæc inclyta virtutis Dei  
virga processit, quæ singularissimum florem me-  
ruit germinare. ita Honorius. Intuere si libet San-  
ctum Patriarcham Abrahamum, de quo Sancta Bri-  
gitta



gitta in Revelationibus suis, in sermone Angel habet. Abraham mirum in modum de hac suâ Filiâ nasciturâ magis quàm de Isaac exultâsse, eamque maximâ charitate prosequutum, similiter Isaac, Iacob. Hæc ibi. Intuere Patriarcharum omnium Parentem Adam, de quo ibidem. Adam magnam concepisse lætitiâ ex revelatione, quâ Virginē Deiparam ex suo semine nascituram cognovit, quæ suâ responsione ad Angelum, & summâ suâ humilitate, ac obedientiâ reparatura erat, quidquid Eva superbiâ, & inobedientiâ perdiderat. Hæc ibi. Ah quid agis Anima Christiana? cur Sanctos Patriarchas non æmularis? Angelus de Abrahamo apud S. Brigitam Cap. 8. pag. 541. ait. Præsciens Abraham hanc Virginem quæ Deum pareret, de generatione suâ debere procedere, plus de ipsa sola consolatus est, quàm de omnibus Filijs & filiabus suæ stirpis; tu verò (proh dolor!) vice versâ, plus de limo, terræque pugillo letaris, quàm de Cœli terræque Reginâ Mariâ! DEVS Virginem tanquam bonum quoddam infinitum, Angelos, ac Patriarchas antiquos celare, occultamque habere nequivit, quò solâ se expectatione illius erigerent, animumque pascere ac oblectarent, tu autem, ô nefas! ô pudor! lasci-



vâ quapiam formâ mavīs delectari quàm Mariâ!  
 Proh si sapiſ, à turpi larvâ, ne terreat in morte, o-  
 cyûs oculos averte, juxta illud, Pſal. Averte oculos  
 meos ne videant vanitatem, eoſque oblectare in  
 REGINA PATRIARCHARVM, ad quam Idiota C.4.  
 Inter omnia opera æterni opificis, poſt operationem  
 illam, quâ naturæ noſtræ unitus eſt Filius tuus, ſpe-  
 ciale opus fuiſti ô Beatiffima Virgo Maria, qui ad  
 hoc te fecit, ut quod de primo opificio fuerat de-  
 formatum, per te reformaretur.

## STIMVLVS SECVNDVS.

**C**onſidera. 2. Quo honore & reverentiâ  
 hanc ſuam Reginam proſequantur in Cœlis  
 Sancti Patriarchæ: ſi enim 24. illi Seniores circum-  
 amicti veſtibus albis, & coronis aureis inſignes,  
 quorum in ſuâ Apocal. Cap. 4. meminit Divinus  
 Ioannes, mittebant coronas ſuas ante thronum, ah  
 quidni ante Thronum glorioſum, ſic Mariam ap-  
 pellat Georg. Nicomed. Orat. de Oblat. Deip: an-  
 te Thronum excelſum, ſic eam vocat Andreas Cre-  
 tenſ. Orat. 2. de dorm. Virg: ante Thronum Divi-  
 nitatis, ſic eam nominat Epiphan. Serm. de Laud.  
 Deip:



Deip: suas quoque coronas & glorias mittant Sanctissimi quique Patriarchæ? Si titulum quæris, vel hic unicus sufficiat gratitudinis ergò: nam B. Laurentius Iustinianus Serm. de Annunc. agens de illis verbis. Ecce ancilla Domini. Isto unico inquit responso, complevit Cœlum gaudio, captivo sæculo spem dedit, dæmones universos exterruit, ac detentis in inferno Patribus, libertatis gratiam repromisit, affectu quippè avido, extensis in Cœlum manibus, propatulo cordis auditu hujusmodi præstolabantur responsum. Erat nempè illis præ libertatis amore, diuturna nimis expectatio, pavidaque observatio, ne ob humilitatis virtutem reniteretur Virgo, consensumque negaret. Verùm ut datum à Maria percipere responsum, omnes pariter prorumpentes in laudes, decantavêre dicentes. Benedictus Dominus DEVS Israël, quia visitavit & fecit redemptionem plebis suæ. Hæc ille. O utinam æquè gratum te exhiberes! utinam & tu accepto quopiam à Maria beneficio, in gratiarum actiones prorumperes! exclama interim & dic cum Bernardo, hom. 2. super Missus est. O admirandam inquit ille, & omni honore dignissimam fœminam, singulariter venerandam, super omnes fœminas ad-



mirabilem, parentum reparatricem, posterorum  
vivificatricem. Exclama & dic cum S. Leone, Ser-  
mone de Passione. Salutiferæ inquit, Virginis par-  
tus, non extremi tantum temporis generationibus  
profuit, verum se etiam in præteritas refudit ætates.  
Exclama & dic. Quid retribuam Mariæ pro omni-  
bus quæ retribuit mihi? Exclama denique & dic  
juratus. Seneciones illos Apocalypticos æmulabor  
imposterum. Thronus meus posthac erit Maria,  
quem jam è floribus contextis adornabo fertis: jam  
supplex eas appendam corollas, quibus ab Angelico  
Ave, velut pretioso unione refulget initium. Et  
quidni de me quoque dicat olim Maria, quod de  
Religioso illo, de quo Pelbartus in Stellario. L. 2.  
part. 2. art. 3. dixerat ad Angelos. Ecce quali me  
coronâ Frater ille ornavit.

### STIMVLVS TERTIVS.

**C**onsidera. 3. Quantoperè resplenduerit Se-  
renissima hæc Regina ab heroicâ illâ virtute,  
quæ Patriarchis attribuitur, nempe fide. Cui non  
defuit fides Patriarcharum, inquit S. Bernardus su-  
per illud Eccl. 24. In plenitudine Sanctorum de-  
tentio mea. Quarè meritò à fide eam deprædicat  
Elisa-



Elisabeth. Beata quæ credidisti quoniam perfici-  
 entur ea quæ dicta sunt tibi à Domino. Et Sanctus  
 August: Serm: 17. de Natali. Fides Mariæ Cœlum  
 aperuit, cum Angelo nuncianti consensit. Idem Au-  
 gust. Lib. de Sancta Virginit. Beatior inquit, Maria  
 percipiendo fidem Christi, quàm concipiendo car-  
 nem Christi. De hac fide Irenæus Lib. 3. contra hæ-  
 reses, Cap. 33. ait. Quod Virgo Eva ligavit per in-  
 credulitatem, hoc Virgo Maria solvit per fidem. O  
 fidem saluberrimam! ô fidem Patriarchis omnibus,  
 imò toti terrarum Orbi utilissimam! adeò ab hac  
 refulsit Maria, ut nec in tristi illâ nocte Passionis  
 Dominicæ, lux ejus extincta fuerit, juxta illud Pro-  
 verb. 31. de muliere forti. Non extinguetur in no-  
 cte lucerna ejus. Alijs dubitantibus, & à patiente  
 Christo turpiter recedentibus, ipsa nec fidem per-  
 didit, nec ab afflicto IESU recessit, quod gratiosè de-  
 signat Ecclesia in Sanctæ Hebdomadæ Officio, dum  
 reliquis candelabri triangularis candelis extinctis,  
 unam tamen accensam retinet; nam quemadmo-  
 dum alijs extinctis, candela illa nequaquam extin-  
 guitur, sic alijs Apostolis diffidentibus, Maria lumen  
 extinctum nunquam habuit. Quarè S. Antoninus  
 4. part. tit. 15. Capitul. 41. §. 1. Fidei inquit lu-  
 men



men in Deipara occultum, quod omnibus postea patefactum, & omnes suo exemplo illuminavit, significatur candela illa accensa in matutino tridui Hebdomadæ Sanctæ. Sic ille. Age igitur Christiane. Age Catholice, & si tentationum ventis contra fidem obortis, huc illucque jacteris, ocyus ad divinam hanc anchoram confuge, oculos manusque ad Reginam Patriarcharum attolle, memor illius, quod in Historiâ Virginali refert Ioannes Bonifacius, L. 4. Ad hæreses, ait extirandas, quæ in Cisalpina Gallia (Longobardiam hodiè dicimus) pullulabant, & summâ perniciæ succrescebant, Romanus Pontifex Innocentius hoc nomine IV. ex Divi Dominici Familiâ plurimos elegit Sanctæ fidei Quæsitores. Sed Mediolanum tamen, ubi perfidia caput extulerat, Petro Veronensi, qui postea pro Christo necatus, Martyr est dictus, demandavit; commissum ille munus strenuissimè peragit, ac se contra hæreticorum astutias, & incertos rerum, dubiosque eventus, Beatissimæ Virgini piè religiosèque commendat: post longas preces dormienti responsum est illud idem ab inclytâ Dei genitrice, quod idem Christus Apostolorum Principi firmaverat. Ego pro te rogavi Petre ut non deficiat fides tua. Hæc ibi.

STIMV.



## STIMVLVS QVARTVS.

**C**onsidera. 4. Nonnullas alias virtutes & prærogativas, à quibus resplenduere Sancti illi veteris Testamenti Patres & Patriarchæ, ut Noë, Iob, Abraham, &c. Huc facit illud Chrysostomi in Serm. Annunc. Abel, inquit, per sacrificium commendatur. Enoch per contemplationem memoratur. Melchisedech imago Dei prædicatur. Abraham per fidei meritum collaudatur. Isaac per nomen obedientiæ commendatur. Iacob per luctamen beatificatur. Moyses sicut Legislator. Samson velut victor. Helias Zelator. Isaias sicut Legis Dei Evangelizator. Daniel sicut prudentissimus salutis desiderator. Ezechiel sicut arcanorum inspector. Salomon sapientissimus nominatur, sed nullus talis fuit in mundo, qualis Maria Dei Genitrix Benedicta. Hæc ille. O Reginam Patriarcharum! ô Dominam universi! Illa hæreditario jure, ut docet S. Bernardinus Senensis. Tom. 1. Conc. 61. art. 1. Cap. 7: omnium quæ sunt infra Deum, habet regale Dominium. Sed audi Damascenum, Reginam hanc tibi gratiosè dilaudentem. Orat. 2. de

Rrr

dorm.



dorm. Lutum, ait ipse, omne fugit, ac cœnoscas affectiones averfatur. Ingluviem execratur, foediffimæ fornicationis vitijs infesta est: sermones fœdos ac scurriles propellit, cantusque ac meretricia unguenta submovet: iræ tumorem odio habet: inhumanitatem & invidiam, ac similtates non admittit: inanem gloriam vanis laboribus se frangentem reicit: superbix fastui animo hostili refistit: injuriarum memoriam tanquam salutis hostem odio infectatur: vitium denique omne tanquam lethale venenum execrationi habet. Hæc Damascenus. Disce hinc Anima Christiana, ea quæ averfatur Patriarcharum Regina. Disce eas quas adamat ipsa virtutes. O si sæpius in die recogitares à quibus illa maximè resplédeat! Consalvus Silveria, & Ioan. Thaulerus, quotidie solidam horam impendebant exemplorum, beneficiorum, insigniumque B. Virginis prærogativarum, ac privilegiorum considerationi. O si tu vel semihorulam quotidie Marianis virtutibus ruminandis impenderes! proh quàm citò à vitijs immunis, à pietate fulgeres! Sed age, & quæ idem Damascenus de hac Regina Patriarcharum concludat, attentè excipe. Quamobrem si vitia prompto atque alacri animo vitemus, virtutes autem



tem omni studio atque amore complectemur, easq;  
 socias adhibeamus, frequens ipsa ad famulos suos  
 veniet, ac secum bonorum omnium agmen trahet,  
 Christumq; Filium suum, omniumq; Regem ac  
 Dominum, in cordibus nostris habitantē assumet.  
 Damascenus loco cit.

## MEMENTO UT DIEM SAB- BATI SANCTIFICES.

**B**ENÈ cecinit Poëta.

*Non procul à proprio stipite poma cadunt.*

Inspice Mariam ex illustrissimo Patriarcharum se-  
 mine progenitam, quibus si fides attribuitur, eā &  
 ipsa Patriarchis conjunctissima extitit. Hinc sen-  
 sere nonnulli, ideò Sabbatum Virgini sacrum,  
 quia SABBATO quod Redemptoris passionem pro-  
 ximè est consecutum, fides in ea remansit. Lege  
 Bernardum Lib. de Passio. Dñi. Cap. 2. Passionis  
 inquit tempore, omnes relicto eo fugerunt, sola illa  
 quæ benedicta est in mulieribus, per illud triste Sab-  
 batum stetit in fide, & salvata fuit Ecclesia in ipsa so-  
 la, propter quod aptissimè Sancta Ecclesia in laudē  
 & gloriam ejusdem Virginis, diem SABBATI per to-



tius anni circulum celebrare consuevit. Hæc ille.  
O Chriltiane! Si

*Non procul à proprio stipite poma cadunt.*

Tu qui filius adoptivus es Mariæ, eidem te fide cō-  
jungere. Sta firmus in fide. Pro fide etiam morere.  
O tibi contingeret quod P. Marcello Mastrillo Soc.  
Iesu: qui Anno 1637. in Iaponia, Sabbato capite  
pro Christo minutus. An ut suis manibus Cœlo in-  
ferat coronandum?

C A P U T  
TRIGESIMVM  
NONVM.  
REGINA PROPHE TARUM.

*Ave Patrum præconium, & decus Prophe-  
tarum.* Ita ad Mariam Ephræm. Serm.  
de Laudib: Virginis.

STIMVLVS PRIMVS.

Confi-





**C**onfidera. I. Amplissimam Virginis excellentiam vel ex hoc capite, quod prophetiæ dono, à munificentissimo Deo, exornata fuerit, illud quippe in eâ fuisse, communiter sentiunt Sancti Patres & Doctores: idque colligunt ex celebri illo Cantico. Magnificat anima mea Dominum, Luc. 1. ubi Mariam prophetico sermone locutam fuisse testantur. Non est dubitandum, inquit Angelicus Thomas. 3. p. q. 37. a. 5. ad. 3: quin Beata Virgo acceperit excellenter donum sapientiæ, & gratiam virtutum, & etiam gratiam prophetiæ. Basilius in Isai. Cap. 8. asserit; in eam supervenisse Spiritum Sanctum, & prophetico afflatam Spiritu, elocutam esse. Magnificat anima mea Dominum. S. Augustinus Lib. 17. de Civitate Dei, Cap. ultimo. Istorum quinque prophetatio ait, scilicet Zachariæ, Elisabeth, Simeonis, Annæ, & Ioannis Baptistæ ex Euangelio nobis nota est, ubi & ipsa Virgo Mater Domini, ante Ioannem prophetasse invenitur. Apud S. Brigittam in Sermone Angelico Cap. 16. 17. legitur. Mariam clariùs scivisse ea quæ Propheta de Christi passione, tam multa etiam in particulari va-



ticinati fuêre, ideoq; quando Christum videbat, & pannis involvebat, statim occurrebat corpus illud sanctissimum flagris lacerandum, manus & pedes clavis perforandi, & reliqua quæ ibi singillatim persequitur. O Reginam Prophetarum Mariam! ô Prophetissam admirabilem! Benedicta tu, ait Andreas Cretensis Orat. de Annun. quam Isaias Prophetissam & Virginem nuncupavit. Prophetissam Prophetarum vocat Mariam Rupertus. Rabbi vero Haccados magnæ apud Iudæos opinionis, ad petitionem Antonini Consulis, Matrem Messia omni-um Prophetarum Dominam, & Magistram futuram docuit. Eja Anima mea, fuge ariolos, omnes-que divinos, accurre ad hanc Prophetissam, accurre ad hoc oraculum Prophetarum, sic Mariam vocat S. Bonav. in Spec: Cap. 2. O quæ hinc non disceres! quæ non prævideres corpori animæque necessaria!

## STIMVLVS SECVNDVS.

**C**onsidera. 2. Magis in particulari nonnullas prophetias, quæ ex hac Sede Spiritus Sancti, sic Mariam vocat Hieronymus. Libro contra Helvidium. Ex hoc Spiritus Sancti Sacrario produci



dière, sic eandem appellat Ildéphonsus Serm. 6. de Assump. O quàm stupendæ! ô quàm gratiosæ illæ! Annon gratiosa ea, quâ teste Turtellino. Hist. Lauret. Lib. 3. C. 20. Pontificatus Marcello Cervino Cardinali prædicitur? hic defuncto Pontifice Iulio III. ipso Annunciata Festo, in Sanctâ illâ Laureti cellâ Sacris operatur, & ecce effusè precanti cœlesti specie sese offert Regina Prophetarum Maria, ipsumque Pontificem fore, benignè indicat, quemadmodum eventus ipse comprobavit. Annon æquè gratiosa illa, quâ teste Nicephoro Lib. 15. Cap. 25. Leoni Imperatori huius nominis primo, Imperium, quod & assecutus est, prædixit Maria? Annon ab omnibus exoptanda, quæ B. Andreæ Carmelitano Episcopo. Fesulano obtigit? cum enim nocte quâ Mundi Conditor natus, rem divinam solenniter faceret, ei comparuit hæc Divina Prophetissa, obitusque sui diem in Epiphaniæ Festo clementer edixit. Ah quæ non prædiceret Maria! quam omnium prophetiarum capacem vocat Rupertus. L. 5. in Cant. Cave Christiane, ne infausta & ingrata tibi prænunciet illa, uti olim scelesto cuidam, de quo Eutropius, Lib. 6. rerum Romanarum, qui cum Dei genitricis imaginem aspexisset, lapidis jactu, ô nefas!



nefas! eam dejecit, dejectamq; pessum dedit. Somno dein sopitus, Cœli Reginam astantem vidit, atq; ita loquentem. Scisne qualem te mihi præstiteris? & quàm de me valenter triumphaveris? Sed tamen haud erit impunita audacia. Sequuntum brevi cum Sarracenis bellum, quos muro subeuntes dum miser repellere conatur, projectu lapidis comminutus, interiit.

### STIMVLVS TERTIVS.

**C**onsidera. 3. Prophetarum Oracula de hac Augustissima Regina. Sancti Patres abundè testantur eam Prophetarum oraculis prænunciatam: ut proindè meritò cum Sergio, Oratione de Natali Virg. vocari possit MARIA. Præconium Prophetarum, aut veritas Prophetarum, quemadmodum illam vocat Sanctus Bonaventura. Pulchrè ab Andrea Cretensi Orat. 2. dorm. Virg. Summa divinorum oraculorum appellatur ipsa, de qua inquit resonarunt omnes Spiritus interpretes. Pulchrè Ildephonfus Serm. 1. de Assumptione agens de eadem. Ecce ad quam inquit omnia eloquia Prophetarum, ad quam omnia ænigmata concurrunt Scripturarum. Evolve si placet loëlem Prophetam, nonne



nonne hic juxta Hieronymum sub fontis metapho-  
 râ de B. V. prophetat? Hæc est, inquit, fons signa-  
 tus. Evolve si placet Danielelem Prophetam, nonne  
 hic de B. Virgine prophetavit, Cap. 2. cum promi-  
 sit & prædixit lapidem, id est Christum, de monte  
 sine manibus abscindendum? Irenæus & alij Ma-  
 riam montem faciunt. Evolve David Prophetam,  
 nonne hic gloriam Mariæ decantans, ac nuptiale  
 carmen conscribens, inter cætera habet. Adstitit  
 Regina à dextris tuis in vestitu deaurato circumda-  
 ta varietate, Psal. 44. Ah quid pluribus opus! Te  
 Prophetæ prænunciaverunt: ad Deiparam ait Cy-  
 rillus, hom. 6. in Nestorium: & tu Christiane co-  
 rundem exemplo nil de ea loqueris? O si sapias! sal-  
 tem augustum nomen ejus alijs annuncia, sæpiusq;  
 in die enuncia, memor illius quod Seguinus, Lib. 3.  
 Cap. 93: refert de quodam Monacho laico, devo-  
 to & sancto, latini quidem sermonis omninò  
 ignaro, sed tamen hæc duo vocabula edocto: AVE  
 MARIA: quæ ipse passim recitando perorabat, ex  
 cujus mortui, jamque sepulti ore, lilium litteris  
 aureis, AVE MARIA sparsim decoratum prodijt.  
 O lilium unà cum radice Cœlo inferendum!



## STIMVLVS QVARTVS.

**C**onsidera. 4. Magnam illam voluptatem  
 quam Isaias, Hieremias, Ezechiel, Daniel, ac  
 Prophetæ reliqui expectatione Beatissimæ Virginis  
 cæperunt. Gloriosissima S. Brigitta in Revelatio-  
 nibus suis in Serm. Angel. Cap. 9. habet. Prophe-  
 tas divinitus afflatos prænuñciasse DEVM omnium  
 Creatorem de intemeratâ Virgine nasciturum, qui  
 animas Adæ peccatò perditas redimeret, & ex hac  
 Virginis Deiparæ cognitione, in tribulationibus su-  
 is magnam à Deo consolationem accepisse, præsci-  
 entes in ipsâ Deum fortissimum Gygantem assum-  
 pturum arma, quibus diabolum, & omnes inimi-  
 cos devincere debebat. Hæc ibi. Et meritò, ubi  
 enim post DEVM majora solatia? ubi majora gau-  
 dia? quàm apud eam, de quâ Sophronius Epist. de  
 Assump. B. V. Et si in Sanctis Patribus & Prophe-  
 tis gratia fuisse creditur, non tamen eatenus plena,  
 in Maria verò totius gratiæ quæ in Christo est, ple-  
 nitudo venit. O Christiane! utinam vel guttulam  
 liceret experiri ejus voluptatis, quam Reginæ hujus  
 amatores pleno ore hauriunt! proh quàm adamares  
 Mariam! quàm facilè creaturis omnibus præfer-  
 res!



res! proh quæ non penderes! eam vel ad modicum  
intueri posses. Testis sit vel Clericus ille, de quo  
Spec: Exmpl. Clericus quidam Mariæ devotissi-  
mus, crebris eam precibus fideliter exorabat, sibi  
suam pulchritudinem ostendere dignaretur: cujus  
petitioni Mater misericordiæ annuens, per Ange-  
lum ei demandavit, tali horâ sibi apparituram, sciret  
tamen inconueniens & indignum esse, oculis qui-  
bus eam videret, terrenum postea aliquid cernere;  
cum autem respondisset Clericus, se non curare si  
eâ visâ tandem cæcus fieret, Angelo disparente an-  
xiè cæpit cogitare, visu penitus amisso mendicare  
de cætero oportere, consilium itaq; inquit, uno oculo  
clauso, alterum duntaxat ad eam videndam aperire:  
apparente denique sibi B. Virgine, inæstimabilem  
claritatem & pulchritudinem vidit, cupiensq; ple-  
niùs eam videre, etiam oculum quem clausum reti-  
nuerat aperuit, sed visio disparuit: cum ergo oculo  
quo eam viderat jam orbatus esset, altero salvo ma-  
nente, ipse illachrymâs quod oculo pepercisset, cepit  
se ipsum vehementer arguere inquit. Utinâ totus  
oculus fuisset, ut eam plenitùs vidissem! cum au-  
tem denuò Mariam instantissimè oraret, semel ad-  
huc seipsam ei ostenderet, paratum se etiam resi-  
duum



duum oculum amittere, iteratò pijsima Virgo ei apparuit, & suâ visione ineffabiliter solata, residuum oculum servavit, & prius amissum restituit. Hæc ibi. O benignitatem clementissimæ Reginae! ô fœlicitatem eorum qui æternum eam sunt visuri! Verè Prophetæ sicut & Patriarchæ: ait Angelus ad eam in Serm. Angelico apud Brigittam. Cap. 9. p. 247. de te ô dignissima Mater permaximè consolati fuerunt. O Christiane! Torrente voluptatis suæ potabit te in Cœlis Maria, si tu in terris eam solatus fueris sanctiore vitâ.

## MEMENTO UT DIEM SAB- BATI SANCTIFICES.

**O** Tempora! ô mores! quàm multi his sæculis prophetare audent, quia mentiri non erubescunt. Hinc æterna Veritas Matthæi 7. clamat. Attendite à falsis prophetis. Eja Christiane, nos si vera prædicere volumus, eamus ad Videntem, sed Mariam. Ah quàm mira prædicemus veridici Prophetæ, si ab hac Regina Prophetarum veritatem edoceremur! Maleficus quidam de quo in Form. Ioannis Nider. Lib. 5. Cap. 7; falsus est,



501  
est, veritatem se potuisse SABBATO dicere, quia Fe-  
stum B. Virginis quoad Officium celebratur, quod  
machinamentis dæmonum detentus, duobus præ-  
cedentibus diebus non valuerat. Nos proh pu-  
dor! Sabbatis equè mendaces, ac ante! immemores  
illius ad Ephes. 4. Deponentes omne mendacium,  
loquimini veritatem.

C A P U T  
Q V A D R A G E S I -  
M U M.

REGINA APOSTOLORVM.

*Non Fudex Apostolorum Senatus, non aliquis  
antiquorum, non quisquam sequentium Patrum,*

*huic Beatissima Virgini poterit comparari.*

Petrus Damian. Sermon. de Mariæ Nat.

STIMVLVS PRIMVS.



Considera. I. Eminentiam atq;  
dignitatem Purpuratorum illorum  
Patrum, quos Senatores Mundi, &  
Romanæ Ecclesiæ fundamenta, nec

S s s 3

non



non generis humani Iudices agnoscimus, juxta illud Ecclesiæ nobis in fine vitæ apprecantis. Egrescenti itaq; animæ tuæ de corpore, Iudex tibi Apostolorum Senatus adveniat &c. & perpende, horum tam omnium supremam Dominam ac Reginam, esse Mariam, quam Anselm. de excell. Virg. C. 9: jure materno ait, Cœlo, terræq; cum Filio suo esse præsidentem. Quod si verum est adagium illud

*Non benè conueniunt, nec in unâ se de morantur  
Majestas & amor.*

Vide annon hîc falsum, siquidem Augustissima hæc Regina, plena cœlesti majestate, sed plena etiam fuit amore, adeò ut ne quidem familiaritatem Ioannis Apostoli aspernata fuerit: adeò ut adhuc in terris superstes, Apostolum Iacobum inviserit. Historiam refert Petrus Antonius Beuterus in Chron. Hispan. Cap. 23. Benedictissima Virgo, in ripâ fluminis Iberi, propè Cæsaraugustam Aragonum Urbem, in columnâ marmoreâ, glorioso Apostolo Iacobo apparuit, qui eodem deinceps in loco sacellum extruxit, & hujus honori ac nomini consecravit, quod Divæ Mariæ Virginis à columnâ Cæsaraugustanâ cognominatur, ob pylam, sive columnam, in quâ videndam ipsa se præbuit. Hæc ille. O dignationem  
non  
Mariae



Mariæ! ô benignitatem singularem! rem non omnibus æquè notam narrat Cornelius noster, in 7. Act. Mihi inquit, Romæ asseveravit R. P. Melchior ab Helmont Antverpiensis Franciscanus, qui quater Hierosolymam est peregrinatus, ibiq; diu habitavit, ibidem lapidem ostendi, in quo B. Virgo cum S. Ioanne, pro Stephano toto lapidationis tempore preces fuderit. O amorem Mariæ! ô pietatem! Disce hinc Christiane omnibus benefacere. Disce non extolli in munijs ac dignitatibus. Rectorem te posuerunt ait Scriptura. Eccli. 32. noli extolli, esto in illis quasi unus ex ipsis. Disce denique omnibus communem te facere, exemplo Reginae Apostolorum, de qua in Actis Apostol. Cap. 1. Et cum introissent in cœnaculum, ascenderunt ubi manebant Petrus, & Ioannes, Iacobus, & Andreas, Philippus & Thomas, Bartholomæus, & Matthæus, Iacobus Alphæi, & Simon Zelotes, & Iudas Iacobi. Hi omnes erant perseverantes unanimiter in oratione cum mulieribus, & Maria Matre IESV.

## STIMVLVS SECVNDVS.

Confidera. 2. Non tantum Reginam Apostolorum,



stolorum, sed & eorundem Magistram extitisse Mariam, nam teste Idiota Cap. 3. de contempl. Virg. Doctrinx fuit Doctorum, & Magistra Apostolorum. Teste S. Antonino. Ascendente inquit Christo, remansit Magistra Doctorum Ecclesiæ, Apostolorum, & Evangelistarum. Teste S. Brigittâ in suis Revel. in Serm. Angel. C. 19. B. V. Apostolis ad se venientibus, omnia quæ de suo Filio perfectè non noverant, revelabat. Et certè ideò tot annis post Filij sui in Cælos ascensionem, mansit ipsa in terris, ut Apostolos, aliosque fideles plenius instrueret, & consolaretur, quod eadem Virgo S. Brigittæ revelasse scribitur. Lib. 6. Revel. S. Brigit. Cap. 61. Huc facit illud Anselmi de excell. Virg. C. 7. de Virgine agentis. Erat ait, utilis & necessaria fidei nostræ conversatio tua, post ascensionem Christi Domini inter Apostolos ejus, quia licet ipsi per revelationem Spiritus Sancti edocti in omnem fuissent veritatem, incomparabiliter tamen eminentius & manifestius ipsa per eum Spiritum veritatis illius virtutum profunditatem intelligebat, & per hoc multa eis per hanc revelabantur, quæ, in se non solum simplici scientiâ, sed ipso effectu, ipso experimento didicerat de mysterijs ejusdem Domini



mini nostri Iesu Christi. Hæc Anselmus. Huc quo-  
 que facere videtur illud Sophronij Sermone de As-  
 sumpt: quod ipse de Virgine & Apostolis asserit. In-  
 ter quos ipsa inquit, post resurrectionem intrans &  
 exiens, familiarius contulit de incarnatione, tantò  
 siquidem veriùs, quantò ab initio plenius per Spiri-  
 tum Sanctum cuncta didicerat, & perspexerat ocu-  
 lis universa, licet & Apostoli per eundem Spiritum  
 Sanctum omnia cognoverint, & in omnem edocti  
 pervenerint veritatē. Hæc ille. Heus Christiane dor-  
 mis? & tu nedum excitaris ad audiendam hanc Do-  
 ctricem Apostolorum? sic eam appellat S. Bonav. in  
 hymno. Te Matrem &c. Cur sæpius non accurris ad  
 hanc nostræ Religionis magistram? sic illam vocat  
 Ignatius Epistolâ ad Ioannem. Cur non volas ad  
 hanc Gentium Magistram? Sic eam compellat Au-  
 gustinus, Serm. 6. de Temp. Cur non frequentas  
 hanc Aulam? Sic Mariam nominat Ambrosius.  
 Mirum non est inquit, Cap. 7. de instit. Virg: præ-  
 cæteris Ioannem locutum fuisse mysteria divina, cui  
 præstò erat Aula cœlestium Sacramentorum. Cur  
 deniq; die noctûve non pulsas ad ostium illud, de  
 quo Rupertus cum Virgine loquens in illud Cant.  
 5. Qualis est dilectus tuus ex dilecto ô pulcherrima  
 mulie-



mulierum? opportuna percontatio si respiciamus ad illa tempora, quando tu dilecta propter Evangelium dilecti præsens aderas, & in corpore detinebaris Magistra necessaria, & testis valde idonea contra Iudæos blasphemantes, & hæreticos Christianam veritatem corrumpere laborantes. Pulsandum igitur erat ad ostium veritatis, & consulendum oraculum Spiritus Sancti, scilicet Sacrum<sup>at</sup> pectoris tui, ut vivâ voce omnem necessariò tenendam demonstrares regulam fidei, cum testimonio Scripturarum, quas memoriâ tenebas. Hæc Rupertus.

### STIMVLVS TERTIVS.

**C**onsidera. 3. Eximium illum cultum atq; Reverentiam, quâ Sanctissimi Apostoli hanc Reginam adhuc in terris degentem prosequiebantur. Eximius, inquit Sophronius Sermone de Assumpti: ille Apostolorum chorus, post Domini ascensionem non deseruit eam. Dionysius Areop. Lib. de diu. Nom. C. 3. testatur; frequenter Apostolos Virginem convenisse, ac nominatim de Petro & Iacobo, ut nimirum ex ejus contemplatione infinitam Dei potentiam laudarent. Quid? nonne adhuc viventi Mariæ in Civitate Tortosâ Sacellum erexit Petrus?



Petrus? teste Iacobo de Vitriaco Cardinale, in suâ  
 historiâ Orientali, Cap. 44. quod inter omnes Vir-  
 ginis Ecclesias, prima Ecclesia à multis asseritur, ad-  
 ditq; Volaterranus, Lib. 11. Geographiæ in Syria,  
 hoc Sacellum à Principe Apostolorum ex ære Chri-  
 stianorum collecto, extructum, in quo primùm sa-  
 crificasse fertur Petrus. Nonne idem Petrus Do-  
 mum Lauretanam suis ipse manibus consecravit?  
 Nonne Mariæ imagines plurimas fieri Antiochiæ  
 curavit? quas inter Gentes circumtulit. Quid?  
 nonne Cæsaraugustæ in Hispania à S. Iacobo Apo-  
 stolo, qui major est dictus, eidem Deiparæ supersti-  
 ti adhuc, Templum positum fuisse constat? Ah  
 Christiane quid opus pluribus? tu Apostolos ubi  
 poteris imitare. Ecceur imitari non poteris in eo?  
 Te inquit Cyrillus, Apostoli summis laudibus cele-  
 brarunt. Cur non in hoc? In prædicatione, ait Idio-  
 ta in Lib. Contempl. Cap. 5: Apostolorum, in om-  
 nem terram exivit sonus tui Sanctissimi nominis, &  
 manifestum toti Mundo factum est. Cur non in  
 eo? Qui conceptus est de Spiritu Sancto, natus ex  
 Maria Virgine: quod elogium, à quo tot alia pro-  
 manant, ei posuit Andreas Apostolus, nam hunc arti-  
 culum tribuit Andreæ, Augustinus Serm. 115. de



tempore. Eccur imitari non valeas Ioannem Apostolum? quo procurante, eleemosinas percipiebat Maria. Cur denique æmulari non valeas hunc ipsum Apostolum, & ex hac ipsâ horâ accipere Mariam in tuam? O si faceres! ô si acciperes! ô si totum Reginæ huic te devoveres! Age, & ubi Apostolos imitari non posses, foeminas Apostolico zelo succensas imitare. S. Teresia Monasterio Priorissæ officio præfecta, in ipso obeundi muneris ingressu, se & Cœnobium totum, Virgini Sacratæ devovit, in eumq; finem in Cathedrâ Priorali imaginem Mariæ collocavit, eiq; Monasterij claves, unâ cum regimine, velut Superiori, cuius ipsa esset Vicaria obtulit. Proh quantoperè placuit Reginæ Apostolorum hæc ingeniosa pietas! visibili enim specie in locum imaginis suæ, se Diva Virgo substituit, ac Domus illius gubernacula se suscipere declaravit. Lib. 3. C. 1. in Vita. O millies foelicem Dòmum illam, cui præest Maria!

#### STIMVLVS QVARTVS.

**C**onsidera. 4. Tritum illud apud nonnullos  
SERVUS VSQ; AD MORTEM: & perpende, quàm  
 veraciter in Sanctis Apostolis adimpletum, siquidē  
 teste



teste Iuliano Archiep. Hierosol. apud Niceph: Lib.  
 15. C. 14: antiquissimâ, & verissimâ omninò tra-  
 ditione receptum est, instante Virginis obitu, Apo-  
 stolos ex ipsis Orbis terrarum finibus, ubi dispersi  
 erant, sublimes in aëre Hierosolymam venisse. Si-  
 quidem teste Dionys: C. 3: de divinis nominibus,  
 miris præconijs eam extulerunt, cum ad ejus dormi-  
 tionem convenissent. Siquidē à Petro, ultimam ante  
 mortem, cōmunionem percepisse scribitur. Siqui-  
 dem humeris proprijs ac manibus, teste Metaphra-  
 ste, ad Gethsemane prædium efferunt defunctā Re-  
 ginam. O verè SERVOS vsq; AD MORTEM! O Apo-  
 stolos honori suę Reginę intentissimos! ut meritò à  
 Cyrillo. Ephræm. & Bonav: ipsa præconium nun-  
 cupetur Apostolorum. Age & tu Christiane. Age  
 Sodalis Mariane. Esto quoq; Mariæ servus usq; ad  
 mortem. Dic cum Paulo Apostolo, quem S. Fran-  
 cisca Romana, Coelestis Regina ad mortales nun-  
 cium appellat. Quis nos separabit à charitate Ma-  
 riæ? tribulatio? an angustia? &c. Rom. 8. Certè hæc  
 sperni debere ubi de honore Mariæ agitur, vel hinc  
 collige. Cum Tartaris in Templum irrudentibus, S.  
 Hyacinthus asportato secum Eucharistico Sacra-  
 mento fugeret, fugientem inclamavit statua quæ-



dam Beatissimæ Virginis. Fili Hyacinthe ut quid me deseris? Sic ergo inimicorum meorum opprobrijs me cōmites? Age, age, me cum Filio meo aliò transporta. Verùm ille gravitatem statuæ causabatur, sed adjecit imago, ut sese confidenter assumeret, futuros pares oneri humeros: & cum dulciter illachrimans accepisset in humeros imaginem Hyacinthus, eam etsi magnam, admodum tamen levem sensit; cumq; ad fluvium quendam pervenisset, ibiq; nec pons, nec navis ulla compareret, ille signo crucis facto, sacrae hostiæ, atque statuæ fretus præsidio, substratâ chlamyde, sicco illum trajecit vestigio. Ribad. 16. Aug. in ejus Vita. Ah quidni ibi miracula ubi cogitatum tuum jactas in IESU & MARIA! Quidni ibi gratiæ ubi Maria? Hæc S. Petro passionis tempore graviter lapso, resipiscentiam & veniam, ut ait S. Gregorius Nazianz: impetravit. Concludat Damascenus. Aderant, inquit ille Orat. 2. de dormit. loquens de Apostolis ad Virginis dormitionem divinitus congregatis. Verbi servi, ut pro eo ac debebant, ipsius etiam Matri ministraturi, benedictionem ex ipsâ, non secus ac amplissimam quandam, ac præstantissimam hæreditatem haurirent: ecquis enim dubitet, quin ipsâ benedictionis

fons



fontes, ac bonorum omnium scaturigo sit? ita ille.  
 O si nos vel morientes suâ dignaretur benedictione!  
 Eam certè fœliciter affecutus fuit, magni illius Da-  
 miani frater Marinus, cui morienti apparuit Regi-  
 na Apostolorum, atq; ad benè moriendum imper-  
 tijt benedictionem.

## MEMENTO UT DIEM SAB- BATI SANCTIFICES.

*Manibus date Lilia plenis*

**V**os omnes, qui Sabbata sacratione  
 honore colitis: docet enim probabiliter Augu-  
 stinus Wichmans Ord. S. Norberti. Sabbatum jam  
 indè ab Apostolorum temporibus, eorundem Re-  
 ginæ Mariæ sacrum fuisse. Agite ergò, & denuò

*Manibus date Lilia plenis.*

Agite & festivitatem tam antiquam novis rosarum  
 imbribus conspergite, volui dicere Rosarijs Sabba-  
 tinis. Viros æmulari si non placet, pueros æmula-  
 mini. Ajunt ut refert Ann. Mar. in quibusdam Sue-  
 viæ locis, quovis Sabbato sub vesperum, filios fa-  
 milias convocari, ad Rosarium recitandum. O sic  
 nos Rosarijs, veluti pretiosis torquibus, exornare-  
 mus Reginam Apostolorum!

CAPVT



# CAPUT QVADRAGESI- MVM PRIMVM.

## REGINA MARTYRVM.

*Quicquid crudelitatis inflictum est corporibus  
Martyrum, leve fuit, aut potius nihil com-  
paratione tua passionis. Ita Anselm. Mariam  
alloquens. de Excell. Virg. C. 5.*

### STIMVLVS PRIMVS.



**C**onsidera. I. Quid de vehemen-  
tissimo Reginae hujus dolore sentiant  
Patres. Bernardus de lamentatione  
B. Virginis. Nec lingua inquit pote-  
rit loqui, nec mens cogitare valebit, quanto dolore  
afficiebantur pia viscera Mariæ. Idem. Non credo  
plenè enarrari vel meditari posse dolorem Virginis,  
nisi tantum fuisse credamus, quantum unquam do-  
lere potuit de tali Filio talis Mater. S. Bernardinus  
tom. 1. serm. 61. art. 3. Cap. 2. Tantus fuit dolor  
Virginis, quod si in omnes creaturas, quæ pati pos-  
sunt,



sunt, divideretur, omnes subito interirent. S. Antoninus 4. part. tit. 15. Cap. 24. §. 1. loquens de hac ipsissimâ REGINA MARTYRVM, ait. Improporcionabiliter major fuit dolor ejus in passione Filij, quâ Martyris cujusque in suâ passione. S. Ildephonsus. Quando Dominum inquit, in cruce pendentem vidit, tunc plus quàm Martyr fuit. Ipse Salvator mundi in Revel. B. Brigittæ L. 1. C. 25. ita Mariam alloquitur. Testimonium perhibeo tibi, quod tu in passione meâ plus fuisti quàm Martyr. Verùm ad testimonium Iesu, accedat quoq; testimonium Mariæ, quæ S. Brigittæ, L. 6. Rev. C. 9. dixit aliquando. Ego nullâ horam sine tribulatione vixi in terris. Et C. 58. Usque dum assumpta fui corpore & animâ in Cœlum, nunquam defecit à corde meo dolor. Et quoties, ut ipsa testatur in Revel. S. Brigittæ, Filium suum aspiciebat, seû parvulum, seû crescentem, si-  
ve adultum, semper absorbebatur cogitatione, simul & dolore, de futurâ ejus passione & morte, nam ab Angelo salutata & renunciata Dei Mater, intellexit se parituram Filium qui esset crucifigendus, ut asserit S. Bernardinus. Ad propositum sanè, dolentibus his verbis eam loquentem introducit Rupertus in Cant. Cap. 1. super illud. Fascicu-  
lus



lus myrrhæ dilectus meus, &c. Nolite ait, solam attendere horam, vel diem illam, in quâ vidi talem dilectum ab improbis comprehensum, malè tractari, scilicet illudi, spinis coronari, flagellari, crucifigi, felle & aceto potari, lanceari, mori, & sepeliri: nam tunc quidem gladius animam meam pertransiuit, sed antea quam sic pertransiuit, longum per me transitum fecit, Prophetissa namq; eram, & ex quo Mater facta sum, scivi illa passurum; cum igitur carne meâ taliter progenitum, talem Filium sinu meo foverem, ulnis gestarem, uberibus lactarem, & talem ejus futuram mortem semper præ oculis haberem, & propheticâ, imò plus quam propheticâ mente præviderem, qualem, quantam, quàm prolixam me putatis materni doloris pertulisse passionem? Idem super illud Cant. 4. Capilli tui &c. loquens ad Virginem ait. Tu quoq; longum in cogitationibus tuis præscia futuræ passionis Filij tui pertulisti martyrium, sicut illi qui circuierunt in melotis & pellibus caprinis, angustiati, afflicti. ita Rupertus. O dolorem vehementissimum! ô martyrium crudelissimum! Proh quid agis Christiane? Reginæ Martyrum non compateris flenti, & amarissimè lachrymanti? de cujus lacrymis S. Ber-

nar-



nard<sup>o</sup>. Rigabat inquit, lacrymis corpus exanime Filij, & monumentum in quo posuerunt eum, modo mirabili madidabat, ubi & ejus lacrymæ adhuc apparere dicuntur, indicativæ doloris intimi, qui animam ejus tanquam gladius acutus pertransivit. Hæc Bern. de Lamentatione Mariæ. Triginta novem millia lacrymarum eam fudisse compatiendo Filio suo patienti, tradunt nonnulli ex quadam revelatione. Et tu ne lacrymam fundes ut Mariæ cōpatiaris? Ipsa mœstissima Virgo retulit B. Brigittæ, ex oculis suis erupisse lachrymas, quemadmodum è venis fluere assolet sanguis. At è tuis dic amabo, quando vel stilla in gratiam Mariæ profluxit? Affirmat Theophrastus sanguineas lachrymas de oculis ejus emanasse: & de tuis quid? Ah si sapias Christiane! accurre ocyùs, solare mœstissimam Matrem; nam cuidam Anonymo, in discrimine mortis constituto, & cum gravibus molestijs luctanti, dixit olim hæc Regina Martyrum. Cur mœrore conficeris fili, qui à me toties mœrorem es conatus expellere. Gaude eja mecum, & me præeuntem ad æterna gaudia lætus sequere. O gaudia æterna! ô alloquentium melle dulcius! Sonet etiam vox tua in auribus meis ô Maria, vox enim tua dulcis. Cant. 2.



Favus distillans labia tua, mel & lac sub lingua tua.

Cant. 4. Surge denuò, & ad me propera quoque  
Amica mea, columba mea, formosa mea, & veni.

Cant. 2. Trahe me morientem, ut renovatâ velut  
aquilæ juventute meâ, post te curram in odorem  
unguentorum tuorum, Cant. 1. Ah quidni curre-  
rem! si animam agenti diceres. Veniat dilectus me-  
us in hortum suum, & comedat fructum pomorum  
suorum. Cant. 5.

### STIMVLVS SECVNDVS.

**C**onsidera. 2. Causas vehementissimi illius  
doloris, quo velut acutissimo gladio transfixa  
fuit REGINA MARTYRVM. Verè inquit Anselm.  
de excell. Virg. Cap. 5. pertransiuit animam tuam  
gladius doloris, qui tibi amarior fuit doloribus cu-  
jusvis corporeæ passionis. Et quidem. Prima causa  
fuit, mors Filij, juxta illud Damasceni, Lib. 4. de fi-  
de orthodoxa. Cap. 15. Verùm ipsa Beata Virgo  
quos in partu dolores effugerat, passionis tempore  
sustinuit, ut quæ pro materno suo affectu, viscera si-  
bi lacerari senserit, & dum eum quem Deum gi-  
gnendo norat, ut fontem ac facinorosum morte af-  
fici conspiceret, intimis cogitationibus tanquam  
gladio



gladio discerperetur. Eleganter Bernardus de Lamentatione B. V. Nunc solvis Virgo cum usurâ quod in partu non habuisti à naturâ, dolorem pariendo Filium non sensisti, quem millies replicatum Filio moriente passa fuisti. Secunda causa. Amor erga Filium. Hinc Sophronius inter opera Hieronymi Sermone de Assump. ait de Maria Quia plus omnibus dilexit, propterea & plus doluit. Nam ut benè notat Sanct. Augustinus Lib. 21. de Civitate. Cap. 26. Ex earum inquit, personarum amissione, quæ nobis necessitudine aliquâ sunt conjunctæ, tantum necesse est urat dolor, quantum hæserat amor. Tertia causa. Vicinitas ad Filium, de qua ex Revel. S. Brigitt. Lib. 21. Cap. 35. Ego inquit B. Virgo. stabam viciniùs cruci ejus, & sicut hoc graviùs pungit quod viciniùs est cordi, sic dolor ejus gravior erat præ cæteris mihi: cumque respexisset ad me de cruce, & ego ad eum, tunc de oculis meis quasi de venis lachrymæ exhibant, & cum ipse me cerneret dolore confectam, in tantum amaricabatur de dolore meo, quod omnis dolor vulnerum suorum, erat quasi sopitus sibi præ dolore meo, quem in me videbat: propterea audacter dico, quia dolor ejus erat dolor meus, quia cor ejus erat cor meum.



Hæcibi. Quarta causa. Quia spectatrix fuit poenarum. O qualis, ait Bonavent. Cap. 37. Meditationum vitæ Christi: erat anima Matris, cum sic poenose videbat filium deficere, languere, lacrymari & mori. O Domina, loquitur Anselmus: quos fontes lachrymarum dicam erupisse de pudicissimis oculis tuis, cum attenderes unicum tuum innocentem coram te flagellari, ligari, mactari, & carnem carne de tua crudeliter diffecari. Refert S. Brigitta Lib. 4. Revel. Cap. 70: sibi à B. Virgine dictum, plurimos rivos sanguinis ex aculeis spineæ coronæ infixis, defluxisse per Christi faciem, & crines, & barbam replevisse, ut quasi nihil nisi sanguis videretur. Nec ipse inquit, me astantem cruci videre potuit, nisi sanguine expresso per ciliorum compressionem. Quinta demum causa erui potest ex ijs quæ apud Metaphrast. Orat. de vitâ & dorm. Deiparæ leguntur. Hoc verò ait, erat ei molestissimum, quod ad illum quidem accedere, & eum alloqui sitiebat, repellabatur autem à multitudine canum eam circumdantium. Postea verò, pergit idem Auctor, cum parricidæ illi negligenter custodiam, tunc verisimile est Deiparam sibi datâ facultate ad eum accessisse, & intemeratos quidem ejus pedes, & impressas ei plagas



gas libenter deosculatam, & sanguine miscentem lacrymas, oculos, & genas attrivisse. Idem Simeon Metaphrastes asserit ex quorundam piorum Virorum sententiâ. Deiparam diligenter & reverenter, sanguinem & aquam ex Christi latere exeuntem hausisse. O haustum nectare & ambrosiâ sapidiorum! O Mariam verè Matrem dolorosam! quam Sancta Brigitta postquam in summa amaritudine & dolore conspexisset, ait Lib. 7. Revelat. Cap. 15. Dolor igitur compassionis illius sanctissimæ Matris in tantum transfixit me, quod quasi sentiebam quod cor meum pertransibat gladius acutus importabilis amaritudinis. Heus Christiane! Brigittam æmulare. B. Margaretha de quâ Bzovius in Annalibus ad annum 1297. cum particeps fieri dolorum Beatissimæ Virginis petijisset, eamque gratiam impetrasset, tanta tristitiâ fertur obruta, tamq; debilis effecta, ut longo tempore semianimis jacuerit, & penè mortua sit. Heus Sodalis Mariane! Margaretham æmulare. Hic Vir, inquit Christus ad S. Brigittam (loquitur de scelesto quodam sexagenario, qui non semel dæmoni homagium præstitit, tamen salvatus est) ob conceptum animo de peccatis dolorem, quem illi meâ benignitate, & merito

Matris



Matris meæ ad extremum concessi, purgatorij igni tantisper addictus est, nam licet homo ille Matrem meam in vita parum admodum coluerit, habuit tamen id boni moris, ut quoties de illius doloribus audisset aliquid, aut meminisset solum, condolefceret illicò. in Revel. S. Brigittæ, L. 6. C. 97. Proh quàm leve obsequium, ingenti bono compensatur!

### STIMVLVS TERTIVS.

**C**onsidera. 3. Patientiam, fortitudinem, atque ad Divinum beneplacitum conformitatē, quā prædita fuit Regina Martyrum. Annon patiens? Maria, inquit S. Bonav. in Spec. Cap. 4. interfectores Filij nunquam odivit, nunquam contra eos impatiens fuit, nam si alij Martyres, patientissimi fuerunt in suo martyrio corporali, quantò magis Martyr nostra Maria in martyrio spiritali suo? sic Bonav. Annon patiens? Non murmurabat, inquit S. Antoninus 4. part. tit. 15. Cap. 41. §. 1. quod Filius innocentissimus patèretur, non blasphemabat Iudæos, quod ab eis quibus tot fecerat beneficia tam crudeliter tractaretur; non vindictam à Deo petebat quod illi à terrâ vivi absorberentur, ut merban-



reabantur, non capillos vel vultum scindebat, quia  
 vidua & sine Filio consolatore remanebat, sed sta-  
 bat verecunda, modesta. Hæc ille. Annon patiens?  
 Ad eam meritò dici potest, ait S. Bernardinus tom.  
 3. Sermone 2. de nomine Mariæ, art. 3. Cap. 4. il-  
 lud Thren. 2. Magna est veluti mare contritio tua,  
 & hoc mare per impatientiam non redundabat, sed  
 omnia ista flumina in se per sustinentiam absorbe-  
 bat, sicut Eccles. mysticè scriptum est. Omnia flu-  
 mina intrant in mare, id est in Mariam, & mare non  
 redundat, scilicet per impatientiam, ita ille. Quod  
 si fortitudinem ejus spectes, annon heroica planè ac  
 mascula? Mater, inquit Simeon Metaphrastes O-  
 rat: de vitâ & dorm. Deiparæ: passionis tempore si-  
 cut in alijs superabat mulierem, ita hîc quoq; vide-  
 tur plusquam mulier, quæ ab illo, id est Christo mi-  
 nimè recedit, sed propius sequebatur, nihil timens  
 quod esset formidabile: ita Metaphrastes. S. Am-  
 brof: de instit. Virg. Cap. 7. ait. Stabat ante cru-  
 cem Mater, & fugientibus Viris, stabat intrepida.  
 Euthym. in Matt. 27. Verisimile est inquit, Dei  
 Matrem propinquiùs cruci astitisse, quàm reliquas  
 mulieres, id viscerum inflammatione ludæorum  
 vincente timorem. Hæc ipse. Si verò ad stupendam



ejus cum divino beneplacito conformitatem oculos convertas, proh quanta fuit illa! quam sanè egregiè deprædicat S. Antoninus 4. part. tit. 15. Cap. 14. §. 1. ubi etiam citat Anselmum. Ita divinæ voluntati conformis fuisti, ut salutis humani generis avidissima esses: ut dicere audeam, quod si nullus fuisset repertus qui Filium crucifigeret, ad hoc ut sequeretur salus hominum, & adimpleretur voluntas Dei, si oportuisset, ipsa posuisset in crucem; neque enim credendum est minoris fuisse perfectionis & obedientiæ ad Deum, quàm Abraham, qui proprium filium obtulit Deo in sacrificium proprijs manibus occidendum & comburendum: Hæc ibi. S. Bonav. in 1. sentent. distinct. 49. art. 2. quæst. 2. asserit. Nullo modo est dubitandum, quin virilis ejus animus, & ratio constantissima, vellet etiam tradere Filium suum pro salute generis humani, ut Mater per omnia conformis esset Patri. O conformitatem! ô fortitudinem! ô patientiam! Quod si funiculus triplex difficile rumpitur, tu in hoc funiculo conformitatis, fortitudinis, & patientiæ, te Cælum usque tutus vibrabis.

STIMV.



## STIMVLVS QVARTVS.

**C**onsidera. 4. Cur mitissima Virgo, Regina Martyrum appelletur. An quia Martyres ad tribulationes gaudenter pro Christi nomine sufferendas animabat? de quo apud S. Brigittam in Serm. Angelico, Cap. 19. Felix Ioannes Baptista, qui dignus habitus, quem in vincula carceremque coniectum, Regina Martyrum inviseret, solaretur, adque mortem in Dei causâ fortiter oppetendam stimularet, accenderetque, id quod B. Amadeo revelatum accepimus. O confortatrix Martyrum Maria! quo titulo eam insignivit S. Bonaven. An quia maiores Martyribus sustinuit dolores? teste Anselmo de excell. Virg. Cap. 5. quæ etiam ex eodem, expirasset, nisi à Deo præservata fuisset. Et quidni longè major Virginis fuisset dolor? Siquidem S. Antoninus 4. par. tit. 15. Cap. 24. §. 1. ait. Dolor causatur ex amore, ut quantum qui plus amat, tanto plus doleat de amissione ejus, dolor autem Sanctorum, in martyrijs eorum, causabatur à naturâ propter separationem animæ à corpore, dolor autem B. Mariæ à naturâ & gratiâ, sed major etiam à gratiâ, sed fortior & perfectior est causatus à gratiâ, quàm à naturâ. Ergò impropotionabili.



ter major fuit dolor ejus in passione Filij, quàm Martyris cujusque in suâ passione. Hæc S. Anton. Adde. Majorem fuisse Virginis dolorem, quia nullus Martyrum ita propriam vitam dilexit, ac ipsa vitam Filij. Ergò etiam plus doluit ex nece Filij, quàm illi ex propriâ, siquidem dolor correspondet amorì. Adde iterum. In Martyribus leniri potuisse dolorem, quia amittebant carnem peccabilem, eam quæ interdum ijs occasio, & peccandi illecebra: at Virgo amittebat eam carnem, quam deificatam adorat terrarum Orbis: carnem innocentissimam, carnem amabilissimam. Si fieri potuisset, inquit S. Bonav: omnia tormenta quæ Filius pertulit, ipsa multò libentiùs sustinuisset. Pendebat, inquit S. Ambros. de institut. Virgin. C. 7. in cruce Filius, Mater se persequutoribus offerebat. Ildephonsus Serm. 2. de Assump. ait de B. V. Parata stetit, si non deesset manus percussoris. De eadem S. Bernardinus Sen. tom. 3. Serm. 2. de Nomine Mariæ art. 2. Cap. 4. ex Augustino 4. Confess. Cap. 6. Iste, inquit, est modus amantium, velle pro invicem mori, nec dubium hoc erat amoris in Virgine benedictâ, ut infinities si fieri potuisset, se morti pro Filio tradidisset, Si enim hoc voluit David pro filio suo, quanto magis



magis hæc pro suo, ut magis conveniat ei vox illa, 2.  
 Reg. 18. Quis mihi det ut ego moriar pro te Fili mi.  
 Hæc S. Bernardinus. Pulchrè Ephræm in Threnis, ex  
 personâ Deiparæ ad Filium in cruce affixum, his  
 verbis. Respice mi Fili lacrymas meas, attende su-  
 spiria mea, ac gemitus, & os tuum aperi. Solatium  
 mihi præbe mi Fili, non enim habeo prorsus ubi  
 vel caput reclinem, non alius mihi superest cogna-  
 tus, pater, vel mater, frater aut soror, qui animum  
 mihi reddant. Tu mihi es Pater, tu Frater, tu Fili-  
 us. Tu mihi vita & Spiritus, spes atq; protectio. Tu  
 mea es consolatio & creatio. Tu Dominus meus &  
 Deus meus. Hæc Ephræm. O Christiane! Utinam  
 & tu in hæc verba sæpius in die prorumperes! Uti-  
 nã & tu pro Christo pati velles! utinã & tu martyrii  
 aureolâ quâ ornata fuit Maria, condecorareris! Spe-  
 ra dum spiras. Tuum impofterum ergò sit hoc lem-  
 ma. Pati aut mori. Vel illud. Non absq; cruce.  
 Hanc teste Cæsario, Lib. 7. hist. memorab. dono  
 dedit Maria, nobili cuidam militi waltero de Bir-  
 bach, cujus septè dolorum egregius cultor ipse erat.

**MEMENTO UT DIEM SAB.**  
**BATI SANCTIFICES.**

X x x 3

Fatere



**F**atere Christianissime Galliarum.  
 Rex Ludovice, quid tibi Sabbatis cum cilicio?  
 hocne gestare iussit pijsima aliàs mater Blanca?  
 Fatere & tu Sanctissime Cantuariensium Archipre-  
 sul Thoma, cur cilicio te præcingis Sabbato? an ut  
 Sabbatino usu lacerum, reficere juvet (juvit) Ma-  
 ria? Etiamne tu etsi adhuc delicatula, etsi adhuc  
 septennis puellula Margaritha (ô verè pretiosa mar-  
 garita!) Belæ IV. Vngar. Regis filia, Sabbatis fer-  
 reo circulo, innocentes corporis tui lumbos strin-  
 ges? Sed quid video! video Carolos Spinolas Sab-  
 bato in Iaponia comburi. Video ibidem Sabbato  
 Marcellos Mastrillos capite plecti. O Sabbatum  
 nonnisi à Sacro cruore purpureum! ô Sabbatum  
 mysterijs plenum! Quod si ut loquitur mellifluus  
 Bernardus: non decet sub capite spinoso corpus esse  
 delicatum. Agite Sodales Parthenij. Agite Chri-  
 stiani, & vos totos doloribus, vulneribus, imò neci  
 ipsi exponite. Reginam Martyrum æmulamini,  
 jam patiendo, jam compatiendo. Festum compas-  
 sionis dolorum Deiparæ, in Sacro Ordine S. Brigit-  
 tæ celebrari Sabbato post Dominicam. Quasi mo-  
 do: patet ex ejus Breviario. Vos si non diebus sin-  
 gulis, Sabbatis saltem id agite, juxta illud quod ipsa-  
 met



met Regina Martyrum aliquando S. Brigittæ dixerat. Respicio ad omnes qui in mundo sunt, si fortè sint aliqui, qui compatiantur mihi, & recogitent dolorem meum, & valdè paucos invenio. Ideò filia, licet à multis neglecta sim, tu tamen non obliviscaris mei, vide dolorem meum, & imitare quantum potes.

C A P U T  
 QVADRAGESI-  
 MVM SECVNDVM.  
 REGINA CONFESSORVM.

*Tu salus te invocantiũ, exemplar Confessorum.*

S. Bonav. in hymno Te Matrem Dei.

STIMVLVS PRIMVS.



Considera. I. Hoc præconium Patrum, sic Mariam vocat Ephræm. Sermone de Laud. Virg. Hanc Sacerdotum gloriam, sic eam compellat Damasc. Orat. i. de Nat. Hoc exemplar



plar & Speculum Confessorum, sic eam nominat Bonaventura: & perpende, quæ non in hoc speculo videri poterant, quàm gratiosæ, quàm decoræ, quàm liberales formæ, nempe omnes gratiæ gratis datæ, quas novem esse, adnotavit S. Paulus, 1. Corint. 12. Sermo sapientiæ. Sermo scientiæ. Fides. Gratia sanitarum. Operatio virtutum. Prophetia. Discretio spirituum. Genera linguarum. Interpretatio Sermonum: quibus omnibus velut pretiosis unionibus ornata fuit Regina Confessorum. Et quidni? quia quicquid gratiæ alijs divisim & per partes collatum fuit, totum Reginæ huic cumulâtè & perfectè tributum est, sicut Matris Dei dignitatem decebat. O si vel stilla earum gratiarum in sinum tuum decideret, proh quæ non intelligeres! quæ non sceres! quæ non ageres! Age ergo, age vel hoc unicum, & quotidie, imò ad horas singulas accurre ad Reginam omnis humanæ naturæ, sic Mariam vocat Andreas Cretens. Archiep. Ierosol. Orat. de Assump. Virg. Ad Reginam Confessorum, sic eam compellat Ecclesia, & quas in illâ sanctiores virtutes conspexeris, sedulò imitare.

*Ardua molimur sed nulla nisi ardua vincunt.*

Imò ne ardua dixeris, suavia namque & facilia suader



det Maria. Audi & crede. Rem in hunc modum refert Anton. de Balinghem. ad 17. Septembr. de Stephano Iustitio Ordinis Minimorum oblato. Hic cum post oculorum dolorem, eorum usum perdidisset, advertit se varijs impatientis animi motibus agitari, quibus ut obviam iret, Deiparam in singularem Advocatam elegit, varijs ei devotionis obsequijs exhibitis. Cum excederet abstinentiâ à victu etiam naturæ necessario, ei ad mensam accumbenti apparuit Deipara. Cur, inquit ad eum, singularis es in hac mortificatione & abstinentiâ cibi: cumq; responderet se id facere ad subjiciendam spiritui carnem, & ut peccata sua expiaret, deniq; ad Deo placendum: tum Deipara. Desine in posterum singularis esse, satius est te conformem cæteris vitam ducere. Hæc ibi.

## STIMVLVS SECVNDVS.

**C**onsidera. 2. Quantoperè decuerit Sancto-  
rum Confessorum Reginam quibus olim singulari exemplo præluceret, mox à teneris unguiculis, in sacratione loco educari. Deducitur ad Templum trimula, quam teste Georg. Nicomed: innu-



merabilis Angelorum chorus comitatus est. Ibi in Sanctis Sanctorum 11. annos ipsam traduxisse, adnotavit apud Nicephor. Evodius Apostolorum successor. Germanus Patriarcha Constantinopolit: Vir sanctissimus in Orat. de Præsentatione Deiparæ sic habet. Vbi non sæpè, sed semel solum in anno, Sacerdos ingrediens peragebat cultus mysticos, illic Mater Domini, ut ibi perpetuò maneret adducitur. Hæc ipse. Res profectò admiratione digna, ei soli obtigisse in habitaculum Sancta Sanctorum, de quibus Apostol. ad Hebr. 9. ait. In illa semel in anno solus Pontifex non sine sanguine introibat. Sed age ô serenissima Regina, ediffere, quid in Templo egeris? quæ munia obieris? Seraphicus Bonav. in Medit. vitæ Christi. Cap. 3. præclara de ejus virtutibus, dum esset in Templo refert, ex quibusdam revelationibus ab eadem factis, ut ipse existimat S. Elisabeth, & inter alia. Surgebam, inquit, semper in noctis medio, & pergebam ante altare Templi, & ibi omni affectu petitiones meas Deo præsentabam. In Templo degens, teste Andrea Cretensi de dorm: Deip: tanto studio vacabat divinarum literarum lectioni, ut totam legem, librosq; Prophetarum menti omninò insculperit. Accipe ex Hieron. Epist. ad Helio-



Heliodor. quid in Templo degens egerit Sanctissima hæc Regina Confessorum. A mane inquit, usque ad tertiam, orationibus insistebat, à tertiâ verò usque ad nonam, operi manuum intendebat, à nona verò adhuc orationem incipiebat, à quâ non recedebat, quousque illi Angelus appareret, de cujus manu escam accipere solebat. Sabellicus, Lib. 2. Exemp: C. 4 & C. 9. asserit: eam mane tres horas impendisse orationi ac devotioni, indè meridiem usque laborasse, & sæpè in lanâ, à prandio verò Sacra Scripturæ legendæ incubuisse. Anima Christiana! exclama & dic cum Damasc. Lib. 4. de fide Orthod. Cap. 15. Maria, inquit, ad Templum adducitur, atque deinde in domo Dei plantata, atque per Spiritum saginata, instar olivæ fructiferæ virtutum omnium domicilium efficitur. O domicilium omni cultu dignissimum! ô diem illum albo signandum lapillo! quo trimula Maria, Deo in Templo præsentatur. Festum hoc etsi omitti voluerit in Brevariario. Pius V. Summus Pontifex, ceu minus antiquum, attamen Franciscus Turrianus, celebris è Soc. Iesu Theologus, ex vetustissimis Auctoribus Græcis & Latinis ostendit, Festum hoc veteribus Sanctis Patribus fuisse olim cognitum, laudibusque



celebratum. Vbi signanter adverte, eundem Franc. Turrianum, ipsomet festo die, quem tanto conatu defenderat, è vivis excessisse, ut par est credere Sanctis Confessoribus adlegendum. Hoc Festum tu quoq; novâ aliquâ pietate prosequere Turriani æmulus.

### STIMVLVS TERTIVS.

**C**onsidera. 3. Honorem atq; affectum quo suam Reginam olim prosequiebantur Sancti Confessores. Intuere Ignatium Loyolam, ubi primam Deo hostiam Neomystra offerat, nonne in Beatissimæ Virginis Templo? Perpende cur pertinax in energumenâ dæmon, postquam plures jam fatigasset, tamen ad Ignatij nomen excedere cogatur, nonne ob ejus in hanc Divam Reginam pietatem? hinc inclamat dæmon. S. Ignatius. S. Ignatius. S. Ignatius me ejicit, ob suam humilitatem & potentiam, & ob singulare studium, quo is vivus ardebat in Sanctissimam Virginem. Inspice si lubet, dignum tanto parente filium, alterum illum Sanctissimum Confessorem Xaverium, & vide, quam hic devotus erga suam Reginam! ne eâ insalutatâ ad Apostolatû Indicium abiret, prius Lauretum



retum ejus salutandæ causâ adit, ut ubi illa Deum concepisset, illic Xavier divinos Spiritus ad magna, terrâ mariq; agenda & ferenda conciperet. Contemplare Seraphicum Confessorem Bonaventuram, Virginis unicè studiosum, quem etiam Auditorem Sodalitatum inter Laicos quos vocant, faciunt: quiq; pariter instituit æris campani pulsum, quo exciti sub noctem, venerabundi ter salutamus Reginam Confessorum Mariam. O si velut apes ingeniosa, mella legeres ex Sanctis Confessoribus! ô si illorum exemplo, jam hoc, jam illo modo Reginam universi coleres! Audi quid suadeat citatus S. Confessor Bonaventura, in epistolâ quæ inscribitur 25. memorialium, ubi quædam ad piè vivendum monita tradit, in 13. hæc habet. Vt gloriosam, inquit Reginam Domini nostri Matrem Benedictam, in summo habeas omni tempore venerationis affectu. Et infra. Quotidiè studens ei specialem & singularem reverentiam exhibere: O si exhiberes! quidni te quoque Cælum ipsum proclamaret Confessorem, quemadmodum clienti Virginis, D. Alberto Carmelitæ contigit, nam de eo fertur, quod ipso mortuo, cum gravis concertatio inter Clerum & FF. Carmelitanos esset exorta, num  
de Con.



de Confessore, vel Defunctis, Sacrum foret celebrandum, duos Angelos in aëre, specie puerorum venustorum, stolis albis auro intertextis amictos, cantandum denunciaſſe. OS IVSTI MEDITABITVR SAPIENTIAM. Anton. Baling. 7. Auguſt.

### STIMVLVS QVARTVS.

**C**onsidera. 4. Reciprocum illum affectum, quo Regina Confessorum, Sanctos suos Confessores adhuc in terris degentes proſequebatur. O quibus beneficijs! quibus gratijs non affectit nonnullos! proh-quàm regiè & maternè aliquibus ſuccurrit! Et quidni? nam ut optimè ait Germanus Sermone de Aſſump. Spiritus, inquit, tuus ô Maria, vivit in æternum, omnia obſervas, omnia intueris, & inſpectio tua ad omnes ſe porrigit. Anima mea! audi Sanctum Confessorem Bonav. dicentem. Secure tuam ei cauſam committas, quia Mater eſt miſericordiæ. Ah quid agis? cur non committis? cur per ſingulos dies novas & novas gratias non flagitas? quæris quas? audi. Septem dari planetas docent Aſtrologi, qui non ſolùm ſingulis hebdomadæ diebus nomen imponunt, verùm etiam ita ſingulis præſunt,



præfunt, ut Luna die Lunæ præfes fit in Cœlo. Mars die Martis regnet, cœlestesque influxus moderetur. & sic de alijs. Pete igitur die Lunæ, ut quemadmodum Luna frigore suo ad castitatem disponit, ita tu per Mariam puritate exorneris. Pete die Martis, ut quemadmodum Mars fortitudinem instillat, eandem tibi instillet Maria. Pete die Mercurii, ut quemadmodum Mercurius eloquentiam & moderandæ linguæ gratiam impendit, tibi quoque facundiam elargiatur Maria, quâ de cœlestibus duntaxat loquaris. Pete die Iovis, ut quemadmodum Iupiter magnanimitatem, sublimesque quosdam ad gloriam impetus spirat, te similiter ad æternam gloriâ quærendam animet Maria. Pete die Veneris, ut quemadmodum Venus amorem suscitât, te quoque in amorem IESV & Mariæ accendat eadem Maria. Pete die Sabbati prudentiam, sed illâ maiorem, quam Saturnus terræ afflat. Pete denique die Solis, sive Dominicâ, claram rerum omnium notitiam, ut dicere possis cum Ecclesiaste, Cap. 2. Vidi cuncta quæ fiunt sub Sole, & ecce universa vanitas & afflictio spiritus. Ah si constanter & vivâ fide petere-mus! proh quæ & quanta non obtineremus à Regina Confessorum! nam de eâ ita scribit Richar. à

S. Lau-



S. Lauren. Lib. 5. de Laud. Virg. Tornatiles dicuntur manus Mariæ, quia sicut ars tornandi promptior est alijs artibus, sic Maria ad benefaciendum promptior omnibus Sanctis.

## MEMENTO UT DIEM SABBATI SANCTIFICES.

**E**xulet hic & nunc axioma illud vulgare. Secretum meum mihi. Tu secretum tuum pande ô Sanctissime Confessor Ignati. Dic quid videris? quò tandem à nobis spiritu & animo abiveris? quando raro planè exemplo, quodam Sabbato, sub horam Completorij, in extasi extra te positus, mortuo quàm vivo similior, ad alterius usq; Sabbati Completorium decubuiſti. O septimanæ extaticæ alpha & omega sanctissimum! Heus peccator! tu illud sceleribus contaminare audebis? Time ne morosâ arithmeticâ, illa numeret colligatq; dæmon, quemadmodum olim collegit capillos singulos, dum S. Aichardus Abbas, Sabbato quodam post Vesperas eos sibi tonderi curasset. Time ne tibi exprobet, quod tunc exprobravit, inquires. Hos ego capillulos quàm studiosissimè collectos,  
Lucife-



Lucifero nostro, & omnibus inferni Principibus,  
Civibusque ostendam hodiè, ad ruborem vestrum.  
Erubescet dæmon ipse, si tu prius dolens erubescas,  
non melius hucusq; , Sabbatis præsertim, te coluisse  
se Reginam Confessorum Mariam.

C A P U T  
QVADRAGESI-  
MVM TERTIVM.  
REGINA VIRGINVM.

*Tu in Cœlestibus Regnis, prælata es cunctis  
Virginum Choris.*

Fulbertus Carnotensis Episcopus ad Virginem  
Serm. 11. art. 2. Cap. 2.

STIMVLVS PRIMVS.



Considera. I. Quibus titulis, qui-  
bus laudibus & encomijs honorare  
possis, hanc tam illustrem Reginam  
Virginum. Principem Virginitatis  
eam vocat Epiphan: hæres. 78. Vir-  
gini-



ginitatis coronam. Cyrillus Alexandrinus hom. 6. contra Nestorium. Virginum Primiceriam Bernardus in tractatu de passione Domini, Cap. 31. Virginitatis Primipilam. Idiota Cap. 6. Contemplationum Mariæ. Virginum Lumen Nazianzenus. Gloriam Virginum Damascenus. Tu ne à communi titulo recedas, voca eam iterum cum Ecclesia, Regnam Virginum. O videres! quali diademate coronata, reliquas omnes Virgines antecedit hæc Regina! quam totius castitatis Reginam extitisse, asserit Chrysologus. Serm. 143. O videres! qualem Aureolam virginitatis assecuta sit! quam tantò excellentiorem assecutam fuisse, quantò perfectiùs præ cæteris virginitatem servavit, affirmat cum nonnullis, Angelicus Doctor Thomas. O videres deniq;! quantis Virginum Choris stipata, quibus tripudijs, & canticis non exultet illa, cui aptari potest illud

*Quocunque pergis Virgines*

*Sequuntur, atque laudibus*

*Post te canentes cursitant*

*Hymnosque dulces personant.*

De quâ Bernardus hom. super missus est. Novum inquit canticum illud, quod solis dabitur in Regno Dei



Dei cantare Virginibus, ipsam Virginum Reginam cum cæteris, imò primā inter cæteras esse canturā, nemo est qui ambigat. De quā idem Bernardus tractatu de passione Domini, Cap. 31. Si omnes, ait, Virgines canticum illud cantabunt, nunquid illa Virgo Virginum Primiceria non cantabit? cantabit utique, & tantò jucundiùs, quantò castior præ cæteris, præbebitq; toti Choro in cantando exemplum, quas ad virginitatis amorem suo incitavit exemplo. De quā Ambros. Lib. 2. de Virginibus. Tunc, inquit, Maria tympanum sumens choros Virginales excitabit canentes Domino, quod per mare sæculi sine sæcularibus fluctibus transierunt. Christiane! si ad hæc pœana, si ad hos cantus aspiras, perge Virgo esse mente & corpore. Si Virgineis his choris inseri cupis, fuge quidquid puritati adversatur. Si Virginum melodiā æternū oblectari volueris, cave nelatum quidem unguem discedas à Tympanistriā tuā, sic Reginam Virginum vocat Augustinus Serm. 13. de Sanctis. O te millies felicem! si tibi Virgini hinc descendēti Virgo occurrat. Qualis erit, inquit Hieronymus Epist. 22. ad Eustochium: illa dies, cum tibi Maria Mater Domini choris occurret comitata virgineis? cum post mare



rubrum submerso cum suo exercitu Pharaone, tympanum tenens præcinet responsuris. Cantemus Domino, gloriosè enim honorificatus est, equum & ascensorem projecit in mare.

## STIMVLVS SECVNDVS.

**C**onsidera. 2. Quàm meritò REGINA VIRGINVM vocetur MARIA, siquidem non tantum voto virginitatis sese obstrinxerat, quod efficaci ratione probat Augustin. Lib. de sancta virginitate Cap. 4. dum ait. Quia annuncianti Angelo Maria respondit. Quomodo fiet istud quoniam Virum non cognosco? quod profectò non diceret, nisi prius se Virginem Deo vovisset. Sed etiam quia nullus mortalium, Vir sive fœmina, ante ipsam hoc votum emisisse legitur. Vndè benè hom. de Annunc. Beda. Verè, inquit gratiâ plena, cui divino munere collatum est, ut prima inter fœminas gloriosissimum Deo virginitatis munus offerret. Benè Ildephonsus, serm. 5. de Assump. De istâ, inquit, dicitur, optimam partem elegit, quia prima omnium fœminarum Deo virginitatem obtulit. Benè Sanct. Bartholomæus Apost. apud Abdiam Lib. 8. Hist.



Hist. Apost. de Reginâ Virginum hæc tradit. Hæc autem Virgo cum execraretur omnem Virum, & ipsa servandæ virginitatis votum prima Deo omnipotenti vovit, cum à nullo homine, nec verbo didicisset, neq; exemplo ad imitationem fuisset invitata, nulla enim hoc votum antea obtulerat. ita ibi. Rationem verò Mariani voti gratiosè indicat Angelicus Thomas, 3. p. q. 28. art. 4. ad. 2. Quia cum hoc votum ad statum perfectionis pertineat, decuit ut in lege gratiæ initium haberet à Christo & Matre ejus. O verè Reginam Virginum Mariam! dic ei Anima mea, cum mellifluo Bernardo, Serm. de Annunc. O Virgo prudens. ô Virgo devota: quis te docuit Deo placere virginitatē? quæ lex, quæ justitia, quæ pagina veteris testamenti vel præcipit, vel consulit, vel hortatur in carne non carnaliter vivere, & in terris Angelicam ducere vitam? ubi legeras de Virginibus, quia cantant canticum novum? ET POST PAUCA. Tu verò nec habebas præceptum, nec consilium, nec exemplum, nisi quod unctio docebat te de omnibus, ac sermo Dei vivus & efficax ante tibi factus est magister quam filius, prius instruxit mentem quam induerit carnem. Hæc ibi. Verum quia non tam verba quam facta adamat hæc



Regina Virginum, age Anima fidelis, & juxta illud

*Regis ad exemplum totus componitur Orbis*

Reginæ tuæ vestigijs insistens, in sanctius quoque illud votum prorumpe. Fac quod S. Edmundus, qui virginitatem coram Mariæ imagine vovit, & annulum cui insculpi fecerat salutationem Angelicam, in ipsius imaginis digito posuit, ex quo tempore, uti ipse in obitu fassus fuerat, quoties Virginis præsidium invocavit, ipsa in tribulatione remedium, in dolore gaudium sibi celeriter impetravit. Surius in ejus vita. Mense Novemb.

### STIMVLVS TERTIVS.

**C**onsidera. 3. Annon inde etiam meritò Regina Virginum vocari possit Maria, quia virginitatis puritate, non homines solùm, sed ipsos quoque Angelos longè superavit, ut ex Alberto docet S. Antoninus 4. part. tit. 15. C. 17. §. 4. ubi sic loquitur. In omnibus alijs viatoribus castitas est cum pugna contra fomitem, & cum casu ad minus imprimente veniale, & cum possibilitate cadendi etiam in mortale, exceptis sanctificatis in utero, & Apostolis Spiritu Sancto repletis dicit Albertus: sed  
in



in B. Maria fuit castitas sine pugna fomitis, & sine casu & possibilitate cadendi in mortale vel veniale. Nec solum hominum viatorum, sed etiam Angelorum castitatem excessit, est enim primò multiplicior, quia Angeli solum eam habent in spiritu, non in corpore quod non habent, sed B. Maria in spiritu & corpore est Virgo. Est secundò nobilior & utilior, quia Angelis est naturalis, undè nec meritoria, in B. Maria est gratuita & meritoria. Est tertio gloriosior, quia in Angelis quasi necessaria & sine pugna, in Maria voluntaria & cum victoria. Hucusq; S. Antoninus. O victoriam! ô virginitatem! quod enim Maria meruerit fieri Mater Dei, hoc meritum de congruo, virginitati etiam ipsius adscribunt complures Patres. Gratosè Hieronymus Epistol. 22. ad Eustochium ait. Tantæ puritatis Maria extitit, ut mereretur effici Mater Filij Dei. Ah quæ non promererentur mortales, si Reginæ Virginum castimoniam sectarentur! Refert P. Georgius Stengelius è Soc. Iesu, in suo opere de judicijs Divinis, tom. 1. Cap. 13. In conspectu totius cujusdam Civitatis, duos Angelos è Cælo advenisse, manibusq; elegantissimas coronas ferentes, dixisse ad duas Virgines. Hæc ferta vobis in testimonium illibatæ vestræ



stræ virginitatis mittit Maria IESV & vestra Mater.  
 O dona! ô munera! Proh quibus se non privant!  
 quæ mala non incurrunt ij! qui contra puritatem  
 vel leviter delinquant. Time illud quod Lib. 2. vi-  
 tæ S. Dominici C. 13. legitur. Vidit ille Reginam  
 Virginum, lectos suorum Religiosorum aspergen-  
 tem, uni verò eorum indecenter decumbenti, be-  
 nedictionis gratiam denegantem. Time illud quod  
 de Alphonso Rodriquez è Soc. Iesu habetur, qui  
 cum semel in plateâ, casu & non cum intentione  
 fœminam quampiam conspexisset, ab eadem Re-  
 gina in examine redargutus fuit. Ama illud P. Bal-  
 thasaris Alvares, qui cum in publico quodam actu,  
 cui interesse debuerat, oculos attollere nequivisset,  
 quin è regione constitutas fœminas videret, imagi-  
 nem Sanctissimæ Virginis, quam secum portare est  
 solitus exemit, & in ea 7. horas defixus mente & o-  
 culis inconnivis hæsit.

### STIMVLVS QVARTVS.

**C**onsidera. 4. Quanti virgineam suam pu-  
 ritatem fecerit Regina Virginum, siquidem ait  
 Greg. Nyssenus Oratione de Christi generatione.  
 Ange-



Angelus partum nunciat, at illa virginitati inhæret, & integritatem Angelicæ demonstrationi anteponendam iudicat. Pulchrè Simeon Metaphrastes in Oratione de vitâ & dormit B. V. Audi, inquit, puram vocem Virginis, Angelus partum annunciat, & illa adhæret virginitati, & neq; potest Angelo non credere, nec discedit ab his quæ statuerat. Pulchrè S. Bernardus Serm. 4. de Assumpt. Immobile, ait, virginitatis propositum, quod nec Angelo filium promittente aliquatenus titubavit. Sed pulcherrimè Blas. Vieg. Apoc. 12. Comment. de B. V. sect. 12. n. 4: dum asserit, probabile esse Mariam electuram non fuisse ut Dei Mater fieret, nisi certa simul esset de suâ virginitate. O Christiane! Disce hîc (verba sunt Cornelij à Lapide in Luc. Cap. 1. in vers. 34.) quantum virginitatis studium & amor fuerit in B. Virg. quia ipsa castitatem prætulit Angelico nuncio ait Nyssenus, ac Virgo esse maluit quàm Mater Dei præcisè, ait S. Anselmus: virginitas enim in se est virtus Deo gratissima, maternitas præcisè non est. Hæc ibi. Bernardus hom. 3. in Missus est. Virginem ita facit loquentem. Melius est mihi maledictum incurrere, quàm castitatem violare, nam licet video maledictum, sed non peccatum, hæc enim

A A A A

maledi-



maledictio, quid est nisi hominum exprobratio? O verba digna quę reponas Sodalis Parthenie, si quando ad illicita inviteris! O verba digna! ne excidant in chartis reponas, ipsumque calamum tantorum verborum testem Reginę Virginum offeras! Ast cave ne contingat quod Sodali illi de quo Bonifacius L. 5. Virg. hist. qui calamo ę Sodalitate quadam Partheniā furto sublato, dum ad amasiam scribere vellet, jamq; calamum furtivum manu sumpsisset, illicò sibi sensit alapam infligi, simulq; vox ad aures venit. Etiamne scelestę rem mihi dicatam temerare audes impuro nisu?

## MEMENTO UT DIEM SAB. BATI SANCTIFICES.

**E**xpugnandam omninò dixisses virginealem illam pudicitiam, de quā Pomer. Lib. 12. p. ult. C. 4. Aderat hostis fortissimus, aurum quod offerebatur, & de quo Poëta.

*Quid non mortalia pectora cogis*

*Auri sacra fames!*

Aderat speciosi adolescentis ad scelus invitantis decor, qui secundum Theophrastum, tacita est deceptio.



ptio: sed utrumque vicit virgineus animus. Aiebat Virgo. Malle se cadaver esse, quàm non Virginem. Cœlum pro thorace induit, dum per Deum obsecrat, per Mariam, per Sabbatinum qui tunc agebatur diem, integritati suæ parceret juvenis. O pugnam! ô voces Regina Virginum acceptissimas! Quæ columba inter accipitris unguis, non mortem potius quàm vitam exspectaret, acciperetque? Hæc vitam accepit, dum inter Vestales Deo sacras ab impuro juvene, liberaliter collocaretur. Putas ad hanc metamorphosin non risisse Cœlum? non exultasse Reginam Virginum Mariam? non fuisse magis illustratum Sabbatum?

C A P U T  
V L T I M V M.  
REGINA SANCTORVM  
OMNIVM.

*Hæc in Cœlis Regina Sanctorum, & in terris*

*Regina Regnorum est.*

Rupertus in Cap. 4. Cantic.

A A A A 2

STIMV.



## STIMVLVS PRIMVS.

**C**onsidera. I. Supremam illam dignitatem ad quam evecta est Maria, ut nimirum Regina sit Sanctorum omnium. Quare meritò cum S. Damasc. Lib. 4. de fide C. 15. eam vocare potes, rerum omnium conditarum Dominam. Cum S. Bonav. in Spec. Cap. 3. Dominam Cœlestium, Terrestrium, & infernorum. Cum Ephræm Serm. de Laud. Omnibus superis exercitibus gloriosiore. Dic cum B. Laurentio Iustinian. Serm. de Assump. Quicquid honoris, quicquid felicitatis habebatur in singulis, totum abundat in Maria. Dic cum Richar. à S. Laur. Lib. 2. de Laud. Virg. partic. 3. de Maria loquente. Nec comparavi illi lapidem pretiosum, id est, quemlibet Sanctum, quoniam omne aurum comparatione ejus arena est exigua, id est omnis Sanctus respectu Mariæ est sicut arena respectu auri. Dic cum Idiota Lib. 6. Sanctorum, inquit, omnia privilegia, ô Virgo, omnia habes in te congesta, nemo æqualis est tibi, nemo major te, nisi Deus. S. Anselm. de excell. Virg. Cap. 9. Mariam jure materno asserit, Cœlo, terræque cum Filio suo esse



esse præsidem. S. Antoninus 4. par. tit. 15. C. 22. §. 9. ait. Illam propter Christum Imperatricem & Monarcham esse Mundi. Concludat Arnoldus Carnotensis. Christus Dominus, Maria Domina, constituta quippè est super omnem creaturam, & quicumque Iesu curvat genù, Matri quoque pronus supplicat. Hæc ipse. Ingemisce ô homo! te hucusq; adeò dehonoraſſe tam ſublimem Reginam, cui jure quodam competere affirmat Anſelm. de excell. Virg. C. 9: ut illam omnis creatura ſummam Dominam & Dominatricem agnoſcat, ſuſpiciat, & honoret. Ah quàm rarò ſuſpexiſti! quàm rarò ut Dominam tuam ſalutaſti! cum tamen Anatholius Auctor Græcus in Cantico aſſerat. Quæ ab æterno prædeſtinata fuerat ut Dei domicilium, divinumq; ſempiternæ naturæ Templum foret, hæc univerſorum Regina jure ſalutatur. Age igitur ô peccator, age, & ad pedes clementiſſimæ Regi-næ proſtratus, veniam ſupplex pete, nam ait Bonav. in Spec. Non ſolum inquit, in te peccant ô Domina, qui tibi injuriam irrogant, ſed etiam qui te non ro-gant. Age & Sanctorum omnium ſuffragia poſce confidenter. O te ſœlicem ſi impetres! ô te beatum ſi ad tua vota pertrahas Reginam Sanctorum om-nium!



nium! quia par est credere ut scribit fortissimus Christi Athleta. P. Edmundus Campianus Orat. de tutelâ & defensione B. Virg. pag. 210. etiam tum cum hæc Virgo procurationem nostram suscipiens ad calamitates nostras deprecandas prodierit, tum, inquam, universam illam regalis Aulæ coronam, tum illum Confessum beatissimum Angelorum ac Divorum omnium, unâ sese ad supplicandum dedere, sese prosternere, voces attollere, suamque Reginam supplicantem ardentissimis votis cingere, plenissimisque suffragijs comitari.

## STIMVLVS SECVNDVS.

**C**onsidera. 2. Non per metaphoram & similitudinem, sed verè ac propriè Mariam esse Reginam Sanctorum omnium, & quidem non titulo Sponsæ, quem ei defert Anselm. Lib. de excel. Cap. 11. cum enim non propriè Sponsa sit Dei, sed solum per similitudinem, nec propriè ex hoc capite erit Regina, sed æquè duntaxat per similitudinem. Inquies: propriè Reginam esse titulo humilitatis quo Regiam dignitatem sibi comparavit, juxta illud D. Ildephonsi, in serm. de Assump. qui de Ma-  
ria



ria ait. Ipsa propter humilitatem Regina nostri Orbis dicitur: at ne hoc quidem titulo, quo omnibus prælata est excellentiâ sed non potestate. Denique unica & præcipua Mariani imperij Regniq; radix, est maternitas, ob quam non metaphoricè ac improprie, sed germanè & proprie omnium creaturarum est Regina. Pulchrè Damascen. Orat. 2. de Assump. Oportebat Dei Matrem ea quæ filij erant possidere, atque ab omnibus rebus conditis ut Dei Matrem adorari. Quanquam enim semper ita comparatum est, ut hæreditas à parentibus ad filios devolvatur, nunc autem ut eruditi cujusdam Viri verbis utar, sursum sacrorum fluminum fontes fluunt, etenim filius matri res omnes conditas in servitutem addixit. Pulchrè Arnoldus Carnotensis in tractatu de Laud. Virginis. Nec à dominatione vel potentiâ filij mater potest esse sejuncta. Pulchrè D. Athan. in sermone in Evangelium, ubi sic habet. Quandoquidem ipse Rex est, qui natus est ex Virgine, idemq; Dominus est DEVS, eapropter & Mater quæ eum genuit, & Regina & Domina & Deipara proprie & verè censetur. ita ille. Quod si magis arrideat Damasc. Lib. 4. de fide Cap. 15. audi quid eo loco dicat. Verè rerum omnium conditarum



rum Domina effecta est, cum Creatoris Mater ex-  
titit. Audi etiam quid in Cap. 4. Cantic. adnotet  
Rupertus. Hæc in Cælis Regina Sanctorum, & in  
terris Regina Regnorum est, quandoquidem est  
Mater Regis coronati, quem constituit Dominus  
super opera manuum suarum, ac proinde Regina  
constituta totum jure possidet Filij Regnum. Hæc  
ibi. Ait S. Bonav. in Litanij. Sancta Maria cui San-  
cti & Sanctæ congaudent & gratulantur. Apud S.  
Iacobum in Liturgiâ habetur. Tibi ô plena gratiæ  
universa creatura gratulatur, Angelorum cœtus &  
hominum genus. O Christiane! tu ergò solus ta-  
cebis! tu non gratulaberis Virgini de regiâ hâc di-  
gnitate! de tot gratiis ac privilegiis quibus eam cu-  
mulavit Cœlum! Audi quid loquatur Bernardus  
Serm. 1. de Assump. Planè congratulabimur ei,  
nisi fortè quod absit, inventrici gratiæ invenia-  
mur ingrati.

### STIMVLVS TERTIVS.

**C**onsidera. 3. Quàm latè pateat Regiæ hu-  
jus imperium, quæ non hominum solum, sed  
etiam Angelorum verè ac propriè Regina est, ha-  
betque jus in Angelos, homines, dæmones, rarione  
cujus



cujus verè ac propriè servi illi mancipati, vel mancipia sub ejus ditione constituta appellari debent. Adde. Sub ejusdem dominio esse omnes alias irrationabiles creaturas. Quarè meritò Ephràm Orat. de B. V. eam Reginam supernorum Civium compellat. Ildeph. Serm. 3. de Assum. Reginam Regum. Rupertus Reginam Regnorum prædicat. Breviter sed nervosè de eâ loquitur Cap. 3. in Spec. Bonav. Revera Domina est Cœlestium, terrestrium & infernorum. Domina inquam hominum, Domina Angelorum, Domina dæmonum. Audi efficacissimè loquentem D. Bernardinum tom. 1. Serm. 61. art. 3. Cap. 6. Tot creaturæ serviunt gloriøsæ Virgini, quot serviunt Trinitati, omnes enim creaturæ quemcunq̃ue gradum teneant in creatis, sive spirituales ut Angeli, sive rationales ut homines, sive corporales ut corpora cœlestia, vel elementa; & omnia quæ sunt in Cœlo & in terra, sive damnati, sive Beati, quæ omnia sunt divino imperio subjugata: eadem gloriøsæ Virgini sunt subjecta; ille enim qui Filius Dei est, & Virginis Benedictæ, volens paterno principatui principatum æquiparare maternum, ipse qui DEVS erat, Matri famulabatur in terrâ, & erat subditus illis. Propterea hæc est ve-



ra propositio. Divino imperio omnia famulantur etiam Virgo. Et iterum hæc est vera. Imperio Virginis omnia famulantur, etiam Deus. Hæc ille. O non hominem! ô bestiam! ô lapidem! qui tantæ Reginæ famulari recusat. Servire huic REGINÆ, ait D. Anselm. regnare est, & inter illius mancipia numerari plus quam regium. O infœlicem! qui ab hac omnium S:S: Reginâ se separat! ad hanc misericordiæ Reginam non accurrit! Eruditè S. Bernardi. Serm. 61. in Fer. 4. post Pascha, art. 1. Cap. 3. Plus, inquit, ei convenit hoc nomen Reginæ misericordiæ, quàm si dicatur Imperatrix: nam Imperatrix est nomen magni timoris, atque rigoris; Regina autem plus est nomen providentiæ & æquitatis.

### STIMVLVS VLTIMVS.

**C**onsidera ultimò. Splendorem atq; majestatem Reginæ hujus, jam in cœlesti Regiâ residentis. De throno ejus loquens Anselmus de excell. Virg. Cap. 8. DEVS, ait, eam cunctæ secum creaturæ perenni jure dominaturam in throno gloriæ suæ collocavit. Ratio naturalis, inquit S. Bernardin<sup>o</sup> tom. 3. Serm. 3. de Nom. Virg. art. 2. C. 1.  
ex gra-



ex gratuita lege dictat, quod Mater Regis omnium est in sede Regiâ, super omnes ministrorum ordines collocanda. B. Petrus Damianus, Serm. de Assum. vocat illam Reginam sedentem à dextris Domini virtutum. De coronâ ipsius gratiosè Bernardus. Quis illas ait æstimet gemmas: quis stellas nominet, quibus Mariæ regium diadema compactum est. Bonav. in Spec. Cap. 6. inquit. Revera in capite ejus Rex Regum diadema posuit tam impretabile, tam delectabile, tam mirabile, quod hoc omni linguæ inennarrabile, omni ingenio inscrutabile est. De chlamyde regiâ, usurpa illud Davidis, Psal. 44. Astitit Regina à dextris tuis in vestitu deaurato. Illa enim est mulier illa Apocalyptica Cap. 12. amicta Sole. Nullus, inquit S. August. Lib. 4. de Symb. ad Catech. Cap. 1. hunc locum Apocal. tractans: vestrum ignorat, mulierem illam, Virginem Mariâ significasse. Quod si scabellum pedum ejus inquiras, accipe illud Apoc. 12. Luna sub pedibus ejus. S. Antoninus 4. p. tit. 15. Cap. 20. §. 2. Luna, inquit, quæ Ecclesiam significat Apoc. 12. sub pedibus est Virginis, non tantum sub ejus patrocinio, verum etiam sub ejus est dominatione ac potestate. Si Aulicos cernere cupias: en sexaginta fortes qui



Lectulum eterni Salomonis ambiunt. Meritò etiam de Cœlesti hac Reginâ legit Ecclesia, illud Ps. 44. in Missa Vigiliæ Assumptionis. Vultum tuum deprecabuntur non tantum ex inferioribus, sed ipsi divites plebis, nimirum magni & præcipui Sancti, quod de Virgine intelligit Gregor. II. Papa, Epist. ad Germanum. Si divitias & facultates tantæ Reginæ scire aves, adi S. Bonav. qui tractans in Spec. Lect. 2. illa verba Salomonis. Multæ filiæ congregaverunt divitias, tu supergressa es universas, Proverb. 31. ait. Si filias istas intelligimus Sanctas animas, vel intelligentias Angelicas, nunquid non supergressa est Deipara divitias Virginum, Confessorum, Martyrum, Apostolorum, Prophetarum, Patriarcharum. & Angelorum? cum ipsa sit primitiva Virginum. Speculum Confessorum. Rosa Martyrum. Registrum Apostolorum. Oraculum Prophetarum. Filia Patriarcharum. Regina Angelorum: quid enim illi de divitijs omnium horum defuit? Hæc Bonav. Non defuit tibi, inquit ad ipsam Idiota, C. 1. Contempl: puritas Angelorum. Non fides Patriarcharum. Non scientia Prophetarum. Non zelus Apostolorum. Non patientia Martyrum. Non sobrietas Confessorum. Non inœcentia & humilitas Virginum.



ginum. Pulchrè Angelicus Doctor Opusc. 3. Alij  
 inquit Sancti, specialia quædam opera virtutum ex-  
 ercuerunt, quia alius fuit humilis, alius castus, alius  
 misericors, & ideo ipsi dantur in exemplum specia-  
 lium virtutum, sicut B. Nicolaus in exemplum mi-  
 sericordiæ, &c. Sed B. V. in exemplum omnium vir-  
 tutum. O exemplum nobilissimum! ô exemplum  
 illustrissimum! & tamen: proh pudor! proh dolor!  
 quàm pauci hoc exemplo moventur! quàm multi  
 abutuntur! è quorum numero ne unus sim ego.  
 AGE TV Ô AVGVSTISSIMA COELI TERRÆQVE  
 DOMINA. Age Regina Sanctorū omnium Maria.  
 Age, & potenti dexterâ tuâ clientem defende. Fac  
 tu mihi semper sis idæa, & virtutum exemplar,  
 quod incessanter sequar. Fac tu sola mihi sapias,  
 mundi deliciæ desipiant omnes, juxta illud Richar-  
 di, Lib. 2. Laudum, Cap. 3. Maria universas mundi  
 delicias, convertit in amaritudinem de se fideliter  
 cogitanti. Et si olim Hebræi terrenam suam Ierusa-  
 lem in annulis sculptam deferebant, cum Babylone  
 exules essent. Fac te continuò in corde meo, exul  
 ego gestem, imò tu cor meum in corde tuo, ut veri-  
 ficetur illud. Vbi est thesaurus tuus, ibi est cor tu-  
 um. Fac deniq; ut quod demississimo offero affe-



ctu, tu benignissimâ manu suscipias, eâ manu, quæ caprarum pilos à purpurâ, à cocco, à bysso discriminare non novit. Malui (verbis utor Richard. à S. Laurent. Prol. 1. de Laud. Virg.) cùm mihi deessent coccus, & hyacinthus, & byssus, & purpura, de pilis caprarum devotus offerre, quàm in conspectu Beatæ Virginis vacuus apparere. Accipe ergò exilem quem in tui laudem hodiè vulgo Librum. Accipe quod unâ, in signum mei in te amoris dono Cor. Cui inscribo. TIBI VIVO. TIBI MORIOR.

## MEMENTO UT DIEM SABBATI SANCTIFICES.

**F**inis coronat opus. Sabbatum ergò pro fine offero Christiane Lector. O te millies foelicem ! si hinc Sabbato abeas, ad Cœli lauros, ad Cœli coronas, ad Reginam Sanctorum omnium Mariam. Vt abeas

**Memento ut diem Sabbati sanctifices.** Adorabit ad ostium portæ ejus, omnis populus in Sabbatis, ait Ezechiel, Cap. 46. Et tu quid ? Vnusquisq; vestrum: inquit S. Ignati<sup>9</sup> Episc. Mart. Ep. 3. ad Magnesianos : Sabbathizet spiritualiter, meditationi



tionis legis congaudens. Et tu quid? Olim apud Iudæos, ad Sabbatum colendum, tubâ vel cornu signû datum, quemadmodum Liber, cui titulus Synagoga testatur. Et tu sanctioribus tubis, hoc est aliorum exemplis nedum excitus, nedum Christianum Sabbatum coles? Singulos hebdomadæ dies Hebræi olim Sabbatum nuncuparunt. Tibi vel unica dies Sabbatum non erit? Non me latet S. Augustinus. Ser. 22: inter novos, ubi ait. Ille verè observat Sabbatum, qui non peccat. Ast plura à te requirit Christiana pietas, etiam supererogationis opera pro Sabbato flagitat. Tu ergo

**Memento ut diem Sabbati sanctifices.**

Innocentio IV. Summo Pontifice, Sanctissimam Divi Dominici Familiam persequente, ad Litanias inter alias preces, ut refert Bzovius ad annum 1254. conclamatum est, quæ dum Romæ à FF. Dominicanis recitarentur, visibilis uni comparuit Regina Sanctorum omnium, visa eam Filio commendare: mortuo paulò post Pontifice, in proverbium Aulae Palatinæ abiit. A Litanis Prædicatorum libera nos Domine. O Christiane! ô Sodalis Mariane! Vis immurmuret infernus? Vis intonent dæmones?

à Lita-



à Litanijis Lauretanis libera nos Domine. Sabbatis  
singulis, si non crebrius, eas percurrere. Ad eas cate-  
ros etiam hortare. Consalvius Silveria è Soc. Iesu.  
Monomotapam navigans, summâ animi conten-  
tione, in navi de Mariæ Laudibus dixit, instituitq;  
Navarcho probante, Litanix Virginis primò Sab-  
batis, tum diebus singulis solemniter decantaren-  
tur. O quàm facile, vel Litanijis multiplices in Cœ-  
lo coronas promereri posses! Cœlo, crede mihi, non  
desunt coronæ quibus coroneris, ne desint capita  
quæ coronentur, Tu ergò illis ipsis

**memento ut diem Sabbati sanctifices.**

**AD MAIOREM DEI, COELITVMQVE GLORIAM,  
ET POST DEVM, HONOREM MARIÆ.**

**Cui inscribo illud Methodij in Hypap. ad Virg.**

**Tu Festi nostri Principium.**

**Tu Medium.**

**Tu F I N I S.**

**INDEX**



# INDEX RERVM

## Quæ hoc Libro continentur.

### A

Ab Altari B. V. vox prodit.	386
Abbatiss cujusdam consilium.	244
Abbatiss cubiculum ingredi reuult	
Beatissima Virgo.	150
Acu pingenti adest B. V.	229
Adoranda cur, & quomodo B. V.	298.
293. 295.	
Alapam accipit	38. 164. 546.
Albertus Magnus flet.	10.
Alexandri Cardin. Vrſini pietas	392
Alphonſus Rodriquez à B. Virg.	
monitus	38.
Alphonſus idem reprehensus	544
Alphonſi ejusdem viſio.	261
Amabilis B. V.	125
Amor Dei erga B. V.	46. 125
Amor B. V. erga Deum,	46. 57. 305.
Amore moritur B. V.	477
Amor P. Martinez in B. V.	127.
Amor aliorum.	128. 133. 172. 469.
Amplexum denegat B. Virgo.	245.
Angelica ſalutatio.	224. 349. 465.
Angeli ſerta deferunt.	543.
Angeli pro B. V. aërem purgant.	474.
Annulum offert B. V.	229.
Annulo honoratur B. V.	250. 542.
Annunciatio B. V.	23. 297
Apparitiō B. V. cum horridâ lance.	343
Aſpectus B. V. optandus.	77. 147.
Aſpectus mutui Chriſti & B. V.	
in Cœlo.	133.
Aſſumptio B. Virg.	378.
Auctores Antiphonarum B. V.	208.
Aurum donat B. V.	362.

### B

P. Balthaſaris devotio.	349. 544.
Bellatrix egregia B. V.	458.
Bellarmini Card. legatum.	127.
Beneficia à B. V.	63. 136. 166. 196.
338. 363. 376.	
B. V. ad benefaciendum promptior	
Sanctis.	536.
Benedictionem morienti dat B. V.	511.
S. Bonav. cur in D. Lucam ſcri-	
pſerit.	210.
B. Borgiæ in B. Virg. reverentia.	408.

### C

Calamus furtivus.	546.
Campanile inclinari viſum.	25.
Campanæ ſpontè ſonant.	367.
Canonicus ſubmerſus, per B. Virg.	
revixit.	120.
Cardinalis ope B. V. viaticum.	
ſumit.	55.
Cardinalis Oſius ad Caniſum.	
ſcribit.	213.
Caſtitas Beatiffimæ Virginis.	79.
Cerei ardentes non minuuntur.	331.
Cereus extinctus denuò vivit.	399.
Chriſtus à B. V. circumciſus.	170.
Chriſtus per B. V. noſter frater.	49.
Chriſtus coram B. V. flexit.	194.
Chriſtus B. V. tutelæ tradit.	235.
Cibus per Angelum Beatæ Virgi-	
ni deferretur.	474.
Cibum in lance ſordidâ offert B. V.	15.
Cilicium geſtat B. V.	323.
Clericus ob B. V. cæcitatē eligit.	499.

CCCC

Commu-



## C

Communio monialium illustis.	75.
Conceptio Beatæ Virg.	105. & seqq.
Conciones à B. V. inchoare.	210.
Concionaturo affert Lib. B. V.	263.
Confessio de coelo cadit.	74.
Confess. non integrā deflet B. V.	241.
Confirmata in gratia B. V.	96.
Conformitas B. V. ad Divinam voluntatem.	522.
Contemplatio B. V. dormientis.	312.
Conventio de B. V. loquendi.	209.
In Corde lapillus repertus.	318.
De Coronis.	392. 400.
Coronat animam B. V.	370.
Cubiculo egressurus fac quod Fol.	255
Cubiculum ingressus fac quod	<i>ibid.</i>
In Curru aureo visa B. V.	387.

## D

Dæmonibus timenda B. V.	14. 218.
	220. 331. 461.
Dæmonibus quæ exosa.	16.
Deicias in Religioso averfatur.	
Beata Virgo.	413.
Dentes excuffos restituit B. V.	229
Devotionem interrompere, peri- culofum.	245. 349.
Dionys. Areop. de B. V. sensus.	142.
Distractio fugienda in Oratione.	305.
Doctrina à B. V. accepta.	263.
Dolor B. Virginis.	512.
Dominæ titulus convenit B. V.	5.
S. Dominici visio.	232.
Dominicanorum olim titulus.	160.
Dormitantem excitat B. V.	358.
Dubia B. V. aperienda.	181. 266.
Dulcedo ex nomine B. Virginis.	12.

## E

Electuarium B. Virg.	362.
Elecmofynæ præstantia,	436.

## E

Elogia aliquor. Vet. Testam.	489.
Episcopum monet B. V.	271.
Epistolæ B. Virginis.	185.
Epistola Cælo lapsa.	101.
Errorē dedocet B. Virgo	337.
Eucharistia.	54. 294. 310. 509.
Exercitia S. Ignatij juvit B. V.	263.

## F

Famentem pascit B. Virgo.	284
Ferdinandus II. calculo Beatæ Virginis electus.	65.
Festivitates B. Virginis celebrant Angeli.	135.
Fides Beatæ Virginis.	487.
Fidem confirmat B. Virgo.	264.
Filium ex sinu B. Virg. accipit.	347.
Francisci Retz. inter studend. pietas.	336

## G

Gaudium ex B. V.	126.
Gloria B. Virginis supra cœlites.	148.
Gratia B. Virginis.	56. 145. 285. 310.
Gratiæ augmentum.	57.
Gratias agit B. V.	31. 59. 210. 243.
	335.
Gratitudinem docet.	33. 200. 243.
	279. 343. 394. 400. 486.
Gratia uni concessa, non alteri.	150.

## H

Habitare in loco B. V. sacro.	364.
Hæres fit B. Virg.	127.
Honoratur ab Imp. B. V.	463.
Horas cum alio percurrit B. V.	417.
Horā in quo expendere quotidie.	490.
Hortari ad cultum B. V.	400.
Humilitas stupenda B. V.	230. 351.
Hungari in B. V. devoti.	13.
S. Hyacinthi fuga cum V. Sacr.	509.
Hymnus maxime placens B. V.	209.
	Iacobi



# L

489.	Iacobi Apost. fructus in Hisp.	375.
271.	Iesus B. V. dorsum vertit.	463.
185.	Ieiunium Iudææ ob nomen B.V.	13.
101.	Imago B. V. caput inclinat.	27.
337.	Imago illius libidini resistit.	274.
509.	Imaginem in galero gestare.	317.
263.	In insignibus. 415. in bello.	254.
	inter studendum. 267. inter	
284.	orandum. <i>ibid.</i> De imagine Bea-	
	rissimæ Virg. 195. 277. 421.	
65.	Ab imagine vox. Mentiris. 276.	
	Incarnationi Verbi. 26. 40. 161.	
135.	Indulgentiæ ob nomen B. Virg.	3.
487.	Ob Salutation. Angelicam.	25.
264.	Ob Festum Conception.	107.
347.	Ob Sabbatum.	104.
	Ob Antiphonas.	208.
336.	Injuriæ in B. Virg.	300. 496.
	Innocentius III.	278.
	Invocanda præ Sanctis B. V.	62. 244.
126.	Invocatio ejus nominis efficax.	11.
148.	12. 220. 300. 370.	
310.	Ioannem XXII. allocuta B. V.	200.
57.	S. Iosephus.	391.
243.	Irreverentia in B. V. castigata. 25.	200.
	Iudææ ad B. V. recursus	286.
243.	Iudæorum de B. V. sensus.	69.

# L

150.	Laborem suadet B. V.	335.
	Lactati à B. V.	65. 170. 283. 362.
364.	Lachrymæ B. V.	241. 515.
127.	Lapilli salutationem Angelicam	
463.	præ se ferunt.	224.
417.	Lapis in quo oravit B. V.	503.
490.	Laudare Beatissimam Virg.	31. 274.
100.	336.	
51.	Laudatur B. V. ab hæreticis.	211.
13.	Laudari sat nequit B. Virgo.	296.
09.	Laudat quendam B. V.	325.

# L

Lauretana Domus.	365. 507.
Lectio Libri sœculenti.	268.
Lectos conspergit B. Virgo.	544.
Leges Sodalit. non temnendæ.	376.
Liber est B. V.	262.
Lilia testantur virginitatem B. V.	89.
Lilium ex ore mortui.	497.
Lilia B. Virg. oblata.	89.
Litaniæ Lauretanæ.	143.
Lunæ assimilatur B. Virgo.	404.

# M

Magdalena Ducissa Bavariz.	146.
Mahometani Beatissimam Virgi-	
nem laudant.	69.
Mancipare se B. Virgini.	7. 246.
Manum amputatam restituit.	325.
Manum exrendit ad Herman.	288.
Mariæ Ogniacensis devotio.	334.
Mater nostra est B. V.	133. 173. 235.
Meritum Beatæ Virg.	55. 58. 147.
148. 170.	
Meretur dormiens.	312.
Missam audiebat B. V.	311.
Moribundi ex B. V. solatium.	278.
Mortificationes B. Virginis.	323.
Mundus absque Beata Virgine	
interijisset.	233.

# N

Nativitas Beatissimæ Virginis.	406.
Nomen B. Virginis. 1. & seqq.	275.
328. 479.	
Nomina quorundam apud B. V.	249.
Novitijs timuit B. Borgias.	158.
Novitijs orantibus adest B. V.	304.

# O

Obedientia Angelorum in B. V.	475.
Odor ex B. Virg.	11. 289. 319.
Ollas tergere.	77.
BBBB 2	Ora-



## O

Oratio B. Virg. efficac. 102. 216. 217.  
 219. 233. 405. 480. 550.  
 Orat flexis genibus B. V. 232.  
 Orationem B. V. desiderat Deus. 198.  
 Oratio ad B. V. falsal. 244.  
 Osculum dat B. Virgo. 49. 135.  
 Osculum sibi dari petit B. Virgo. 230.

## P

Pallium B. Virg. 175. 241. 242. 425.  
 Panem suis manibus conficit B. V. 276.  
 Patientia B. Virginis. 521.  
 Patroni Vrbin. &c. 65.  
 Peccati expers B. V. 69. 71. 91. 95.  
 Peccatorum asylum B. V. 61.  
 Pecuniam dat B. Virgo. 276.  
 Peregrinatio B. Virginis. 270.  
 Periculum innuit B. V. 338.  
 Pestis Romana. 434.  
 Petrus Veronensis. 488.  
 Planetarum effectus. 535.  
 Potentia B. V. præ Sanctis. 217.  
 244. 405.  
 Potum offert B. Virgo. 313.  
 Praxis gratiosa orandi. 332.  
 Praxis pro morte. 222.  
 Praxis proficiendi. 172.  
 Prædictiones B. Virginis. 495.  
 Præsentia B. Virginis lætificat. 180.  
 Privilegia B. V. 144. 147. 197. 548.  
 Protestationes. 154. 155. 351.  
 Psittacus in B. V. reverens. 222.  
 Pulchritudo B. V. 45. 129. 142. 147.  
 250. 345. 499.  
 Pulchras facies declinare. 38.  
 Pulsus campanæ vesperi. 25.  
 Purgatorium. 442.

## Q

Querelæ Beatæ Virg. 280. 344. 457.

## R

Realinus à B. V. monitus. 27.  
 Reliquiæ B. Virginis. 53. 460.  
 Remed. contra fœda phantas. 36.  
 Reprehendit B. Virgo. 245. 544.  
 Rosa ex ore mortui. 328.  
 Rosarium. 326.

## S

Sacellum B. V. viventis. 507.  
 Sacramenta suscepit B. V. 310.  
 Sacristæ officium obiit. 231.  
 Saga Coll. nocere nequit. 199.  
 Sagæ se opponit B. V. 242.  
 Salutanda B. V. sæpè. 278.  
 Salutat aliquos B. V. 243.  
 Salve Regina recitatum. 243. 374.  
 Sancti gratias agunt. 21.  
 Scientia B. Virg. 259. 493. 504. 530.  
 Sepeliri in loco B. V. sacro. 364.  
 Servire B. Virgini. 387. 553.  
 Servi B. Virginis discernentur in  
 Cælo. 192.  
 Severitas B. V. 103. 376.  
 Sigillum cum effigie B. V. 187.  
 Silentium Beatæ Virg. 182.  
 Similitudo B. Virginis & Christi. 43.  
 Singularitas fugienda. 337. 529.  
 Soc: Jesu offert B. Virgo Gene-  
 ralem. 138.  
 Ad Societatem vocat. 64.  
 Sodalitum instituitur. 209.  
 Sodalitum oblectat morientem. 227.  
 Sodalitum constans in Sodalitio. 140.  
 Sodalitio expungi periculosum. 268.  
 Splendor Beatæ Virg. 6. 397. 308.  
 Sponsam se offert B. V. 132.  
 B. Stanislai cerramen. 142.  
 Strato quendam imponit B. V. 230.  
 Sudorem abstergit. 335.  
 Suffragia profunt. 389.  
 Suspicio vitanda. 241.  
 Suspi-



S		V	
Suspirium B. Virginis potens.	218.	Venenum per B. V. superatum.	255.
T		Vestem affert B. Virgo.	33. 150.
Te Deum laudamus.	164.	Veste albâ utentes.	387.
Templorum Beatæ Virg. 80. mil-	207.	Verulæ instar comparet Beatif-	
lia in Hispania.	6.	simâ Virgo.	245.
Templum B. Virg. mortuus petit.	530.	Virginitas B. Virg.	29. 537.
Templi incola B. Virgo.	241.	Virtutes B. Virginis.	251. 287.
Tentato in Societ. apparet B. V.	311. 345. 388. 490.		
S. Tereſia offert Beatissimæ Vir-		Visio essentiæ Divinæ.	308.
gini claves.	508.	Vitis prodigiosa.	41.
S. Thomas laudat Beatissimam		Votum Virginitatis.	22. 37. 540.
Virginem.	198.	X	
Titulus B. Virgini gratissimus.	143.	S. Xavier.	307.
V		Z	
Venæ apertæ curam habet B. V.	229.	Zelus Beatissimæ Virginis.	388.

## INDEX SABBATORUM.

A	
Alphonſus Salmeron de B. Virgine Sabbatis perorat.	213.
Angelici concentus Sabbatis auditi.	29. 201.
Anima sub specie stellæ Sabbato Cælum petit.	410.
Apparet Sabbato B. Virgo cum Salutatione Angelicâ.	382.
Arsenij examen Sabbato.	78.
S. Augustinus Sabbato baptisatus.	104.
B	
Beneficia Sabbatis collata.	151. 281.
Boves à meridie Sabbati laborare nolunt.	340.
Cccc 3	
	Car.



## C

Carnium esus Sabbato vitandus.	237.
Casulam Sabbato offert Beatissima Virgo.	39.
Christus operatus Sabbato miracula.	51.
Cilicium Sabbato gestare.	526.
Communio Sabbatina.	124.
Concepta Sabbato putatur B. Virgo.	<i>ibid.</i>

## D

Dæmon quæ Sabbato notârit.	536
Devotione Sabbatina devincienda Beatissima Virgo.	465.
Dies apud Hebræos Sabbatum.	519.
Domus aurea Sabbat. cultori ædificatur.	368.

## E

Ecclesiam ingressus videt B. V. in Cathedrâ.	39.
S. Elzearius Comes Sabbatis mira audit, intelligit quæ.	277.
Extasis Sabbatina S. Ignatij.	536.

## F

Fabula Judæorum de Sabbato.	258.
Fabula Rabbi de Sabb.	382.
Festum Compassionis Sabb.	526.

## G

Gratias agit Beatissima Virgo ob cultum Sabbatinum.	225.
---	------

## H

Harmonia nocte Sabbatum præcedente.	281.
Henricus II. Angliæ Rex.	340.
Hispania quæ lumina Sabb. vidit.	201.

## I

Iejunium Sabbaticum.	440.
S. Ildephonsi Lectiones pro Sabbatis.	29.
Imago Beatæ Virginis Sabb. aperta.	165.
Indulgentiæ pro Sabbat.	104.
Judæorum Sabbatum.	104.
Libe-	



# L

Liberalitas Sabbato.	313. 368.
Lingua Sabbato abscisa restituitur.	214.
Litanæ B. Virginis Sabbato.	560.
S. Ludovici humilitas Sabbato.	78.

# M

Mendacium Sabbatinum maximè vitandum.	510.
Miles quidam Sabbato abstinet à peccato.	17.
Mors Sabbatina.	395. 410. 492. 526.
Mortificatio Sabbatina.	258. 292.
Mulieris impuræ pietas Sabbatina.	90.

# N

Narratio alicujus hist. Sabbato.	213.
----------------------------------	------

# O

Oculus cæcus videt Sabbato.	52.
-----------------------------	-----

# P

Periculum evadit Sabbati cultor.	247.
Purgatorium Sabbato relaxatur.	454.

# Q

Quadragesimæ Sabbata honorare.	213. 225.
Quiescere Sabbato à labore.	340.

# R

S. Radegundis Sabbato leprosum abluir.	78.
Rosa in sepulchro Sabbatini cultoris.	329.
Rosarium Sabbatinum.	511.
Rusticus Sabbati cultor aurum reperit.	67.

# S

Sabbatum Beatæ Virgini sacrum.	466. 491. 511.
Salutatio Angelica Sabbato.	302.
Salve Regina Sabbato.	481.
Salus Sabbatinâ pietate.	179.
Seba-	



**S**  
Sebastianus Rex, duobus Sacris Sabbato adest. 140.

**T**  
Templum exciter, monetur Sabbato. 354.  
Templum Beatæ Virginis Sabb. invisere. 353.

**V**  
Venturini Sabbatina Concio. 213.  
Vigiliæ Sabbatinæ. 422.  
Virgo Sabbatum opponit. 547.

**Z**  
Zelus Sabbatinus Gregorij XIII. Pontificis Maximi. 272.

**F I N I S.**





40.

54.

53.


13.

122.

547.

172.







154  
175  
V. As. et.

F. VII. 2 1000,-



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



04512



761456

F. VII. 2

1000,-



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



04512



175  
V. Anet.



